

LXX.

DISPUTATIONES THEOLOGICÆ,
adversus
PONTIFICIOS:

Quibus omnes inter Evangelicos &
Pontificios Controversiæ continentur, &
excutiuntur: In gratiam SS. Theologiæ Stu-
dioforum in Academiâ LEYDENSI pri-
vatim instituta, in

Collegio Anti-Bellarminiano,

PRÆSIDE
FESTO HOMMIO,
Eccl. Lugdun. Pastore.

*Editio secunda; adjectionibus in
margine locupletior.*



478. 12. 67

OXONIÆ,

Impensis GVILIELMI TVRNER
Celeberrima Academia Typographi.

Anno clc. lcc. xxx.



242:99

Illustrissimis & Inviictissimis
PRINCIPIBUS
D. MAVRITIO,
PRINCIPI ARAVSICANO,
COMITI NASSOVIO,
MEVRSENI, ETC.

&
D. GVILHELMO
LVDOVICO COMITI
NASSOVIO, ETC.

Fæderatæ & Reformatæ
BELGICÆ
GVBERNATORIBVS,
Religionis Reformatæ & Libertatis
Belgicæ Assertoribus strenuissimis.

ILLVSTRISSIMI ET IN-
VICTISSIMI PRINCIPES



ANTA sunt, ac tam in-
gentia inclytæ Domus
Nassovicæ, & imprimis
vestra in Belgicam no-
stram merita, ut nume-

rum, aut magnitudinem eorum, nec
animo concipere, nec verbis exprimere
quis possit. Cum enim superiori sæculo
Belgica impio Antichristi jugo, & imma-
ni crudelitate Hispanicâ, indignum et mi-
serandum in modum oppressa jaceret, DEVS
patriæ nostræ, & quæ in illâ colligebatur,
Ecclesiæ suæ, clementer misertus, Augu-
stam hanc domum restituendis gravissi-
mè afflictis rebus, et restitutis conservan-
dis divinitus excitavit. Quod avitâ Li-
bertate fruimur, quod DEVM sincere se-
cundum verbum ejus colimus, & securè
sub ficu nostra adoramus, quod bona no-
stra in pace possidemus, quod extra patriâ
extorres nō aberramus, quod bonis et dig-
nitatibus injuste non spoliāmur, imò
quod aquis, laqueis, gladijs, & ignibus
crudelissimè nobis vita quotidie non eripi-
tur, beneficia sunt, quæ secundum DEVM
for.

fortissimis Domus Nassovica Heroibus
accepta imprimis sunt referenda. Nā, ut
silentio prætereā quamplurimos Patruo-
rum, Fratrum, & Patrueliū vestrorum,
Egregias animas, quæ sanguine nobis
Hanc patriam peperere suo, vnus ille
illustrissimæ memoriæ PRINCEPS GYIL-
HELMVS, Pater & Patruus vester, cui
facta heroica omnem fidem superantia, &
virtutes incomparabiles omni imitatione
maiores, meritissimè MAGNI cognomē pe-
pererunt, & quem Belgæ omnes haud de-
generes Patrem Patriæ gratis animis
agnoscunt, tanto Belgicam nostrā Benefi-
ciorū cumulo oneravit, ut ijs etiā recensē-
dis impares sumus. Verè enim fuit ille Mo-
ses noster, per quem Deus nos ex servi-
tute Hispanicā, quavis AEgyptiacā longe
duriorē, quā non tantum corpora contra
omne ius humanum, sed etiam animæ con-

tra omne fas divinum, crudelissimè et gra-
vissimè opprimebantur, potenti dextera
in hanc, qua nunc fruimur, Libertatem
omni vita pretiosiore, asseruit & vin-
dicavit, Universis mundi populis magni-
tudinem rei stupentibus, et Hispano Pha-
raone ringente, ac nequicquam totis viri-
bus obnitente. Atque hæc beneficia nobi-
lissimo sanguine suo tandem quasi obfig-
navit, nefario ac sceleratissimo parricidio
ab hostibus patriæ domi suæ trucidatus.
Amplitudinem horum beneficiorum Vos,
Illustrissimi Principes, præclarissimis &
nunquam satis deprædicandis meritis ve-
stris eum in modum adauxistis, ut Belgis
omnibus ingratis sit moriendum, cum tã-
ta sint ut nullis gratitudinis officijs un-
quam rependi queant. In sustinenda gra-
vissimi et diurni belli mole invictam ani-
mi fortitudinem, labores indefessos, &
peritiam

peritiam nullis antehac sæculis visam, in
gubernandis hisce Provincijs fidelitatem
summam & prudentiam incredibilem, in
gloriæ divinæ, regni Christi, et veræ Re-
ligionis propagatione zelum ardentem, &
studium indefessum, universus orbis
Christianus in Vobis miratur & depræ-
dicat. In nos autem cum harum virtutum
vestrarum vberrimi redundant fructus,
etsi gratias referre dignas nequeamus,
convenit tamen nobis, ut saltem propensi
ad gratitudinem animi, pro facultatum
& vocationum ratione, significationem
singuli edamus. Hæc me causa impulit,
cum è re tenui mea, præter ardentissimas
pro incolumitate vestra preces, nihil aliud
quam chartaceum hoc manusculeum pro-
ferre possem, ut illud ipsum summa cum
animi devotione eum in finem Illustriss.
(Exc.^{ua} & Cels. V. offerre audeam, ut ali-

quod saltem exstaret, si non magnum, cer-
tum tamen & sincerum animi mei addi-
ctissimi & gratissimi monumentum. Stu-
dium hoc meum ut Illustriss. Exc.^{ia} &
Cels.V. non sit ingratum, obnixè & sub-
missee peto, & simul Deum Opt. Max.
ardentibus votis comprecor, Exc.^{iam} &
Cels. Vestram, Illustrissimi & invictis-
simi Principes, ab omnibus hostium in-
sidijs, Ecclesie sue & Patrie afflictæ,
quam diutissime incolumem & florentem
protegat ac conservet. LVGDVNI BATA-
VORVM, XXIV. Augusti,
Anno clō. lōcxiv.

Illustrissimæ Excellentie
& Celsitudini vestræ
addictissimus

FESTVS HOMMIVS Frisius.



Leclori Benevolo S.

Cum in Academia hac nostra Superioribus annis, tum
per obitum, tum per abitum Professorum SS. Theo-
logiae, ejusdem studiosi omnibus & publicè & pri-
vatim exercitijs aliquandiu destituerentur, flagita-
bant non pauci, qui me studijs ipsorum aliqua ra-
tione prodesse posse existimabant, ut defectum hunc exerciti-
orum opera mea privatim supplerem, ne omninò sine fructu
tempus transmitterent. Quamvis nostra nobis vocatio oc-
cupationes satù graves & frequentes suppediet, nolui ta-
men opellam meam, qua omnibus parata semper esse solet,
studiosa juventuti, qua in Ecclesiarum nostrarum spem edu-
catur, vnicè hoc postulanti denegare. In eorum itaque gra-
tiam domi mea privata institui exercitia, & explicata prius
ac disputationibus privatim examinata doctrinà Catechetica,
cum in Ecclesia doctore requiratur, non tantum ut verita-
tem norit & doceat, sed etiam ut sciat ut sit veritas diveden-
dae idcirco, putavi opera pretium me facturum, si adversus
multiplices hostium veritatis strophas incautam juventutem
instruerem ac prae munirem. Inter quos cum lesista, cate-
riqùe Pontificij imprimis sint censendi, totum Doctrina
Pontificia corpus, atque omnia ejusdem firmamenta, qua à
Bellarmino doctrina hujus approbata, & perose quatuor Dis-
putationum tomis proponuntur, privatim Disputationibus
examinanda proposui, paucis thesibus doctrinam ortho-
doxam Pontificia oppositam complexus. Disputationibus
hæc absolutis cum SS. Theologia Studiosi illas sibi haud
parum

parum utiles fuisse profiterentur, & apud me instarent, ut easdem sibi sub praesidio meo repetere liceret, nolui intersurgere laborem, quem juvenibus profuturum intelligebam. Ut autem illos a molestia Theſes haeſce deſcribendi ſublevarem, paſſus ſui in eorum gratiam illas typis deſcribere, tum ut privati hiſce exercitijs ſervire poſſint, tum etiam ut reliquis SS. Theologia Studioſi Epitomen habeant omnium, qua inter Eccleſias Reformatas & Pontificias hodie agitantur, Controverſiarum. Dedi enim ſedulo operam, ne ulla controverſia, quaquidem alicujus ſit momenti, praterita ſit aut amiſſa, quod ut appareret, capita Quaſtionum Controverſiarum paſſim in margine annotavi. Diſputationes autem, ne pro exercitijs privati ratione nimis excreſcerent, ſingulas ſingulis Theſium hexadibus abſolvere. & univerſum Controverſiarum corpus in tot diſputationes redegei, ut quando binæ ſingulis ſeptimanis habeantur, demptis ferijs ordinarijs, omnes vixus anni ſpatio commodè abſolvi poſſint. Ordinem ſectus ſui Bellarmini, ita tamen ut eidem ſuperſtitioſe me non alligaverim. Inſtitutum & ſtudium hoc noſtrum ſi tibi, Benevole Lector, placuerit & profuerit, eris quod nobis gratulemur, & ſtimulus addetur majora conamdi ad Eccleſie Dei adificationem, cui nos noſtraque ſtudia omnia conſecravimus.

IN

IN THESES
Reverendi viri, D. FESTI HOMMI,
de Controversijs Religionis inter
Reformatos & Pontificios.

Felices proavos & secula prima parentum,
Cum simplex pietas & sine labe fuit.
Ambitio nondum Romanum invaserat orbem,
Et nondum precium religionis erat.
At nunc infelix pietas conducitur auro,
Et male speratus plurima dicitur honos.
Ipsa fides prostat. Sic scribitur. Aspice seculum,
Quod credas alter vendis, & alter emit.
Mos nocet exemplo, quantumque accedit ad annos
Crescit, & autorem se gravis error habet.
Venimus ad summum, scribendo involvere verum
Cœpimus, & moles & sibi turba nocet.
Viderat hoc FESTVS, mira brevitatis amator,
Nec minus sacra simplicitatis amans.
Omniaque evolvens magnorum scripta virorum,
Hac nobis, inquit, sola relicta fuit.
Nec mora: contractis infert nova lumina rebus,
Et non scribendo plurima, plura docet.

DANIEL HEINSIVS.

Ad Reverendum & Doctiss. Virum,
D. FESTVM HOMMIYM,
Ecclesiæ LEYDENSIS Pastorem
vigilacissimum, suas pro Reformatâ
Religione adversus Pontificios
Disputationes edentem.

D*Um sic Tarpeius nostram turbare Tyrannus*
Dissidijs patriam tentat & insidijs.
Dumque ovibus parat incantis immittere pestem,
Instillans teneris dira venena animis.
Dum miscet populis Latia ex Babylone Meretrix
Plena sui potius poclâ soporiferi.
FESTE ovibus cautè invigilas, monstrasq; venena :
Es præsens patriæ porrigis antidotum.

CORN. PYNAKERVS IC.

INDEX DISPUTATIONVM.

1. De Sacra Scriptura Libris.	pag. 1.
2. De Sacra Scriptura Autoritate.	5.
3. De Sacra Scriptura Perfectione.	8.
4. De Sacra Scriptura Perspicuitate.	12.
5. De Sacra Scriptura Interpretatione, quod ad Verba: seu De Sacra Scriptura Versionibus, & Lectione.	15.
6. De Sacra Scriptura Interpretatione, quod ad Sensum: & De Indice Controversiarum Fidei.	19.
7. De Divinitate Christi: seu, An secundum eam dici possit <i>Auribus</i> ?	24.
8. De Humanâ Christi Naturâ: seu De Corpore, & de Animâ Christi.	27.
9. De Officio Christi Mediatorio.	31.
10. De Descensu Christi ad Inferos, & de Limbo Patrum.	34.
11. De Optimo Ecclesie Regimine.	39.
12. De Primatu Apostoli Petri, & de Pontificis Romani in eodem successione.	41.
13. De Antichristo.	45.
14. De Potestate Papa in Spiritualibus.	51.
15. De Potestate Papa in Temporalibus.	56.
16. De Conciliorum Necessitate, Distributione, & Fine,	

INDEX

<i>Fine.</i>	<i>pag. 63.</i>
17. <i>De Concilij Legitimi Conditionibus.</i>	<i>pag. 67.</i>
18. <i>De Conciliorum Autoritate.</i>	74.
19. <i>De Ecclesia Essentiâ.</i>	79.
20. <i>An Ecclesia semper sit Visibilis? Et an possit penitus deficere?</i>	86.
21. <i>An Ecclesia possit errare.</i>	91.
22. <i>De Notis Vera Ecclesia.</i>	96.
23. <i>De Ecclesia Romana, seu Pontificia. Et De Ecclesia Reformata.</i>	104.
24. <i>De Clericis, seu Ministris Ecclesia, Et de eorum Vocatione.</i>	110.
25. <i>De Ministrorum Ecclesia Ordinibus.</i>	117.
26. <i>De Celibatu Ministrorum Ecclesia.</i>	125.
27. <i>De Stipendijs & Immunitatibus Ministrorum Ecclesia.</i>	128.
28. <i>De Monachis & Eremitis.</i>	133.
29. <i>De Votis Monasticis, Consilijs Evangelicis, & Operibus Supererogationis.</i>	139.
30. <i>De Magistratu, & officio ejus circa Religionem.</i>	149.
31. <i>De Pace Religionis, & de Hæreticis.</i>	160.
32. <i>De Purgatorio.</i>	166.
33. <i>De Suffragijs seu Orationibus Vivorum pro Mortuis, & de Mortuorum Sepultura.</i>	174.
34. <i>De Sanctorum Mortuorum Beatitudine, & Canonizatione.</i>	181.
35. <i>De Cultu & Invocatione Sanctorum mortuorum.</i>	187.

DISPUTATIONVM.

<i>rum.</i>	<i>pag. 185.</i>
36. De Cultu Reliquiarum.	192.
37. De Cultu Imaginum, & de Signo Crucis.	197.
38. De Cultu rerum Consecratarum.	206.
39. De Templis.	212.
40. De Peregrinationibus, & de Processionib.	218.
41. De Festis Christianorum.	224.
42. De Sacramentorum Natura.	230.
43. De Sacramentorum Numero, Effectis, & Cere- monijs.	234.
44. De Baptismo.	239.
45. De Baptismi Ceremonijs.	244.
46. De Confirmatione.	248.
47. De Cæna Domini.	251.
48. De Cæna Dominica recto Vsu & Effectis, & de Communione sub utraque specie.	259.
49. De Missa.	265.
50. De Pœnitentia.	273.
51. De Confessione Auriculari, & de Satisfacti- one.	279.
52. De Indulgentijs, & de Iubileo.	285.
53. De Vnctione extrema, & de Ordine.	293.
54. De Matrimonio.	298.
55. De Statu Hominis ante Lapsum, & de Para- diso.	306.
56. De Peccato, & ejus Causa.	313.
57. De Lapsu Adami.	321.
58. De Peccato Originali.	326.
59. De	

INDEX DISPUTATIONVM.

59. <i>De Gratia Dei.</i>	pag. 335.
60. <i>De Prædestinatione.</i>	345.
61. <i>De Libero Hominis Arbitrio.</i>	352.
62. <i>De Fide Iustificante.</i>	365.
63. <i>De Iustificatione.</i>	370.
64. <i>De Certitudine Salutis.</i>	379.
65. <i>De Perseuerantia Sanctorum.</i>	386.
66. <i>De Perfectione hominis in hac vita.</i>	393.
67. <i>De Bonis Operibus in genere.</i>	399.
68. <i>De Oratione.</i>	409.
69. <i>De Ieiunio.</i>	419.
70. <i>De Eleemosynâ.</i>	424.

DISPUT.



DISPUTATIONVM
THEOLOGICARVM

adversus

PONTIFICIOS
PRIMA.

De S. Scripturae Libris.

THESIS I.



ELIGIO CHRISTIANA, que
consistit in veri DEI rectâ
agnitione, & legitimo ejus-
dem cultu, ex principiis na-
turâ notis salutaritèr perci-
pi non potest. Quare Deus
suum veram sui cognitionem,
suum legitimam cultus sui

rationem, hominibus per verbum suum a ver-
gendo, quo animi sensa exprimuntur, revelavit.
Hoc verbum vnicum est Religionis veræ prin-
cipium, & auctoritas, & auctoritas.

*Quod sit
principium
Christiana
Religionis?*

*a prola-
tum.
b ex se
credendum
(non ex-
plorandū.*

*Quomodo
revela-
tum?*

c Heb. I. I.

*d incolu-
mitatem.*

*Quid sit
S. Scriptura?*

*An sacra
Scriptura
sit neces-
saria?*

II.

Multifariam autem & multis vicibus revelatio hæc facta fuit: Extraordinariè per oracula, tum per ipsum Deum, ac Filium ejus Dominum nostrum Iesum Christum, tum per Angelos Dei jussu pronunciata, per visiones, per somnia, & per Urim & Tummim. Ordinariè, in principio ad tempora usque Moſis per vivam doctrinæ à majoribus acceptæ traditionem: deinceps cum decreſcente hominum ætate, oblivio, ſocordia, atque etiam malitia hominum accreſcerent, ne per Satanam ejusque instrumenta doctrina divinitus revelata corrumperetur, voluit ac jussit Deus eandem ad Ecclesiæ *d' a' op' d' omis* scripto, quo verba exprimi solent, comprehendendi, ac quasi publicis tabulis consignari. Scriptum hoc Sacram Scripturam, Sacras Literas, & Verbum Dei Scriptum appellamus.

III.

SACRA SCRIPTURA est sacrum & divinum instrumentum publicum, quo doctrina salutaris de Deo, & vero ejus cultu, per Sanctos, & à Deo ad hoc delectos viros, distante Spiritu Sancto, literis consignata est, continens perfectè & perspicuè veritatem divinam, quæ in hac vita scitu necessaria est ad Dei gloriam, & hominum salutem.

IV.

Salutarem doctrinam quamvis Deus prioribus seculis sine Scriptura in Ecclesia conservaverit ac propagaverit, tamen ex quo tempore eandem scriptis jussit comprehendendi, non quidem absolute; sed ex hypothesi ordinationis divinæ, necessaria semper fuit, est, atque erit hæc Scriptura,

ra,

ra, non tantum ad bene esse, sed etiam ad esse Ecclesie, quæ nulli fundamento alij debet inædificari, quam quod scriptis Prophetarum & Apostolorum continetur. Estque hæc Scriptura nunc fidei & doctrinæ Christianæ canon & regula non partialis tantum, sed etiam totalis, plenaria, atque vnica.

V.

LIBRI, quibus Sacræ Literæ continentur, secundum diuersa Ecclesie tempora, quibus dati & scripti sunt, dividuntur in libros Veteris & Novi Testamenti. Libri V. T. dividuntur in Legem, Prophetas, & Hagiographa. Lex complectitur quinque libros Moysi, qui ex librorum materia vocantur *Genesis, Exodus, Leviticus, Numeri, Deuteronomium*. Prophetæ alij sunt priores, quorum libri præcipue sunt historici, *Iosua, Iudicum*, cui additur *Ruth*, duo *Samuelis*, & duo *Regum*; alij posteriores, quorum alij sunt Majores, *Esaias, Ieremias, Ezechiel, & Daniel*; alij Minores non autoritate, sed breuitate librorum, *Oseas, Iosel, Amos, Abdias, Ionas, Micheas, Nahum, Habacuc, Sophonias, Haggai, Zacharias, Malachiæ*. Hagiographa scripta variis res miscellaneæ tractant, suntque duo libri ~~magis~~ *Chroniconum*, liber *Iob, Psalmi, Proverbia Salomonis, Ecclesiastes Salomonis, Threni*, seu *Lamentationes Ieremia, Canticum Canticorum, Hesther, Ezra, & Nehemias*. Libri N. T. alii sunt Historici, qui complectuntur historiam tum Christi, conscriptam à quatuor Evangelistis, *Matthæo, Marco, Luca, & Iohanne*, tum *Actuum Apostolorum* à Luca conscriptam. Alii sunt Exegetici, seu Dogmatici, qui sunt *Epistola Apo-*

*An sit re-
gula fidei
totalis?*

*Qui sint
libri Ca-
nonicæ?*

stolorum, xiv. *Pauli*, i. ad *Romanos*, ii. ad *Corinthios*, i. ad *Galatas*, i. ad *Ephesios*, i. ad *Philippenses*, i. ad *Colossenses*, ii. ad *Thessalonicenses*, ii. ad *Timotheum*, i. ad *Timum*, i. ad *Philemonem*, i. ad *Hebraeos*, *Iacobi* vna, *Petri* ii. *Ioannis* iii. *Iuda* fratris *Iacobi* vna. *Prophetici* vnus est, *Apocalypsis Ioannis* Apostoli. Hi libri e omnes & soli *Scripturae* sunt, & rectè vocantur *Canonici*, quia fidei & vitæ canon, seu norma & regula sunt. & in sacrorum librorum canone, seu catalogo, semper in Ecclesia comprehensi fuerunt.

VI.

Hiscè divinis libris adungi solent alii, qui de rebus quidem divinis tractant, & ad formandos mores haud caviliter legi in Ecclesia possunt, sed tamen non sunt divinitus inspirati, aut Canonici, ut fidei & vitæ norma esse possint, & vocantur vulgò *Apocryphi*. Suntque aut integri libri, *Tobias*, *Iudith*, *Sapientia*, *Ecclesiasticus Iesu Syricida*, iii. & iv. *Esdra*, libri *Machabæorum*. Aut appendices libris Canonici additæ: *Ieremix Baruch*, *Paraleipomenis Oratio Manassæ*, *Danieli Hymnus trium puerorum*, *historia Susanna*, *Belis & Draconis*, *Oratio Azaria*, *Estheræ septem capta*, quæ apud *Hebræos* non habentur. Hi omnes neque à Prophetis, aut *Hebraicè* sunt scripti, neque in canone *Hebræorum*, quibus *ἡ τὸ νόμον τοῦ Θεοῦ διακονοῦντες*, vnquam extiterunt, neque à Christo aut Apostolis sunt approbati. Quinetiam plerique multi falsa & absurda continent, & à libris Canonici, atque etiam inter se plurimum dissentiunt.

e 2 *Tim.*
3. 16
f divini-
tus inspi-
rati.

Qui sint
libri Apo-
cryphi?

g *Rom.*
3. 2.

DISPUTATIO II.

De S. Scripturae Autoritate.

THESIS I.

VT in omni legitimo instrumento vel scripto publico præcipuè requiritur, ut sit authenticum seu indubitatae fidei, & ut perfecte ac perspicuè contrahentium, vel *a vñ pñd-
ptu* voluntatem, aut rei veritatem exprimat; ita etiam in divino hoc S. Scripturae instrumento tria hæc necessariò requiruntur, atq; etiam revera insunt, *Audientia*, Perfectio & Perspicuitas.

*a testa-
toris.*

II.

Audientia, seu Autoritas alicujus scripti nihil aliud est quam dignitas quædam, secundum & propter quam scriptum illud fidem meretur, & pro vero ac veraci habetur. Hac dignitate S. Scriptura ita præcellit, ut auctoritatem habeat non vulgarem aut humanam, quæ vel in dubitationem vocari possit, vel confirmatione aliqua opus habeat, sed planè divinam & non tantum *b a pñd-
ptu*, sed etiam *c a vñd-
ptu*, ita ut ei propter sui ipsius asseverationem sit credendum, ac certi sumus & verissimum esse quidquid S. Scripturâ continetur, & propterea etiam aliquid veritati divinæ esse consentaneum, quia in sacro hoc instrumento docetur.

*Qua sit
autoritas
S. Scrip-
tura?*

*b fide
dignam.
c ex se
(vel prop-
ter se) cre-
dendam.*

III.

*Vnde sacra
Scriptura
authorita-
tem divi-
nam habe-
at?*

*d. divini-
tatis inspi-
rata.*

*e 2. Pet. 1.
21.*

*Vnde nobis
constet S.
Scriptura
Libros esse
authoritatis
divina?*

Consideratur autem hæc S. Scripturæ autori-
tas, vel *in se*, vel *respectu nostri*. Cum *in se* con-
sideratur, quæritur; Vnde Sacra Scriptura hanc
divinam autoritatem habeat? Respondemus au-
toritatem hanc ei competere non ab Ecclesiâ, quæ
nullo jure potestatem habet librò aut scripto ali-
cui divinam autoritatem conciliandi, & cujus tes-
timonio, utpote humano, veritas divina confir-
mari neque potest, neque indiget. Sed divinam
habet autoritatem, quia *d. Oñipotens* est, &
Deum habet autorem, qui solus verax atque ipsa
Veritas est. Tanta enim est scripei alicujus au-
toritas, quanta est auctoris. Et licet Deus in con-
signandis his sacris literis vñs sit operâ homi-
num, tanquam notatorum, aut amanuensium,
inde nihil decedit de earum autoritate. Nam
e sancti illi Dei homines locuti sunt aucti à Spi-
ritu Sancto, qui spiritus est veritatis ac veraci-
tatis infallibilis.

IV.

Respectu nostri cum autoritas hæc consideratur
quæstio est; vnde nobis constet de hac S. Scriptu-
ræ autoritate, seu hos Libros esse divinos & veri-
tatis infallibilis? Quæstio hæc quamvis super-
vacanea sit, nec controverti debeat inter Christi-
anos, qui Sacras Scripturas divinas esse credunt
potius quam sciunt, dari tamen possunt argumen-
ta, quibus S. Scripturæ divina autoritas nobis
abundè probari & confirmari possit. Horum quæ-
dam tantum suadent, quædam etiam planè per-
suadent, ut credamus libros Sacræ Scripturæ divi-
næ esse autoritatis.

V.

Argumenta, quæ tantum inserviunt suasioni faciendæ cum nobis tum alijs, sunt multa, ac multiplicia. Alia ex ipsa S. Scripturâ, alia aliunde desumuntur. Ipsa S. Scriptura, sicut quodlibet opus, satis testatur de excellentia sui artificis, seu autoris. Doctrinam enim complectitur planè divinam, sapientissimam, & sanctissimam, in quâ nihil falsi ostendi potest, sed ubique divina veritas elucet, tum in prædictionum certâ impletiōe, tum in singularum partium consensu & ~~f~~ ^{univ-} ~~versali~~ ^{ersali} conscriptam quidem stylo simplici & humili, sed puro, in affectato, & divinæ Majestati convenienti. Præterea sacrarum literarum divina autoritas ex eo manifestè apparet, quod doctrinam contineant antiquissimam, ac proinde verissimam, ætalem, quæ licet carni ingrata ac stulta sit, & nō ~~per~~ ^{per} principes hujus seculi autoritate & sapientia præcellentes, neque persuasorijs humanæ sapientiæ verbis proponatur, mirificè tamen afficit mentes hominum, & divino quodam modo efficax est, ad fidem & conversionem, ad Deum in animis hominum ingenerandum. Deus etiam horum Librorum autoritatem divinam asseruit, cum per varia & stupenda miracula in Veteri & Novo Testamento, tum per mirabilem horum librorum adversus furores Diaboli & mundi, qui doctrinam ijs contentam summè odierunt, defensionem. Hæc accedit Ecclesiæ Orthodoxæ testimonium, & vnanimis piorum omnium testificatio, à nonnullis inter eos etiam sanguine suo obsignata, quæ non est temerè rejicienda, sed reverenter amplectenda, animosque nostros tametsi de certitudine planè cōvincere non possit, ad

Universali consensu,

2 Cor 1.4.5.

An ex quatenus ex testimonio Ecclesia?

consensum tamen efficaciter excitare atque promovere potest ac debet.

VI.

*An ex
testimonio
Spiritus
Sancti?
h plenâ
certificatione.
i fiducia.*

Argumentum, quo animi nostri de Librorum S. Scripturæ divinâ autoritate certâ *h magis* ac plenâ *i inuisionem* convincuntur, est vnicum, Testimonium scilicet Spiritus Sancti internum, quod illi soli notum est, cui obtingit. Idem enim Spiritus, qui S. Scripturæ autor est, certitudinem ejusdem nobis obsignat, & quemadmodum scimus principia scientiarum naturalium vera esse, quia Lux naturæ in unicujusque mente dictat ea vera esse, ita etiam scimus hæc supernaturalis ac cœlestis Sapientiæ principia vera esse & fidei indubitæ, quia eorum veritatem autor eorum Spiritus Sanctus in cordibus nostris obsignat. Nam quâ ratione principia nobis innotescunt, eâdem etiam veritas & certitudo eorundem nobis comprobatur.

DISPUTATIO III.

De S. Scripturæ Perfectione.

THESIS I.

22. Tim 3.

15.

*An sacra
Scriptura
perfectè
contineat
omnia ad
salutem
scitu neces-
saria?*

SECUNDA conditio, quæ in legitimo instrumento publico requiritur, est; ut omnia ea, quorum causâ tale instrumentum est conscriptum, perfectè & sufficienter contineat atque exprimat. Hanc conditionem asserimus etiam inesse huic instrumento divino sacrarum literarum, & quæ hominem possunt sapientem redde-

re

re ad salutem per fidem in Christo Iesu, ac proinde perfecte & sufficienter continent omnia illa, quæ ad fidem & vitam Christianam sunt necessaria.

II.

Perfectionem cum S. Scripturæ tribuimus, non agimus de illâ perfectione cognitionis, quæ post hanc vitam erit, cum cernemus à facie ad faciem, & quando *hæc videri* ~~hæc videri~~, sed dicimus omnia illa, quæ in hac vitâ Deo ad sui gloriam & nostri salutem revelare placuit, & quæ ipse nos hîc scire voluit, nobisque ad salutem scitu, creditu, speratu, atque observatu necessaria judicavit, perfectè & sufficienter secundum omnes partes essentielles atque integrales in S. Scripturâ contineri. Dogmata autem ad salutem necessaria in sacris literis continentur aut expressè & totidem verbis, aut analogicè & æquipollenter; ut ex contentis in S. Scripturâ per bonam & firmam consequentiam elici possint: Ita ut quidquid ex S. Scriptura vel expresso testimonio, vel per bonam consequentiam probari non possit, eo ipso constet aut esse rejiciendum hominum *erroribus*, ~~erroribus~~, a quo Deus frustra colitur, aut doctrinam esse ad salutem non necessariam.

III.

Omnia homini in hac vitâ ad salutem scitu
necessaria Prophetis & Apostolis plenè sunt
revelata per Deum Patrem, & Filium ejus Do-
minum nostrum Iesum Christum, qui omnia
quæ à Patre suo audiuit, ijs nota fecit, & per
Spiritus S. f. qui ipsis dux vix fuit in omnem

Qualis
perfectio
S. Scriptu-
ra tribua-
tur?
b 1 Cor.
13.10.

Quomodo
omnia ad
salutem
necessaria
in sacra
Scriptura
continean-
tur?
c manda-
tum.
d Matt.
15. 9.

An Aposte-
lis & Pro-
phetis om-
nia sunt
revelata?
c Job. 3. 26
f Io. 16. 13.

An omnia
docuerint?

g Act. 20.

27.

h Colof. 1.

28.

i in omni

sapientia,

An omnia

scripserint?

k perfe-

ctum.

l incul-

mitatem.

An ex solâ

S. Scripturâ

omnia dog-

mata pos-

sint probari,

atque om-

nes hareses

refutari?

Quid ex
quoduplex
sit tradi-
tio?

An extant
Divina &
Apostolica
Traditio-
nes Dog-
maticæ?

veritatem. Apostoli etiam ex mandato Christi
g omne Dei consilium, atque omnia, quæ ad sa-
lutem conducerent, fideliter annunciarunt, h do-
centes omnem hominem i in vobis sapia, vt om-
nem hominem fiant k etiam in Christo
Iesu; & tamen nihil docuerunt, quod in
scriptis Prophetarum ac Veteris Testamenti
non continetur. Tandem etiam ipsi eadem
omnia vt fidi Ecclesiæ Doctores, ad eisdem
l dogmata literis consignarunt.

IV.

Ex solâ ergo S. Scripturâ Veteris & N. Testa-
menti veritas doctrinæ ad salutem necessariæ
depromi ac comprobari debet, atque etiam suf-
ficienter potest, omnesque errores atque hæreses,
quæ contra hanc veritatem vel directè vel indi-
rectè veniunt, luculentissimè refutari. Quare ex
hâc solâ populus docendus, dogmata confir-
manda, & controversiæ Ecclesiasticæ sunt de-
cidendæ.

V.

Traditio, Græcè παράδοσις, latiore significati-
one accipitur pro doctrinâ traditâ quocunque
modo, siue per vivam vocem, siue per scriptum:
vtque doctrina alia est de dogmatis, alia de ri-
tibus, sic alia est Traditio Dogmatica, alia Ritu-
alis seu Ceremonialis. Strictiore significatione,
cùm opponitur verbo Dei scripto, accipitur pro
doctrinâ traditâ quidem vivâ voce, sed scripto
non consignatâ. De his traditionibus queritur
primò; An hodie extant aliquæ divinæ & Apo-
stolicæ Traditiones dogmaticæ de fide & de bo-
nis operibus, quæ non sunt scriptæ in libris Pro-
pheticis & Apostolicis? Respondemus, Ante

Mosen

Mosen quidem fuisse Traditiones divinas non scriptas, & initio prædicationis Evangelicæ extitisse Traditiones Evangelicas non scriptas, sed hoc tempore postquam in Veteri Testamento tota doctrina Prophetica, & in Novo Testamento tota doctrina Apostolica certis libris fuit comprehensa, (quos vocamus *Canonicos*), in ijs libris omnia dogmata de fide & moribus ad salutem necessaria sufficientissimè ac perfectissimè contineri: neque ullis idoneis argumentis aut testibus probari posse, extare hodie ullam Traditionem divinam & Apostolicam de aliquo dogmate, quod necessariò sit credendum, quæ in ijs libris nusquam scripta reperitur. Quare verbum Dei hodie non potest rectè dividi in verbum *ῥηγρον*, seu scriptum, & *ἄγρατον*, non scriptum.

VI.

Quæritur secundò: An hodie extent aliquæ Traditiones Apostolicæ in S. Scripturâ non conscriptæ, de aliquibus ritibus necessariò in Ecclesia usurpandis? Respondemus ipsum omnium rituum essentiale fundamentum, quod est, ut omnia fiant *κατὰ ῥηγρον, κατὰ ἄγρατον, καὶ κατὰ τὴν ἐκκλησίαν*, atque etiam omnes Sacramentorum ritus essentielles, verbo Dei scripto discretè contineri. Accidentales autem rituum determinationes singulas non esse conscriptas libenter fateamur, quia nec sunt ab Apostolis præcisè præscriptæ, sed relictæ in libertate Ecclesiæ, ut res adia phoræ, quæ pro circumstantiarum ratione variari possunt, atque etiam debent, quoties ædificatio requirit, & semper præsentī Ecclesiarum statui accommodari ad maiorem ædificationem.

Tales

*An extent
Apostolica
Traditiones
Rituales?
in decen-
ter et ordi-
ne. 1. Cor.
14. 40.
n et ad ædi-
ficationem.
1. Cor.
14. 12.
An
quid sint
Traditiones
Eccle-
siasticæ?*

Tales Ecclesiasticas Determinationes, sed Traditiones non scriptas, in Ecclesia semper extare, & necessarias esse agnoscimus, easque fideles omnes, nisi ordinis violatores haberi velint, religiosè debere observare, modo non sint superstitiones; & verbo Dei, aut libertati Christianæ contrariæ: Traditiones autem, quas Pontificij pro Apostolicis vendicant, omnes sunt incertæ, & pleræque ineptæ & ridicula hominum superstitionum commenta cum S. Scripturâ pugnantia,

DISPUTATIO IV.

De S. Scripturæ Perspicuitate.

THESIS I.

*An sacra
Scriptura
sit perspi-
cua?*

Tertia conditio in legitimo instrumento publico requisita est, ut Testatoris vel contrahentium voluntatem perspicuè & clarè exprimat, ne per se causa litium existat. Hanc conditionem etiam divino hoc instrumento S. Scripture inesse asserimus, ita ut omnia dogmata ad salutem necessaria perspicuè, dilucide, & clarè in eo contineantur, ipsumque sibi explicando sufficiat, neque alieno lumine indigeat, quo clarius reddatur.

II.

*An mate-
ria sacra
Scriptura
sit perspi-
cua?*

Perspicuitas hæc considerari potest, vel *in se*, vel *respectu hominum*. Consideratur *in se*, vel *respectu materia*, quæ tamen contineat altissima ac profundissima mysteria à seculis abscon-
dita,

dicta, atque à naturali hominum intellectu remota, sunt tamen in S. Scriptura satis clarè propoſita atque explicata. Vel *reſpectu formæ*, cum *interna*, quæ eſt veritas divina, quæ in ſe obſcura eſſe non poteſt, cum lux ſit, quâ animi noſtri illuminantur: tum *externa*, quæ eſt *ſtylus orationis*, qui etſi alicubi phraſibus & verbis paulo obſcurioribus temperatus eſt, alibi tamen & maximâ ex parte ſatis clarus eſt & perſpicuus. Phraſes enim propriæ verborum proprietate lucent, & figuratæ perſpicua ſunt orationis ſacræ lumina.

III.

Ita autem S. Scripturæ ſtylum Spiritus Sanctus temperavit, ut neque nimia facilitas legentibus contemptum ac ſaſtidium pareret, neque nimia obſcuritas Scripturam nobis redderet inutilem. Quare quæ vno loco clarè docenter, eo alio loco paulò obſcurioribus verbis aut phraſibus ſæpiùs proponuntur, ut eâ ratione diligentia noſtra in ſcrutandis Scripturis acuat, humani ingenij ſuperbia contundatur, noſq; intelligentiæ ſacrarum Literarum donum tanto ardentioribus votis à Deo expetamus, ac majori cum labore atque induſtriâ pretioſiſſimum hunc cœleſtis ſapientiæ theſaurum eruamus.

IV

Reſpectu hominum S. Scripturæ perſpicuitas diverſimodè conſideratur. Nam alij homines ſunt *Irregeneriti*, & animales, & in quibus Deus huius ſæculi excreavit mentes, alij ſunt *Regeneriti* & Spiritus Sancti lumine illuſtrati. Illis Scriptura obſcura & operta eſt: his verò clara & perſpicua, etſi non omnibus æqualiter, omnibus & ſingulis tamen pro meſura fidei ſufficienter ad ſalutem.

*An forma
ſacræ Scrip-
turæ ſit
perſpicua?*

*An ſtylus
S. Scripturæ
ſit perſpi-
cuus?*

*An ſacræ
Scripturæ
omnibus
hominib.
ſit æque
perſpicua?*
2. Cor. 4.
4.

V

*Quis non
sit status
controver-
sia?*

*b Matt.
13. 11.*

*c difficilia
intellectu.
2. Pet. 3. 16*

*Quis sit
verus con-
troversia
status?*

Non ergò dicimus omnia in S. Scriptura singulis hominibus pariter esse perspicua, aut singula omnibus æqualitèr. Non enim omnibus *b* datum est intelligere mysteria regni cælorum. Sunt etiam certi gradus cognitionis & donorum. Quinimo sæpe uni eidemque homini postea clarum fiet, quod antea ei fuerat obscurum. Neque dicimus in S. Scriptura omnia esse facillima & apertissima ita ut nullâ egeat interpretatione: Libenter enim agnoscimus in sacra Scriptura reperiri multa *c quædam*, multa etiam obscuriora dicta, sed quæ aut sine salutis dispendio ignorari possunt, aut alio loco clarius sunt exposita.

VI

Hoc ipsum est quod asserimus, omnia dogmata, quæ ad salutem scitu, creditu, atque observatu sūt necessaria, suis locis in S. Scriptura ita clarè & perspicuè proponi atque explicari, ut à quolibet homine etiam plebeio, Spiritum Christi vincti-
nem à Sancto illo habente, atque officium suum adhibitis precibus, & reliquis ad eruendū S. Scripturæ sensum ordinarijs medjjs diligētèr faciente, facilè & sufficientèr ad salutem intelligi possint.

3

DISPUT.

DISPUTATIO V.

De Interpretatione Sacrae Scripturae, quoad verba.

seu

*De S. Scriptura Versionibus,
& Lectione.*

T H E S I S I.

Finis scripturae sacrarum literarum est, ut ex literarum characteribus Dei verba colligantur, & ex verbis, mentis ac revelationis divinae sensus eruatur. Deus voluntatem suam iussit exprimi & conscribi in Veteri Testamento verbis Hebraicis, quae populo suo erant materna & popularia (exceptis paucis quibusdam, quae a Daniele & Ezra Chaldaicè scripta legimus) & in N. Testamento verbis Graecis, quae isto tempore in toto terrarum orbe erant notissima, ut nationes omnes tanto facilius ad Christi cognitionem & Ecclesiam adducerentur.

II.

Editio ergo Hebraea Veteris Testamenti, & Graeca Novi Testamenti, solae sunt *auctoritativae*, ac proinde authenticae, ex quibus tamquam ex fontibus reliquae omnes versiones sunt derivandae, quae ad eas semper sunt exigendae & corrigendae. Ad hos fontes in omnibus controversiis perpetuo est

*Qua lingua
sacra
Scriptura
originaliter
fuit com-
scripta?*

*Quid
habet?*

*a divini-
tus inspi-
rata.*

*An editio
Hebraea V.
T. & Gra-
eca N. T. so-
la sint au-
thentica?*

*An sint
corruptæ?*

est recurrendum. Fontes autem hosce esse turbidos, seu has editiones vel a Iudæis vel à Christianis corruptas esse ac propterea authenticas esse non posse, nullis idoneis argumentis potest probari.

III

*An sacra
Scriptura
sit trans-
ferenda in
linguam
vernacu-
lam?*

Quandoquidem autem linguæ hæ originales Hebræa & Græca multis populis, ad quos hoc instrumentum fœderis pertinet, ac proinde ips etiam communicari debet, barbaræ sunt atque incognitæ, ne illis S. Scriptura sit inutilis, operæpretium atque etiam necessarium est, ut S. Scriptura ex originalibus linguis in singularum gentium linguam vernaculam transferatur, in quâ etiam secundum mandatum atque exemplum Christi atque Apostolorum, qui hunc præcipue in finem linguarum dono præditi fuerunt, & praxin veteris Ecclesiæ Christianæ, singulis gentibus, quæ aliâ ratione doceri & lucriferi non possent, Evangelium non tantum est prædicandum, sed etiam sacra omnia sunt administranda, quæ alioquin illis forent inutilia. Preces etiam privatæ linguâ precanti incognitâ, vel publicæ linguâ populo incognitâ conceptæ, non tantum sunt inutilis & ridiculæ, sed etiam ab Apostolis expressè damnatæ, neque unquam ab Apostolis aut primitiva Ecclesiâ usurpatæ.

IV.

*An vlla
versio sit
authenti-
ca?*

Versiones seu Translationes S. Scripturæ in linguas alias & diversas extant plurimæ, ac totidem esse possunt, quot sunt diversæ nationum per univrsam terrarum orbem dispersarum linguarum. Quinimò in vnâ eademque linguâ multæ possunt esse diversorum Autorum Versiones, qua-

rum

rum alix aliis sint accuratiores. Nulla tamen Versio, quæcunq; tandē illa sit, quantumvis cum fontibus seu originalibus editionibus optimè conveniens, authentica esse potest, aut eiusdem cum fontibus autoritatis: quia nulla à Deo immediatè inspiratur, sed omnes interpretes erroribus sunt obnoxij. atque alicubi hallucinari possunt. Ne illa quidem versio Græca septuaginta duorum interpretum, qui Hierosolymis ad Ptolemaeum Philadelphum missi scribuntur, si hodie extaret, authentica esset. Hodierna verò translatio Græca V. T. neq; est illa Lxx Interpretum, neque authentica, sed multis in locis est vitiosa.

V.

Multo minus vulgata Latina totius V. & N. T. versio, quæ perperam Hieronymi esse existimatur, tamen si longo usu in Ecclesia recepta fuerit, & Concilium Tridentinum authenticam esse voluerit, authentica esse potest, aut pro tali haberi debet. Nam præterquam quod non sit editio *ἡ ἀρχαία*, quæ sola authentica est, neque translatio *ἡ ὁμιλική*, passim tam multis vitijs, erroribus, solæcismis, barbarismis, & manifestis sententiarum corruptelis scatet, ut vix vlla Latina translatio sit corruptior aut ineptior, tantum abest ut sit integerrima & plenissima.

VI.

Omnia scripta cum in finem, conscribuntur, ut legantur. Sic etiam Deus sacram Scripturam conscribi voluit, ut diligēter à nobis legatur, quod ipsum, per Prophetas & Apostolos sapius & expressè omnibus sine discrimine mandavit. Cæterum cum omnes nec Hebraicè, nec Græcè, neq; etiam Latine intelligant, & tamen Scriptu-

*An versio
Græca V. T.
sit Lxx. in-
terpretum
& authen-
tica?*

*An vulga-
ta Latina
versio sit
authetica?*

*b primoge-
nia.
c divinitus
inspirata.*

*An liceat
promiscuè
omnibus
Christianis
etiam la-
cis, S. Scrip-
turam lege-
re in lin-
guâ vernaculâ?*

ra, quæ ad omnes est scripta, & salutis æternæ, cuius cura omnibus & singulis incumbit, rationem manifestat, ab omnibus propterea diligenter in timore Dei est legenda. Ac non tantum licet cuilibet Christiano etiam laico, sed etiam utile, ac quodammodo necessarium est S. Scripturam in linguam vernaculam translata, si aliam linguam non intelligat, etiam sine Episcopi aut ullius hominis speciali indulto, legere. Nec metuendum est ut eâ ratione per se vllum homines percipiant detrimentum, aut in errores atque hæreses inducantur, quin potius multiplex inde utilitas ad eos redundat. Quare impium & tyrannicum est Pontificiorum interdictum, quo plebem seu laicos, ut vocant, à S. Scripturæ lectione arcet, quod eos facilius in crassa illâ inscitâ detineant, eorumque fidei & conscientijs dominari queant; atque eâ ratione armis spiritualibus & consolatione scripturarum miseræ animas spoliant, & non sine sacrilegio prohibent, quod Deus non tantum promiscuè omnibus concessit, sed etiam expressè mandavit.

DISPUTATIO VI.

De S. Scripturae Interpretatione, quod ad sensum:

&

De Iudice Controversiarum fidei.

THESIS I.

SCRIPTURAE non in legendo, sed in intelligendo consistunt: neque in verbis Scripturarum est Evangelium, sed in sensu, sine quo rectè percepto S. Scriptura homini planè est inutilis. Quare imprimis genuinus S. Scripturae sensus ex verbis est eruendus per legitimam *Interpretationem*, quæ nihil aliud est quam veri & genuini verborum S. Scripturae sensus explicatio, eiusdemque *α οὗτο ὁ δὲ μακάριος, οὗτο ὁ μακάριος, οὗτο ὁ μακάριος, ὁ οὗτο ὁ μακάριος, οὗτο ὁ μακάριος* com-
moda applicatio.

II.

Verus S. Scripturae sensus est, qui ex verbis & phrasibus rectè intellectis resultat, atque immediate colligitur, & quem dicentis intentio ac rei natura important. Sensus hic non est varius aut multiplex, ita ut S. Scriptura, iustar nascerei, in varias diversorum sensuum formas flecti possit. sed est

*Quid sit
interpretatio. S.
Scriptura?*

22. Tim. 3
16.

*Quis sit
verus sacra
Scripturae
sensus?
An sensus
S. Scripturae
sit mul-
tiplex*

unicus, nimirum *Grammaticus*, seu *Literalis*, quem literæ, hoc est, verba sive propriè, sive impropiè sumpta pte se ferunt. Omnis enim oratio, quæ certi aliquid docere debet, tantum vnâ & simplicem sententiam potest habere. Verba & phrasæ sunt intelligenda vel propriè, vel figuratè & per tropum, quando propriè accepta manifestam absurditatem pærent, vel falsitatem arguerent. Quocunque modo intelligantur, exprimunt tantum vnicum hunc sensum literalem: atque ex hoc solo efficacia peti possunt in S. Theologia argumenta.

III.

An sensus
Allegoricus,
Anagogi-
cus, &
Tropologi-
cus sint di-
versi sensus
sacra Scriptu-
ræ?

An &
quatenus
liceat vti
interpretatione
Allegorici?

Reliqui tres sensus, quos Pontificij annumerant, & *mysticos* seu *spirituales* vocant, scilicet *Allegoricus*, *Anagogicus*, & *Tropologicus* non sunt diversi S. Scripturæ sensus, sed tantum diversi S. Scripturæ tractandæ modi, & vnus illius sensus Literalis variæ accommodationes. Allegorica enim interpretatio est sensus literalis ad Christum, aut ad Ecclesiam, per quandam similitudinem applicatio. Ad tales interpretationes non est temerè confugiendum, sed parcè & sobriè sunt usurpandæ. Periculosum enim est sine Spiritus Sancti directione ijs multum indulgere, & multi Patres hac occasione graviter errarunt, & sæpe allegorij suis S. Scripturæ veritatem obscurarunt, ac sensum perverterunt. Anagoge est typi V. T. ad veritatem in N. T. exhibitam applicatio. Tropologia est ejus, quod verbo innuitur, ad vitæ & morum institutionem ethica accommodatio.

IV.

Interpretatio legitima S. Scripturæ non est
præcise

præcisè instituenda secundum interpretationem aut sensum Ecclesiæ, vel Romanæ, vel alterius; neque secundum Conciliorum Vniversalium Decreta, quæ errare possunt: neque secundum vnanimem & consentientem Patrum interpretationem, quæ in omnibus dari non potest; neque secundum aliquod verbum Dei non scriptum, quod non extat: sed ipsa S. Scriptura sui ipsius optima est interpres, & certissima controversias omnes decidendi regula, utpote in quâ quod vno loco obscurius aut figuratè dicitur, alio loco clariùs & proprijs verbis explicatur. Quare ex ipsa S. Scriptura dicti obscurioris interpretatio petenda est: atque ut hoc commodè fiat, præcipuè & diligenter consideranda sunt natura phrasæ aut dictionis in lingua originali, scopus & intentio dicentis, antecedentia & consequentia, materia rei de qua agitur, & loci alij S. Scripturæ paralleli & clariores. Omnis denique interpretatio congruere debet cum fidei analogia in Symbolo Apostolico & Decalogo expressa.

V.

Quandoquidem autem omnes, quæ inter Christianos existunt in Religione controversiæ, circa legitimam S. Scripturæ Interpretationem versantur, vnaquæque parte contendente eam à se adferri, queritur: Quis sit iudex futurus harum controversiarum, qui inter legitimam & illegitimam interpretationem discernat? Respondemus: Iudicem controversiarum alium esse *Supremum*, alios iudices *Inferiores*. In Iudice hoc *Supremo* requiritur, ut infallibiliter verum dicat & errare non possit, ut partium studio non ducatur, ut ab

Qua sit legitima interpretatio sacra Scriptura?

Quis sit supremus Iudex recta interpretationis, & controversiarum fides?

*An Papa
Romanus?*

*An Conci-
lia Univer-
salia, An
Ecclesia?*

*b malach.
2. 7.*

*Quis sint
Iudices in-
feriores?*

*An igitur
quatenus
Ministri
Ecclesie
viri sunt
Iudices?*

co provocari non possit, & incertam notitiam ac fidem in animis hominum possit ingenerare, ac spirituali quadam potentia partes eâ ratione quasi constringere, ut veritati voluntariè obedi- ant atque assentiantur. Hic iudex non potest esse Episcopus Ecclesie Romanæ, seu Papa Ro- manus, vel ullus alius homo in terris, quantum- vis excellentissimus Ecclesie Doctor, non im- mediatè vocatus, cum omnes possint errare, & in nemine reliquæ in iudice supremo conditio- nes requisitæ reperiantur. Quin Papæ Roma- ni sæpe errarunt, & hæretici facti sunt, & sæpe falsas ac contradictorias adduxerunt interpretati- ones. Nec Concilia Universalia, seu Ecclesia repræsentativa in Concilio universalis congre- gata, nam & illa errare possunt, & sic in ho- mines non in Deum fides nostra terminaretur. Sed supremus Iudex controversiarum Ecclesia- sticarum est vivus Magistri & Doctoris nostri Iesu Christi, qui solus in causa Religionis est audiendus, Spiritus Sanctus loquens in Scriptu- ris. Idem enim Spiritus, qui S. Scripturæ au- tor est, solus potest ac debet mentes nostras de interpretationis veritate non tantum edocere, sed etiam convincere, & ad assentiendum efficaci- ter permovere.

VI.

Iudices inferiores sunt à quibus ad supremum hunc iudicem licet provocare. Suntque aut Publici aut Privati. Publici controversiarum Ecclesiastica- rum iudices sunt Verbi divini Ministri, Pastores, & Doctores, & quorum labia sapientiam custodi- ent,

ent, ex quorum ore lex est requirenda, & quorum iudicio Prophetæ, hoc est, Interpretes Scripturarum, subjecti esse debent. Iudicant autem vel unusquisque singulatim, vel conjunctim in Synodo legitime congregati, ut delegati Ecclesiæ iudices, quorum iudicium non est supremum & peremptorium, quia cum omnes in iudicando errare possint, semper ad normam S. Scripturæ est expendendum, sed tamen pacis & consensus causâ non est temerè rejiciendum. *Privati* iudices sunt omnes Christiani, qui non tantum de Scripturarum interpretationibus, recte ne sint an secus, iudicare possunt ex verbo Dei per gratiam Spiritus Sancti, sed etiam debent Spiritus discernere & probare an sint ex Deo, de doctrina cognoscere, vocem veri pastoris à mercenariorum ac luporum discernere, & omnes doctrinas atque interpretationes prius ad S. Scripturæ lapidem lydiū probare, antequam eas ut bonas recipiant & retineant,

*An ex
quatenus
Synodi?*

*An omnes
Christiani
possint ac
debeant iu-
dicare de
cōtroversijs
et doctri-
na?
c. 1. Joh. 4. 1*

DE
D. N. IESV CHRISTO.

DISPVT. VII.

De Divinitate Christi:

seu

*An secundum eam dici possit
a Adversariis.*

THESIS I.

Cognitio salutis Domini nostri IESV CHRISTI, per quam multos justificabit, & sine quâ ad vitam æternam adulti pervenire non possunt, consistit præcipuè in duobus, in verâ *persona* ejus agnitione, & rectâ Officij eius cognitione. Circa utrumque nobis aliquot cum Pontificijs controversiæ intercedunt. *persona* Christi constat ex duab. naturis personahiter unitis *divina & humana*. De *divina* Christi natura quamvis inter Nos & Pontificios satis conveniat, quod ad causam principalem attinet, cum utrique fateamur Iesum Christum Filium Dei, cum Patre & Spiritu Sancto esse unum illum

*a ipse deus
aut a seipso
Deus.*

*Qua nobis
sint contro-
versia cum
Pontificijs
circa Di-
vinitatem
Christi?*

illum verum & æternum Deum Patri & Spiritui Sancto *h* *ipsū* vult: tamen quasi ex mera cavillandi libidine, litem nobis movent; An Christus respectu divinæ naturæ rectè possit dici *'Autōdus'*?

h *consubstantialem.*

II.

Vox *Autōdus* non est recenter inventa, sed ab antiquissimis Patribus Græcis etiam usurpata. Significationem autem duplicem habere potest: significat enim vel eum qui est *ipse Deus*, vel eum qui est *à seipso Deus*. Secundum utramque significationem vox hæc Domino nostro Iesu Christo, Dei Filio, seu secundæ Deitatis Personæ orthodoxè, et non incommode attribui potest.

Quid significet vox autōdus?

c *ipsa vita d* *ipsa potentia.*
e *ipsa bonitas.*
f *ipsa veritas.*

III.

Secundum primam significationem Filius Dei rectè vocatur *Autōdus*, quia verè, propriè, & essentialiter est vnicus ille & æternus Deus. Atque ita à Græcis Patribus etiam vocatur *c* *Αὐτοῦς*, *d* *Αὐτοῦς*, *e* *Αὐτῶς*, *f* *Αὐτὸς*, *g* *Αὐτοῦς*, *h* *Αὐτός*, *i* *Αὐτός*, &c. Atque hæc significatio antiquitati atque vsui vocis optimè convenit.

An Filius sit ipse Deus?

g *ipsa iustitia.*
h *ipsa sapientia.*
i *ipsa perfectio.*

IV.

Secundum alteram significationem vox hæc intelligi potest aut *positivè*, (i) *αὐτὸς ὁ θεός*, quatenus *esse à se* significat à seipso productū esse: ita propriè loquendo nulla Deitatis persona est *autōdus*. Aut *negativè* (i) *οὐκ ἔστιν ὁ θεός*, ut denotet à nullo esse productū, seu esse *l'αἰώνιον*. Hoc

An Filius sit à seipso Deus?

l *causa expertam.*

*Respectu
Essentia.*

m. Job. 3.
26.

*Respectu
persona.*

*non ex seipso
filius.*

*o principi-
um &
causa.*

sensu an Filius possit dici *divinus* præcipue inter nos & Pontificios controvertitur. Respondemus, Filium Dei *respectu essentia divina* absolute & per se consideratæ rectè dici posse *divinum*, hoc est, *Deum à seipso*, quia habet Deitatem, seu divinitatem naturam à seipsa existentem, & non ab alio productam aut essentiatam, sed eandem habet essentiam divinam, seu Deitatem, quam Pater habet, non ab alio genitam aut productam: *Ὁντος γὰρ ὁ αὐτὸς ἔστιν ὁὗτος ἐν ἑαυτῷ, ὅντος ὁὗτος αὐτὸς τῷ ἑαυτῷ ἐν ἑαυτῷ αὐτῷ.*

V.

Etsi enim Filius *respectu persona*, quâ Filius est, essentiam divinam habet à Patre per naturalem ac necessariam quandam communicationem generatione æterna, unde non rectè (vt ita loquamur) *non divinus* appellari possit, non tamen habet essentia quæ à Patre sit producta aut effecta. Quare vt Pater rectè potest vocari *ὁ ἀρχὴ καὶ αὐτὸς* Filius, ita perperam diceretur principium & causa Deitatis Filij. Deitas enim, quam Filius habet, est *ὅντος αὐτῷ*, omnis causæ, principij, & originis expers.

VI.

Quod ergo in Symbolo Niceno Christus dicitur esse Deus de Deo, & lumen de lumine non est intelligendum *divinū*, seu respectu Essentia, sic enim Filius secundum essentiam à Patre distingueretur & plures Dij darentur: sed *ὁμοούσιος* seu respectu Personæ, vt significetur Filium, seu secundam personam Deitatis, verum Deum & lumen, à Patre, seu prima Deitatis personâ, qui etiam est Deus & lumen, esse ab æterno genitum, non quâ Deus, sed quâ Filius.

DISPUTATIO VIII.

De Humanâ Christi Naturâ:

seu

De Corpore & de Animâ Christi.

THESIS I.

Æternum Dei Filium in plenitudine temporis veram naturam humanam constantem ex vero corpore, & vera anima rationali, in suam *substantiam* seu unitatem Personæ assumpsisse, *αὐτὴν οὐκ ἀφ' ἑαυτοῦ*, hoc est, ita ut nec essentialium, nec proprietatum essentialium vlla sit facta confusio, commixtio aut conversio, sed utraque natura salva & incolumis cum omnibus proprietatibus essentialibus in communi hypostasi permanerint, Pontificij nobiscum orthodoxè consentitur: ac propterea rejiciunt figmentum Ubiquitarianum, qui docent: per hanc personalem duarum naturarum unionem, ac per Christi exaltationem, humano corpori Christi esse communicatam Omnipræsentiam, quæ est incommunicabilis, propria & essentialis divinæ naturæ proprietas.

II.

Haud longè tamen ab hoc eodem errore ipsi absunt, cum Christi corpori attribuunt *πολυπρᾶσιαν*, seu Multipræsentiam, & docent unum illud corpus verè, localiter, & corporaliter simul præsens

An corpus Christi possit esse ubique præsens? a citra confusionem et conversionem.

An corpus Christi possit esse præsens in plurib. locis simul?

esse

*b multi-
presentia.*

esse posse in multis ac propemodum infinitis locis, ac revera hoc modo, *presens* esse in omnibus ijs locis, in quibus panis Eucharisticus consecratur, vel consecratus asservatur, atque ita etiam vnum hoc corpus pro locorum multitudine toties multiplicari. Hæc enim *b universalis*, cum penè sit infinita, ab Ubiquitate vix differt, nisi quod paulò sit restrictior: & quæ adversus Ubiquitatem à Pontificijs argumenta producantur, pleraque ad refutandam hanc *universalitatem* adversus ipsos commode retorqueri possunt.

III.

Pugnat etiam hic Pontificiorum error non tantum cum præcipuis fidei articulis, ac præsertim cum articulo De Ascensione Christi in cælum, quo oportet eum capi vsque ad tempora restitutionis omnium, sed etiam cum veri corporis humani, secundum quod nobis etiam factus est similis, unitate & veritate. Vnum enim corpus esse & in diversis locis simul esse, manifestè implicat contradictionem: nam sic vnũ corpus poterit esse simul vnum & multa, sursum & deorsum, ab eodem loco remotum & non remotum. Corpus etiam omne verum debet semper vnum aliquem certum locum occupare. Nam si tollas spacia corporibus nusquam erunt, & quia nusquam erunt, nec erunt. Atque hinc apparet alius Pontificiorum error, cum docent, in Christi nativitate factam esse corporum penetrationem, & corpus ejus clauso matris utero in lucem esse eductum.

*An vnum
corpus possit
simul esse in
plurib. locis?*

*An corpus
possit esse
sine loco?*

*An in
Christi ma-
ritate
facta sit
corporum
penetratio?*

IV.

Anima Christi, quoad essentiam, nostræ fuit similis, ac proinde quia non tantum voluntate, sed etiam intellectu sit prædita, quæritur: Quæli scientiâ intellectus humanus animæ Christi in hac vita præditus fuerit? Respondemus, quemadmodum in vna Persona Christi dux sunt Naturæ, & secundum eas omnia duplicia, intellectus, voluntates, proprietates, & operationes naturales; sic etiam duplicem esse scientiam, *Divinam*, & *Humanam*, quarum utraque integras servat proprietates suas. Scientia ejus *Divina* infinita est, omnis mutationis ac successionis experta, habetque omnia sibi præsentissima, De hac nulla est quæstio. Scientia Christi *Humana* aut est *Beata* illa scientia, quâ anima Christi *æternè* unita Deum actu videt in unione secundum naturam suam humanam, & in eo reliqua omnia, quæ ad beatitudinem ejus spectant. Aut est scientia *Infusa*, quâ per habitus divinitus animæ per Spiritum Sanctum inditos & infusos, novit tam divina quam humana, quæcunque ab illo intellectu vel angelico vel humano cognosci possunt. Hæc Christi scientia tamen præstantior & major fuit omnium Angelorum & hominum cognitione, (accepit enim eam non ad *h* mensuram) non tamen fuit infinita, & hac dici potest profecisse, non quidem quod ad habitus infusos, sed quod ad actus.

V.

Aut denique est scientia *Acquisita*, qua res cognovit secundum naturam, agente intellectu, sive per inventionem intus, sive per experientiam foris, unde etiam *experimentalis* vocatur. Hæc

scientia

Quali sciē
tia Christi
anima fue-
rit prædita?

Quotuplex
sit in
Christo
scientia?

a verbo.

b Joh. 3. 34

An Christi
anima ab
initio con-
ceptionis
habuerit
omnisciēti-
am?

scientiâ Christus verè, profecit & crevit non tantum quod ad actus, sed etiam quod ad ipsos habitus. Non enim statim ab initio conceptionis omnia ita plenè & exactè novit, ut ea nunc novit postquam ad dextram Dei est exaltatus, sed intellectus ejus humanus nonnulla verè ignoravit, & progressu temporis multa verè didicit tum ex patefactione divina, tum experimentis.

VI.

Ignorantiam aliquam cum animæ Christi tribuimus, non patrocinaur errori Agnoëtæ, qui Christo etiam secundum divinitatem ignorantiam tribuebant; multo minus peccatum aut defectum aliquem propriè dictum in eo statuimus. Ignorantia enim dicitur dupliciter, aut *Negative*, quæ & simplex ignorantia & nescientia dicitur, & nullum omnino peccatum arguit, qualis in sanctis Angelis & beatis est, & in primis hominibus ante lapsum fuit. Non enim sciunt omne scibile, aut omne quidquid scit Deus. Hæc ignorantia non potest nisi *ex defectu* defectus dici, cum nulla scientia desit debita inesse. Aut *Positive*, cum quis ignorat eas res, quas potest & debet scire. Hæc verè defectus est, & in Christo nunquam fuit. Christus etiam assumens naturam nostram humanam coassumplit omnes nostros defectus atque *affectiones*, excepto peccato, ac proinde anima ejus non tantum angustijs ac doloribus, sed etiam veris perturbationibus, minimè tamen vitiosis aut inordinatis, in statu humiliationis fuit obnoxia.

An eo
qualis ig-
norantia
Christi tri-
bui possit?

et aliusve

et infirmi-
tate.

An anima
Christi in-
firmis et
pertur-
bationib.
fuerit ob-
noxia?

DISPUTATIO IX.

De Officio Christi Mediatorio.

THESIS I.

Homo peccator & injustissimus à Deo justissimo, & peccatis summè offenso atque irato, hostiliter dissidens, non potuit per seipsum justitiæ divinæ satisfacere, ab ira Dei se liberare, aut cum Deo reconciliari, sed necesse fuit ut interveniret persona quædam media, quæ merito, satisfactione, atque intercessione sua à Deo hominibus impetraret, atque etiam efficaciter conferret remissionem peccatorum & salutem æternam, atque hac ratione hominem peccatorem cum Deo peccatis irascente reconciliaret. Hanc personam vocamus Mediatorem Reconciliationis, seu Redemptionis.

II.

Hunc Mediatorem oportet esse, in unitate personæ, Verum & Iustum Hominem, ut non necesse habeat *a corpore suo id ius quæpiam daretur*, sed ut pro nostris peccatis pati, sanguinem fundere, & mori possit; & simul etiam Verum Deum, ut pœnam peccatis nostris debitam propter pœnæ gravitatem ac personæ patientis dignitatem, æternæ pœnæ æquivalentem in assumpta humana natura ferre ac superare, nosque à summo malo liberare, & summum nobis bonum restituere possit.

*An homini
opus sit
Mediatore
apud De-
um?*

*Quali Me-
diatore sit
opus?
2 Heb. 7. 27*

III.

*Quis sit ille
Mediator?*

b Gal. 4. 4.

*An Christus
solus sit
Mediator?*

Mediator hic Dei & hominū vnus est & solus Dominus noster IESVS CHRISTVS, vnigenitus & proprius Dei Filius in plenitudine temporis *b. iohannes in iohannis*, in quo solo omnes in Mediatore conditiones requisitæ reperiuntur, & de Mediatore prædictiones propheticæ sunt completæ, & qui solus hoc munus perfectissimè secundum omnes partes explevit, atque etiam nunc obit, non tantum Reconciliationis, sed etiam Intercessionis, ita vt in muneris huius consortium nullam omnino creaturam, ne ipsam quidem sanctissimam Matrem suam, admittat.

IV.

*An Christi
sit Media-
tor secun-
dum v-
tramque
naturam?*

*c secundum
dispensati-
onem.*

Quandoquidem autem Persona Christi constat ex duabus Naturis, Divina & Humana, quaeritur: Secundum quam naturam Christus sit Mediator? Respondemus, Totum Christum, quā Deus, & quā Homo, officium hoc Mediatorium executum esse, atque etiam nunc exequi, secundum vtramque naturam, non tantum secundum humanā, sed etiam secundum divinam *c. iohannes*, consideratam: idque ratione non tantum suppositi, sed etiam duplicis principij formalis. Divina enim natura nisi operationibus suis ad opus Mediatorium concurreret, non potuisset Christus neque summum Ecclesie doctorem, & celestem Prophetam agere, neque Pontificis æterni partes obire, neque Sacerdos esse secundum ordinem & typum Melchisedeci, neque regiam potestatem in cælo & terra debere exercere, neque Diabolum & mortem vincere, neque Spiritum Sanctum mittere, neque corda nostra renovare, neque partem nobis salutem con-

ferre

ferre & conservare. Harum operationum divinarum, quæ necessariò ad munus Mediatorium requiruntur, natura Christi divina principium est non tantum agens, sed etiam formale. Humana verò ejus natura est humanarum operationum principium formale, subsistens in divina, & ab ea habens principium essentiae, potentiae, & operationum omnium. Persona, seu suppositum, est principium commune operationum, conjunctum non divisum, inconfusè & inseparabiliter, sed ita, ut secundum principia singularia duarum in ipso naturarum duplex sit actio & agendi modus, & secundum suppositum unum sit *diastrophia*, quod propterea etiam vocatur *e diastrophis*, & *diastrophis*.

*d effectum
e divino-
humanum*

V.

Christus quæcunque exequens munus hoc Mediatorium fecit & passus est, ea omnia pro salute nostra, & in nostrum emolumentum, fecit & passus est, ita ut propriè loquendo sibi ipsi nihil sit meritis. Quare Christus per obedientiam & perpassiones, non tanquam per meritum, sed tanquam per viam, ex sapientissima Dei ordinatione, pervenit ad gloriam illam cœlestem, quæ respectu divinitatis suæ semper ipsi fuit propria & debita, & per gloriosa illa redemptionis opera declaravit se esse personam illam omni supremo honore ac gloria cœlesti dignissimam.

*An Christus
sibi
ipsi aliquid
meruerit?*

VI.

Angeli boni cum non peccarint, neque à Deo dissideant, Mediatore redemptionis vel Reconciliationis opus non habent. Quia tamen

*An Christus
etiam sit
Mediator
Angelorum?*

ab æterno Dei Filio habent, quod ad imaginem Dei create communionem Dei ut summi boni fruantur, & in ea persistant, cum in Christo sint electi ad vitam æternam, atque ab eodem ita conserventur, ut potentia mutabilitatis, cum qua creati sunt, & secundum quam miseri esse potuerunt, nunquam producat in actum. merito Christus etiam Angelorum non tantum Caput, sed & Mediator Unionis cum Deo, & in eadem Conservationis, appellari potest.

DISPUTATIO X.

*De Descensu Christi ad Inferos,
& de Limbo Patrum.*

THESIS I.

*Quæ duplex
sit officium
Christi?*

Mediationem inter Deum & homines Christus absolvit triplici officio, Prophetico, Regio & Sacerdotali, triplici illa Prophetarum, Regum, & Sacerdotum in Veteri Testamento vocatione inaugurali typicè adumbrato. Prophetiâ suâ naturæ nostræ malum & gratiæ suæ bonum nobis agnoscendum proponit. Regia potestate Ecclesiam suam liberat, regit, defendit, & glorificat. Sacerdotio aufert reatum nostrum cum per oblationem sacrificij a iustis & bonis operibus, tum per intercessionem apud Deum Patrem peccatis nostris offensum.

*a proprijs
eorum et re-
deemptorij.*

II.

Sacrificium expiatorium, quod Christus pro nobis semel in ara Crucis obtulit, non fuit tantum ejus corpus, seu corporalis passio & mors, quæ sola non potuit esse sufficiens satisfactio ad redemptionem totius hominis. Cum enim homo non tantum corpore, sed etiam animâ peccaverit, & peccatis suis secundum Dei justiciam & interminationem reatum sibi contraxerit non tantum mortis corporalis, sed etiam æternæ, & puniri meruerit non tantum in corpore, sed etiam in anima; necesse fuit Christum Sponsorem & b. *intercessorem* nostrum, ut pro nobis plenissimè satisfaceret, & nos non tantum à corporali, sed etiam ac præcipue ab æterna morte liberaret, non tantum in corpore, sed præcipue in anima pati, & non tantum temporalem, sed etiam æternam mortem ac maledictionem subire. Atque hanc ob causam etiam totam naturam nostram assumpsit, ut in tota pateretur.

III.

Passiones ergo Christi quibus redempti sumus, præcipue fuerunt in anima ejus, quæ afflictæ fuit, non tantum ex condolentia passionum corporaliū, aut ex commiseratione propter peccata hominum, sed verè & propriè in anima sua sensit iram Patris propter peccata nostra, quæ in ipsum coniecta fuerunt, contra se tanquam omnium peccatorum nostrorum reum, accensam atque ardentem. Ex hoc sensu, non vero ex affectu tanquam humani sensus mortem & cruciatu apprehendentis & exhorrescentis, anima ipsius fuit c. *desiderio* *lat* *ardens*, atque ipse d. *in* *animo* atque extrema animæ anxietate constitu-

An sola corporalis passio Christi sit sufficiens ad redemptionem?

b redemptorem.

An, quomodo, & quid Christus passus sit in anima?

c Mat. 26.

38.

d Luc. 22.

44.

*An Christi
passus
sit mortem
aeternam?*

*e doloribus
mortis vel
inferni.*

Act. 3. 24.

*Et inani
eiusdem
repetitione,
vel propo-
sitione.*

*At passus
est Christus
in anima
etiam in
Symbolo ex-
primatur?*

tus non fictè sed verè conquestus est in cruce, se respectu peccatorum nostrorum, pro quibus luebat. à Deo esse derelictum quia propter illa gravissimum illud summèque horrendum iræ divinæ onus tanta mole ipsi incumbere, ut sensus naturæ nihil aliud diceret. In hoc tamen duro cruciatus & in his summis animæ angoribus non desperavit, sed fides ejus illæsa permansit. Atque hæc est mors illa æterna, quam nostri vice pati debuit & perpassus est, consistens in immensitate agonum, cruciatuum & dolorum infernaliū, qui tametsi in damnatis hominibus in æternum continuabuntur, propter satisfactionis defectum, ob quem non datur liberatio, neque exitus in Christo tamen continuari non debuerunt, neque potuerunt, propter perfectissimam, quam præstitit satisfactionem, ob quam impossibile fuit eum e *ad inferos* duci, vel *in inferos*, in perpetuum detineri. Christus ergo licet mortem duratione æternam perpassus non fuerit, poenam tamen luit pro peccatis nostris, cum angorum immensitate, tum poenæ morientis dignitate, æternæ morti æquivalentem.

IV.

Omnes hæc Christi perpassiones optima methodo sine ullâ vel *symbolicâ* vel *imaginali* in Symbolo exprimuntur. Prius enim in genere dicitur, *Passus est*, scilicet, quæcunque nostri causa pati debuit. Deinde speciatim passiones ejus explicantur, primò externæ & corporales cum dicitur, *Crucifixus, Mortuus, & Sepultus est*: secundò internæ atque animi, quæ jam descriptæ sunt, cum dicitur, *Descendit ad Inferos*.

V.

Hic articulus de Descensu Christi ad Inferos, etsi in multis Symbolis omittitur, tamen quia in Symbolo quod Apostolicum vocatur, & maximè semper in Ecclesijs fuit autoritatis, disertè extat, & à multis jam seculis summo Christianorum consensu receptus est, & doctrinam pervilem continet; ex Symbolo neutiquam est expungendus. Quandoquidem autem Hebræa vox **שְׁמַיָּם** *Schēal*, & vox Græca, quæ illa plerumque transfertur, *ᾗ*, diversas habent significationes, secundum quas diversæ huius articuli interpretationes adhiberi possunt: quaeritur, Quænam secundum Scripturam & fidei analogiam sit maximè conveniens? Respondemus, etsi utraque vox communissimè significet *Sepulchrum*, non tamen articulum De sepultura hic intelligi posse. Ille enim proximè præcessit, & ineptum fuisset vnum eundemque articulum in tam brevi Symbolo tautologicè repetere, aut per se satis clarum exegeticè obscurioribus verbis explicare. Deinde quævis utraque vox ac præsertim Græca, sæpe etiam accipitur pro loco cruciandis tæpobis destinato, non potest tamen in hac significatione articulus hic exponi. Christus enim non potuit localiter eò descendere, neque secundum Divinitatem, quæ ubique est; neque secundum corpus, quod triduo illo fuit in sepulchro; neque secundum animam, quæ fuit in Paradiso cœlesti. Nec habuit quod in eo loco ageret, cum jam omnes cruciatus morte consummati essent, & Princeps mortis jam morte devictus. Nec conveniens est in infimo ignominie gra-

An articulus De descensu ad Inferos debeat extare in Symbolo?

Quis sit sensus huius articuli?

An sit idem cum articulo De sepultura?

An Christus localiter descendit ad locum damnatorum?

du triumphum statuere. Victoriā autem suā ad terrificandos hostes suos alia ratione satis evidenter ostentare potuit. Quoniam autem hæ voces præterea significant, aut statum eorum, qui à morte oppressi atque absorpti sunt, aut horrendos cruciatus atque extremos angotes, consequitur per Descensum ad Inferos, aut intelligi debere imperiā & dominium illud *ps.*, quod per continuatam Christi, in obsignato & custodibus munito sepulchro, oppressi conclusique mortem, triduo illo obtinuit: Aut denique perpeffionem cruciatuum & angorum infernalium, quos Christus tanquam Sponsor noster, iram Patris perferens, in anima expertus est. Atque hic articuli sensus maxime est genuinus, ac phrasi Scripturæ, ac fidei *did.* *g.*

VI.

Animæ sanctorū Patriarcharum, Prophetarum, & cæterorum fidelium, quotquot ante Christi in cælum ascensionem ex hac vita excesserunt, non fuerunt in aliquo loco infernali aut subterraneo asservatæ, sed statim ab excessu ex corporibus in Cælum, in Paradisum cœlestem, in sinum Abrahamæ, in cœlestem Hierusalem, & in consortium Angelorum receptæ, cum eandem, quod ad substantiam attinet, nobiscum fidem habuerint quā iustificati æquum fuit ut eandē etiam nobiscum iustitiæ coronam acciperent. Virtus enim meriti Christi, qui heri & hodie idem est, & in seculis, & agnus ille est mactatus & jam inde à jacto mundi fundamento, sub utroque Testamento eandem habuit efficaciam. Quare inane est humani cerebri commentum Limbus ille infernalis in quo Pontificij fabulantur animas Patrum in

Veteri

*g. consen-
taneus.*

*h. Apoc. 13.
8.*

*An anima
Sanctorum
in V. T. an-
te Christi
ascenso-
nem fue-
rint in cæ-
lo?*

*An vero in
Limbo quo-
dā inferna-
lis?*

Veteri Testamento fuisse asservatas, vsquedum Christus, post mortem suam, locali in hunc infernalem & subterraneum locum descensu, eas inde liberaverit: ac propterea neque hoc esse potest idipsum, quod articulo De descensu Christi ad Inferos exprimitur.

DE PAPA ROMANO.

DISPUTATIO XI.

De optimo Ecclesie Regimine.

THESIS I.

ECCLESIA, quæ Domus est DEI viventis in quâ omnia a *divinis* geri debent, non potest consistere sine legitimo regimine, præsertim quandiu in hisce terris militat.

II.

Regimen Ecclesie duplex est, *Internum*, seu *Invisibile*; & *Externum*, seu *Visibile*.

III.

Regimen *Invisibile*, est quo Deus Pater per Filium suum IESUM CHRISTVM, & quem constituit Caput super omnia ipsi Ecclesie, virtute & efficacia Spiritus Sancti Ecclesiam univrsam immediatè ac potenter colligit, regit, ac conservat. Hoc regimen est planè *divinæ originis*, Monarchicum, & omnis consortis aut vicarij impatiens.

An Ecclesia opus habeat Regimine?

a ordinatè.

Quotuplex sit?

Quid sit quale sit regimen invisibile?

b Ephes. 1.

22.

c imperatorium.

*Quid sit
Regimen
visibile?*

IV.

Regimen *Visibile* est externa Ecclesie gubernatio, qua mediata ministerio hominum sub Christo capite fideles ad communionem cum Deo, & inter se colliguntur, & in eadem reguntur, ac conservantur, per talia media, quæ ab ipso Christo ad hunc finem sunt ordinata.

V.

*Quibus hoc
regimen
commis-
sum?
c. antisti-
tes, seu pra-
sides, du-
ctores.
d. collegas.*

Hoc regimen in Novo Testamento à Christo commissum est hominibus vel immediate à se ad hoc vocatis, quales fuerunt Apostoli, vel mediata ab Ecclesia singulariter & ordinata ad hoc electis, qui ab hoc officio in Scriptura vocantur *Pastores, Episcopi, Presbyteri, Gubernatores, Officarii Dei, c.* seu *regentes, iudices, &c.* Estque hoc regimen plane *Ministeriale*, nec ullum admittit *Dominium*, vel in *Supremo*, vel in *Gregem*.

VI.

*Quæ sit op-
tima forma
regiminis
visibilis?
An sit Mo-
narchica?*

Regiminis itaque hujus Ministerialis optima forma non est æstimanda ex ingenio humano, neque semper Reipublicæ regimini politico conformanda, sed forma quam Christus Ecclesie Dominus & Princeps in Novo Testamento instituit, ea servari, atque optima judicari debet. Hæc non est Monarchica, ita ut hoc regimen committatur uni alicui homini, qui reliquis Ministris & toti Ecclesie, ut Caput ministeriale, vel Christi in terris Vacarius universalis, præsit ac dominetur. Tale enim regimen uni homini impossibile, & toti Ecclesie inutile, periculofum,

culosum, ac noxium est, atque etiam à Christo expressè prohibitum. Sed hæc est genuina & à Christo instituta Ecclesiæ gubernatio, ut exclusa omni dominatione, Ecclesia per Presbyteria & Synodos gubernetur, in quibus ut ordinis causa digniori ac maximè idoneo *e. maximo* quædam sine dominatu concedatur, non tantum utile, sed etiam quodammodo est necessarium. Hæc forma regiminis partim Aristocratix, partim Democratix respondet, ad Aristocratiam tamen quam proximè accedit.

*e. prapofitu-
ra, vel pra-
sidentia.*

DISPUTATIO XII.

De Primatu Apostoli Petri,
&

De Pontificis Romani in eodem
successione.

THESIS I.

Gubernatores Ecclesiæ Novi Testamen-
ti extraordinarij & immediatè vocati fu-
erunt Apostoli, qui præ reliquis Novi
Testamenti ministris ordinariis multas habue-
runt prærogativas, immediatâ scilicet à Christo
vocationem & missionem, generalem in univ-
ersum orbem legationem, potestatem Ecclesias
non vno duntaxat in loco, sed vbivis terrarû plan-

*An Apo-
stoli ha-
beant suc-
cessores?*

tandi, dona extraordinaria Spiritus Sancti, immunitatem ab omni errore in doctrina, & singularem atque extraordinariam auctoritatem. In hoc Apostolatu propriè dicto nullos habent successores, quia functio fuit planè extraordinaria & temporalis, quæ cum ipsis Apostolis, expiravit.

II.

*An inter
Apostolos
fuerit ali-
quis pri-
matu?*

*An Apo-
stolus pe-
trus habu-
erit Pri-
matum?*

Omnes Apostoli fuerunt pares dignitate, auctoritate, jure & potestate, quia omnibus æqualiter prædicatio Evangelij mandata fuit, Ecclesiarum cura incubuit, claves regni celorum fuerunt commissæ, atque omnia Apostolarum privilegia concessa. Omnibus & singulis etiam totius Ecclesiæ regimen pari jure ac potestate datum fuit, sed nemini ex illis datum fuit universale aliquod dominium, vel in totam Ecclesiam, vel in reliquos Apostolos. Quare Apostolus Petrus tamen ætatis atque ordinis causâ, sæpius reliquis præiverit in dicendo, nullum tamen inter Apostolos Primatum obtinuit aut exercuit, neque Apostoli cum pro Primatu inter ipsos agnoverunt, neque vlla ratio dari potest, ob quam Petro talis præ eminentia præ cæteris competere debuerit, nec denique uspiam in N.T. talis Primatus inter Petri prærogativas recensetur.

III.

*An Apo-
stolus pe-
trus Roma
fuerit Epi-
scopus &
ibi mortuus
sit?*

Apostolum Petrum Hierosolymis, Antiochæ, & in vicinis locis Evangelium prædicasse ex verbo Dei manifestè constat, sed cum etiam Romæ vixisse, ibi Ecclesiam fundasse, eamque viginti quinque annos, ut Episcopum ejus Ecclesiæ rexisse, ac tandem ibidem sub Nerone martyrio fuisse affectum, etsi multi ex veteribus testentur,

non

non potest tamen vlla probabili ratione ex sacra Scriptura demonstrari. Quin potius probabili-
bus ex Scriptura argumentis contrarium ostendi
potest; atque hoc præsertim ex Chronologia hi-
storiz sacre collata cum historia Romana ma-
nifestissimè pater, non potuisse eum viginti
quinque annis Romæ sedere, & sub Nerone
martyrij coronam accipere: nisi quis velit dicere
eum etiam post mortem aliquot annos Romæ
vixisse. A morte enim Christi ad vltimum Ne-
ronis annum effluxerunt tantum xxxvi anni,
& constat ex Scriptura Petrum à morte Christi
per xviii annos in Iudæa & vicinis regionibus
mansisse, quibus si addantur xxv anni, quibus
Romæ dicitur sedisse, exsurgent anni xliii.

IV.

Quare Papa Romanus non potest esse Apo-
stoli Petri Successor, neque in Apostolatu, qui
cum ipso desijt, neque in Primatu, seu vniuersali
in totam Ecclesiam dominio, quod Petrus nun-
quam habuit, neque in ordinario Romanæ Ec-
clesiæ Episcopatu, cum Petrus nulli particulari
Ecclesiæ, (vti & cæteri Apostoli) fuerit alliga-
tus, & incertum sit an vnquam Romæ fuerit:
Neque etiam in Doctrina hodierni Pontifices
Romani pro legitimis Petri successoribus haberi
possunt, cum iamdudum ab ea quàm longissimè
recesserint, atque eandem hodieque ferro & flam-
mis extirpare conentur. Non enim habent hære-
ditatem Petri, qui fidem Petri non tenent. Sed si
eorum actiones ac munus, quod nunc potissimum
exercent, spectemus, Neroni potius quam Petro
successisse merito dici possunt.

*An Papa
Romanus
sit Succes-
sor Petri?*

nunc sibi arrogat, atque usurpat, nullo obtinet jure: neque divino, quo omnibus Ecclesiarum Pastoribus mandatur pascere gregem Dei, qui penes ipsos est, & interdicitur *d. n. auctoritas* *ad p.* neque jure Ecclesiastico, secundum quod tamen olim (consilio quidem non malo, sed tamen humano, & ut eventus docuit periculoso) ad vitandam *e. d. ap. l.* & tollenda scismatum semina, *spe s. d. l. a. g. i. a.* vnicuique Episcopo maximè idoneo, in civitate Metropoli, cura omnium istius Dioceseos vel provinciae Ecclesiarum fuerit demandata, nulli tamen Episcopo vniuersale totius Ecclesiae regimen fuit commissum, vel dominium in omnes Ecclesias concessum. Primatum vero hunc posteriores Romani Episcopi summa ambitione & intolerabili ambitu sapientius affectatum, à profano illo parricida Phoca impetrarunt, & partim vi partim fraudibus, & malis artibus tandem obtinuerunt.

d. 1. Pet. 5.
3.

e confusio-
ne, vel se-
lu: am sine
omni impe-
rio licenti-
am.
frati ordi-
nati.

DISPUTATIO XIII.

De Antichristo.

T H E S I S I.

Antichristus vocantur, non illi, qui se pro Christo & vero Messia falso venditant, tales enim in Scriptura propriè *quid d. x. p. u.* appellantur: sed qui doctrinæ Christi cuius se sectatores proficentur, quoquo modo adversantur. Horum alij tantum aliquibus doctrinæ capitibus adversantur,

Qui &
multiplices
sint Anti-
christi?

qui

2 falsi propheta, falsi doctores, et homines haeretici.

b 2 Theff.

2. 3.

c ibid.

d 2 Theff.

2. 8.

e 2 Theff.

2. 4.

f Apoc. 9. 11

g ibid.

h ibid. ibid.

i Apoc. 12. 3

m Apoc 11.

7.

An Antichristus sit vnus tantum persona?

n Apoc. 17.

1.

p Apoc. 20.

10.

q 2. Ioh. 7.

Qualis sit gente et religione?

qui & α ψευδοπροφῆται, & ψευδοδιδασκαλοι, & ἀντιχρίστοι ἀπῆλθον appellatur, quales etiam ipsis Apostolorum temporibus multi extiterunt Antichristi. Vnus vero inter eos eximius Christi, ejusque Ecclesiae adversarius excellit, qui toti fere doctrinae Christianae corpori adversatur, & sub nomine Christi quam maximè Christum oppugnat, ejusque proprium honorem & officium ad se transfert, qui in Scriptura vocatur ὁ ἄνθρωπος τοῦ ἀμαρτίας, ὁ ὄντι τοῦ ἀποδείξαι, ὁ ἀνίμω, ὁ ἀντιαντίμας, f Camade τοῦ διαλέξαι, g ἀγῶνας τοῦ ἀλέξαι, h Ἀλδῶν, i Αἰωνῶν, l ὁ δόξαι, m διεῖναι, n πῆμα, p ὁ ψευδοπροφῆτης, & denique αὐτὸς ἰσχυρὸς ὁ ἀντίχριστος 9.

II.

Magnus hic & eximius Antichristus non est vna numero persona, vnū individuum, aut vnus tantum singularis homo, sed quasi corpus quoddam, multitudo, status. ordo, aut series plurium hominum in vno quasi regno sibi ordine succedentiū, in quo non nisi vnus toti corpori seu regno praesideat vno eodemq; tempore, plures tamen diversis temporibus sint surrogatione, eandem potestatem usurpantes, atque idem mysterium iniquitatis successivè operantes.

III.

Antichristus hic non erit oriundus ex Iudaica gente, neque ex tribu Dan, neque nasciturus ex virgine, opera Diaboli: Nec religionem Iudaicam prostebitur, aut cultum Leviticum instaurabit, aut à Iudæis pro Messia suscipiendus erit, sed professionem Religionis Christianae saltem in speciem pra se feret, à vera tamen ejus doctrina insigni quadam

quadam apostasiâ deficiet. Nec profitebitur se apertum Christi adversarium, sed occultè sub obtentu Christiani nominis, & insidiosâ sanctitatis simulatione, Christum ejusque Ecclesiam oppugnabit, ut tanto melius homines ab ipso effascinosos eoperducat, ut honorem soli Christo debitum ipsi tribuant. Sacramenta à Christo instituta non abolebit, sed corrumpet: Non quidem se ut DEVM palam omnibus adorandum proponet, sed tamen divinos honores quæret, sibi arrogabit, & ab alijs sibi exhiberi patietur. Verbum Dei non simpliciter rejiciet, sed adulterabit. Non negabit palam Iesum esse verum Messiam, sed officium Christi obscurabit, mutilabit, evertet, & tum alijs tum maximè sibi præcipuas ejus partes ascribet & vendicabit.

IV.

Non est venturus demum proximè ante mundi finem, ita ut tantum sit regnaturus tres annos cum dimidio. Neque Enoch & Elias corporaliter in mundum redituri sunt ante ejus adventum, sed mysterium hoc iniquitatis etiam Apostolorum temporibus jam tum peragebatur, & magis magisque paulatim vires acquirens, tandem fatiscente Romano Imperio, quod obstitit quo minus maturius prodierit, apertè se caput manifestare, ac mundo ostentare: idque potissimum circa annum Christi sexcentesium, à quo tempore regnum suum in Ecclesia stabilivit, promovit, & exeruit, & regnaturus porro (licet postremis temporibus post revelationem non tam latè, nec tam quietè) erit, donec Christus à eum illustri adventu suo penitus abolebit. Quare eum

non

*Quando
sit veni-
rus, &
quandiu
regnatu-
rus?*

*2. Thess.
2, 2.*

*Vbi seffu-
rus?*

*c domini-
um inte-
ges terra.*

*Quo chara-
ctere dig-
noscentur?*

*Quamira-
cula editu-
rus?*

*2. Theff.
9.*

*Qua bella
gesturus?
curreneci-
litate.*

non tantum venisse, sed et revelatum esse minime dubitamus. Sedem autem suam imperialem seu regiam collocaturus est non Hierosolymis in India, sed Romę in Italia inter duo maria, in urbe illa *imadip*, seu septicolli, quę Apostolorum temporibus habebat *Cartholus* *in* *urbe* *parolus* *ur* *ys*, quęque mystica illa Babylon est. Neque reedificaturus est Templum Hierosolymitanum, ut in eo tanquam in aula regiā sedeat, sed solum regiam erecturus est in externa Christi Ecclesia, quę DEI templum est, in quā majestatem regiam est ostentaturus, & divinam quandam auctoritatem viupaturus.

V.

Agnosci poterit Antichristus, non ex aliquo caractere externo, seu visibili signo in dextra manu, aut in fronte, non enim erit una singularis persona, sed ex mystico Caractere, & notis illis quibus passim in Scriptura describitur. Aduentus eius erit *aur* *ispisat* *in* *Samā* *in* *urbe* *quia* *ma* *ur* *quis* *ur* *elaps* *floris*, non tamen ex Scriptura liquet, quęnam sint illa in specie mendacia miracula, quę factururus est, an scilicet ignem sit ē cęlo in terram dejecturus, & partem aliquam stellarum inde detracturus, simul ita morte resurrecturus, ascensum in cælū paraturus, aut factururus ut imago bestię loquatur. Bellum quidem *corndu* verę Christi Ecclesię indicturus est, & sanctos homines, qui eius imperio se subdere nolent, gravissimē ferro ac flammis est persecuturus, non tamen singulare aliquod bellum externum suscipiet, stipatus magno exercitu ac copijs Gogi & Magogi ut omnes populos & reges terrę ac precipue regna Iudę, Lybię,

ęgypti,

Ægypti, & Æthio, & armata manu imperio suo subiciat.

VI.

Quandoquidem autem Papa Romanus in externa Christi Ecclesia regnum & dominium erexit, manifestè se adversus omne, cui nomen Dei tribuitur, id est, contra verum & summum DEVM, & contra Imperatores & Reges, quos Scriptura DEVS appellat, opponit, nomen DEI sibi attribui patitur, idem se cum DEO consilium habere, omnemque potestatem in celo & in terra sibi datam esse jactat, supra DEVM se effert, leges DEI refigit, de iis pro arbitrio dispensat etiam contra Vetus & Novum Testamentum, & contra jus divinum ac naturæ; libertatem fidelium conscientis à DEO concessam suarum Legum laqueis tollit, auctoritatem sibi divinam ascribit, vtpote cujus voluntas sit regula juris & æqui, qui peccata ex auctoritate sua possit remittere, quidlibet in religione statuere, omnes judicare, & qui à nemine debeat judicari, qui exlex sit, & nemini rationem reddere teneatur, etiamsi multas animarum myriadas in infernum præcipitaret: vtramque summam potestatem secularem & spiritua-lem sibi ascribit, imperium & dominium totius terrarum orbis ad se pertinere asseverat, regna & ditiones pro arbitrio transfert, Imperatores & Principes de folio detuduit, pedibus calcæ, ad osculi spurissimorum pedum suorum adigit, & tanto se majorem Imperatore jactat, quanto Sol major est Luna, Christi officium manifestè oppugnat & sibi vendicat, novum sacerdotium & novum Missæ sacrificium propitiatorium in-

*An Papa
Romanus
sit magnus
ille Anti-
christus?*

D

stituit,

tur, quem ὁ Κύριος ὁ ἀγαπᾷ καὶ ἀγαπᾷ καὶ ἀγαπᾷ σί-
μας αὐτῶν καὶ καταργᾷ τὴν ὑπόστασιν αὐτῶν καὶ καταργᾷ
αὐτῶν. Quod ut fiat, & Ναὶ ἔρχο Κύριε ἰσχύ.

γ 2. Theff.
2. 8.
2. Apoc. 22.
22.

DISPUTATIO XIV.

De Potestate Papæ in
Spiritualibus.

THESIS I.

HAud obscura Antichristi nota est summa
illa, quam sibi arrogat Papa Romanus,
Potestas, tam in rebus temporalibus quam
in Spiritualibus. Omnis enim Potestas versatur
circa res, quæ aut ad salutem animarum &
vitam æternam, aut ad hanc animalem vitam,
ejusque commoditatem spectant. Hæc vocatur
Temporalis, & Politica: Illa Spiritualis & Ec-
clesiastica. Utramque in terris summam Papa
Romanus nullo jure arrogantissimè sibi attribuit,
& tyrannicè exercet: atque hæc ratione manife-
stissimè ostendit se esse illum αὐτῶν ἀντιστοιχῶν,
ὃς καταργᾷ καὶ τὴν πύλιν καὶ τὴν πόλιν. Θύει, & οὐκ οἶσθα.

*Qualem et
quotupli-
cem Pote-
statem Pa-
pa Roma-
nus sibi at-
tribuat?*

2. 2. Theff.
2. 4.

II.

Potestas Ecclesiastica ordinaria (de extraor-
dinaria enim potestate Apostolorum, quatenus
Apostoli fuerunt, hic non agimus,) consistit in
autoritate prædicandi verbum DEI, Sacramen-
ta administrandi, disciplinam Ecclesiasticam

*Qua in re
consistit po-
testas Ec-
clesiastica?*

b ordinem.

*Vnde eam
Præpositi
Ecclesiarum
habeant?*

*An à Papa
Romano?*

*c Mat. 9.
37.*

*An Papa
Romanus
habeat
summam
potestatem
Ecclesiasti-
cam?*

clavibus regni cælorum exercendi, Ministros Ecclesiæ vocandi & deponendi, de controversiis Ecclesiasticis secundum verbum DEI iudicandi, & de ritibus adiaphoris canones ad Ecclesiarum ædificationem & b vltim condendi. Coactiva potestas, per vim externam aut pœnam corporalem, nulla ordinariis Ecclesiarum Præpositis est data. Omnis enim illorum potestas est merè spiritualis. Habent autem hanc potestatem legitimi Ecclesiarum Præpositi non à Pontifice Romano, sed ab ipso Christo, qui vt Prophetas & Apostolos extraordinarios Ecclesiæ Ministros immediatè ipse vocavit, ita idem dat Pastores & Doctores, reliquosque ordinarios Ecclesiæ Ministros, mediante hominum ministerio: Ille est c i Kôios vñ dregm, qui operarios emittit in messem suam. Et à Spiritu Sancto, qui constituit Episcopos ad pascendam Ecclesiam Dei, quam proprio illo sanguine acquisivit.

III.

Potestatem hanc Ecclesiasticam seu Iurisdictionem spiritualement omnes Ecclesiarum Præpositi ordinarii æqualem à Christo acceperunt, licet pro locorum atque Ecclesiarum amplitudine nonnullorum potestas se latius diffundat, & circa plures exerceatur. Nulli vero in Novo Testamento Ecclesiæ Præposito summa aliqua atq; universalis potestas circa res spirituales, in omnes Ecclesias, & Ecclesiarum Ministros, à Christo aut Apostolis data est: ita vt vnus aliquis sit vniversalis Christi in terris Vicarius, aut totius Ecclesiæ Militantis caput, aut Episcopus vniversalis, qui omnibus Ecclesiis præsit ac dominetur, & reliquos Epif-

copos pro arbitrio suo ordinet aut deponat, aut à quo reliqui Episcopi omnem iurisdictionem suam accipere debeant. Quare Papa Romanus nullo jure sibi hanc potestatem ac iurisdictionem summam vendicat. Veteres Romanæ Ecclesiæ Episcopi, quam diu inter legitimos Ecclesiarum Ministros censi potuerunt, iurisdictionem Ecclesiasticam non à Petro, sed ab ipso Christo, eodem, quo & reliquarum Ecclesiarum Episcopi, iure & modo acceperunt, eamque secundum jus divinum cum istis parem habuerunt. Hodiet nos vero Pontifices Romanos, quia iamdudum legitimi Ecclesiæ Episcopi esse desierunt, nullam in Ecclesia Christi iurisdictionem habere merito affirmamus.

IV.

Habent quidem Ecclesiarum Prepositi potestatem de rebus *d. ad singulos* & externis rituum circumstantiis canones seu leges Ecclesiasticas condendi, ad Ecclesiæ ædificationem atq; *e. i. omnia*: sed hæc, extra casum scandali, conscientias non obligant. Leges vero ad fidem & vitam Christianam pertinentes, quæ hominum conscientias sub pœna æternæ damnationis obligent, condendi potestas nulli mortali homini, vel hominû cœtui aut Cōcilio in hisce terris, nedum Pontifici Romano, concessa est. Hæc enim autoritas soli DEO, qui *f. i. c. 1. §. 1. & 2. & 3. & 4. & 5. & 6. & 7. & 8. & 9. & 10. & 11. & 12. & 13. & 14. & 15. & 16. & 17. & 18. & 19. & 20. & 21. & 22. & 23. & 24. & 25. & 26. & 27. & 28. & 29. & 30. & 31. & 32. & 33. & 34. & 35. & 36. & 37. & 38. & 39. & 40. & 41. & 42. & 43. & 44. & 45. & 46. & 47. & 48. & 49. & 50. & 51. & 52. & 53. & 54. & 55. & 56. & 57. & 58. & 59. & 60. & 61. & 62. & 63. & 64. & 65. & 66. & 67. & 68. & 69. & 70. & 71. & 72. & 73. & 74. & 75. & 76. & 77. & 78. & 79. & 80. & 81. & 82. & 83. & 84. & 85. & 86. & 87. & 88. & 89. & 90. & 91. & 92. & 93. & 94. & 95. & 96. & 97. & 98. & 99. & 100.* & Domino nostro Iesu Christo, qui solus in Religionis negotio audiendus est, suo iure competit & propria est, quam siue blasphemia homo mortalis sibi vindicare non potest. Conscientiæ autem ad solius DEI forum pertinent, in Religionis negotio solo DEI verbo ligari possunt;

An Papa Romanus habeat potestatem condendi leges Ecclesiasticas, qua conscientias obligent? d. indifferenteribus e ordinem. f. iac. 4. 12.

*g doctrina
eꝝ man-
datum.*

atque in eas nulli homines dominatum habent. Atque hæ leges omnes, quascunque DEVS ad salutem Ecclesiæ necessarias iudicavit, Verbo DEI scriptor, cui nihil nobis addere licet, sufficienter & perfectè sunt revelatæ, & comprehensæ. Debemus quidem Ecclesiarum præpositis obedire, sed tantum in ijs, quæ ex verbo Dei nobis proponunt, extra vero, aut contra illud, si nobis in Religionis negotio quidquam præscribunt, illud tanquam *g dissimulanda anjor-
ma* hominum rejiciendum est, nec committere debemus, ut tali servitutis iugo implicemur, aut hominum servi fiamus.

V.

*An Papa
Romanus
sit supre-
mus Index
controver-
siarum Ec-
clesiasti-
carum?*

Supremus atque infallibilis controversarum fidei Iudex est vnici Magistri & Doctoris nostri Iesu Christi Spiritus Sanctus loquens in Scripturis. Subordinati vero atque inferiores Iudices sunt Pastores Ecclesiarum in Christiana Synodo siue vniuersali, siue particulari, legitimè congregati, à quibus etiam ipse Romanus Episcopus iudicari potest. Horum iudiciū non est infallibile, sed ab eo institui potest appellatio seu provocatio. Debent autem appellationes gradatim institui à Synodis minoribus ad maiores, à Diœcesiana ad Provinciale, ab hac ad Nationalem, atque ab hac iterum, si causa tanti sit momenti, & quis priorum iudicio non possit acquiescere ad synodum Oecumenicam, quæ supremum in his terris controversiarum Ecclesiasticarum Tribunal est, cui omnes per vniuersum terrarum orbem Episcopi, etiam ipse Romanus, subesse debent. Quare nullo jure Papa Romanus se venditat pro supremo

Ecclesi-

An Ecclesia Romana particularis possit errare, & fieri apostolica?

tum fidelium, qui cum Antichristo nullā habeant communionem, sed doctrinæ Christi constanter adhæreant, locus tamen ille urbis Romanæ peculiare huiusmodi privilegium non habet, ex quo certum sit nunquam futurum, ut cœtus ille externus & visibilis illo in loco nomen Christianum profitentium, qui Ecclesia Romana particularis vocatur, non possit in errorem fundamentalem incidere, aut à puritate doctrinæ & sinceritate fidei deficere. Experientia enim ipsa jamdudum contrarium manifestissimè ostendit.

DISPUTATIO XV.

De Potestate Papæ in Temporalibus.

THESIS I.

Quid & quod duplex sit potestas politica? a potestate supereminens. Rom. 13.1.

Altera Potestas, quam Papa Romanus sibi arrogat, est Potestas Politica, quæ est a *Uxoris simplici*, à Deo ordinata ad conservationem societatis humanæ, & armata gladio seu potestate coactiva. Hæc Potestas aut est Summa, aut Inferior. Summa est, non quam quis in univèrsam planè orbem terrarum obtineat, (hanc enim nullus unquam homo obtinuit, licet olim potentissimæ extiterunt Monarchiæ) sed quam quis in aliquo imperio, regno, aut Republica ita obtinet, ut superiorem in terris potestatem nullam agnoscat præter solius Dei, & ei soli administrationis suæ rationem reddere teneatur. Inferior

potest.

potestas est quæ Summæ est subordinata, & quam quis non nisi mediante Suprema potestate habet, licet pro munerum diversitate alij maiorem alij minorem potestatem acceperint. Hæc potestas à summa dependet, ab ea leges accipit, eique suæ gubernationis rationes reddere tenetur.

II.

Potestas Politica & Ecclesiastica inter se non pugnant, sed ita sunt in societate humana coordinatæ, ut alterius altera possit opem, & inter utramque rectè institutam summa sit concordia, & amica conspiratio. Differunt tamen, quod illa sit instructa gladio & cogendi autoritate, hæc tantum clavis regni cœlorum: illa infligit immorigeris poenas temporales, hæc tantum spirituales. Illa potissimum versatur circa hominē externum, & res terrenas ac temporales, puta, vitam, corpus, facultates, famam; hæc circa hominem internum, & res spirituales atque æternas, ad conscientiarum sanctificationem, & animarum salutem spectantes. Illius proprius finis est societatis humanæ, & in ea iustitiæ, pacis, & tranquillitatis externæ conservatio; huius vero ædificatio corporis Christi, conservatio communionis sanctorum, & procuratio salutis æternæ. Etenim ante omnia regnum Dei querendum, & animarum salus procuranda, eamque ob causam potestas Spiritualis circa nobilissimum subiectum, tamen Potestas Politica Spirituali Potestati simpliciter non est subiecta. Vtraque enim alteri diversimodè subicitur. Qui potestatem habent spirituales in temporalibus omnino potestati politicæ subiciuntur, & vicissim qui potestate

Quomodo differant potestas politica & Ecclesiastica?

An potestas politica sit Ecclesiastica subiecta et subordinata?

præditi sunt politica, si fideles sint, potestati Spirituali legitimè administratæ, ut cætera Ecclesiæ membra, subiecti esse debeant, & sceptræ sua Christo submittere; ita tamen ut, sicubi exorbitent, coerceri debeant, non vi armorum, aut pœnis corporalibus, sed tantum verbo & disciplina Ecclesiastica. Quinimo tam illi, qui potestate spirituali sunt præditi, quam qui inferiori aliquam Politicam potestatem obtinent, Supremæ Potestati Politicæ, si fidelis est, utriusque ita subijciuntur, ut ipsius legibus non tantum Politicis, sed etiam ad Ecclesiæ regimen spectantibus (nisi fortè verbo DEI directè fuerint contrariæ) obedire, eique functionis suæ rationem reddere teneantur. Huic enim Potestati Supremæ à Deo commissæ est suprema cura & inspectio, non tantum rerum temporalium, sed etiam spiritualium, ut sub ejus imperio homines non tantum in honestate & iustitia, sed etiam in pietate, tranquillam, & quietam vitam degant, vique legis divinæ non tantum secunda, sed præcipuè prima tabula inter homines rectè observetur.

III:

An unus
homo possit
esse prin-
ceps politi-
cus, & Ec-
clesiæ pastor
sive Episco-
pus simul?
b 2. Chron.
19.5. 8.

Functiones tamen utriusque Potestatis ita sunt distinctæ, ut si spectemus ordinariam DEI legem, & functionum gravitatem, vnum idemque subiectum utriusque non sit capax, nec ferendopar, ut Deo probeatur vocatio, & publico expediat. Quare imitari debet Reges & Principes laudatissimū sapientissimū Regis Iosaphati exemplum, & secundum ordinem à Christo institutum, alios constituere in omni negotio Iehovæ, alios in omni negotio regio. Solum mu-

nus Ecclesiasticum, si quis eo secundum omnes partes sedulò defungi debeat. tantæ est gravitatis, ut planè integrum hominem requirat, & Apostolus merito exclamet, * Quis ad hæc idoneus? Quicunque ad hoc munus vocatur, & huic sacræ militiæ nomen dederunt, ij non debent se implicare negotijs hujus vitæ, ijs expressè interdicatur, ne dominantur, ut Reges gentium, ijsque claves regni cælorum non terrarum traduntur: neque gladius, sed pedum pastorale committitur: ut igitur unus & idem homo & Ecclesiæ Episcopus & princeps secularis simul sit, neque vile est Ecclesiæ, neque licitum, neque honestum, neque necessarium. sed ordinationi divinæ, spirituali regnò Christi, & proprio Ministrorum officio, contrarium.

IV.

Episcopus itaque Ecclesiæ Romanæ, si inter legitimos Ecclesiæ Episcopos censeri velit, non potest simul exercere Potestatem temporalem, & esse Episcopus Ecclesiæ, cum, ipso Bellarmino consentiente, nihil habeamus ex Scripturis, nisi datas Episcopis claves regni cælorum, & de clavibus regni terrarum nulla in eo mentio fiat. Præsertim cum ipse CHRISTVS, cujus se Vicarium in terris falsò iactat, regnum de hoc mundo, seu principatum secularem non habuerit, nec habere voluerit, sed oblatum fuga recusaverit, & causis civilibus de familia heriscunda ut judicem se immiscere noluerit: atque etiam Apostolus Petrus, cuius se successorem fingit, reliquique Apostoli Potestatem Politicam expressè à Christo ipsis interdictam, nec habuerint, nec usurparint.

* 2. Cor. 2.
16.

c Luc. 22.
26.

*An Papa
Romanus
jure ha-
beat ali-
quam po-
testatem
tempora-
lem?*

V.

*An Papa
habeat Su-
premam
potestatem
in tempora-
libus directè
vel indi-
rectè?
Sixtus V.
in bulla
contra Hæ-
res. III.
Francia
Regem.*

Sed Papa Romanus non contentus imperio temporali, quod nullo jure in vicina Romæ loca, & Petri, vt falso vocant, Patrimonium vsurpat, impudentissimè insuper sibi arrogat summam & plenissimam Potestatem in rebus temporalibus, non tantum in Christianum, sed & in vniversum omnino terrarum orbem, in omnes Reges & Principes vniuersæ terræ, cunctosque populos, gentes, & nationes. Sed neque Divino neque humano jure tale illi dominium competere, ita manifestum est, vt ipse Bellarminus fateatur, Papam directè & jure divino nullâ temporalem potestatem habere, nec in vniversum terrarum orbem, nec in orbem Christianum, imino nec in vllum quidem locum Sed quod vna manu largitur; altera iterum eripit, sibi que turpiter contradicit, cum docet Papam tametsi directè hanc Potestatem jure divino non habeat, habere tamen eandem indirectè, in ordine ad bonum spirituale, ratione spiritualis Monarchiæ, si animarum saluti necessarium erit, vt hæretici & mali Principes per eam ab ipso coerceantur. Eandem enim hic iterum Papæ Potestatem tribuit, quam prius secundum ius divinum ei ademit, sed hoc addit, per modum indirectum hanc ei competere, quali indirectè vnquam liceat quidquam facere, quod ius divinum directè prohibuit, Quod directè injustum est, per viam indirectam iustum fieri nequit. Parum certè interest si Princeps Christianus directè an indirectè regno suo legitimo injustè spoliatur. Postea hanc potestatem ausus fuit vniversè astruere, non multum laborans, si ea potestas sit ab-

soluta,

soluta, vel in ordine tantum ad spiritualia se extendat. Nunquam talis necessitas Christianis incumbere potest, ut legitimis Magistratibus contra expressum DEI verbum cogantur fidem non servare, aut ijs rebellare, & sceptrum legitimum ex manibus eripere. Tantum vero abest ut hoc permittatur per potestatem Spiritualem legitimè institutam & administratam, ut hæc potestas cum prænisi spiritualibus potissimum sit exercenda adversus eos, qui legitimis Magistratibus rebelles fiunt & fidem fallunt. Ac quamvis Reges fortè infideles sint, aut hæretici, sub quorum regimine Deus nos constituit, propterea non licet eis statim legitima regna eripere, à fide & obedientia ipsis debita recedere, sed Spiritus Sanctus fideles monet, ut etiam talium iugo colla submittant, eisque serviant, & Regni eorum prosperitatem quærant, ac pro ea Iehovam orent.

VI.

Ex hac fictitia potestate Papa Romanus sibi arrogat ius supremum controversias politicas inter Principes dijudicandi, leges politicas condédi, Principibus univèrsis in orbe Christiano imperandi, Imperatores, Reges, & Principes pro suo arbitratu imperiis, regnis, & ditionibus spoliandi, regna in prædam occupantibus exponendi, Principes, quos ille hæreticos aut tyrannos iudicaverit, per sicarios, veneficos, & similes parricidas occidendi, & subditos à juramento fidelitatis & obedientiæ, quo legitimo Principi, divino naturali, & gentium iure obstricti erant, absolvendi. Hæc doctrina & usurpatio ita execranda & perniciosa est, non tantum Ecclesiæ, sed ipsi

*An subditi
teneantur
ferre Regē
hæreticum?*

*An Papa
possit Im-
peratores,
Reges, &
Principes
imperijs,
regnis, &
ditionibus
suis spolia-
re?*

etiam societati humanæ, ut omnes Reges & Principes Christiani, vel ob hanc solam causam, certatim & coniunctis viribus, factum hunc Antichristianum reprimere, & Papam hunc, qui hac iniusta sua usurpatione Christianum orbem bellis, seditionibus, & homicidiis sæpius implevit, & miserè vastavit, cum Papatu & omni ficticia sua potestate ex orbe Christiano extirpare debeant. Hæc enim doctrina si obtineat, nullus foret supremus Magistratus in aliquo imperio, regno, aut ditione, sed omnes Imperatores, Reges & Principes supremi forent vasalli Papæ, ut omnium supremi in temporalibus Monarchæ, & Papam in temporalibus se superiorem agnoscere tenerentur: cum tamen hoc supremorum Magistratum sit privilegium, quod in hoc mundo in temporalibus neminem superiorem agnoscant præter solum DEVM, cui immediatè subiunt, cui soli rationem suæ administrationis reddere tenentur, qui eos constituit, qui solus est Rex Regum, per quem Reges regnant, qui dominatur in regno hominum, & dat illud cui vult. Nullus etiam Christianus princeps vnquam de regni sui possessione certus esse posset, sed quasi precario regnaret, usque dum libeat Papæ cum pro hæretico, aut hæreticorum fautore declarare, & regno suo sub hoc prætextu exuere. Atque imprimis etiam periculosum est in benè constitutis regnis aut Rebus publicis, Principem tales sub ditione sua habere subditos, qui horrendo huic Papali errori fidem adhibent, atque hanc Papæ potestatem agnoscunt: præsertim si etiam amplectantur seditiosissimam illam & falsissimam Bellarmini doctrinam, quâ tradit,

Non

Non licere Christianis subditis tolerare regem infidelem aut hæreticum, puta, qui talis iudicio Papæ sit declaratus. Quare Principes Christiani, cum à subditis iuramentum fidelitatis exigunt, iuste possunt propter securitatem tuam, tum regni, tales subditos cogere, ut aut hos execrandos, seditiosos, noxios & periculosos errores abneget atque ejurent, autditionibus suis excedant.

DE CONCILIIS.

DISPUT. XVI.

*De Conciliorum Necessitate,
Distributione, & Fine.*

THESIS I.

QVANDOQVIDEM secundum prædictionem Christi & Apostolorum, ea semper futura est Ecclesiæ conditio, quam diu in hisce terris militat, ut necesse sit evenire a scandala, ut
b oporteat esse hæreses, & sicut in veteri populo Pseudoprophetae fuerunt, sic etiam inter nos falsi doctores futuri sint, & qui subinde exitiales hæreses introducent: Cum ipse etiam Ecclesiæ seu

*Quare
Concilia
sint neces-
saria?*
a Mat. 18.
7.
b 1. Cor.
11.19.
c 2. Pet. 2.
1.

cætus particulares obnoxij sint defectioni à veritate doctrinæ, ab integritate cultus divini, à morum probitate, & concordia Christiana, sollicitè hic semper dispiciendum erit tum pijs Magistratibus, Ecclesiarum nutritoribus tum fidelibus Ecclesiarum Pastoribus & gubernatoribus, nequid detrimenti Ecclesia inde patitur, & ne hæresium, idololatricæ, corruptelæ morum, & scismaticum Zizania in agrum Domini, ipsis stercentibus, spargantur.

II.

*Quomodo
sint neces-
saria?*

d ordo.

Illud commodiori ratione fieri nequit, quam per conventus Ecclesiasticos, qui à Græcis Synodi, à Latinis Concilia à conciendo vel concalando appellantur. Hæc sunt maximè salutaria media, quibus Doctrinæ sinceritas, & disciplina regiminis ac morum in Ecclesia conservantur, & hæreses ac scismata ex eadem arcentur, aut profligantur. Quare tametsi hæc Concilia non ita absolute & simpliciter sint necessaria, ut Ecclesiæ sine illis nunquam bene esse possit, tamen in tanta hominum malitia & temporum perversitate non tantum insigniter sunt vtilia, sed etiam quodammodo ita necessaria, ut Ecclesia saluari hoc remedio non possit carere, sine insigni veritatis, pietatis, & concordie Christianæ detrimento. Neque enim putandum est solum Papam Romanum esse supremum omnium controversiarum Ecclesiasticarum judicem qui iudicio & arbitratu suo possit omnes controversias judicare & decidere: ita enim nulla esset Conciliorum necessitas, cum frustra fiat per plures, quod per pauciores fieri potest: neque opus esset tanto labore & sumptu in cogendis & habendis Conciliis, si ille solus potest

*An papa
Romanus
sit supre-
mus index
controver-
siarum Ec-
clesiastica-
rum?*

contro-

controversias decidere, & Conciliorum quorumcunque decreta rescindere.

III.

Concilium, seu Synodus, est publicus, liber, & legitimus conventus Ecclesiasticus, piorum & eruditorum, virorum à diversis Ecclesijs legitimè missorum, in quo causæ Ecclesiasticæ doctrinam, aut Ecclesiæ regimen, ædificationem, & pacem spectantes in timore DEI, collatis sententijs, secundum normam S. Scripturæ examinantur, & communibus suffragijs, pro potestate Ecclesiæ à DEO concessa, definiuntur.

*Quid sit
Concilium?*

IV.

Quando conveniunt Legati vnius diœceseos, vocatur Concilium *Diœcesianum*, vel Synodus *etymol.* cum vnius Provinciæ, *Provinciales* cum totius Nationis, *Nationales*, & *synodus* aliquando *Generales*: cum denique ex omnibus aut plerisque vniuersi orbis Christiani Ecclesijs legati conveniunt, vocatur *Concilium Generale*, *Vniuersale*, & *Oecumenicum*. Si quis minorum Conciliorum iudicio non acquiescere potest, licet ei gradatim ordine, & legitimè ad majus Concilium provocare. A legitimo autem Oecumenico, quia Ecclesiæ in his terris militantis supremum est externum & ministeriale Tribunal, non datur provocatio, ne ad ipsum quidem Papam Romanum: ita tamen vt priora Concilia Oecumenica per posteriora emendari possint.

*Quatuor-
ta sunt
Concilia?
et localis.
et abusive.*

*An liceat
à Synodo
Oecumeni-
ca appel-
lare ad Pa-
pam?*

V.

Præterea Concilia alia sunt *Prophetica* & *A-*

E

postolica

*Quid sit
discrimen
inter Con-
cilia Pro-
phetarum
& Aposto-
lorum, &
inter reli-
qua?*

postolica, quæ à Prophetis & Apostolis celebrata fuerunt, cum in Vcteri, tum in Novo Testamen- to. Hæc in decisionibus suis errare non potue- runt, quippe quæ constituerunt ex talibus viris, qui immediate à Spiritu Sancto acti, & in omniem veritatem ducti fuerunt. Alia sunt Concilia alio- rum Episcoporum, quæ Prophetis & Aposto- licis nequaquam sunt paria, aut exæquanda, cum reliqui omnes homines, quantavis doctrinâ & pietate præditi fuerint, erroribus sint obnoxij, atque ipsâ experienciâ constet talia Concilia sæ- pius graviter errasse, & multa impia, falsa, & blasphema decreta condidisse. Distinctio Bellar- mini, quâ Cōcilia distribuit in approbata à Papa, in reprobata, in mixta, & in neutra, nullius est momenti. Nam Papæ approbatio Conciliis nul- lam auctoritatem conciliat, ejusque reprobatio auctoritati Conciliorum nihil derogat, cum illa sit tantum vnus impii sæpe atque imperiti ho- minis, qui errare potest, & hæresin approbare, judicium. Denique distribuuntur Concilia in *Legitima*, quæ ordinationi divinæ sunt consen- tanea: & *Illegitima*, quæ in iis, quæ ad essenti- am Concilii requiruntur ordinationem Divinam non sequuntur: atque ea potius pseudosynodi, conciliabula, & conventicula appellari debent.

VI.

*Quid sit fi-
nis, & quod
sit objectum
Concilio-
rum?*

Concilia non debent cogi aut haberi eum in fi- nem, ut in iis tractentur res Politicæ, & delibera- tur de gerendis bellis, aut aliis rebus ad Rempub- licam spectantibus, ut enim Comitia & Concilia confunduntur, & sc̃ra profanis miscentur. Neq; hæc cura ad Pastores Ecclesiarum, sed tantum ad

Principes

Principes populi pertinet. Sed proprius finis Conciliorum est, ut in iis tractentur causæ & controversiæ merè Ecclesiasticæ, quæ proprium & vnicum Conciliorum sunt objectum. Deliberandum in Conciliis tantum de Doctrina Ecclesiæ, ejusdemque regimine, ut scilicet pura doctrina in Ecclesiâ conservetur, propagetur, & adversus hæreticos defendatur: ut Politia & Disciplina Ecclesiastica ritè secundum verbû Dñi, ad ædificationem, constituantur: ut pax & concordia inter dissidentes Pastores, quantum salvâ veritate licet, stabiliantur: ut pertinaces hæretici compescantur, & errantes in viam reducantur.

DISPUTATIO XVII.

De Conditionibus Concilij Legitimi.

THESIS I.

Concilia legitima, quibus se divina sua præsentia interfuturum Christus ipse promissit, debent in nomine Christi congregari & celebrari, Quod ut fiat hæc potissimum conditiones in iis requiruntur. Prima est, ut legitimè congregentur & conveniant. Secunda, ut legitimè celebrentur.

Quid requiratur in Concilijs legitimis?

II.

*Qua sit
prima con-
ditio Con-
cilij legiti-
mi?*

*Quis ha-
beat jus
convocandi
Synodos?
An Papa
Romanus?*

*An Magi-
stratus
Christia-
nus?*

*Quo loco
Concilium
sit convo-
candum?*

Prima conditio requirit hæc duo; Primum est, vt Convocatio legitimè instituat. Secundum, vt ad Synodum convenient personæ tales, quæ legitimè Synodum celebrare possunt. In convocazione legitima duo iterum sunt consideranda: Primum est, vt convocatio fiat ab eo qui jus habet Concilia convocandi. Autoritas convocandi Concilia sive generalia sive particularia nullo iure competit Pontifici Romano, cum historiæ Ecclesiasticæ testentur multa Legitima Concilia, etiam generalia, non requisito iussu aut consensu ejus fuisse indicta, sed cum convocatio hæc negotium sit aliquo modo politicum, utpote locum & tempus conventus præscribere, sumptus suppeditare, saluum conductum præstare; & auctoritate principali ac activa opus habeat, quemadmodum in Veteri Testamento pii Reges, David, Salomon, Iosias, Ezechias & alii, & in Novo Testamento Constantinus Magnus, ejusque filii, ambo Theodosii, & plures alii Imperatores, sua auctoritate Synodos convocarunt, ita etiam nunc jus hoc ordinario Magistratui, si sit Christianus, competit, sive is sit vnus imperiū obtinens, sive plures inter se in hanc rem consentientes. Quod si vero Magistratus aut sit infidelis, aut officium hac in re facere aut nolit aut negligat, licet piis Ecclesiarum gubernatoribus mutua cohortatione, & vnanimi Ecclesiarum consensu Concilium convocare, & convenire, si necessitas gravis hoc postulet. Alterum est, vt Magistratus Christianus Concilium indicat ad locum opportunum & tutum, ad quæ sine periculo omnes accedere &

con-

convenire queant: & quia Concilia debent esse libera, ut omnibus ad Concilia accessuris præster saluum conductum veniendi & redeundi.

III.

Personæ, ex quibus legitima Synodus constare debet, aut sunt quæ Synodum moderantur, aut quæ causas examinant & determinant. Qui Synodum moderantur vocantur Præsides, quorum summus semper esse debet IESVS CHRISTVS, in cuius nomine congregatio est instituta, reliqui sunt Ministeriales. Duplex autem esse debet Præsides ministerialis, Politicus, & Ecclesiasticus. Præsidis politici est totam Concilii externam politiam atq; a *bonis* autoritate sua moderari & tueri, omnem *hæresin*, immodestiam, & insolentiam coercere, atq; ordinem in tota actione præscribere. Atq; hoc officium est Magistratus summi, si sit Christianus, quod vel per seipsum, vel si adesse nolit, aut non possit, per legatos suos debet exercere: ad quem etiam pertinet decreta Synodi legitimè facta, & subscriptionibus Synodi confirmata, *e* *vincunt* suâ tanquam supremo arresto approbare, & autoritate sua in ditionibus suis sancire: sine qua Magistratus Christiani approbatione & sanctione decreta Synodica vim legis in Ecclesia publicè (in clandestinis Ecclesiis alia est ratio) obtinere nequeunt. Præsidis Ecclesiastici munus est, omnium nomine preces & gratiarum actiones concipere, agenda proponere, quæstiones in Concilium mittere, disputationes moderari, sententias aliorum interrogare, suffragia colligere, suam etiam post alios, eodem jure quo cæteri, sententiam dicere, & de-

Qua personæ in Synodo debent convenire?

Cuius competat ius præsidendi in Concilio?

a ordinem. b confusum.

An et quatenus Magistratus Christianus?

c. approbatione vel iudicio.

*An Porti-
fici Roma-
no?*

creta per delectos notarios in acta referre. Hoc munus non competit præcisè Pontifici Romano, aut ulli alij Episcopo singulariter, cujuscunque sedis, cum multa legitima Concilia sint habita, in quibus neque per se, neque per legatos, præsederet: sed communi eorum qui convenerunt consensu & electione committi debet vni alicui ex Pastorum numero, qui ad hoc munus propter eruditionem, prudentiam, & alia dona necessaria, maximè idoneus censebitur.

IV.

*Qui debe-
ant in Sy-
nodo vocem
decisivam
habere?
& faculta-
tem.*

e potestas.

Personæ quæ in Synodo comparere debent, ut causas examinent & definiant, non tantum debent esse instructi sufficientibus donis, ut habeant sensus exercitatos in sacris literis, ut sint viri pii, docti, prudentes, modesti, mansueti, veritatis & pacis amantes, ut habeant *d'sumpsit* sacra ritè tractandi: sed insuper necesse est ut habeant ab Ecclesia vocationem non ordinariam duntaxat, sed etiam hanc extraordinariam, quâ specialiter ad sanctum hoc negotium delegentur, & *e iſuria* ab Ecclesia ipsis tribuatur, ipsius nomine causas in Synodo tractandi. Hi soli in Concilijs habent vocem decisivam. Debet autem Ecclesia sollicitè despicere, ut ad tanti momenti negotium deputer tales, qui ex tota Ecclesia quam maximè idonei censebuntur, sive sint Pastores, sive Presbyteri seu Seniores, sive etiam alij docti & pii viri, qui Laici vulgò vocantur, si Ecclesia eos præ cæteris noverit Spiritu sancto præditos, & sacrarum literarum peritos. Episcopi itaque, Abbates, & Generales ordinum non habent illam prærogativam, ut soli sint absoluti controversiarum iudices, & soli in Concilijs

habeant suffragia decisiva. Omnes autem qui in Synodo sententiam dicturi sunt, sanctè promittere debent, se liberè, secundum conscientiam suam, sine præjudicio, ex solo DEI verbo iudicatos: quare ab omni alia obligatione, quâ vel Pontifici Romano, vel particularibus Confessionibus obstricti erant, durante hoc iudicii actu, absolvi debent. Liberum etiam debet esse omnibus, etsi non sint delegati, coram Synodo comparere, ibique ordine & rite proponere, si quid animadversione dignum in doctrina aut regimine Ecclesiæ observaverint, quod ad ædificationem Ecclesiæ pertinere arbitrati fuerint.

V.

Altera principalis conditio Concilii legitimi est, ut legitimè celebretur. In legitima celebratione requiritur, ut causæ debite examinentur, & recto iudicio terminentur. Examen legitimum ita debet institui, ut utraque pars dissidentium plenè audiat. Iniquissimum enim est absentem aut inauditum condemnare. Ut argumenta utriusque partis & causarum circumstantiæ sollicitè, diligenter, & bona cum conscientia, sine ullo præjudicio ponderentur, & ad lydiū divini verbi lapidem examinentur. Iudicium legitimum debet imprimis esse verum, quare cum Sacra Scriptura unica sit veritatis norma, illud secundum eam tantum, non autem secundum hominum Traditiones, aut præcedentium Conciliorum decreta, formandum est. Vox enim Christi doctoris summi, in cuius nomine congregatio instituta est, tantum audiri in illa debet, contra quam si quid Concilia statuerint,

*Quomodo
causa in
Synodo de-
beant exa-
minari?*

*Quomodo,
& secun-
dum quam
normam in
Synodo sit
iudican-
dum?
An tantum
secundum
verbum
Dei?*

An et quatenus secundum Symbola et Confessiones?

*Qui debent iudicare in Synodo?
An Papa Romanus in Concilio
hodie possit esse iudex?*

nefas putandum est. Iudicium itaque Concilii non est habendum pro iudicio propriè loquendo, cui absolute Ecclesia debeat acquiescere, sed tantum pro publica S. Scripturæ interpretatione, quæ tametsi temere non debeat contemni aut rejici, tamen non est infallibilis veritatis: Ac propterea Summus Magistratus Christianus cæca approbatione non debet decreta Synodica sancire, neque Ecclesiæ simpliciter iis acquiescere, sed prius debent ea ad hanc veritatis normam explorare, ut animi certi sint se non hominum sed DEI ipsius statuta sancire & recipere. Si vero tantum quaestio est de Consensu, an videlicet omnes Pastores in recepta doctrina consentiant, an vero aliqui à communi Ecclesiarum consensu discesserint, iudicium illud ex Symbolis, Confessionibus, Catechesibus, aliisque receptis publici consensus normis & formulis, formandum erit. Neque hac ratione formulæ istæ verbo DEI exæquantur, cum de veritate Evangelica nondum quaestio instituat. Si vero quis à publico consensu compertus fuerit discessisse, & sententiam suam ut veram nihilominus tueri velit, vel si quis arbitratus fuerit se in formulis publici consensus posse evidentem errorem ostendere, qui à Synodo corrigi debeat, cum talibus ex solo DEI verbo est agendum, eorumque causa secundum illud tantum est iudicanda. Præterea iudicium decisivum in Conciliis dicere non debet is, qui ipse in illa causa vel reus est, vel actor, vel testis. Hoc enim ipsa humana jura iniquissimum censent. Quare Papa Romanus cum reus sit, & accusetur multarum exitialium hæresium, & gravissimorum criminum, non potest in Concilio

lio Oecumenico vt iudex sedere, multo minus vt supremus.

VI.

Conditiones quas Pontificii in Conciliis requirunt, non tantum à Dei ordinatione quàm longissime recedunt, sed ne quidem vllam æquitatis speciem habent, quales sunt hæ præcipuæ: Vt solus Papa Romanus summam habeat auctoritatem pro arbitrato suo Concilia convocandi, prorogandi, & dissolvendi; in iisdem vel per se vel per legatos suos præsidendi, & supremum iudicium pronunciandi, quo Decreta Synodica vel confirmantur, vel rescindantur. Vt solis Episcopis, Abbatibus, & Generalibus ordinum, qui Papæ juramento sunt & manent obstricti, suffragia decisiva concedantur. Non ex sola Scriptura, sed etiam ex Traditionibus & superiorum Conciliorum decretis iudicium formandum, & decisiones instituendas. Vt Concilium nullam vim habeat, nisi approbatio Papæ accedat, utque solus Papa eam habeat auctoritatem omnia Concilii decreta rescindendi. Vt ii, qui Synodi iudicio non acquiescunt, non tantum Ecclesiasticis & spiritualibus, sed etiam horrendissimis temporalibus pœnis, puta gladio, suffocatione, & vivibomburio puniantur, etiamsi à supremo Principe salvus conductus solemniter iis fuerit concessus. His conditionibus Papalibus multo iniquissimis cum manifestè Concilium Tridentinum convenit & celebratum sit, & pleræque omnes conditiones legitimæ in eo defuerint, merito illud pro illegitimo Conciliabulo habendum; & iustissimas habuerunt rationes Principes &

An conditiones à Pontificiis in Conciliis requisitæ sint legitimæ?

An Concilium Tridentinum fuerit legitimè conditionibus celebratū?

Theologi Germaniæ adversus hanc pseudosynodum protestandi.

DISPUTATIO XVII.

De Conciliorum Autoritate.

THESIS I.

*Quanta sit
autoritas
Concilio-
rum legiti-
morum?*

Legitimorum Conciliorum magna in Ecclesia Christiana debet esse autoritas ita ut ea quæ communi Antistitum Ecclesiæ Orthodoxæ in nomine Christi congregatorum consensu ritè statuta sunt, haud temerè à quoquam in dubium vocari, aut pro libitu rejici debeant. Fastuosi enim, petulantis, & temerarij ingenij inditum est, si quis suum vnius judicium anteponat tot doctorum & excellentium virorum judicio ritè & legitime formato. Quare si quis legitimi Concilii decretis à Principe Christiano, & Ecclesiis omnibus approbatis & receptis, non acquiescat, merito ut boni ordinis turbator, censuris Ecclesiasticis coerceri debet.

II.

*Vnde au-
toritas Cō-
ciliorum
pendeat;*

*An à Papa
Romano?*

Hec Conciliorum autoritas nequaquam pendet à Pontificis Romani approbatione, aut instructione. Sive enim ille Concilia approbaverit, sive reprobaverit, nihil facit ad autoritatem eorum vel augendam vel minuendam: cum sæpius approbaverit Concilia maxime illegitima, in qui-

bus

bus multa impia, hæretica, & blasphema fuerunt constituta. Sed omnis Concilii alicujus autoritas pendet ex eo, quod Ecclesiæ orthodoxæ essentialia legitimi Concilii conditiones in eo deprehendant, ac præcipuè hanc conditionem, quod judicium ita sit formatum, ut nihil deprehendatur definitum, quod veritati sacrarum literarum non sit consentaneum. Fundamentum itaque omnis autoritatis Synodalis est convenientia cum ordinatione & veritate divina, de qua prius nobis liquidò constare debet, antequam Synodus aliqua apud nos autoritatem ullam obtineat.

III.

Quandoquidem autem contingere potest, & nonnunquam etiam contingit, ipsa Scriptura & experientia testibus, ut ipsi Pastores nihil sciant nec intelligant, mendacium sectentur, inter sanctum & prophanum discrimen non faciant, stupore & cæcitate percutiantur, invidia, odio, ignorantia, & ambitione sæpe laborent. Et cum certissimum sit omnes Ecclesiæ Antistites (Prophetas & Apostolos eorumque Concilia semper excipimus) erroribus esse obnoxios, sequitur nullum Concilium extra erroris aleam esse positum, sed omnia Concilia tam Unversalia quam Particularia, etiam ea quæ Papæ instructionem & directionem sequuntur, & à Papa sunt approbata, errare posse. Quod ita manifestum est, ut longa inductione Conciliorum, non tantum sub Veteri, sed etiam sub Novo Testamento, cum antiquiorum tum maximè recentiorum sub Pontificis tyrannide habiturum, clarissimè demonstrari potest, plurima Concilia,

An Concilia possunt errare?

etiam

etiam quæ à Papa approbata sunt, gravissimè errasse, & multa impia, superstitiosa, hæretica, tyrannica, flagitiosa & blasphema sepe decrevisse, & priora Concilia per posteriora sæpe fuisse emandata. Quare autoritas Conciliorum non est Prætoria, neque debet esse tanta, ut decretis eorum, tanquam si essent veritatis infallibilis, simpliciter acquiescamus, absque ulteriori examinatione: sed debemus ea prius ad verbi divini amussim expendere, & si deprehendamus cum ea convenire, sententiæ & consensui Ecclesiæ nos conformare: sin vero ab ea dissentire comperiamus, non tantum licet nobis, sed etiam debemus decretis talibus debitè & legitimè refragari.

IV.

*Quomodo,
& quando
decreta Synodica in
Ecclesia auctoritatem
obtinere
debeant?*

Propterea decreta Conciliorum Ecclesijs non debent proponi, aut obtrudi tanquam edicta quædam Prætoria, aut decreta Persica, sed mitti debent acta habiti Concilij ad omnes Ecclesias, ut ab eisde ad amussim verbi divini examinentur, & si cum ea consentire fuerint comperta, approbentur, atque ita tandem ab Ecclesijs approbantibus, voluntariè & unanimiter, haud sanè invitè aut coactè, recipiantur. Ecclesiæ enim conscientias suas Delegatorum suorum ad Synodum iudicio non alligarunt: neque ijs absolutissimam quidvis ipsarum nomine statuendi potestatem concesserunt: sed Conscientiæ soli DEI verbo semper manent alligatæ, cui si conformia compererint Delegatorum acta, & decreta, tum demum Ecclesiæ ea rata habere atque approbare debent. Ante hanc communem Ecclesiarum approbationem decreta Synodica in Ecclesijs auctoritatem & vim

legis

legis nondum obtinent. Quemadmodum etiam in Ecclesijs, quæ sub Magistratus Christiani tutela publico Religionis exercitio fruuntur, vigorem legis publicæ non possunt obtinere, antequam accesserit Supremi Magistratus approbatio, & quasi supremum, ut loquuntur, arrestum.

V.

Omnis Conciliorum auctoritas pendet à conformitate cum S. Scriptura, quæ cum sit a *Deo* *inspirata*, divinæ, infallibilis, atque indubie veritatis, auctoritas ejus omnibus modis major est quam Conciliorum, non tantum in se, & absolute, sed etiam nostri respectu, cum omnis Conciliorum auctoritas nobis ex Sacra Scriptura sit demonstranda. Non enim simpliciter credendum est decreta Synodalia vera esse, quia in Concilio à Patribus sunt condita, sed quia comperiuntur S. Scripturæ conformia: ita ut S. Scripturæ sua constet auctoritas per se, Conciliis autem per S. Scripturam. Quare Decreta Conciliorum nunquam pro Spiritus Sancti oraculis sunt obtrudenda, aut pro principiis Christianorum dogmatum habenda: neque Sacre Scripturæ villo modo æquanda, multo minus etiam quoad nos, illi præferenda. Hoc enim prorsus impium & blasphemum est. Atque hoc modo fides nostra in hominum, non in Dei verbo recumberet, atque in homines non in Deum terminaretur. Nos quidem quatuor priora Concilia Oecumenica, Nicenum, Constantinopolitanum, Ephesinum, & Chalcedonenſe, quantum ad fidei dogmata attinet libenter amplectimur, & ut sacrosancta reveremur, licet respectu

*a divinitus
inspirata.*

*An Con-
ciliorum au-
toritas ma-
ior sit au-
toritate S.
Scriptura
nostri re-
spectu?*

*Qua sit
auctoritas
quatuor
priorum
Concilio-
rum?*

politiz

politix Ecclesiasticæ n̄vos quosdam in iis agnoscamus: quatuor tamen Evangelis ea exquiri blasphemum putamus.

VI.

An Concilium sit supra Papam?

Concilii legitimi iudicio & censuris subiecti debent esse omnes Ecclesiæ cives, cujuscunque tandem sint conditionis, sive functionem publicam in Republica aut Ecclesia habeant, sive homines privati sint. DEVS enim penes Ecclesiam, quam Concilium repræsentat, ministerialem judicandi potestatem in hisce terris esse voluit, atque omnibus mandavit, etiam ipsi Petro, ut nisi velimus tanquam Ethnici & publicani haberi, eam audiamus. Quare etiam Papa Romanus, si velit censi inter Ecclesiæ cives, multo magis si in numero Episcoporum haberi velit, non minus quam reliqui cives & Episcopi Concilio legitimo, sive volens sive nolens, subiectus est, & à Concilio potest judicari, examinari, iusta de causa à munere suspendi, deponi, & puniri. Quod ipsa nonnulla Concilia, etiam à Papa approbata, neque admodum antiqua etiam agnoscunt, quæ statuerunt Concilium esse supra Papam: hunc ab illo, non illud ab hoc judicari debere. Neque enim Papa est Pastor summus, neque caput corporis, neque vir & sponsus Ecclesiæ, quemadmodum hosce titulos soli D. N. IESU CHRISTO proprios blasphemè sibi vendicat, ut per eos iudicio Ecclesiæ se eximat, sed cum titulos hosce blasphemos sibi attribuit, seque supremum in terris iudicem appellat, qui omnes judicare, & à nemine judicari debeat, manifestè ostendit se esse eum, qui se effert

b ἐν τῇ πόλει ἀντιστοιχεί τῷ ἀντικρίστῳ, se esse e τῷ
a ἄνθρωπον, qui nullas velit legibus subiectus esse, ac
 denique se esse d τῷ ψευδοπροphetῇ, cuius spiri-
 tus Prophetis non subiicitur: hoc est, esse mag-
 num illum Antichristum.

b 2. Thess.

2 4.

c 2. Thess.

2.8.

d Apoc. 10.
10.

DE ECCLESIA.

DISPUTATIO XIX.

De Ecclesiæ Essentiâ.

THESIS I.

VOX Græca *Εκκλησία* derivata ab ἐκα-
 λῆν, quod est evocare ex aliis vel con-
 vocare, significat communiter cœtum
 evocatum, sive legitimè & autori-
 tate publicâ, qui vocatur *α* *ἐκκλησία*
ἐκκλησία, sive illegitimè, vel per seditionem, qui
 vocatur *β* *ἐκκλησία συζευχόμενη*. Item sive ad sa-
 crum, sive ad profanum finem, ut Latinis Con-
 cio. Singulariter significat cœtum ad sacrum fi-
 nem evocatum: & Synecdochicè eos tantum,
 qui tali cœtui præsent, quorum conventus
 Presbyterium & Synodus vocatur, & vulgò Ec-
 clesia Repræsentativa. Hebræi cœtum talem
 vocant *c* *Kahal*, & *d* *Hedab*, à convocando,

Quid vox

Ecclesia

significet?

a Ab. 19.

39.

b Ab. 19.

32.

הקהל

ההדב

&

& congregando. Latini vocem hanc Græcam, vt significantissimam atque apulissimam, prudenter & religiosè retinuerunt.

II.

*Quotplex
sit Eccle-
sia?*

Ecclesia, cum significat cœtum seu collectionem hominum ad sanctum finem evocatorum, (in quâ significatione nos vocem hanc in totâ hac disputatione accipimus) in S. Scripturâ aliâs *latius* accipitur, aliâs *strictius*. Vnde Ecclesia dividitur in *Catholicam* seu *Vniuersalem*, & *Particularem*. Ecclesia *latè* & generaliter accepta communiter appellatur *Catholica*, id est, *Vniuersalis*; idque vel *absolutè*, vel *respectivè*. *Absolutè* significat Ecclesia *Catholica* corpus seu collectionem omnium eorum, qui à DEO ex vniuersa hominum multitudine ex naturali ipsorum statu ad supernaturalem gratiæ & gloriæ communionem, ac filiorum DEI dignitatem, in Christo Iesu, omnibus temporibus, efficaciter vocati sunt, vocantur, & vocabuntur, quique ei per vivam fidem tanquam capiti coadjuvantur. Hanc DEVS suo sanguine acquisiuit. Hæc est Sponsa illa Christi, pro quâ semetipsum exposuit, vt eam sanctificaret, & sibi gloriosam sisteret. Hæc est mysticum illud Christi corpus cui dat salutem. Hæc est familia filiorum DEI. pro quibus Christus mortuus est, vt eos dispersos in vnum cogeret. Hæc est Domus, Civitas, & Templum DEI viventis. Hæc est illa sublimis Hierusalem, quæ libera est & mater omnium nostrum. Hæc est illa *ἐκκλησία* *καθολικὴ καὶ ἡνολοκλήτιστος*. In hac Ecclesia nulla est condemnatio, neque extra hanc Ecclesiam est salus. Hæc est Ecclesia illa, quam in Symbolo credimus esse, nosque

*Quid sit
Ecclesia
Catholica
absolutè
considera-
ta?*

e Heb. 12.
21.

*An extra
Ecclesiam
Catholicâ
sit salus?*

ejus

eius membra esse, & perpetuò mansuros. Non autem credendum est in Ecclesiam Catholicam, hos enim esset fidem seu fiduciam suam in hominibus collocare, quæ in solo Deo ponenda est, qui solus est objectum fidei Christianæ.

III.

Ecclesia, hæc cum in Scripturis corpori assimilatur, necesse est ut habeat Caput suum, & Membra. Caput Ecclesiæ Catholicæ est solus IESVS CHRISTVS, quem DEVS s. constituit super omnia ipsi Ecclesiæ. Caput, & ex quo totum corpus congruenter coagmentatum & compactum; per omnes suppediatas commissuras, ex vi intus agente, pro mensura cuiuscunque membri, incrementum capit corpori conveniens. Blasphemia itaque atque execranda est Pontificis Romani arrogancia, cum se etiam vocari vult Ecclesiæ Catholicæ Caput, etsi ministeriale, quale in his textis Christus nunquam ordinavit, neque necessarium est; atque ita officium atque honoré soli Christo, debitum sacrilegè sibi vendicat, & monstruosam biceps corpus Christi efficere conatur. Membra huius mystici corporis Christi, cuius ille vivum est caput, nulla sunt emortui aut arida, sed omnia viva, quia Christi Spiritu per totum hoc corpus diffuso perpetuò vivificantur. Quare homines infideles & manifestè impij, qui sine conversione in infidelitate, aut impietate pergunt, & ad finem usque vitæ perseverant, atque hac ratione manifestè ostendunt se esse reprobos, inter huius Ecclesiæ membra censeri non possunt. Neque etiam Hæretici, Apostata, & Schismatici, qui non iudicio Papæ, sed revera tales sunt; &

An dicendum sit, Cresco in Ecclesiam Catholicam?

Quod sit caput Ecclesiæ Catholicæ?
f Eph. 1 22
g Eph. 4. 16.

An Papa Romanus? Qualia & quæ sint membra Ecclesiæ Catholicæ?

An habeat arida membra?
An Reprobis, infidelibus, et manifestè impijs, possint esse membra Ecclesiæ Catholicæ?
An Hæretici, Apostata, et Schismatici?

h 2. Cor. 6.
15.
i Rom. 8.9
*An Hypo-
crita?*

l Matt. 7.
22. 23.
*An Cate-
chumenus
nondum
baptizati?*

*An etiam
Excommu-
nicati?*

quamdiu tales manent. *b* Nulla enim concordia Christo cum Belial, neque pars fideli cum infideli. Qui Christi Spiritum *i* non habet, non est ejus: neque Christi membrum esse potest, qui ipsius est adversarius. Denique etiam occulti hypocritæ etsi membra hujus Ecclesiæ appareant, revera tamen non sunt. Licet enim fidem profiteantur, verbum audiant, Sacramenta participant, Pastoribus obediant, atque ita in propatulo Christiani sint, non tamen revera sunt Christiani, seu Christi membra, quia non sunt etiam in occulto. Et quantumvis se in illo die pro membris hujus Ecclesiæ jactabunt, quia per nomen Domini prophetaverint, & dæmonia ejecerint. *l* Dominus tamen iis profitebitur, se nunquam eos novisse, seu pro veris hujus Ecclesiæ membris agnovisse. Ab hac tamen Ecclesia non excludimus nondum baptizatos fidelium Infantes, neque Catechumenos nondum baptizatos, si in Christum verè credant. Salus enim absolute signis illis externis non est alligata, neque sola carentia, sed contemptus Sacramentorum damnat. Quicumque in Christum verè credunt, per fidem, non potentia, sed ipso actu, Christi corpori inseruntur, etsi nondum externim accesserit signaculum. Neque etiam sine omni protus discrimine excludendi ab hac Ecclesia sunt Excommunicati. Multi enim injustè excommunicantur, qui propterea in deteriori statu non sunt, sed potius illi à quibus injustè excommunicati sunt: quare si verè in Christum credant, nihilominus pro veris hujus Ecclesiæ civibus sunt habendi. Iustè excommunicati sæpe nondum fuerunt actu vera hujus Ecclesiæ membra, aut tamen si

ex particulari Ecclesia iuste excluduntur, non tamen statim absolute à corpore servandorum abscinduntur, cum excommunicatio omnis fiat sub conditione, nisi resipiscant, & adhibeatur non in perniciem sed in salutarem medicinam.

IV.

Vera Ecclesie Catholice membra sunt soli illi, qui à Deo sunt predestinati, efficaciter vocati, iustificati, & glorificati, vel glorificandi; id est, soli electi, & verè fideles. Alij enim censentur membra esse tantum secundum propositum Dei, quod est secundum electionem, cū Christo per fidem nondum actu sint insiti certò tamen inferendis. Alij jam ipso actu viva sunt membra. Hi sunt soli verè fideles, quibus omnibus & solis Deus *ignem in dedit*, ut filii Dei fierent. Per solam enim fidem cum Christo communionem habemus, ipsi inscribuntur, & Deo placemus. Soti itaque filii Dei hanc domum Patris sui incolunt, & soli huius celestis Hierusalem, quæ omnium fidelium mater est, cives sunt. Solæ oves Christi, quæ vocem ejus audiunt, eumque sequuntur, & quibus vitam æternam dat, ad hoc ovile pertinent. Horum membrorum Ecclesie Catholice alia hic in terris in via sunt, & adversus Diabolum, Mundum, & Carnem armis spiritualibus decertant, quorum collectio vocatur *Ecclesia Militans*; alia peracto certamine in celesti patria coronantur, & vocatur illorum collectio *Ecclesia Triumphans*. Veraque collectio vnam tantum constituit Ecclesiam, vnum corpus, atque vnum ovile. Vt enim nemo membrum fiet Ecclesie Trium-

*An soli
predesti-
nati &
verè fideles
sint mem-
bra Eccl.
Cathol.?*

*m Joh. 1.
12.*

*Quid sit
Ecclesia
Militans?
Quid Tri-
umphans?
An Eccle-
sia Catho-
lica sit v-
na?*

An Ecclesia Catholica sit una?

An sit Ecclesia in Purgatorio?

Quid sit Ecclesia Catholica respectu consideranda?

phantis, qui prius non fuerit membrum Militantis, ita tandem, cum Electorum numerus fuerit completus, omnia Militantis membra de devictis hostibus in patriam cum Christo Capite in æternum triumphabant. Ecclesiam, quæ sub terris igni à peccatis purgetur, nullam Scriptura agnoscit.

Vult ostendere, quod Ecclesia appellatur etiam Catholica, seu Universalis, respectu idque quadruplici respectu, *Hominum, Locorum, Temporum, Dogmatum, et Cæti* particularium. *Hominum*, quia non amplius ex Iudæis tantum, sed sine discrimine ex omni populo, & gente, & omnium hominum statu congregatur. *Locorum*, quia per totum terrarum orbem dispersa est, & nulli peculiariter regioni, urbi, aut loco in hisce terris est alligata. *Temporum*, quia inde à primordio mundi collecta est, & colligi nunquam desinet, donec eam Christus adventu suo in eternam gloriam tradiderit. *Dogmatum*, quia omnes veræ Ecclesie universalem in omnibus dogmatibus fidei ad salutem necessarijs consensum colunt. *Cæti particularium*, quia omnes veræ particulares Ecclesie, ubicunque terrarum fuerint, unum quasi corpus, atque unam Ecclesiam efficiunt, cujus singulae sunt partes integrantes. Atque hoc respectu Ecclesia Catholica significat collectivè omnes Ecclesias Orthodoxas, & in fide consentientes. In hac significatione potissimum à Patribus accipitur, cum Hæreticis aut Schismaticis iudicium aut consensum Ecclesie Catholice opponunt. Vnde apparet Romanam seu Pontificiam Ecclesiam, cum in dogmatibus ad salutem

salutem necessarius non sit Orthodoxa, neque cum Ecclesijs Orthodoxis consensum colat, ab Orthodoxa primitive Ecclesię Romane fide jamdudum defecerit, & multis hodie hæresibus, superstitionibus, atque adeo manifestè à Idololatria sit inquinata, pèrperam sibi nomen Ecclesię Catholicę vindicare. Ac propterea etiam malè faciunt qui Pontificios hodie, sive ex consuetudine, sive per adulationem, Catholicos appellant.

VI.

Strictum vox Ecclesię accipitur pro particulari aliquo, sive magno sive parvo, externo ceteri hominum prædicatione verbi & Sacramentorum communicatione ad Dei cultum evocatorum eundemq; profitentium: qui cœtus vocatur *Ecclesia Particularis*, & plerumque denominatur à loco, ut Ecclesia Romana, Corinthiaca, Ephesina, Philippensis, &c. Ut quis sit membrum hujus Ecclesię non est necesse, ut subsit Papæ Romano, tanquam unico Christi in terris vicario: Hoc enim nusquam in Scripturis docetur. Neque ut planè ita in doctrina & vita perfectus sit, ut nihil amplius in eo desiderari possit: Hæc enim perfectio in hanc vitam non cadit. Sed in vero externæ Ecclesię particularis membro hæc requiruntur, ut confessione fidei veram Religionem profiteatur, verbum Dei diligenter audiat, Sacramenta participet, Disciplinæ atque ordini Ecclesię se subiciat, & secundum Evangelium convenienter, aut saltem tolerabiliter vivat. Hæc omnia cum etiam Hypocritæ occulti præstare possint, sequitur eos etiam particularis Ecclesię membra esse posse. Externi enim cœtus

*Quid sit
Ecclesia
Particularis?*

*Qua sint
membra
Ecclesię
Particularis?*

*An soli
Papæ sub-
diti?
An soli
perfecti?*

*An etiam
occulti Hy-
pocritæ?*

illi particulares non tantum constant ex verè fidelibus, sed semper hypocritas permixtos habent, ut parabola de agro, de area, de reti, de convivio nuptiali, de decem virginibus, & similes evidentissimè docent. Tales hypocritæ, etsi Ecclesiæ Catholicæ absolutè consideratæ viva membra non sint, tamen quamdiu occulti manent, nec impietatem produnt, ex lege charitatis pro verè fidelibus & Ecclesiæ Catholicæ membris à nobis haberi debent. Qui vero vitâ aut confessione se palam ostendunt à Christo planè alienos, neque ad communionem Ecclesiæ particularis admitti debent, neque in eadem tolerari.

An manifestè impij & magis peccatores?

DISPUT. XX.

An Ecclesia semper sit Visibilis?

ET

An possit penitus deficere?

THESIS I.

An Ecclesia Catholica sit visibilis?

à universis salutatur.

CUM quaeritur an Ecclesia semper sit visibilis: illud intelligi potest aut de Ecclesia Catholica, aut de Particulari. De Ecclesia Catholica cum intelligitur, respondemus, ea tamen constet ex hominibus qui in se, quod ad formam externam, visibiles sunt, nobis tamen est invisibilis, non tantum respectu *à se ipsis*, quod in sensus non incurrit, aut quia maxima

pars

pars in cœlis triumphans à nobis videri nequit, sed potissimum respectu internæ ejus formæ, per quam quis Ecclesiæ hujus membrum est, & quæ corpori, ejusque cuilibet membro, dat essentiam. Hæc enim cum sit res spiritalis, utpote viva & sincera in Christum fides, externis sensibus non percipitur. Soli Deus *b. n. p. r. o. n. d. e. n. s.* hæc cognita & visibilis est, qui solus novit qui sint sui. Homines de aliorum fidei sinceritate non nisi probabiliter & fallibiliter judicare possunt. In die autem illo extremo, cum Christus oves suas ab hædis discernet, Ecclesia Catholica ex omnibus populis, locis, atque omnibus temporibus collecta, demum omnium oculis exponetur, & tota visibilis comparebit.

*b. cordium
cognitore.*

II.

Cum de Ecclesia particulari intelligitur, non controversatur, An particularis aliquis externus cœtus hominum Deum colentium in se sit visibilis? Quis enim rem tam manifestam unquam negaverit, aut in dubium vocaverit? Sed hæc est præcipua quæstio, quæ inter nos & Pontificios hîc in controversiam venit, An unquam fieri possit, ut omnes particulares Ecclesiæ ita penitus deficiant, ut omnes simul fiant invisibiles, hoc est, ut nullus amplius extet visibilis cœtus Religionem veram profitentium, qui conspici & digito demonstrari possit? Respondemus, hoc nunquam esse futurum ex hypothese divinæ promissionis, ac defensionis, sed semper fore in hisce terris alicubi cœtus visibiles vel plures vel pauciores, vel majores vel minores, vel splendidiore vel obscuriores, qui veram Religionem

*An parti-
cularis Ec-
clesia sit
visibilis?*

profitebuntur. Fieri tamen posse ut omnes illi coetus sint invisibiles, respectu vel eorum qui infirmitate humana præditi eos inter impios latitantes non animadvertunt, vel eorum, qui odio & malitia exacerati videre nolunt, vel eorum quibus animus est ad persequendum Ecclesiam veram, quorum injuria latente coguntur, ne se illis visibiles præbeant.

III.

An Ecclesia Catholica possit deficere?

De Ecclesie defectione idem planè est judicium. Si enim quæritur, An Ecclesia Catholica possit deficere? Respondemus de Triumphante Ecclesia quæstionem hanc moveri non posse, cum illa jam possideat vitam æternam, cujus nullus unquam erit finis. Militantem Ecclesiam etsi Diabolus horribili atque insatiabili furore perpetuò oppugnet, & partim crudelissimis excitationis persecutionibus penitus ex orbe terrarum extirpare conetur, partim efficacibus seductionibus atque erroribus, ad defectionem sollicitet, ita ut sæpius in his terris ad exiguam paucitatem redigatur, nunquam tamen portæ inferorum adversus eam tantum prævalebunt, ut penitus in his terris deficiat, aut extirpetur. Deus enim semper sibi semen & reliquias reservabit. Et Christus Caput & Rex Ecclesie sue, qui æternum obtinet regnum, membra & subditos semper habebit, non tantum in cælis, sed etiam hic in terris, usque ad mundi consummationem, quibus se perpetuò assuturum promisit.

IV.

Cum quæritur, An Ecclesia particularis possit deficere

deficere? illud intelligi potest aut de vnâ aliquâ, aut de omnibus simul. De vnâ aliquâ particulari Ecclesia, respondemus, fieri posse, vt cœtus aliquis particularis ita penitus exterminetur, vt persecutionis, vel etiam progressu temporis propriâ malitiâ ab Orthodoxâ doctrinâ, quæ prius in cœtu illo tradita fuit, ita penitus deficiat, vt * civitas fidelis fiat meretrix, vt ex eo loco ꝑ candelabrum moveatur; atq; vbi prius vera Ecclesia fuit, ibidem nulla amplius appareat. Quod ipsum Ecclesiæ Corinthiæ, Ephesiæ, & innumeris alijs Ecclesijs particularibus evenisse, ipsa testatur experientia. Neq; vlla est particularis Ecclesia in toto terrarum orbe, quæ per speciale aliquod privilegium loci, sedis, aut successionis ab hoc defectionis periculo sit immunis. Ecclesia enim Novi Testamenti nulli in terris loco peculiari est alligata.

V.

De omnibus Ecclesijs particularibus quaeritur, an omnes simul ita possint deficere, vt nunquam in toto terrarum orbe vllus reperiatur cœtus hominum veram Religionem profitentium? Respondemus fieri posse vt omnes externæ & visibiles Ecclesiæ particulares quasi vniuersali à vero DEI cultu defectionis cataclysmo ita obruantur, vt tota visibilis in terris Ecclesia defecisse penitus videatur. Quod vt in Veteri Testamento sæpius accidisse sacra historia testatur, & Prophetæ conqueruntur; ita etiam Christus & Apostoli clarè prædixerunt, in extremis hisce Novi Testamenti tēporibus, multos à fide defecturos, evidentem ac quasi generalem fore * Apostasiam, & tam efficacem seductionem, vt

An vna aliqua Ecclesia particularis possit deficere?

* Isa. 1. 21

† Apoc. 1.

5.

An vlla sit immunis à periculo defectionis?

An omnes particulares Ecclesiæ simul possint deficere?

* 2. Thess.

2. 3.

e. Mat. 24.

24.

d. Luc. 18.

8.

e. 1. Reg.

19. 14.

*Vbi fuerit
vera Ec-
clesia sub
Papatu su-
perioribus
seculis?*

e si fieri possit, ipsi electi etiam seducerentur, utq; Filius hominis cum venturus erit *d* vix fidem in terris sit inventurus; omnes etiam terræ incolas, quorum nomina non sunt scripta in libro vitæ Agni, Bestiam adoraturos. Fieri etiam posse ut violentia persecutionum omnes veræ Ecclesiæ ad eam paucitatem atque obscuritatem, in easque angustias & latebras redigantur, ut nulla earum facies externa vspiciam appareat, & membra ipsa vix se invicem noscant, quod tempore *e* Eliæ accidisse sacra historia clare testatur. Nunquam tamen futurum esse, ut omnes in universoni cœtus particulares vel extinguantur, vel penitus à vero DEI cultu deficiant, sed semper in hisce terris superstites fore veros DEI cultores, plures vel pauciores, quorum cœtus veram Ecclesiam constituunt.

VI.

Quæritur denique, vbinam gentium aut locorum fuerit vera Ecclesia superioribus seculis in Papatu, si Pontificia Ecclesia non sit vera Ecclesia? Respondemus, quemadmodum in Ecclesiæ Israeliticæ generali ad Idololatriam defectione præcipuè temporibus Acabi, ingens numerus superfuit eorum qui genua coram Baal non flexerant, ita dubium non esse, quin omnibus seculis extiterint, non tantum innumeri pii, qui veritatem constanter agnoverunt, & Pontificiorum Idololatriam, hæreses, ac superstitiones damnarunt, atque execrati sunt ut docent Martyrologia: sed etiam plurimos integros cœtus, etiam in ipsa Europa, vbi Papa dominium potissimum exercet, semper extitisse, qui DEVM secun-

dum

dum verbum suum ritè coluerint: cui rei vel sola Waldensium, seu Albienſium, historia fidenſa-
ctè potest. Deinde istis temporibus vera Ecclesia
fugieris Draconis perſequentis tyrannidem, vt
per Apostolum prædictum erat in deserto, in
loco suo, latuit extra serpentis & hominum con-
ſpectum.

DISPUTATIO XXI.

An Ecclesia possit errare?

THESIS I.

Fidei Romanz seu Pontificiz præcipuum
atque vnicum ferè fundamentum est hæc
Pontificia hypotheſis: *Ecclesiam non posse
errare.* Quemadmodum enim Iudæi aduerſus
Prophetarum increpationes ſolent ingeminare,
Templi Iehovæ iſta ſunt, eodem planè modo
Pontificij, cum ipſorum Idololatria, hæreſes,
ſuperſtitiones, & errores ex S. Scriptura redar-
guuntur, ſemper in promptu habent hanc re-
ſponſionem, Eccleſiæ iſta ſunt decreta: Illa au-
tem errare non potest. Quare neque nos Eccle-
ſiæ definitonem ſequentes. Atque ita ſola hæc
hypotheſis potiffimùm in efficacibus & pernicio-
ſis illis erroribus obfirmantur. Hanc itaque hy-
potheſin paulo penitius examinemus, vt conſitet
quam inſermo fundamento miſeri homines in
Papatu nitantur.

*Quid ſit
præcipuum
fundamē-
tum fidei
Pontificio-
rum?*

II.

*Quotuplex
sit vocis Ec-
clesiæ ac-
ceptio?*

*Quotuplex
er: sint er-
rores?*

*An Eccle-
sia Catho-
lica possit
errare?*

1 2. Cor.
13. 12.

Ad questionem autem hanc: *An Ecclesiæ possit errare* ut commodè respondeatur, accuratè consideranda est, diversa vocis Ecclesiæ acceptio, & distinguendi errorum gradus. Ecclesiæ enim significat aut Ecclesiam Catholicam invisibilem, aut particulares visibiles Ecclesias, & Synecdochicè etiam eos, qui has representant. Atque ut in corpore humano alij morbi sunt curabiles, alij lethales, ita errores alij sunt graviores, capitales, & exitales, alij leviores & sanabiles. Alij fundamentum salutis planè evertunt, & Ecclesiæ essentiam tollunt, alij non item.

III.

De Ecclesiâ Catholicâ & invisibili si quaeratur, An possit errare? Respondemus, Triumphantem in cælis Ecclesiam nullo amplius errori, ne vel minimo quidem, immo nec ignorantia ulli eorum relictum, quæ ad perfectionem istius beatitudinis cælestis scitu necessariae sunt obnoxiam esse. Pars autem ejusdem Ecclesiæ Catholicæ in terris adhuc Militans, quæ nunc *et de istius in istius* cernit, atque *et ipsa* tantum cognoscit, potest quidem incidere in errores leviores fundamentum non evertentes, non potest tamen errare in fundamentalibus fidei articulis, qui simpliciter ad salutem sunt necessarii. Impossibile enim est electos ab ijs posse seduci: & quicumque in istis articulis errat, ille Catholicæ Ecclesiæ membrum esse non potest.

IV.

De Ecclesijs particularibus enim quaeritur,
respon-

respondemus eas quidem non errare quamdiu regulam à D^{eo} in verbo suo præscriptam sequuntur, & à Spiritu Sancto per verbum se doceri patiuntur, posse tamen errare, non tantum vnam Ecclesiam particularem, sed etiam omnes ubicunque locorum fuerint externi & visibiles cœtus omnesque erroribus esse obnoxios, tam in fide quam in moribus: quinetiam interdum multi pernitiosis erroribus ita obruuntur, ut planè à veritate Evangelica deficient, & desinant esse veræ Ecclesiæ: ut ipsa experientia satis comprobat. Defectio hæc à veritate sæpe tam evidens & magna est, ut quasi vniuersalis esse videatur, atque omnes penitus Ecclesias aspectabiles occupasse: tamen si D^{eus} sibi semper aliquos cœtus in hisce terris sive exiguos, sive maiores, sive plures, sive pauciores, sive occultos sive manifestos se reservaturus, qui ab erroribus fundamentalibus sua immunes, & nomen veræ Ecclesiæ retineant.

V.

Ecclesia aliqua particularis tamen errores aliquos habeat & foveat, in rebus levioribus ad salutem non necessarijs, non statim desinit esse vera Ecclesia. Sed quamdiu fundamentum salutis in ea retinetur, tamen ex infirmitate humana formam & stipulam super hoc superedificet, nihilominus tamen nomen vere Ecclesiæ, sed erratis in levioribus, retinet. Debent tamen omnes Ecclesiæ particulares, quæ in errore aliquo versantur, operam dare, ut agnitis tandem atque obiectis erroribus etiam levioribus, ab ipsidem, quantum fieri potest accuratè perpurgentur, & ad normam divini verbi quàm exactissimè refovermentur.

An Ecclesiæ particulari possit errare?

An omnes simul?

An propter errorem levorem carnis, aliquid nomen vera Ecclesiæ amittat.

VI.

*An Ecclesia
Representativa
possit errare?*

b Jac. 3. 3.

c infallibilis.

d non examinanda.

De Ecclesiâ Synecdochicè dicta, quæ vulgo vocatur Ecclesia Representativa, præcipua videtur esse quaestio, videlicet, An Doctores & Antistites Ecclesiarum particularium in Synodo legitimâ, sive particulari sive universali, congregati in definitionibus suis errare possint? Respondemus cum illa Ecclesia constet ex hominibus, quorum singuli erroribus sunt obnoxij, qui tantum ex parte cognoscunt, & qui sepe ignorantia, odio, invidia, aliisque pravis affectibus iudicium rectum impediunt, laborant, qui non semper vocem Christi summi Pastoris audiunt, neque ductum Spiritus Sancti in Scripturis loquentis, sed præjudicium suum in definiendo sæpe sequuntur, non est dubium quin talis Ecclesia seu congregatio errare possit. *b* *mat. 23. 13.* Quinetiam ipsa experientia testatur Ecclesiam istam sæpius graviter errasse, non tantum in iis quæ ad mores, sed etiam quæ ad fidei dogmata spectant. Quare iudicium ejus, tametsi non temere est rejiciendum, non tamen pro *c* *anap. 1. 1.* aut *d* *an. 1. 1.* fidei principio est agnoscendum, sed semper ad amissum Verbi Divini, quod unicum fidei Christianæ principium est, sollicitè explorandum.

DISP.

DISPUTATIO XXII.

De Notis Veræ Ecclesiæ.

THESIS I.

Ecclēsia a *quodammodo* accepta aut est Vera, aut est Falsa. Vera est quæ DEVM secundum verbi sui præscriptum rectè agnoscit & colit. Falsa est, in quâ DVS aut non agnoscitur & colitur, aut in quâ cognitio veri DEI & genuinus ejus cultus planè sunt adulterata. Hæc vocatur Ecclesia malignantium, & *βαναυσὴ* ἢ *Ἰαμαρὰ*. Omnes quicunque DEVM in hoc mundo ritè colere volunt, debent se Veræ Ecclesiæ, cum in finem, adjungere. Sed cum semper, ac præsertim hodie, multi cætus sint, qui se pro veris Ecclesiis venditant, in quibus tamen DVS non rectè agnoscitur, neque colitur, & qui proinde verarum Ecclesiarum nomen non possunt obtinere, ne quis in delectu rei tanti momenti facile aberret, imptimis tenendum est, quibus Notis Vera Ecclesia à Falsa discernatur, & causæ ovium à luporum lustris internoscantur.

II.

Notæ hæ, quæ Veram nobis Ecclesiam ostendere debent, non debent esse *εἰς αὐτὴν* tantum, quæ probabiliter, sed *ἀναγκαῖα*, quæ certissimè rem cognoscendam exhibeant: ac prop-
terea non debent esse accidentariæ, quæ adesse

vel

a *quodammodo*.

Quam necessaria sit doctrina de Notis Ecclesiæ?

b *Apoç. 2, 9*c *verissima.*

Quales esse debeant genuina Ecclesia nota? d signa indubitata

vel ad illa possint, sed essentielles, hoc est, ab interna Ecclesie forma manantes. Tres itaque hæ conditiones in genuinis veræ Ecclesie notis requiruntur. 1. Ut sint propriæ veræ Ecclesie & non communes alijs sectis. 2. Ut sint inseparabiles à verâ Ecclesia omnibusque Ecclesijs veris omnium temporum convenient. 3. Ut notiores sint ipsa vera Ecclesia, quam demonstrant. Non autem queritur hic de Notis, quibus aliquis certò explorare possit, vel de se vel de alio, an sit veram & vivam Catholicæ atque invisibilis Ecclesie membrum: De alio etiam ex confessione & vita externa probabiliter secundum iudicium charitatis bene æstimare possumus, non tamen hæc certa atque infallibilis nota est, cum etiam hypocritis sit communis. Solus DEVS & apostolicus novit qui sint sui. De nobis ipsis certi esse possumus ex notâ externâ fructuum fidei, ac præcipuè interna Spiritus Sancti testificatione atque oblatione. Sed questio præcipua est de externis visibilibus cœtibus & Ecclesijs paracletis us, unde vel ex quibus notis, certò dignosci possit, hunc particularem Christianorum cœtum esse veram atque orthodoxam Ecclesiam?

III.

Respondemus primariam atque essentialem veræ Ecclesie notam esse puram Verbi Divini prædicationem, seu: ut Bellarminus ipse statuit & loquitur, *conservationem in Doctrina cum Ecclesia Apostolica, & Sanctitatem Doctrinæ, ut incertum aliquo docetur, quæ tunc demum certa censeri debet, cum formæ sanctorum verborum & amissi verbi divini est conservantia.*

*De quibus
nos præc-
ptis quaes-
sit?*

*e cordium
cognitor.*

*An pura
Verbi Di-
vini prædi-
catio sit
primaria
nota vera
Ecclesie?*

Qui

Qui enim in sermone Christi manent, illi sunt verè discipuli ejus. Oves Christi s. vocem ejus, & qui ex DEO sunt, verba DEI audiunt. Qui in doctrina Christi manet, hic & Patrem & Filium habet. Vera Ecclesia * superstructa est super fundamentum Prophetarum & Apostolorum, & perdurat in doctrina Apostolorum. Ex hac nota infallibiliter vera Ecclesia cognoscitur: Non enim est alijs sectis communis *hanc doctrinam*, etsi plerunque *ante doctrinam*, sed soli veræ Ecclesiæ propria. Est etiam Ecclesia novior, quia causam ejus declarat, atque ut ex hac Beroenses agnoverunt Apostolicam Ecclesiam esse veram, ita ex eadem etiam facilè est hodie veram Ecclesiam agnoscere, modo verbum DEI sine præjudicio, cum zelo, & precibus, cum in finem diligenter scrutari velimus. Est etiam à verâ Ecclesiâ planè inseparabilis, respectu istorum fidei articulorum, qui ad salutem sunt necessarii. Desinit enim cœtus esse vera Ecclesia, in quo isti articuli secundum DEI verbum non rectè docentur. Hæc nota ipsam Ecclesiam constituit, atque infallibiliter Ecclesia vera ex hac cognoscitur. Cœtus enim in quo verbum DEI purè prædicatur, est vera Ecclesia, quemadmodum è converso vera Ecclesia nihil aliud est, quam cœtus hominum in quo verbum DEI purè prædicatur.

IV:

Cum autem Christus in Ecclesiâ suâ præter audibilem verbi sui prædicationem etiam instituerit visibiles quosdam ritus, promissionum Evangelicarum *legem*, qui secundum ipsius institutionem religiose à vera Ecclesiâ administrari seque-

f. Joh. 10.

27.

g. 2. Joh. 9.

* Ephes. 2.

10.

Ita juxta
veritatem,
i secundum
apparentiam.

Ad legitima Sacramentorum administrationem sit nota vera Ecclesia?
I signilla.

An Disciplina Ecclesiastica recta administratio sit nota Ecclesia?
m 1. Cor.
14.40.
n ordinis.

An ha nota in omnibus Ecclesijs verae aque pura sunt?

An cœtus aliquis ob leuiorem impuritatem nomen Ecclesie amittat?

vsurpari debent, ad fidei confirmationem, statui-
 mus secundam veræ Ecclesiæ notam, esse legiti-
 mam horum rituum, qui vulgo Sacramenta
 appellantur, juxta institutionem Christi, admi-
 nistrationem, atque vsurpationem. Denique cum
 Ecclesia sit Domus DEI viventis, in quâ omnia
m iuxta ritum, aut nam mgeri neq; manifesta
 scelera aut scandala tolerari debent, cohæret cum
 superioribus notis *m iuxta ritum* atque Disciplinæ
 Ecclesiasticæ, secundum Christi & Apostolorum
 Canones, religiosa procuratio, tanquam tertia
 nota Ecclesiæ benè constitutæ.

V.

In quocunque cœtu hæ tres notæ simul depre-
 henduntur, ille procul omni dubio, atque optimo
 jure, Vera & benè constituta Ecclesia appellari
 potest, & censeri debet, cui quilibet Christianus
 se adungere & tutò potest, & meritò debet. Sed
 habent hæ notæ certos quosdam sinceritatis gra-
 dus, tam in Pastoribus, quam in ovibus, secun-
 dū quos Ecclesiæ, in quibus apparent, in *Purio-
res & Impuriores* distinguuntur. Quanto enim
 puriores hæ notæ in aliquâ Ecclesiâ servantur,
 tanto etiam purior hæc Ecclesia censeri debet: Et
 quanto magis à puritate declinant, tanto magis
 etiam cœtus ille ab integritate & perfectione
 Ecclesiæ DEI discedit. Non tamen ob quamli-
 bet impuritatem vel in doctrina, vel in Sacramen-
 torum administratione, vel in Disciplinæ & or-
 dinis procuratione, cœtus aliquis nomen veræ
 Ecclesiæ amittit, quamdiu capiti adhæret & fun-
 damentum retinet. Cæterum tenentur omnes
 Christiani ei se adungere Ecclesiæ, seu cœtui, in

quo

quo minima impuritas apparet. Vbi vero notæ hæc vel omnino non sunt, vel prorsus adulteratæ habentur, ibi vel nulla, vel certè corruptissima est Ecclesia.

VI.

Notæ illæ quindecim quas Bellarminus recenset, (exceptis Sexta & Octava) Ecclesiam veram non demonstrant, cum sint aut communes aliis sectis, aut ipsa Ecclesia ignotiores seu obscuriores, aut à vera Ecclesia separabiles. Nam tametsi Romanæ Ecclesiæ Pontificij nomen *Ecclesia Catholica* attribuant, inde non sequitur eam esse verè *Catholicam*, quia sic dicitur. Aliud enim est verè esse, aliud dici tantum. Nam & Angelus Ecclesiæ, o quæ in Sardibus erat, dicebatur vivere, sed mortuus erat: & multi olim se Iudæos appellabant, cum non essent, sed mentirentur. Nisi fortè velimus *Catholicam*, id est, vniversalem appellare ob hanc causam quia vniversa terra admirans secuta est Bestiam. Si vox *Catholica* intelligitur respectu populorum, & locorum, nota hæc à vera Ecclesia separabilis est cum hoc modo non fuerit Ecclesia Vniversalis in sui primordio, neque in Veteri Testamento, neque tempore Christi in terris versantis. Si respectu dogmatũ orthodoxorum, eadem erit nota cum primâ nostrâ sed Ecclesiæ Pontificiæ non potest applicari. *Antiquitas*, seu Vetusitas, verum Ecclesiam non semper demonstrat quia & Synagoga Satanæ antiqui illius serpentis inde ab initio exiit, & vetustas erroris veritati præjudicare non potest. Fuit etiam vera Ecclesia cum nondum esset antiqua, sed primum nasceretur. Non sola antiquitas doctrinæ, sed

*An nota
Ecclesia vera sit
nomen Catholicum?*

o Apoc. 3.
1.

An Antiquitas?

An *Dura-*
vis?

An *Am-*
plisudo?

p *Mat.* 7.
14.

An *Succes-*
sio?

q *Mat.* 23.
2.

r *Mat.* 15.
14.

s *Mat.* 16.
6.

An *confi-*
ratio cum
doctrina
Apostolica?

antiqua veritas, germana Ecclesie nota est. Neque ex *Duratione* diuturna, & nunquam interrupta, vera Ecclesia certo cognosci potest, cum & regnum Diaboli à primo ortu ad finem usque mundi sine interruptione sit duraturum, & vera fuerit olim Ecclesia antequam diu durasset. *Amplisudo* seu multitudo non semper in Ecclesia verà conspicitur, cum sit grex pusillus, qui ad paucos sepe redigatur, & pauci p in angusta via ambulent. Contra videmus blasphemam Mahumeti sectam amplissimè per orbem terrarum dispersam, & multos esse qui latam viam, quæ ad exitium ducit insistant. Multitudo autem errantium non parit errori patrocinium. Neque vera Ecclesia agnoscitur ex personali *Succeessione* Episcoporum in sede Romana. Ecclesia enim vera nulli loco in his terris alligata est; neque locus iste privilegium hoc habet Episcopus omnes in illa sede succedentes non posse in fide errare. Quinimo *succeessio* illa multoties fuit interrupta. *Succeessio* non in sede aliqua, sed in doctrina Apostolica, veros doctores & veram Ecclesiam arguit. Scribæ enim & Pharisei q sedebant in Cathedra Moysi, & tamen erant r cæci cæcorum duces, falsi Prophetæ & lupi rapaces, à quorum fermento f erat cavendum. *Consensio in doctrina cum Ecclesie Apostolicæ*, & verè primitiva, Ecclesiam veram certo indicat, sed in Romana Ecclesia non reperitur. Estq; hæc nota eadem cum nostra prima. Patrum autem doctrina, præsertim eorum, qui ab Apostolorum temporibus longius abiderunt, quia sepe neq; cum seipsa, neq; cum aliorum doctrina consentit, & sepe ad Apostolicam est expenden-
da non potest esse regula fidei, aut conspici-
cum

cum eadem veræ Ecclesiæ nota. Fuit etiam veræ Ecclesia ante omnes Patres. Et quousquisque est qui Patres legere potest, aut tota vita consensum illum rectè cognoscere, qui tamen scire debet, quæ nam sit vera Ecclesia? *Vnitatem* in rectâ fide seu verâ doctrinâ, sub vno capite Iesu Christo, inter notas veræ Ecclesiæ agnoscimus, & sub prima nostra nota comprehendimus, sed quælibet in doctrinæ capitibus ad salutem non necessarijs dissensio, falsæ Ecclesiæ nota non est, cum etiam in Ecclesijs Apostolicis nonnunquam visa fuerit. Neque contra quælibet in doctrinâ unitas seu consensio veram Ecclesiam arguit, cum illa etiam inter impios & idololatrias esse possit, atque etiam sæpe fuerit, vt exempla Sacerdotum Baaliticorum, Iudæorum adversus Christum & Apostolos conjuratorum, & Mahumetanorum clarè docent. Sub Pontifice autem Romano, vt Ecclesiæ capite, neque Israeliticæ, neq; Apostolicæ, neque primitivæ, neque aliæ multæ veræ & orthodoxæ Ecclesiæ vnquam unitæ fuerunt. Atque hæc unio non veram, sed Antichristianam Ecclesiam demonstrat. *Sanctitas doctrina* certa & genuina est Ecclesiæ veræ nota, & sub primâ nostrâ notâ continetur. Nulla enim sancta est doctrina, nisi quam DEVS in verbo suo per Spiritum Sanctum revelavit, quod cum purè prædicatur, fieri non potest, quin sancta doctrina proponatur. *Efficacia doctrina* prædicatæ non est veræ Ecclesiæ propria. Nam & Antichristus venturus est cum efficacia deceptionis, & Bestia totum terrarum orbem est seductura. Ingemuit totus orbis, & se Arrianum esse miratus est. Sæpe contra eve-

An Unitas?

An Sanctitas Doctrina?

An efficacia doctrina?
1. 2. Thess.
2. 10.

An Sanctitas
vita vi-
ta?

An gloria
Miraculo-
rum?

II Mat. 24.
24.
x 2. Theff
2. 9.

An lumen
Propheti-
cum?

y 2. Pet. 1.
19.

nit, ut pauci admodum credant auditui Prophe-
tarum. *Sanctitas* vita alia est interna, quæ soli
Deo nota est, ac proin e inter notas Ecclesiæ
visibilis numerari non potest: Alia est externa,
quam etiam hypocritæ exprimere possunt, ac
proinde veram Ecclesiam certò non potest de-
monstrare. Ecclesia enim non ex moribus & vi-
ta, sed ex doctrina est æstimanda. *Miracula*
itaque alia sunt vera & divina, alia falsa & fal-
lacia, inter quæ haud facilis est discretio, nisi
atendas ad doctrinam, ob quam confirmandam
adhibentur. Vera itaque doctrina & consequen-
ter vera Ecclesia prius cognoscenda est, quam de
miraculis certi aliquid statuatur. Prædictum
enim est Pseudoprophetas & falsos doctores edi-
turos esse signa & ac prodigia magna, adeo ut si
fieri posset, etiam electi seducantur. Item Anti-
christum esse venturum cum omni potentia, &
signis, ac prodigijs mendacibus, & facturum esse
signa magna. Quin etiam Ethnici sua olim mi-
racula jactarunt. Quare non quælibet miracu-
la Ecclesiam veram demonstrant, quæ etiam ve-
ris miraculis non semper opus habet, sed plerun-
que illis carere solet cum doctrina satis superque
confirmata est, ita ut deficientibus miraculis, non
deficiat tamen vera Ecclesia. *Lumen propheti-
cum*, seu donum futura prædicendi non semper
in sola vera Ecclesia conspicitur, sed aliquando
Deus etiam in cæteris Idololatrarum voluit
prædici futura, quorum eventus verus fuit. Do-
num prophetiæ fuit temporarium, neque eo Ec-
clesia semper opus habet, sed sufficiunt veteres
Prophetiæ verorum Prophetarum, ad quorum
sermonem, tanquam ad lucernam y in obscuro

splenden-

splendentem, jubemur attendere, non autem ad novas revelationes, aut divinationes; atque à Pseudoprophetis, quorum multi in mundum prodierunt, nobis cavere, eumque in finem ad verbi DEI amussim spiritus probare, an ex DEO sint. *Adversariorum confessionis* accessione nihil additur, & decessione nihil detrahitur veræ Ecclesiæ. Et cum sit res incerta, quæ in dubium vocari possit, cumq; sibi ipsi contraria sit, planè fortuita ac contingens, non potest esse certa atque essentialis Ecclesiæ nota. *Infelix exitus* hostium alicujus Religionis non semper ostendit illam Religionem, cujus adversarij fuerunt, esse veram, aut suam esse falsã. Nam & pij homines in verã Ecclesiã versantes miserabili sæpe exitu à DEO castigantur, & contrà, immanissimij tyranni, ac perditissimi hæretici placidum sæpe habuerunt exitum. *Felicitas temporalis* Epicuræorum potius quam Christianorum Ecclesiæ nota est. Hanc enim DEVS vult hîc sub cruce gemere, per multas tribulationes in regnum cælorum ingredi, atque omnes 2 qui in Christo piè vivere volunt persecutionem pati. Contrà, impij plerumque in hoc mundo florere solent.

An Confessio adversariorum?

An infelicitas hostium?

An Felicitas temporalis?

2 2. Tim.
3. 12.

DISPUT. XXIII.

*De Ecclesia Romana seu
Pontificia,*

E T

De Ecclesia Reformata.

T H E S I S I.

*Quotupli-
ces sint ec-
clesiæ Chris-
tianorum?*

Cæterus omnes visibiles nomen Christianum, potissimum in Europa, hodie profitentium, commodè dividi possunt in eos, qui Pontificem Romanum pro capite agnoscunt, & eos qui à Pontifice decesserunt. Collectio cæterum illorum, qui recentioribus hisce aliquot seculis Pontificem Romanum pro summo, vniuersali, atque infallibili Ecclesiæ Pastore, & capite agnoscunt, quique eam, quam Pontifex, Cardinales, Episcopi & Monachi hodie tradunt & propugnant, Religionem profitentur, vocatur vulgò ab hoc Pontifice seu Papa Romano, & loco in quo sedet, Ecclesia Pontificia, Papistica, & Romana: de quâ merito quæritur, an sit vera Ecclesia? De veteri autem illâ Romanâ Ecclesiâ, quæ temporibus Apostolorum Romæ collecta fuit, & cui divinam illam Epistolam Apostolus Paulus inscripsit, nulla quæstio est; ut neque de Romanâ illâ,

illâ, quæ ibidem post Apostolorum tempora prioribus aliquot seculis collecta fuit, & notæ veræ Ecclesiæ retinuit, tametsi paulo impuriore. Nam post Apostolorum tempora Ecclesia non diu mansit pura atque immaculata virgo.

II.

De Papisticâ autem hac Ecclesiâ, duplex est quæstio. Prima: An cœtus illi Papistici inter veras particulares Ecclesias censi possint? Altera: An aliquis, qui membrum istorum cœtum est & manet, possit esse membrum Ecclesiæ Catholicæ invisibilis, & servari queat? Respondemus ad primam: Ecclesiam Pontificiam considerari posse dupliciter, vel ut *Repræsentativam*, vel ut *Popularem*: *Repræsentativa* constat ex Pontifice, Cardinalibus, & aliis Clericis, præsertim in Synodis generalibus congregatis, qui quasi corpus Pontificiæ Ecclesiæ repræsentant. Quia vero Pontifex, qui caput est istius hierarchiæ, ne quidem pro vero Episcopo, nedum pro Ecclesiæ capite, sed pro ipsissimo illo Antichristo magno haberi debet, & reliqui Clerici Pontificij nec vocationem secundum veros Apostolorum canones legitimam habent, neque munere suo ritè funguntur, omnesque illi Idololatriam, hæreses, & gravissimos errores non tantum admittunt, sed etiam acerrimè omnibus viribus defendunt, sequitur hunc Hierarchicum cœtum, quem Curiam Romanam rectè appellaveris, Ecclesiæ veræ nomen nequaquam posse obtinere, sed potius esse strumam, tuber, vlcus pestilentielle, & gangrænâ in Ecclesiæ corpore. *Popularem* Ecclesiam Romanam vocamus to-

An Ecclesia Romana sit vera Ecclesia?

An repræsentativa?

An popularis?

tam illam promiscuam multitudinem, quæ doctrinam in Papatu vulgo receptam implicite credit, & profitetur, seu cœtus illos particulares, in quibus doctrina Papistica publice docetur, & cultus Papisticus publice exercetur. In his cœtibus cum verbum DEI purè non doceatur etiam in fundamentalibus, neque Sacramenta secundum Christi institutionem legitime administrentur, aut usurpentur, Disciplina Ecclesiastica in carnificinam conscientiarum, & manifestam tyrannidem sit commutata, atque insuper etiam, præter intolerandas superstitiones, manifesta Idololatria in adoratione panis Missatici, Sanctorum mortuorum, reliquiarum, & imaginum, committatur; sequitur eos cœtus potius Antichristianæ & Idololatricæ, quam veræ Ecclesiæ uotas gerere, cujus communio proinde pijs omnibus planè sit deferenda, ut veræ Ecclesiæ cives esse possint.

III.

*An possit
ostendi à
quibus, &
quādo cor-
ruptio do-
ctrinae &
cultus in
Ecclesiam
sit inuenta?*

Quibus autoribus & promotoribus, quo tempore, quo loco, quibus contranitentibus, nova in Ecclesiam Romanam dogmata inventa atque introducta, novi ritus Ecclesiastici excogitati, superstitiosi cultus instituti sunt, corruptio hæc, quam hodie videmus, Ecclesiam illam paulatim magis magisque invaserit, ac zizania hæc licet sæpe occultè dormientibus pastoribus, sparsa paulatim succreverint, & bonum semen suffocaverint, non tantum ex historijs Ecclesiasticis, ac veterum scriptis, sed etiam ex ipsis Pontificijs scriptoribus evidentissimè demonstrari potest.

IV.

Ad secundam quæstionem respondemus, certum esse neminem per doctrinam illam, quæ hodie, secundum Concilii Tridentini Canones, in cœtibus Papisticis docetur, ad salutem pervenire posse, cum doctrina illa salutis fundamentum planè evertat. Non dubitamus tamen, quin in illis cœtibus semper extiterint, & hodie etiam sint non pauci, qui licet ex infirmitate cum iis communionem habeant, tamen gravioribus illis ac fundamentalibus erroribus, qui in iis docentur, aut nunquam assensum præbuerint, aut eos ignorarint, aut ante obitum abjecerint, atque ita in verâ Christi fide, licet multis infirmitatibus commaculatâ, mortui sint & servati. Ut enim olim in corruptissimâ Hierosolymorum civitate multi adhuc erant, qui suspirabant, & exclamabant, propter omnes abominationes istas, quæ fiebant in medio illius; ita non dubium est, quin in ipso Papatu hodie tales etiam reperiantur, qui tamen cum in loco valde lubrico & periculoso versentur, omnibus modis ex hoc cœno sunt extrahendi, ut defetâ communione externâ talium cœtum, ad communionem veræ Ecclesiæ perducantur.

An membra Ecclesiæ Papistica servari possint?

V.

Ecclesiæ, quæ superiori seculo à Pontifice Romano, & cœtibus Pontificijs secesserunt, duplices hodie reperiuntur. Aliæ enim Pontificiorum Idololatriam, superstitiones, & errores nonnullos reliquerunt, sed in alios iterum errores graves & perniciosos prolapsæ sunt, quales

Quotuplices sint Ecclesiæ, quæ à Papa Romano secessionem fecerunt?

*Quid sit
sentiendū
de Ecclesijs
Samosatē-
nicis, &
Anabapti-
sticis?*

*Quid de
Ecclesijs
Lutherani-
nis?*

*An Eccle-
sia Refor-
mata sit
Hæretica?*

quales sunt Ecclesiæ seu cœtus novorum Samosatēnorum, Anabaptistarum, & similium, in quibus veræ Ecclesiæ notæ etiam non apparent. Aliæ non tantum à Papalibus, sed etiam quibuscumque alijs gravioribus erroribus sūt perpurgatæ, & vocātur hodie Ecclesiæ Reformatæ & Evāgelicæ, in quibus cum veræ Ecclesiæ notæ manifestè conspiciantur, non dubitamus intrepidè asserere, illas esse verè Christianas, atque orthodoxas Ecclesias, quibus omnes, qui DEVM ritè colere volunt, & salutem animarum quærunt, sese adungere debent. Etsi vero hodie inter Ecclesias Evangelicas in nonnullis, quæ vulgò *Lutherana* vocantur, notæ veræ Ecclesiæ non tam puræ, ut in cæteris, reperiantur; non tamen istis propterea nomen verarum Ecclesiarum adimendum est, quādiu fundamentum fidei & salutis integrum in ijs servatur, quamvis errores aliqui superflint, à quibus optandum esset, ut aliquando perpurgatæ cum cæteris Ecclesijs Reformatis consensum Orthodoxum in omnibus colerent.

VI.

Ecclesiæ Reformatæ, quamvis à Papa & cœtibus Papisticis secesserint, cum ijs communionem non habeant, & salvā conscientiam habere se non posse profiteantur, non tamen propterea sunt aut hereticæ, aut scismaticæ, aut Apostaticæ. Non *Hæreticæ*: quia notas veræ atque orthodoxæ Ecclesiæ retinent, ex solo verbo DEI sapiunt, & fidem ac vitam ad illius normam exigunt atque instituunt: neque quisquam hactenus extitit, qui ex verbo DEI eas erroris alicujus funda-

mentalis

mentalis convicerit, in quo nihilominus pertinaciter persistierint. Neque *Scismatica*: quia secesserunt non à veræ Ecclesiæ vnione, sed tantum à cœtibus in quibus non tantum manifesta hypocrisis, Superstitio, Tyrannis, impuritas, luxus, avaritia, fraudes, & mendacia regnant, sed etiam commentitij & idololatriæ cultus publicè exercentur, & perniciosæ hæreses cum fidei fundamento pugnantibus docentur & creduntur: idque fecerunt non ex temeritate, ambitione, odio aut carnali zelo, sed compulsi divino mandato, atque amore divinæ gloriæ, & salutis suæ æternæ; Davs enim expressè a mādāt à talibus declinare, ne communicemus operibus eorum malis, & speciatim ex hac b Babylone Romanā fugere, ne participes fiamus peccatorum ejus, & de plagis ejus ne accipiamus. Multo minus sunt *Apostolica*. Non enim defecerunt à Christianismo ad Gentilismum, aut Iudaismum, aut Mahumetismum, neque à verā fide ad traditiones humanas, aut ad fabulas, sed ab hæresi ad veritatem, ab Idololatriā ab verum DEI cultum, ab impietate multiplici ad veram pietatem & ab Antichristo ad Dominum nostrum Iesum CHRISTVM.

An Schismatica?

a Numb.
16. 24.

b Apoc. 18.

4.

An Apostolica?

DE
MEMBRIS ECCLE-
SIAE MILITANTIS.

DISPUT. XXIV.

*De Clericis, seu Mini-
stris Ecclesiae,*

ET

De eorum Vocatione.

THESIS I.

*In quot or-
dines Mē-
bra Ecclesiae
visibiles di-
stinguun-
tur.*

MEMBRA visibilis Ecclesiae sunt qui-
cunque fidem Christianam confessi-
one & vita profitentur. Hi in duo
tantum genera, seu ordines, distin-
guuntur. Alii enim sunt Pastores,
Doctores, Gubernatores, & Praepositi Ecclesiae,
alii sunt qui in Ecclesia pascuntur, docentur, gu-
bernantur, & Praepositis suis, qui pro ipsorum a-
nimabus excubant. obedire debent, Tertius
ordo qui in Ecclesiâ Pontificiâ hodie conspici-
tur, nimirum Regularium sive Monachorum, &
Anachoretatum, nec à DEO in Ecclesia sua in-

structos

stitutus est, neque in Ecclesia utilis aut necessarius, & in S. Scriptura ac verè primitiva Ecclesia planè ignoratus.

II.

Ad priorem ordinem qui pertinent varijs in S. Scriptura nominibus insigniuntur, sed nusquam peculiariter vocantur *Clerici*. Vox enim *Κληρ*, quæ significat sortem, peculium, & hæreditatem, & à quâ hæc denominatio erat petenda, passim in S. Scriptura utrique ordini & toti fidelium cœtui communiter attribuitur. Singuli enim sunt Domini fors, & singulis etiam Dominus fors est. Omnes fideles vocati sunt *αἱ τὸ μέρος τοῦ κλήρου τῶν ἀγίων*, utque *ἐκ κλήρου* accipiant inter sanctificatos. Immo S. Scriptura *ἐκ κλήρου* alicubi vocat eos tantum qui ad secundum ordinem pertinent, & diserte Presbyteris & Pastoribus, hoc est, iis qui prioris sunt ordinis, opponit. Cæterum cum veteres Ecclesiæ Doctores istam vocem nonnunquam usurparint ad designandum eos, qui ad primum ordinem pertinent, nolumus de voce multum contendere, modo ita explicetur, ne de communi Christianorum dignitate quidquam detrahatur, quasi isti soli sint fors & hæreditas Domini, sed potius ita appellati consueverint, quia peculiariter acceperunt *ἐκ τοῦ κλήρου τῶν ἀγίων*. Itæcipuè tamen veteres solent *Clericos* appellare adolescentes, qui ex parentum consensu & autoritate, militiæ spirituali nomen dabant, & studio Theologico consecrati exercitiis quibusdam Ecclesiasticis ad ministerium præparabantur, quo tandem ad illud aptiores accederent, & gradatim ascenderent.

Clerici an Pastores & Ministri Ecclesiarum rectè vocentur?

a Coloss. 1.
12.
b Ab. 26.
18.
c 1. Pet. 5.
3.

d Ab. 1. 29
Qui à veteribus Clerici vocati fuerint?

III.

*Laici qui
vocentur,
& quomodo
sint?*

*An Clerici
& Laici
sint pares
dignitate?*

a 1. Pet. 2.

9.

b 1. Pet. 5.

3.

*Vocatio ad
Ministeri-
um an sit
necessaria?*

*Quotuplex
sit?*

*Vocationis
ordinariae,
qua sint
partes?*

Qui posterioris sunt ordinis à Pontificijs, voce non admodum commodâ, & hodie satis contemptibili, vocantur *Laici*, & adhuc contumeliosiore nomine *Seculares*, cum hoc vocabulo propriè notentur, qui huic seculo sunt addicti. Horum alij sunt Principes & Magistratus, alij vero subditi & privati homines, Clerici non sunt Laicis digniores, nisi tantum ratione officij & sancti Ministerij, cum eodem fideliter funguntur. In reliquis Laici Clericis pares sunt præsertim quæ spectant vocationem communem. Sunt enim & Laici a vñctionis Spiritus Sancti participes, sacerdotium regale, gens sancta, populus peculiaris, & juxta Scripturæ phrasin; b Clerus Domini.

IV.

Ad Ecclesiam pascendam, docendam, & regendam nemo debet accedere nisi legitimè vocatus. Nec enim hodie, ut olim in Veteri Testamento, priori ordini per carnalem generationem, aut aliud privilegium aliquod externum quis inseritur, sed ex posteriori ordine omnes in priorem legitimam vocationem debent cooptari. Vocatio legitima duplex est, aut Extraordinaria & immediata, aut Ordinaria & mediata. Extraordinaria vocatio fit à solo Deo, sive Dei Filio, immediatè, sine hominum opera & ministerio. Talis fuit vocatio Prophetarum, & Apostolorum. Ordinaria & mediata vocatio fit mediante hominum ministerio secundum ordinem à Deo in verbo suo præscriptum. Legitimæ vocationis ordinariæ tres sunt partes, *Electio*, *Examen*

vitz ac doctrinz, & *Confirmatio* five Ordinatio, *Electio* legitima Ministrorum Ecclesiæ Novi Testamenti, non debet fieri ab vno quopiam homine proprio arbitrato, five sit Episcopus, five Magistratus, sed ab Ecclesiâ, cui inservient, & cuius auctoritate ministerium suscipiunt. Ad vitandam autem confusionem, præsertim in Ecclesijs amplioribus, in quibus singulorum suffragia rogari non possunt, & facile per levitatem, vel mala studia, vel per tumultum à multitudine peccari possit, ordinarunt Apostoli, vt à Presbyterio, quod Ecclesiam repræsentat, electio institueretur, quam deinceps populus vel tacito consensu, vel per *xnemias* e approbet. Ordo hic æquitati atque ædificationi convenientissimus est. Quid enim æquius, quam vt qui toti Ecclesiæ inserviet, ex consensu totius Ecclesiæ ab omnibus, suo loco & gradu, eligatur? Quid iniquius, quam vt ignoti, suspecti, aut exosi in vitis Ecclesijs obtrudantur? Quæ ædificatio à talibus expectanda? Quam periculosum est rem tanti momenti committere vni homini, qui falli, corrumpi, & potestate sua abuti potest? Quare ne ipsi quidem Apostoli, qui tam singulari potestate instructi erant, vt nemo illis in Ecclesiâ dignitate par sit, soli absque consensu totius Ecclesiæ & populi suffragiis, Ministros elegerunt. Hinc Apostolicam *f'm'ia* & *wo'ia* secutæ fuerunt Ecclesiæ primitivæ, donec tandem, crescente ambitione, Episcopi, quos hodie vocant, Ecclesiæ & populo hoc jus suum per tyrannidem eripuerint & sibi solis arrogarint. Quod si vero Ecclesiâ subit Magistratui fidei & Christiano, quia is Ecclesiæ nutritor est, & spectatissimum ejus membrum, non tantum ejus con-

Electio ad quos pertinet?

An ad solos Episcopos?

e suffragiorum latitudinem.

An et quatenus ad totam Ecclesiam, & populum?

e ordinem & usum.

An & quatenus ad Magistratum

*Examen
ad quos
pertineat?*

*Confirma-
tio ad quos
pertineat?*

*Si manus in
impositione
An imposi-
tio manu-
um sit ritus
adiapho-
rus?*

*An Mini-
stri Ecclesi-
arum Re-
formatarū
habeant le-
gitimā vo-
cationem?
An primi
Reforma-
tores, &
qualem?*

lensus in Vocatione requiritur, sed præcipue etiam partes illi in eā sunttribuendæ: ita tamen Presbyterij suffragia, & populi consensus excludantur. *Examen* doctrinæ, quia ad illud faciendum populus non est idoneus ac sæpè etiam Magistratus, fieri debet ab idoneis Theologis & vicinis Pastoribus in præsentia Presbyterij, & Magistratus Christiani, si adesse velit. *Confirmatio* seu *Ordinatio* fieri debet coram Ecclesia, postquam de eius consensu atque approbatione sufficienter constiterit, idque solemnibus precibus & serijs cum ad ordinandum tum ad Ecclesiam institutis admonitionibus, cum impositione manuum. Pertinet hoc jus Confirmationis non ad solum Episcopum, sed ad totum presbyterium, in quod ut Ecclesia suas partes transtulit, ita illud, ordinis causa, suas iterum partes, quod ad ritum ordinationis attinet, in vnum aliquem Pastorem solet transferre, manente tamen actu confirmationis toti Presbyterio communi. De ritu *g. xij. de iac.* quia non extat certum præceptum, cum pro adiaphoro habemus Nihilominus tamen utile iudicamus ejusmodi symbolo Ministerij dignitatem populo commendari, & cum, qui ordinatur, admoneri, ipsum jam non esse sui juris, sed Deo & Ecclesiæ in servitutem addictum.

V.

De Ministris Ecclesiarum Reformatarum queritur an habeant legitimam in Ecclesia vocationem? Respondemus, Ministros harum Ecclesiarum aut esse primos Reformatores, aut eorum successores. Primi Ecclesiarum Reformatarum Pastores plerique in Ecclesia Romanā sunt ordinati, secundum ordinem atque usum publicè in

illa

illa Ecclesiâ receptâ, atq; hoc respectu possunt dici habuisse *ordinariam vocationem*. Ordo autem hic quamvis multis modis ab ordine divinitus instituo recedat, ita ut vix aliud quam mera *h. a. m. g. i. a* sit, tamen hoc boni inter tot mala ad-
huc retinent, ut vocentur atq; ordinentur, inter alios fines, ad verbum DEI populo prædicandum, atque hujus respectu etiam *legitimam* ad verbum DEI prædicandum, vocationem habuisse dici possunt, quatenus hic finis vocationis ordini Apostolico consentaneus est. Quod verò DEVS illorum animos illustraverit, atque excitaverit, ut errores & abusus Ecclesiæ Pontificiæ agnoverint, abjecerint, reprehenderit, & omissis Traditionibus humanis solum verbum DEI purè populo prædicaverint, reliqua omnia quæ invocatione ipsorum illegitima & ordini Apostolico contraria erant, omiserint, atque Ecclesiis ab erroribus & superstitionibus repurgaverint, fuit *extraordinaria gratia*, quam DEVS fecit non tantum illis, ut Vocatione suâ rectè & legitimè fungerentur, sed maximè per illorum Ministerium Ecclesiæ suæ, secundum prædictionem, quâ promiserat se * testes hosce excitaturum, qui adversus Bestiam, & Ecclesiæ corruptores prophetarent. Hanc gratiam extraordinariam ut DEVS per eos Miraculis confirmaret, non fuit necesse, cum nullam aliam doctrinam adferrent, quam Christi & Apostolorum, quæ olim miraculis sufficienter atque abundè confirmata fuit, & per Scripturas explorari ac probari poterat. Quinetiam ne omnes quidem Prophetæ extraordinariè excitati vocationem suam miraculis confirmârunt, ut exempla Ioannis Baptistæ imprimis, deinde etiam

h. confusio.

* Apoc.

11.

An debuerint vocationem suam miraculis confirmare?

An et qua-
les eorum
successo-
res?

am Osee, Sophoniae, Abdie, Nahumi, & alio-
rum clare testantur. Huc accedit, quod deinde li-
cet non omnes, multi tamen etiam integri cœtus
ante Pontificijs erroribus impliciti, doctrinam
ab illis prædicatam receperint, errores priores ab-
jecerint; vocationem illorum ratam habuerint,
eosque pro legitimis & munere suo rectè fungen-
tibus Pastoribus agnoverint. Pastores Ecclesia-
rum Reformatarum, qui primis Reformatoribus
successerunt vocationem habent *ordinariam, &
legitimam*. *Ordinaria* est, non secundum vitio-
sum & corruptum illum ordinem in Papatu hodie
vltatum, sed secundum ordinem primævum ab
Apostolis præscriptum, & in primitiva Ecclesia v-
surpatum. *Legitima* est, quia ab iis eliguntur, qui
jus eligendorum Pastorum habent, puta ab iis
cœtibus, quos manifestis argumentis & signis
constat esse veras Ecclesias, examinantur debite
in vita & doctrina, & confirmantur ab iis, quos
constat veros esse Pastores, ac reliqua omnia que
in legitima Ministrum vocatione secundum Cano-
nes verè Apostolicos requiruntur, sollicitè & sin-
cerè in eorum vocatione observantur.

VI.

An vocatio
Ministro-
rum seu
Sacerdotum
in Pontifi-
cia Ecclesia
sit legiti-
ma?

Ministrorum vero Ecclesiæ Pontificiæ vocati-
ones si ad institutionem divinam, & veteres Ca-
nones inmo ad ipsa Pontificiorum Decreta exa-
minentur, meritò pro illegitimis habendæ sunt.
Vocantur enim hodie non tam ad pascendum
DEI gregem purâ verbi ejus prædicatione, qui
principalis vocationis legitimæ finis est, quam
ad Sacrificium DEO pro vivis & mortuis offe-
rendum, quale minus seu ministerium DEVS

in Novo Testamento non instituit, cum nullum aliud in Novo Testamento sacrificium *i. idest* haberi possit, quam illud, quod ipse IESVS CHRISTVS, solus & summus Novi Testamenti Sacerdos propriè dictus, semel in arâ Crucis obtulit. Eliguntur sine Presbyterii & Magistratus Christiani suffragiis, & sine populi consensu aut approbatione, vel à solo Pontifice, vel à solo aliquo Episcopo, qui jus Electionis Ecclesiæ sacrilegè eripuerunt. Plerique vel per Principum favorem, vel per turpissimam Simoniam electiones venantur, & obtinent. In vitâ & doctrinâ legitime non examinantur, sed loco examinis ludicra & histrionica gesticulatio adhibetur, quâ inquiritur tantum an noverint nomen aliquod, quod in lectione occurreret, declinare, aut verbum aliquod conjugare, aut vocis alicujus significationem reddere. In ordinatione ceremoniarum planè Iudicæ, vanæ, ac ridiculæ adhibentur. Presbyterio suæ partes non tribuuntur, neque finis legitimus spectatur.

*i. propriè
positum.*

DISPUT. XXV.

*De Ministrorum Ecclesiæ
Ordinibus.*

THESIS I.

Ministri Ecclesiæ Novi Testamenti sunt duplices: Alij functiones habuerunt ex-

*Quotupli-
ces sunt Mi-
nistri No-
vi Testa-
menti?*

*Quot sint
ordines
Ministro-
rum N. T.*

*a qua ad
vita hujus
vsum per-
tinent.
b ordine.*

traordinarias. quæ cum ipsis defierunt, quales fu-
erunt Apostoli & Evangelistæ: alij habent fûcti-
ones ordinarias, & perpetuas. seu ad finem vsq;
mundi in Ecclesiâ duraturas. Sicut autē homo du-
plici naturâ constat Spirituali & corporeâ, ita
functiones hæ perpetuæ pro necessitate tum ani-
malis, tum spiritualis vitæ, versantur aut circa
res spirituales, quæ ad animæ salutem spectant,
aut circa res corporeas, quæ pertinent ad corpo-
ris sustentationem, seu *a m cōsuetudine*. Res spiri-
tuales sunt Doctrina cum Sacramentis & Disci-
plina atque *b iurisdic-tione* Ecclesiastica. Res corpo-
reæ, quæ ad pauperum sustentationem pertinent.
Doctrinæ prædicationi & Sacramentorum ad-
ministratiōni præsunt Pastores: Disciplinæ &
ordinis procuratiōi cum Pastoribus Presbyteri;
& sustentatiōi pauperum Diaconi. Hos tres
Ministerij ordines Christus tantum in Ecclesia
instituit, Scriptura tantum agnoscit, & ad Eccle-
siæ regimen ac necessitatē abundē sufficiunt.

II.

*Qui sint
primi ordi-
nis, & qu-
modo in S.
Scriptura
appellentur?
An etiam
Sacerdotes
appellari
possint?
c Heb. 10.*

Primus itaque ordo Ministrorum Ecclesiæ
N. T. ordinariorum est ordo *pastorum*, qui
etiam Episcopi, Presbyteri in verbo laborantes,
Ministri Prædicantes, Servi, Dispensatores, Præ-
sides, & Duces in Sacra Scriptura appellantur.
Horum officium non consistit in oblatione ali-
quâ Sacrificij alicujus propitiatoriij pro vivis &
mortuis, vnde Sacerdotes propriè vocari possint.
Hoc enim officium IESU CHRISTO VNICO &
summo N. T. sacerdoti propriè dicto soli com-
petit, qui vnicâ sui ipsius *c* oblatione semel in
arâ Crucis factâ consummavit in perpetuum

cos qui sanctificantur. Et quia Sacerdotium habet perpetuum, quoniam in æternum manet, non opus habet successoribus alijs Sacerdotibus, qui ipsum quotidie de novo immolent atque afferant. Quare Ministri Novi Testamenti nusquam in Sacra Scriptura Sacerdotes propriè dicti appellantur: neque illis vspiam de immolandis hostijs, sed tantum de prædicando Evangelio, & pascendo grege, mandatum in Scriptura datur: ac proinde Pontificij Pastores, cum nomen & munus Sacerdotis sibi arrogent, non tantum palam Iudæizant, sed etiam blasphemè ac sacrilegè in sanctissimum & proprium munus Domini nostri IESU CHRISTI involant. Officij Pastorum administratio aut est publica, aut privata. Publicè debent Verbum DEI prædicare, Sacramenta administrare, & publicas preces concipere. Privatim debent ægros invisere, erudire, consolari, & in fide confirmare, errantes in rectam viam reducere, afflictos consolatione erigere, ferocientes coercere, collegas etiam officij admonere, atque vnà cum Presbyteris Ecclesiæ disciplinam & regimen procurare. Sub hoc ordine etiam comprehendimus Doctores peculiariter ita dictos, quorum munus est tantum incumbere doctrinæ, eamque explicatione partim analytici, partim Synthetici, concinnè proponere, atque adversus quoslibet *d. & intransformati* tueri. His etiam adjungimus Catechistas, qui prima Religionis Christianæ elementa pueros & rudiores docent.

Quod sit officium Pastorum?

Quid sit officium Doctorem, & Catechistarum?

d. & intransformati

III.

Inter Episcopum & Pastorem, seu Presbyterum

An sit dis-
crimen in-
ter Episco-
pum &
Presbyte-
rum in
verbo labo-
rantem?

Quid sit
sentiendū
de Episco-
pis primi-
tiva Eccle-
sia?

e. secun-
dum ordi-
nem.

e. praposi-
tura,

rum in verbo laborantem, respectu muneris seu ministerii, nullum in Sacra Scriptura verum & essentiale discrimen reperitur. Hæc enim vocibus hisce promiscuè utitur, atque vnum eundemque Ministrorum N. Testam. ordinem designat. Quin in vnâ Ecclesiâ & civitate plures tempore Apostolorum Episcopos fuisse disertè Sacra Scriptura testatur. Quare Episcopi iure divino Pastoribus neque gradu, neque dignitate, neque ordinis potestate, neque iurisdictione maiores sunt. Vocantur enim *ἐπισκοποι* non tam respectu collegarum ac *ἐκκλησιαστικῶν*, quam respectu gregis. Quod verò post Apostolorum tempora in Ecclesiâ primitivâ, & deinceps, ex Pastoribus vnus reliquis præpositus est, & Episcopi nomine singuliter insignitus, non ex instituto divino, sed humano consilio factum est, in scismatis remedium, cum instinctu Diaboli dissidia in Religione fierent, vt hac ratione dissensionum semina melius evellerentur: & ne primatu ordinis ad singulos Pastores per vices perveniente, vt initio fiebat, fieret vt interdum indigni præessent. Hoc institutum cum sit vetustissimum, & rationes non contemnendas habuerit, simpliciter non damnamus. Cum enim in Ecclesiâ omnia *ἐκ τῆς χάριτος* geri debeant, atque inter Pastores manifesta sit donorum, ac proinde etiam in moderanda Ecclesiâ *ἰσχυρίσθαι* atque in dirigendis Presbyterii actionibus promptitudinis impiritas, existimamus ordinem atque politiam Ecclesiæ omnino requirere, vt vni alicui inter Pastores, qui propter ætatem, prudentiam, doctrinam, aliaque dona cæteros antecessit, s. *ἐκ τῆς χάριτος* quædam ordinis, non autem domini ac potestatis, tribui debeat: vt hac ratio-

ne

ne omnis *g. a. m. g. l. a.* atque etiam *h. a. m. g. l. a.*, perniciosæ Ecclesiarum pestes, ab Ecclesia arceantur. Cæterum imprimis cavendum est, ne per hanc *i. m. g. l. a.* multo perniciores in Ecclesiam pestes introducantur, dominium scilicet in collegas, & tyrannis, quæ admodum sollicitè, & strictè à Christo Ecclesiarum Ministris fuerunt interdicta: præsertim cum experientia ipsa ante multa secula evidentissimè docuerit, quàm periculosum fuerit Ecclesiæ hoc humanum consilium, cum Supertioritas illa primò degeneraverit in *i. d. a. m. g. l. a.*, ac deinde paulatim in *m. m. g. l. a.* & manifestam tyrannidem, & tandem in Ecclesiam invexerit pestilentissimum hunc Papatum, & totam illam Hierarchiam Papisticam, quæ Ecclesiam penitus pessundedit. Ex his enim Episcopis postea nati sunt Archiepiscopi, ex istis Patriarchæ, ex quibus denique Pontifex ille summus, qui hodie in templo DEI tanquam DEVS sedet, ostentans seipsum esse DEVM.

IV.

Secundus ordo est *Presbyterorum*, seu seniorum in verbo non laborantium, qui non tam ab ætate, quam à munere, quod senilem prudentiam & gravitatem requirit, ita appellantur. Horum officium non est publicè verbum DEI prædicare, nam in verbo non laborant, sed vñ à cum Pastoribus Ecclesiæ disciplinam & totam politiam moderari, vnde etiam *n. a. m. g. l. a.*, id est, *n. a. m. g. l. a.* appellantur, Pastorum & *o. e. m. g. l. a.* doctrinam ac vitam observare, membrorum Ecclesiæ profectus & defectus notare, egros invisere & cõ-

g. confusio.
h. ex defe-
ctu regi-
minis so-
luta licen-
tia,
i. p. a. p. o-
st. a. m.

I. paucorū
dominatio.
m. v. m. g. l. a.
imperium.

Qui sint
secundus or-
do, &
quod eo-
rum offici-
um.

n. g. u. b. e. r-
n. a. t. i. o. n. e. s,
id
est, gub-
ernatores,
o. c. o. l. l. e. g. a-
rum.

*Qui sint
tertiy ordi-
nis, &
quod eorū
officium?*

solari, infirmos confirmare, inordinatē viventes officij admonere, pacem inter dissidentes conciliare, atque omnia offensacula ē medio tollere. Tertius ordo est *Diaconorum*, qui hoc nomine, alioquin omnibus Ministris communi, ita peculiariter in sacra Scriptura vocantur. Horum munus non est verbum publicē prædicare, aut Sacramenta administrare, aut Episcopo tantum ministrare, ut olim Levitæ Sacerdotibus, aut sacerdoti ad altare assistere, aut alijs frivolis ceremonijs vacare, sed præesse ærario Ecclesiastico, quotidianas oblationes, & annuos proventus sanctē colligere, & in veros vsus, inter quos pauperum sustentatio præcipuus est, justē, prudenter, atque optima fide distribuere. His annumeramus *Diaconissas*. Inter has functiones, imparitatem & gradum dignitatis agnoscimus quidem, sed non inter collegas ejusdem functionis. Præstat autem ut functionibus hisce perpetuò, non autem ad tempus fungantur, quicunq; ad eas ab Ecclesia semel legitimē vocati sunt, si Ecclesia ijs omnibus sustentandis sumptus suppeditare potest.

V.

*Quid sit
sensū sedum
de reliquis
pontifici-
orum ordi-
nibus?*

Pontificum summorum, Patriarcharum, Archiepiscoporum, Metropolitanorum, Archipresbyterorum, Archidiaconorum, Suffraganeorum, Abbatum, Priorum, Monachorum, Canonico-
rum, Decanorum, Præbendariorum, Sacellano-
rum, Vicariorum, Sacrificorum, Sacerdotum, & similium, & nomina & functiones, prout hodie in Papatu exercentur, ignoravit Apostolica & verē primitiva Ecclesia. Ostiariorum vero, Aco-

Quid de

luthorum

luthorum, Lectorum, Cantorum, & Hypodiaconorum ordines, in primitivâ Ecclesiâ, magis fuerunt rudimenta quædam tyronum, quibus olim in celebrioribus Ecclesijs adolescentes ad ministerium præparabantur, quam ordinariæ functiones, quæ veris Ecclesiæ ministerijs accenserentur. *Officiarij* enim aperiendi claudendique templi cura mandabatur, quæ hodie æditui seu Custodibus templi incumbit. *Acoluthi* erant adultiores Sacræ Theologiæ studiosi, & sacri ministerij candidati, qui Episcopo in obsequijs domesticis aderant, ut sub ipsius ductu & auspicio peritiam rerum Ecclesiasticarum sibi compararent. *Lectores* S. Scripturam populo prælegebant, ut omnium conspectum ferre discerent, & populo innotescerent. *Cantores* præcinebant, populi que cantum, tanquam phylax moderabantur. *Hypodiaconi* adjuncti erant diaconis tanquam ministri, qui tamen in minùs frequentibus Ecclesijs vix reperiuntur.

VI.

Exorcista, qui Apostolorum tempore fuerunt, vocabantur non ab ordinariâ aliquâ in Ecclesiâ functione, sed ab extraordinario dono, quo nonnulli præditi, invocato Christi nomine, & manuum impositione, ab ~~o impurius~~ dæmonia ejiciebant. Cum autem hæc dona cum reliquis miraculorum & sanationum donis defierint, stultum est re sublatâ signum velle retinere, & ministerium fingere in Ecclesiâ, cujus nullus hodie effectus est, & ad quod obeundum nullus mortalium donis necessarijs hodie instructus invenitur. Quare Pontificij Exorcistæ non sunt publici Ecclesiæ Ministri, sed potius scenici ludi-

*Officiarij
Acoluthi,
lectores,
cantores,
& hypodi-
aconi?*

*Quid de
Exorcistis?*

o possessis.

ones,

*Quid de
Cardinalis-
tibus?*

*Quid de
Chorepif-
copis?*

ones, qui nullum professionis suæ verum speci-
men edere possunt, & quorum imperiis tantum
abest ut dæmones cedant, ut potius in ipsos, ut-
pote magis plerumque deditos, dæmones ipsi
imperium habeant. *Cardinalium* barbarum no-
men non tantum Scriptura, sed & primitiva Ec-
clesia per multa secula ignoravit, ejusque etymoni-
ne ipsi quidem Pontificii certò assignare possunt.
Officium autem, quo hodie Romani Cardinales
cum sacri planè regio funguntur, neque à Chri-
sto aut Apostolis institutum, neque à veteribus
Romanæ Ecclesiæ Presbyteris usurpatum fuit.
Per *Chorepiscopos* si intelligantur Pastores, qui
in certis & peculiaribus ~~regionibus~~ hoc est, oppidis,
aut pagis, ministerio funguntur, pascetes gre-
gem qui penes ipsos est, si officium Episcoporum
debitè faciunt, pro legitimis Ecclesiæ ministris
agnoscimus, & sub primo ordine comprehendi-
mus. Si vero per eos intelliguntur, quos hodie
in Papatu vocant Suffraganeos, vel Episcopos
Titulares, quorum operâ vicariâ Episcopi utun-
tur, eorum in Ecclesia ministerium neque licitum,
neque necessarium est, cum singulis Episcopis
mandatum sit, ut ipsi per se, atque operâ
suâ, non per alios vicarios, aut substitutos, Ec-
clesiam pascant.

DISPUT. XXVI.

De Cœlibatu Ministrorum
Ecclesiæ.

THESIS I.

Quicumque Divini Verbi Ministerio sunt consecrati, abstinere debent ab omnibus iis, quibus sanctissimæ hujus vocationis aut dignitas inquinatur, aut functio impeditur; inter quæ legitimum conjugium nequaquam reputari. ac proinde neque Cœlibatus ut præcisè necessarius, ordinibus sacris annexi debet.

II.

Conjugium enim legitimum non est inquinamentum, aut opus carnis, sed sanctum DEI institutum, & honestum adversus omnem animi & carnis immunditiam remedium, quod *ad mæritum* est, & in quo non minus castè atque *inagratè* quam extra conjugium vivere licet. Quare uti olim in V. T. Sacerdotibus omni quidem pollutionum genere severè interdicebatur, sed legitimo conjugio nunquam fuit interdictum, ita neque Ministris Ecclesiarum Novi Testamenti conjugium usquam in Scripturâ prohibetur, tamen passim in eisdem *conjugiis, & mæritis inagratia*, & similes virtutes ferriò requirantur.

*An Cœlibatus sit
sacris ordinibus
annexus?*

*An conjugium sit in-
quainamentum carnis,
& Ministris prohibi-
tum?*

*a Heb. 13. 4
b continenter.*

c temperantia, sanctitas, continentia.

III.

An conjugij difficultates impediant Ministerij functionem?

a 1. Tim.

3.5.

Actametſi conjugium ſuas ſecum ferat ſollicitudines, difficilibus præſertim temporibus, ea tamen non ſunt tales, ut functionem Eccleſiaſticam impediant, cum Episcopuſ & Eccleſiæ & domui ſuæ benè præſeſſe ſimul poſſit: neque tantæ, quin longè majores moleſtias & difficultates coactus cœlibatus ſecum ferat. Habet & conjugium ſuas viciffim commoditates, quibus Miniſtri in laborioſiſſimo, ac moleſtiſſimo Eccleſiæ Miniſterio ſublevantur & refocillentur.

IV.

An Apoſtoli vxores ſuas dimiſerint?

b verſ. 2.

c verſ. 4.

Quare Apoſtoli vxores, quas ante vocationem ad Apoſtolatum habuerunt, nuſquam leguntur dimiſiſſe, neque conjugium Miniſtrorum Eccleſiæ improbaſſe, aut prohibuiſſe. Sed contrà, ſuo exemplo palam oſtenderunt, idipſum etiam in Novo Teſtamento Miniſtris Eccleſiæ liberum & licitum eſſe; conjugatos ad Miniſterium admiſerunt, & diſertè docuerunt admitti poſſe viros b vnus vxoris, & qui c liberos habeant. Iurè itaq; divino atque inſtituto Apoſtolico ad Miniſterium ordinari poſſunt Conjugati, & qui cœlibes ordinari fuerunt, liberè & ſine peccato poſſunt, ſi velint, conjugium contrahere.

V.

An in primitivâ Eccleſiâ conjugati Miniſtri fuerint?

Eadem fuit primitivæ Eccleſiæ praxis, quæ conjugium Miniſtris Eccleſiæ per aliquot ſecula liberum reliquit, & multos habuit præſtantiſſimos Eccleſiarum Miniſtros atque Episcopos, qui mariti fuerunt, & in legitimo conjugio liberos

pro-

procrearunt, vti historix, Canones multorum Conciliorum, & exempla Chæremonis, Spiridionis, Polycratis, Gregorij Nazianzeni, atque aliorum clarissimè testantur. Tandem cœlibatus, cum tanquam status matrimonio longè perfectior & sanctior, in admiratione & veneratione esse inciperet, ita vt cœlibes à multis tanquam cœlites suspicerentur, progressu temporis varijs artibus & prætexitibus in ordinem Ministrorum irrepfit, ita vt cum prius liberæ esset observationis, tandem vim legis acciperet. Cæterum leges illæ, quibus Ministris Ecclesiæ conjugium interdicitur, & perpetuus cœlibatus imperatur, non tantum tyrannicæ sunt, contra omnem æquitatem, sed etiam impix, contra expressum Dei verbum introductæ, & meritò appellari possunt *dæmoniacæ & diabolicæ* quæ horrendam scelerum colluviem, & fructus execrabiles in Christianum orbem invexerunt.

VI.

Adulteri, Scottatores, concubinarij, & qui repudiata temerè vxore, & eâ adhuc superstite alteram duxerint, quod Apostolorum temporibus ex legis Mosaicæ licentiâ apud Iudæos sepe fiebat, neq; ad Ministerium ordinari, neq; ordinati in Ministerio tolerari debêt. * Maritus omnis viventi vxori diuinctus est per legem, ac proinde vivente vxore mœchus vocabitur, & ut alterius vxoris: sin autem mortuus fuerit vxor, liber est à lege illa, vt non sit mœchus si ad alias nuptias transeat, sed liberum & licitum ei sit iterum aliam vxorem ducere, quam velit: tantum in Domino. Idem licet etiam Ministris Ecclesiarum qui non tantum

semel

*d doctrina
demonio-
rum.*

1. Tim. 4.

*An Diga-
mi ad Mi-
nisterium
sint ad-
mittendi,
vel in eo
tolerandi?*

** Rom. 7.*

2. 3.

semel matrimonium contrahere, sed demortuâ priore conjunge ad secundas nuptias transire possunt: ita ut Digami, qui successivè duas vel plures duxerunt uxores, ad Ministerium ordinari possint, & qui ordinati sunt, ijs in hac successivâ digamiâ vivere liceat. Quare detestanda est extrema illa & blasphema Pontificiorum impudentia, quâ Canonem hunc approbant, aut saltem tolerant, quo dicitur: Secundam accipere secundum Apostoli præceptum licitum esse, secundum autem veritatis rationem verè esse fornicationem.

*Can. Hac
ratione
Causa 31.
Quæst. 1.*

DISPUT. XXVII.

De Stipendijs, et Immunitatibus
Ministorum Ecclesiæ.

T H E S I S I.

*An Eccle-
sia Mini-
strum debeat
stipendia
persolvere?
a vicibus
ejus.
b spiritua-
lia.
c carnalia.
1. Cor. 9. 11
d 1. Cor. 9.
7.*

FVnctio Ministerij Evangelij tanti laboris & momenti est. ut integrum planè hominem nullis alijs occupationibus distractum requiratur, qui cum huic functioni soli vacat atque incumbit, æquum est, ut huic operatio *a à regibus*, quâ dignus est, sup- *b* *c* *d* *e* *f* *g* *h* *i* *k* *l* *m* *n* *o* *p* *q* *r* *s* *t* *u* *v* *w* *x* *y* *z* *aa* *ab* *ac* *ad* *ae* *af* *ag* *ah* *ai* *aj* *ak* *al* *am* *an* *ao* *ap* *aq* *ar* *as* *at* *au* *av* *aw* *ax* *ay* *az* *ba* *bb* *bc* *bd* *be* *bf* *bg* *bh* *bi* *bj* *bk* *bl* *bm* *bn* *bo* *bp* *bq* *br* *bs* *bt* *bu* *bv* *bw* *bx* *by* *bz* *ca* *cb* *cc* *cd* *ce* *cf* *cg* *ch* *ci* *cj* *ck* *cl* *cm* *cn* *co* *cp* *cq* *cr* *cs* *ct* *cu* *cv* *cw* *cx* *cy* *cz* *da* *db* *dc* *dd* *de* *df* *dg* *dh* *di* *dj* *dk* *dl* *dm* *dn* *do* *dp* *dq* *dr* *ds* *dt* *du* *dv* *dw* *dx* *dy* *dz* *ea* *eb* *ec* *ed* *ee* *ef* *eg* *eh* *ei* *ej* *ek* *el* *em* *en* *eo* *ep* *eq* *er* *es* *et* *eu* *ev* *ew* *ex* *ey* *ez* *fa* *fb* *fc* *fd* *fe* *ff* *fg* *fh* *fi* *fj* *fk* *fl* *fm* *fn* *fo* *fp* *fq* *fr* *fs* *ft* *fu* *fv* *fw* *fx* *fy* *fz* *ga* *gb* *gc* *gd* *ge* *gf* *gg* *gh* *gi* *gj* *gk* *gl* *gm* *gn* *go* *gp* *gq* *gr* *gs* *gt* *gu* *gv* *gw* *gx* *gy* *gz* *ha* *hb* *hc* *hd* *he* *hf* *hg* *hh* *hi* *hj* *hk* *hl* *hm* *hn* *ho* *hp* *hq* *hr* *hs* *ht* *hu* *hv* *hw* *hx* *hy* *hz* *ia* *ib* *ic* *id* *ie* *if* *ig* *ih* *ii* *ij* *ik* *il* *im* *in* *io* *ip* *iq* *ir* *is* *it* *iu* *iv* *iw* *ix* *iy* *iz* *ja* *jb* *jc* *jd* *je* *jf* *jj* *jh* *ji* *jj* *jk* *jl* *jm* *jn* *jo* *jp* *jq* *jr* *js* *jt* *ju* *jv* *jw* *jx* *ky* *kz* *la* *lb* *lc* *ld* *le* *lf* *lg* *lh* *li* *lj* *lk* *ll* *lm* *ln* *lo* *lp* *lq* *lr* *ls* *lt* *lu* *lv* *lw* *lx* *ly* *lz* *ma* *mb* *mc* *md* *me* *mf* *mg* *mh* *mi* *mj* *mk* *ml* *mm* *mn* *mo* *mp* *mq* *mr* *ms* *mt* *mu* *mv* *mw* *mx* *my* *mz* *na* *nb* *nc* *nd* *ne* *nf* *ng* *nh* *ni* *nj* *nk* *nl* *nm* *nn* *no* *np* *nq* *nr* *ns* *nt* *nu* *nv* *nw* *nx* *ny* *nz* *oa* *ob* *oc* *od* *oe* *of* *og* *oh* *oi* *oj* *ok* *ol* *om* *on* *oo* *op* *oq* *or* *os* *ot* *ou* *ov* *ow* *ox* *oy* *oz* *pa* *pb* *pc* *pd* *pe* *pf* *pg* *ph* *pi* *pj* *pk* *pl* *pm* *pn* *po* *pp* *pq* *pr* *ps* *pt* *pu* *pv* *pw* *px* *py* *pz* *qa* *qb* *qc* *qd* *qe* *qf* *qg* *qh* *qi* *qj* *qk* *ql* *qm* *qn* *qo* *qp* *qq* *qr* *qs* *qt* *qu* *qv* *qw* *qx* *qy* *qz* *ra* *rb* *rc* *rd* *re* *rf* *rg* *rh* *ri* *rj* *rk* *rl* *rm* *rn* *ro* *rp* *rq* *rr* *rs* *rt* *ru* *rv* *rw* *rx* *ry* *rz* *sa* *sb* *sc* *sd* *se* *sf* *sg* *sh* *si* *sj* *sk* *sl* *sm* *sn* *so* *sp* *sq* *sr* *ss* *st* *su* *sv* *sw* *sx* *sy* *sz* *ta* *tb* *tc* *td* *te* *tf* *tg* *th* *ti* *tj* *tk* *tl* *tm* *tn* *to* *tp* *tq* *tr* *ts* *tt* *tu* *tv* *tw* *tx* *ty* *tz* *ua* *ub* *uc* *ud* *ue* *uf* *ug* *uh* *ui* *uj* *uk* *ul* *um* *un* *uo* *up* *uq* *ur* *us* *ut* *uu* *uv* *uw* *ux* *uy* *uz* *va* *vb* *vc* *vd* *ve* *vf* *vg* *vh* *vi* *vj* *vk* *vl* *vm* *vn* *vo* *vp* *vq* *vr* *vs* *vt* *vu* *vv* *vw* *vx* *vy* *vz* *wa* *wb* *wc* *wd* *we* *wf* *wg* *wh* *wi* *wj* *wk* *wl* *wm* *wn* *wo* *wp* *wq* *wr* *ws* *wt* *wu* *wv* *ww* *wx* *wy* *wz* *xa* *xb* *xc* *xd* *xe* *xf* *xg* *xh* *xi* *xj* *xk* *xl* *xm* *xn* *xo* *xp* *xq* *xr* *xs* *xt* *xu* *xv* *xw* *xx* *xy* *xz* *ya* *yb* *yc* *yd* *ye* *yf* *yg* *yh* *yi* *yj* *yk* *yl* *ym* *yn* *yo* *yp* *yq* *yr* *ys* *yt* *yu* *yv* *yw* *yx* *yy* *yz* *za* *zb* *zc* *zd* *ze* *zf* *zg* *zh* *zi* *zj* *zk* *zl* *zm* *zn* *zo* *zp* *zq* *zr* *zs* *zt* *zu* *zv* *zw* *zx* *zy* *zz*

am DEVS ordinavit, ut qui Evangelium prædicant, ex Evangelio vivant, utque *ἵνα καὶ αὐτοὶ τῶν λόγων κοινωνήσωσιν* communicet *τοῖς ἀκούουσιν ἐν τῷ ὀνόματι τοῦ κυρίου* *δοξῶν*. Iure itaque Divino Ecclesia tenetur Ministris communicare ex bonis suis, quantum ijs ad frugalem honestamque vitæ & familiæ sustentationem erit necessarium.

Gal. 6.6.

II.

Modus hujus communicationis in Novo Testamento nullâ certâ lege est circumscriptus, sed cum charitas, pietas, & commoditas pro Ecclesiarum & temporum ratione optimè definiunt. Quare licet in Veteri Testamento DEVS cum lege definiverit, & Levitis decimam proventuum partem persolvi mandaverit, ea lex tamen hodie in Novo Testamento non est præcisè imperata, neque etiam necessaria, quamvis neque injusta est, sicubi Magistratus Christiani autoritate sancta fuerit, qui semper tenetur commodissimam fovendi Ministerii rationem inire, sive ex decimis, sive ex collectis, sive ex aliis proventibus, prout maximè ædificationi Ecclesiæ, & Ministerij dignitati servitutum pro Ecclesiæ, temporis, aut loci constitutione arbitratus fuerit. Ecclesia itaque Christiana hodie nec jure naturæ, nec jure Divino tenetur præcisè Decimis, seu decimam bonorum partem, Ministris persolvere.

*An Ecclesia Christi-
ana præci-
se teneatur
ad Deci-
mas Mini-
stri per-
solvendas?*

III.

Ministri Ecclesiarum, quia etiam cives sunt & pars Reipublicæ pari jure & jugo cum cæteris civibus onera Reipublicæ sustinere tenentur: neq; ab ullis civium oneribus jure divino eximun-

*An Mini-
stri ab oneribus Rei-
pub. & ve-*

*Regalibus
jure divino
eximantur?*

tur. Quare ut Christus pro se & Petro vectigal persolvit, ita subditis & civibus quibusvis mandavit, ut Cæsari dent, quæ sunt Cæsaris. Laudanda tamen est pietas Principum & Magistratum Christianorum, qui Ministros verbi, ut tanto expeditius muneri suo vacare possint, à quibusdam oneribus personalibus puta militiâ, vigiliis, tutelis, & similibus, quibus à Ministerio avocarentur, aut ab oneribus sordidioribus, ne Ministerium vilescat, speciali privilegio, & benignâ indulgentiâ eximunt. Neque improbanda est pia Principum liberalitas, cum Ministros etiam à persolvendis tributis immunes esse volunt, ut subsidium ab Ecclesia collatum sustentandis eorum familijs tanto melius sufficiat. Præstat tamen ut potius stipendium illis tanto liberalius erogetur, quo possint in voluntariâ vectigalium persolutione reliquis civibus tanquam exemplaria præire, & concives tanto efficacius ad vectigalium solutionem exhortari.

IV.

*An Principes Christiani
jure divino
aut teneantur
Ministros
necessario
eximere ab
oneribus
Resp.?
An exemptio
semel
facta possit
renovari?*

Ad hanc exemptionem præstandam principes Christiani jure divino præcisè non obligantur. Quare eam ab invitis Magistratibus tanquam jure divino nitentem extorquere Ministri etiam non debent, quod ipsum in Papatu quidem ut egregium pro asserenda Ecclesiæ libertate facinus laudatur, revera tamen nihil aliud est quàm manifesta, atque intoleranda rebellio. Possunt etiam Principes Christiani hanc exemptionem semel factam justas ob causas, iterum revocare, quotiescunque id ipsum ad Ecclesiæ aut Reipublicæ utilitatem necessarium arbitrati fuerint, aut Mi-

nisti privilegiis hifce abutuntur. Cumque hodie Ministri Pontificii immunitatibus, quæ priorum Principum Privilegiis olim Ecclesiasticis personis concessæ fuerunt, tam fœdè ad ignaviam, luxum, & flagitia cum maximo Ecclesiæ & Reipublicæ detrimento abutantur, ipso jure hifce privilegiis exciderunt, & privari jamdudum sunt commercii. Seriò itaque Principes Christiani cogitare videntur debent, an æquum sit in tanta bonorum Ecclesiasticorum affluentia istis immunitatibus tot otiosorum ventrium luxum atque ignaviam foveri, atque interim reliquos subditos tanto gravioribus vectigalibus onerari.

V.

Nec tantum communia cum reliquis civibus onera Ministri ferre tenentur, sed etiam communibus legibus obtemperare, & secundum easdem communibus judiciis subiecti esse debent, obligatione non tantum directivâ, sed etiam correctivâ: non tantum quoad obedientiam, sed etiam quoad pœnam: neque tantum in civilibus, sed etiam in criminalibus causis. Personæ itaque Ecclesiasticæ nullo jure nec divino, nec naturali, neque civili, à potestate & jurisdictione legitimi Magistratus politici eximuntur, aut eximi debent, sed ut a omnis anima potestatibus supereminentibus subijci, omnesque Christiani cuivis humanæ ordinationi, siue Regi, siue præsidibus, propter Dominum subditi esse debent, ita imprimis decet Ministros Christi atque Apostolorum exempla hac in parte imitari, & voluntaria subjectione atque obedientia reliquis civibus præluce: neque vlla ratio est, quare ab

*An persona
Ministro-
rum Eccle-
sia sint jure
divino ex-
empta à ju-
risdictione
Magistra-
tus politi-
ci?*

a. 1. Cor.

13.

hâc subjectione eximi vnquam debeant.

VI.

*An Mini-
stri Magi-
stratibus
subfint in
causis Ec-
clesiasticis?*

Causæ, in quibus personæ Ecclesiasticæ legiti-
mis Magistratibus subsunt, aut sunt Ecclesia-
sticæ, aut Politicæ. In causis Ecclesiasticis Mini-
stri Ecclesiarum iudiciis aut mandatis Magistra-
tum Christianorum non sunt penitus exempti.
Quamvis enim causæ, quæ merè sunt Ecclesiasti-
cæ, quales sunt quæ ad Doctrinam, aut Disci-
plinam Ecclesiæ spectant, & tantum ad rationem
conscientiæ pertinent, secundum jus divinum, &
autoritatem Ecclesiæ DEI demandatam, non in
Prætorio, aut coram politico tribunali, secundum
leges civiles, sed in conventibus Ecclesiasticis, se-
cundum verbum DEI, & Canones Ecclesiasticos
ordinariè iudicari debeant; tamen vt laudata pio-
rum in V. T. Regum exempla docent, etiam Chri-
stiano Magistratus supremo competit huic ordini
præesse, eumque tueri, ac moderari, ne quid in
conventibus Ecclesiasticis præter aut contra ver-
bum DEI agatur, aut definiatur, & sententiam
ibidem latam, si eam in conscientia sua approbare
queat, iudicio suo supremo confirmare, vt vim le-
gis in Ecclesia publicè obtinere possit. In extra-
ordinarijs Ecclesiarum reformationibus supre-
mus Magistratus Christianus etiam causas merè
Ecclesiasticas, ad doctrinam & disciplinam spe-
ctantes, tractare & iudicare, atque Ecclesiis suis,
quibus vt nutritor præest, docenda & agenda secun-
dum DEI verbum præscribere potest. In causis poli-
ticis, siue etiam sint civiles, siue criminales, siue perso-
nas, siue bona Ecclesiasticorum spectent, omni mo-
do, & pari jure, atque obligatione, cum

*An subsint
in causis
politicis?*

cæteris civibus politici Magistratus judicijs & tribunalibus, Ministri Ecclesiarum quicunque tandem illi sint, jure Divino sunt subiecti: neque ullis Principum aut Imperatorum privilegijs, quæ juri Divino derogare nihil possunt, ab hac subjectione eximi aut debent, aut legitime possunt.

DISPUT. XXVIII.

De Monachis, & Eremitis.

THESIS I.

Ministrorum Ecclesiæ Novi Testam. ordinibus non debet accenseri ordo Monachorum & Eremitarum, qui hodie in Papatu reperiuntur, quorum nomina cum Veteris tum Novi Testamenti Scriptura planè ignorat. Institutum vero itidem tum in Iudaicâ, tum etiam in Apostolicâ Ecclesiâ penitus fuit incognitum, & demum post aliquot ab Apostolorum temporibus secula incepit. Occasionem vitæ Eremiticæ dederunt graves illæ in Ecclesiâ primitivâ Persecutiones, quibus pii viri in solitudines aufugere ibidemque commorari coacti, tandem necessitatem in voluntatem verterunt. Monasteria primitus fuerunt instituta, ita ut in pijs procubus ab hominum turbâ commodius sacri Ministerij candidati in sacris instituereur, atque ad Ministerium Ecclesiasticum præpararentur.

Vnde institutum Monachorum & Eremitarum originem habeat?

II.

An Eremitarum & Monachorum status sit perfectior? a cultibus voluntarijs.

An hodierni Monachi aliquid commune habeant cum prioribus?

b exercitia mentalia.

Hodie extra periculum persecutionis quicumque in solitudinem aufugiunt, ut ibidem austeriori quadam vivendi ratione sponte susceptâ vitam æternam promereantur, illi DEVM hucce & illuc sponte frustra colunt, Christi merita superstitioso hoc cultu abnegant, proximi dilectionem multis modis violant ac negligunt, officia pietatis & charitatis à DEO præscripta deserunt, & seipfos sine ullo DEI mandato multis periculis & tentationibus exponunt, & stulto atque inani labore frustra fatigant. Monachatus etiam, qui hodie in Papatu conspicitur, tantum abest ut sit status, qui homini conferat majorem sanctitatem aut perfectionem, nunc ita superstitionibus, idololatriâ, & variis impuritatibus inquinatus est, ut homini Christiano salvâ conscientiam in eo permanere non liceat. Quin & hodierni Monachi cum antiquis illis Monachis, qui prioribus seculis vixerunt, vix aliquid, vel quod ad doctrinam, vel quod ad vitam, commune habent. Prisci enim Monachi in austiori illo & solitario vivendi modo nullum meritum, aut satisfactionem pro peccatis ponebant, neque de operibus supererogationis erroneam hanc opinionem habebant: neque etiam ex tribus illis essentialibus Monachorum votis ullum, nedum omnia simul, nuncupasse leguntur. Monasteria eorum ordinis Ecclesiastici erant quasi semina-ria quædam, & pietatis b. monitione, in quibus plerique omnes manus suas laborabant. Hodierna vero Monasteria pleraque quid aliud sunt quam lustra ganeonum, palestræ contentio-

num,

num, factionum, & rixarum, & harum in quibus Epicuri de grege porci amplis redditibus saginantur? Quare rectè faciunt Principes Christiani, qui hæc lustra evertunt, & redditus in alios pios usus convertunt.

III.

Sicut ipse totus Monachatus, ita etiam diversi Monachorum Ordines inventum sunt, idque recentius hominum superstitionum, non tantum inutile Ecclesie, sed etiam gloriæ Christi, & unitati Christianorum novum. Cum enim fideles omnes Christi sint, & ab eo Christiani appellentur, & nemo in hominibus gloriari debeat, quemadmodum olim Apostolus Corinthios acriter reprehendit, quod dicerent, Ego sum Pauli, alii Ego sum Apollos; ita merito, ac multo magis, hodierni Monachi reprehendendi sunt, cum dicunt Ego sum Augustini, Ego sum Francisci, Ego sum Benedicti, Ego sum Domini, &c. Diversæ Monachorum sectæ tempore Augustini nullæ adhuc fuerunt, sed longè post ejus tempora, seculo demum vndecimo, & circiter, Monachatus in sectas dividi cæpit, quæ sequentibus seculis à superstitionis hominibus ita sunt multiplicatæ, ut Imperatores, atque ipsi tandem etiam Papæ Romani, coacti fuerint legibus latis multiplicationem eam severè inhibere. Nonnulli Ordines, qui hodie in Papatu in maximo sunt pretio, hominum memoria sunt inventi, quales sunt ordines Lajolitarum, qui sanctissimo IESU nomine ad sectam suam mangonizandam blasphemè abutuntur, Capucinorum, & similium. Sunt autem omnes illæ

*An diversa
Monachorum
secta
sunt licita,
& Ecclesia
vires?*

*c. 1. Cor.
3. 4.*

d Apoc. 9.

An Disci-
plina Mo-
nastica sit
licita &
meritoria?
c 1. Cor. 9.
27.

f Coloss. 2.
23.
g 1 Tim.
4. 8.
corporalis
exercita-
tio.

h 1. Tim.
2. 9.

An habitus
Monacho-
rum conse-
rat ali-
quam san-
ctitatem?

Monachorum sectæ, quarum infinitus ferè nu-
merus est, verè examina illa Locustarum Apo-
calypiticarum, & quæ ex puteo abyssi prodierunt.

IV.

Agnoscamus Christianis omnibus non tantum
utile, sed etiam mandatum esse, ut jejnijs, so-
brietate, atque abstinentiâ ad ferventiores preces
se se præparent, & carnis lasciviam doment: atq;
officium Christianorum omnium esse corpus
suum *εἰς τὸ πνεῦμα*, quò minus
Spiritu rebellet. Sed corpus nimis jejnijs, & vi-
giliis macerare, flagellare, loris constringere, au-
dis pedibus ambulare, certis cibis diebus certis,
vel per omnem vitam, abstinere, & similia Mo-
nachorum exercitia, sunt præscripta ex præceptis
& doctrinis hominum. quæ rationem quidem
habent sapientiæ, *ἡ ἐν ἀλλοθροῦν, καὶ τῷ πνεύματι*,
οὐκ, καὶ ἀρετῆς σώματος, sed nullius sunt pretii.
Omnis enim *ἡ σωματικὴ γυμνασία* ad pauca uti-
lis est. Neque DEVS ista ab eorum manibus
requisivit. Cumque hæc omnia ab illis fiant o-
pinione meriti & satisfactionis pro peccatis, non
tantum DEO non possunt placere, sed etiam quàm
maximè displicent, ut profecta ex superstitione,
quæ gloriæ divinæ & meritis Christi directè
repugnat.

V.

Decet Christianos omnes, ut se vestiant *ἡ ἐν κα-
τασκευῇ καρμὶ, κατὰ αἰσὺς καὶ σαρκοῦς, καὶ ἐν ἡμι-
τιμῇ πολυτελείᾳ*: neq; etiam prorsus inconueniens
arbitramur, ut Ecclesiarum Ministri (tametsi sin-
gulari morum & vitæ modestia ac gravitate
præcipuè id fieri debeat) etiam decoro, modesto,

&

& gravi habitu à reliquis hominibus discernantur; nulla tamen sanctitas in externo habitu per se collocari debet, neque vllum est præceptum in V.T. quo speciatim præscribitur qua forma, quo colore, vel ex qua materia, habitus eorum constare debeat. Monachorum autem, qui Ecclesiarum legitimi Ministri non sunt, habitus ille alienus, ridiculus, & variegatus, nihil aliud est, quam hypocritica sanctitatis affectatio, & inanis superstitio, in qua nulla sanctitas, nullum meritum, neque vllus cultus DEO gratus collocari potest. Mirum ut sit olim in Papatu etiam Principum & doctissimorum virorum animis hanc superstitionem tam altè infedisse, ut arbitrati fuerint animarum suarum saluti profuturum, si in cucullo Monachali sepelirentur. Tonsura verò coronalis in vertice nullum etiam neque mandatum, neque meritum habet, sed inanis est & stulta superstitio, qua non Sacerdotes Levæicos Veteris Testamenti, quibus tonsura illa expressè erat prohibita, sed Sacerdotes Baaliticos atque idololatrias referunt, qui capita rasa, & resectas barbas habebant.

VI.

Licet quidem Ministris Ecclesiarum ex Evangelio vivere, sed cum hodierni Monachi nullo neque in Ecclesia, neque in Schola legitimo munere fungantur, sed inani boatu & superstitiosis ineptijs vitam in otio, desidiâ, & luxu plerumque transigant, non licet piis hominibus, salvâ conscientiâ, bonis & redditibus suis otiosos illos ventres sustentare, aut monasteria illorum hunc in finem potare: multò minus licet Monachis ipsis aliorum

An tonsura coronalis?

An Monachis liceat vivere ex redditibus Monasteriorum?

Chri-

An ex mendicatione?

Christianorum laborem in otio & luxu abligare. Ac cum olim ab hominibus supersticiosi reditus plerique Monasteriis dati sint in finem hunc, ut Monachorum precibus & Missificationibus animæ defunctorum redimantur, atque ex seditio Purgatorii liberentur, officium Christianorum Magistratum est bona illa omnia in finem tam impium, & ad cultus tam supersticiosos atque idololatrias collata, in alios usus pios convertere. Nullo autem modo in Republicâ Christianâ tolerari debet, ut quisquam vivat ex mendicatione. Nam ut DEVS populo suo in V. T. illud severè prohibuit, ita quoque indecorum est atque illicitum, ut fiat inter Christianos, cum omnis mendicatio procedat, aut ex immiser cordia divitum, quæ Christianis severè interdicitur, aut ex otio & ignavia mendicantium, quibus Apostolus mandat, si manducare velint, ut laborent propriis manibus. Turpe vero est & probrosum Papistas permittere, ut Ministri Ecclesiæ suæ, homines, ut dicunt, sancti, cogantur stipem rogare, & ex infami mendicitate vivere, quæ, tantum abest ut hominî sanctitatem aliquam conferat, ut inter pœnas impiorum in Sacra Scriptura recensatur. Principes itaque Christiani non debent permittere, ut homines illi otiosi & validi mendicantes in Republica Christiana conspiciantur, & veris pauperibus eleemosynas intercipient, sed cogere debent istos *ἰ μὴ ἰσχυροῦς, ἀλλὰ ἀσθενεῖς*, ut cum quiete operantes suo pane vescantur, quod prisca Monachi facere solebant.

i 2. *Theff.*
7. 11. 12.

DISPUTATIO XXIX.

*De Votis Monasticis, Consilijs,
Evangelicis, & Operibus
Supererogationis.*

THESIS I.

Fundamentum Monachatus est falsa illa & inanis opinio, quâ homines sibi persuadent, plura se & præstantiora posse præstare opera bona simpliciter indebita, quam quæ DEVS in Lege & Evangelio à nobis requisivit: Ac per *Vota* & præstationem talium operum posse se pervenire ad maiorem sanctitatis perfectionem, quàm quæ à Christianis communiter exigitur. Opera ista putant præscripta esse non præceptis quæ simpliciter obligant ad obedientiam, sed *Consilijs Evangelicis*, quibus aliquid tantum suadet, sed nemini præcisè obedientia præscribitur. Præstata autem hæc opera, præsertim ex voto, vocant *Opera Supererogationis*, quasi ijs DEO super, vel potius præter id, quod ipsi debent, cultus aliquis ipsi gratus erogetur.

II.

Votum est promissio hominis DEO sponte & sanctè facta, quâ se obstringit ad aliquid vel faciendum, vel omittendum, animi & officij testandi causa. Estque duplex, Legitimum, & Illegitimum. In voto legitimo considerata sunt

*Quomodo
vota Mo-
nastica,
Consilia E-
vangelica,
& Opera
Superero-
gationis
sint funda-
mentum
Monacha-
tus?*

*Quid ex
quotuplex
sit votum?*

*Quid requi-
ratur in
voto legiti-
mo?*

*Quales res
vovendi de-
beant?
a indiffe-
rentia*

*An pro-
missio sa-
cra in Bap-
tismo sit
votum?*

*b1. Pet. 3.
21.*

*Quæ vota
ad cultum
Dei perti-
neant?*

*An vota de
rebus me-
dijs sint
Christianis
necessaria?*

*Res quæ vovetur, Persona cum vovens, tum cu
vovetur, & Finis, propter quem vovetur. Res quæ
voveri legitimè potest, debet esse licita, quæ non
pugnet cum lege DEI, nec libertate Christiana, &
quæ in nostra sit potestate. Res licitæ aut sunt
à DEO præcepta, ac proinde etiam sine voti
obligatione necessariè observatæ, aut sunt res
media, quæ ad id quod vocantur, & nostro arbitrio
permittuntur. Res à DEO præceptæ etiam vove-
re licet, ut ita duplici obligatione ac vinculo, cum
præcepti, tum voti, tanto arctius ad obedientiam
adstringamur. Præstantur autem hæc vota vel
generatim, de observandis omnibus DEI præcep-
tis, quale votum ab omnibus Christianis fit in
Baptismo, qui propterea vocatur *b. omnium
ad id quod præceptum est Dei*. In eo enim non tan-
tum DEI promissio gratiæ, sed & nostra obe-
dientiæ restipulatio seu repromissio obsignatur,
quæ rectè votum appellatur, & nuncupatur vel ab
ipsis Catechumenis, vel à parentibus & suscep-
toribus nomine infantium, qui illud, ubi adole-
verint, ratum habent. Vel præstantur etiam
speciatim, de vitando aliquo peccato, ad quod
procliviores nos sentimus, aut exercendâ aliquâ
virtute, ad quam tardiores nos reperimus, ut spe-
ciali hoc voto ansam peccandi nobis præcidamus,
& pietatem languidiorem acrius excitemus. Hæc
vota ad cultum DEI per se pertinent. De rebus
medijs seu adiaphoris vota nuncupandi, ut ijs ad
majorem perfectionem aspiremus, nulla Christi-
anis iacumbit necessitas, cum nullum ea de re
mandatum in Novo fœdere existeret, & DEVS
eas res ita nobis subjecerit, atque in libertate no-
stra constituerit, ut ijs pro nostra commoditate, &*

Voca-

vocationis ratione, ad ædificationem; vti vel abstinere liceat quàm liberrimè. Neque est quod speremus Deo gratum fore officium, si beneficium libertatis, quod nobis contulit, negligamus, & rebus externis, quæ nobis adminiculo esse debent, in servitutem nos addicamus. Judaica autem illa de rebus medijs vota, qualia fuerunt Nazaræatus, Rechabitarum, & similia, quia umbræ fuerunt & typi rerum futurarum in N. T. implendarum, cum reliquis V. T. ceremoniis abrogata sunt, atque hodie Christianis sunt illicita. Non tamen omnem votorum de rebus medijs inter Christianos usum damnamus. Nam nec inutile. neque Deo ingratum existimamus, si quis ebrietati deditus voveat se nunquam aut tabernas ingressurum, aut potum inebriantem bibiturum. Cæterum hæc vota, quæcunque tandem illa sint, ad cultum Dei directè non pertinent, sed media tantùm sunt, quæ nos ad virtutes Christianas, in quarum exercitio cultus Dei solùm consistit, excitent, aut aptiores reddant.

III.

Personæ voventes debent esse juris atque arbitrij sui, voti sanctitatem & gravitatem intelligere, vires suas cognitis habere atque metiri, & vocationem suam religiosè intueri. Quare juniores seu minores pueri aut puellæ votum perpetuæ continentię nuncupare non possunt, quia incerti sunt an Deus hoc donum ipsis sit largiturus. Neque etiam servi invitis Dominis, aut liberi sine parentum consensu, monachatum suscipere, ejusque votis se obstringere possunt. Multo minus mulier c. *omnesque*, qui viventi

An sint licita?

An pertineant ad cultum Dei?

Quid in personis voventibus requiratur?

An juniores votum continentia vovere possint?

*An liberi
sine paren-
tum conse-
su mona-
chatum
suscipere
possint?*

*An conju-
gium con-
summatum
per vota
monastica
ullo modo
solvi pos-
sit?*

*d 1. Cor. 7.
5.*

*An conju-
gium ratum,
sed nondum
consumma-
tum?*

*Cuius vota
sint nuncu-
panda?*

*In quem
finem vota
sint pra-
standa?*

viro devincta est per legem, invito marito votum continentiae vovere potest: ut neque maritus invitâ vxore. Immo ne quidem ex mutuo consensu conjuges matrimonij vinculum solvere, perpetuam in posterum continentiam vovere, & Monachatum suscipere possunt. Quamvis enim ex consensu ad tempus continere possint, ut vacent jejuniis & precibus, tamen quia non semper opus est jejuniis & precibus extraordinariis, rursus simul convenire debent, d ne Satanas eos tentet propter incontinentiam ipsorum. Vota etiam particularia privatorum generalem DEI ordinationem & jus publicum non possunt infringere: neque homines separare, quod DEVS conjunxit. Quinetiam matrimonium legitime tantum contractum, etsi nondum fuerit consummatum, neque ex consensu mutuo, multo minus invitâ alterâ parte per vota monasticae continentiae dissolvi potest. Soli DEO vota esse nuncupanda & reddenda, docent ipsa expressa in Scriptura mandata DEI, & piorum in V. Testam. exempla. Is solus est, à quo beneficia omnia ad nos promanant, qui solus ad ea impetrandum invocari, & cui soli pro impetratis gratiæ agi debent. Sicilegum itaque atque idololatricum est Angelis vel hominibus sive mortuis, ut Sanctis, sive viventibus, ut Cœnobiarchis, vota nuncupare religiosa, atque ita honorem soli DEO debitum creaturis tribuere. *Finis*, ob quem vota præstanda sunt, non debet is esse, ut eorum præstatione vitam æternam promereamur, aut ad perfectiorem sanctimoniam perveniamus, quàm quæ à Christianis communiter requiratur, aut ut votis arbitrariis per se DEO cultum

præste-

præstemus, sed in eum tantum finem sunt præstanda, ut nobis serviant tanquam media atque adminicula, quibus in cultu divino infirmitas atque imperfectio nostra suffulciatur, nosq; ad DEVM ardentius colendum excitemur: ut sint tesserae nostræ erga DEVM pro acceptis beneficijs gratitudinis, disciplinæ ac pœnitentiæ privatæ exercitamenta, virtutum & pietatis stimuli, & quasi frœna, quibus caro lascivias compescatur.

IV.

Tria itaque illa essentialia Monachatus vota, scilicet *paupertatis* spontaneæ, *Obedientiæ* regularis, & *Continentiæ* perpetuæ, multis modis sunt illegitima, DEI verbo contraria, superstitiosa, cum libertate Christianâ pugnantis, & charitati, atque ipsi etiam veræ pietati inimica, Facultates enim suas, quas DEVS, in hujus vitæ subsidium, atque *ἐπιβουλήν*, s. *consilium* nobis concessit, sine necessitate, aut speciali vocatione abjicere, atque in voluntariam paupertatem se conjicere, eâ spe atque opinione, ut DEVM hac ratione tanquam cultu ipsi admodum accepto nobis promereamur, nec DEO gratum est. nec in Scripturis mandatum, sed inanis superstitio, quæ fidei veræ solius Christi meritis acquiescenti directè adversatur, quæ insignem erga DEVM ingratitude arguit, & quæ charitatem multis modis violat, cum erga se, tum erga proximum, quando media abjiciuntur, sibi suisque prospiciendi, & proximo benefaciendi: & cum validi isti mendicantes alieno pane vescuntur, & veris pauperibus onus paupertatis aggravant, elemosynas ipsis debitas injustè & sacrilegè ad se rapi-

An tria illa essentialia Monachatus vota sint legitima?

e oblectationem, s. abundè,

*g. difficul-
ter.*

Mat. 19.

23.

h 1. Tim.

6. 18.

i Prov 30.

8. 9.

*An votum
Obedientia
regularis
sit legiti-
mum?*

rapientes. Divitiæ, quamvis multis propter abu-
sum spinæ sint, atque impediumenta, ut *g. quoniam*
autem divites in regnum cælorum ingrediantur, per
se tamen ex Dei benedictione proveniunt, &
possunt divites, non minus quàm pauperes *h. a-*
γὰρ οὐκ οὐκ, ἀλλὰ καὶ οἱ ἐν τῷ κόσμῳ καλοῖται. Paupertas con-
trà per se non est res appetenda, sed mala, &
quæ sæpè ad mala hominem impellit. Pruden-
tissimè namque Sapiens Deum orat, *i* ne det ei
aut paupertatem aut divitias, ne saturatus emen-
tiatur, & dicat, quis est Iehova? neve pauper
factus fureretur & abutatur nomine Dei. Ne-
que ipsi etiam Monachi votum hoc quod præ-
stititerunt paupertatis, hodie servant. In multis
enim ac plerisque monasteriis non minus lautè
vivitur, quam in Principum aulis: & deni sæpè
monachi tam amplos abliguriunt redditus, ut ex
ijs centenæ aliquot pauperum familiæ honestè
sustentari possent. Ac notissimum est hodie
monasteria à plerisque quæri non ex amore,
sed ex fugâ paupertatis, vel, quod idem est, ex
amore otijnavi, & fugâ laborum: Parentes
etiam prole numerosâ oneratos hodie in Papatu
eum in finem liberos aliquot in monasteria
detrudere, ne in paupertatem aliquando inci-
dant. Apertissimè vero Lojolitæ impudentissi-
mis hæreditatum aucupii ostendunt, quàm non
amant paupertatem. *Obedientiam* seu observa-
tionem regularum pietatis omnes Christiani in
Baptismo vovent. Sed hæ regulæ tantum ex
verbo Dei sunt petendæ, in quo omnes regu-
læ, quæ ad cultum divinum, veram pietatem,
& Christianam perfectionem pertinent, suffi-
cientissimè continentur, & extra quod quæcun-

que

coli posse, exempla piorum conjugum in V. & N. Testam. abundè testantur. Cumque hæc abstinencia sit donum, quod à viribus nostris non pendeat, & non tantum sit peculiare, sed etiam rarum, alijs ad tempus, alijs perpetuò concessum, perperam atque inconsideratè faciunt quicunque de hoc dono, ejusque perpetuà duratione certò non persuasi, antequam se per ætatem nosse potuerint, perpetuum cœlibatam vovent, & temerè laqueum conscientijs suis induunt, seque in pericula visionis conjiciunt, atque ejus remedium à DEO institutum & præceptum non tantum contumaci obstinatione contemnunt, sed etiam ad contemptum hunc impium sacramento se adiungunt. Neque enim putandum est donum hoc ad nostras preces semper à DEO obtineri posse, cum DEVS id ipsum nūquam promiserit, sed preces nostras semper voluntati ejus subjici velit. Atque inter Monachos quotusquisque hodie est qui votum hoc præstitum servat? & reipsa non ostendat quam temerè ad impossibilia se obligaverit? Quod si fortè quis ab externâ impuritate abstineat, quis est qui impudiciæ malum intus non premat, ac contineat? Obscœnitates, lascivix, scortationes, aliaque horrenda peccata, quæ in Monasterijs quotidie conspiciuntur & perpetrantur, evidenter docent melius esse *o sapienter à impudicis*. Quicunque autem per errorem imprudenter votum hoc præstiterunt, postquam se dono continentix non esse præditos sentiunt, possunt, immò debent, votum hoc bona cum conscientia retractare. Vota enim de impossibilibus inconsideratè suscepta illegitima sunt, ac proinde non tantum nihil obligant, sed etiam ne-

cessant

o 1. Cor. 7.

9.

An votum
Continen-
tix possit
rescindere?

cessario sunt rescindenda: & quæ ab errore ac superstitione profecta sunt, ut apud DEVM nullius sunt momenti, sic nobis irrita esse debent ac deserenda sunt: neque vnquam adigimur ad ea præstanda, quæ DEVS à nobis minimè requirit. Rectè igitur faciunt Monachi, qui errore ac superstitione implicati votum hoc olim præstiterunt, quando agnito errore atque abjectâ superstitione laqueum hunc excutiant, & carnis intemperantiæ ordinato à DEO remedio, ductâ legitimâ vxore, medentur, ac libertate Christianâ honestè & gratè fruuntur. Neque hanc ob causam violatæ fidei aut perjurii accusari jure possunt.

V.

Studium contendendi ad perfectionem non est arbitrio nostro permissum, sed omnibus Christianis expressè imperatum, atque opera, quibus ad perfectionem contenditur, à Christo non tantum sunt demonstrata, sed etiam expressè præscripta & mandata. Cum enim homo sit obligatus ad DEVM ex toto corde, ex toto animo, & omnibus viribus colendum, & tum in corpore tum in anima, quæ DEI sunt, glorificandum, & cum præstare teneatur omnia, quæ ad DEI gloriam spectant, quæque iusti, honesta, sancta, & laudabilia sunt, sequitur nullum opus per se & simpliciter bonum in Lege vel Evangelio præscribi, ut opus indebitum, sub ratione Consilii, sed omnia opera bona, quæcumque ab hominibus proficisci possunt, præcisè à DEO mandari, atque ut debita exigi. Quæcumque enim opera ita non exiguntur, ea simpli-

*An sint
aliqua cō-
silia E-
vangelica?*

citer, & per se bona censeri nequeunt. Extant quidem alicubi in Scripturâ quædam de rebus proflus adiaphoris Cōsilia, sed horum observatio aut est indifferens, aut cum circumstantiæ quædam speciales eam necessariam faciunt, non amplius sunt Consilia, sed in præcepta mutantur. Stultum verò est credere arbitraria quædam opera Deo magis esse accepta, quàm ea quæ ipse nobis præcepit: & planè superstitiosum est istis merendi vim attribuire, atque ista Deo pro cultu obtrudere. Debeant enim omnes homines agnoscere, cum omnia fecerunt, quæ edicta sunt, se nihil fecisse, quod non debuerint facere.

VI.

*An et quid
sint opera
Superero-
gationis?*

Appellant autem Pontificii opera ista indebita, quæ quis sponte, sine mandato, ex talibus, ut vocant, Consiliis præstat, novâ ac vanâ voce *Opera Supererogationis* (rectius *Superarrogantia* appellarent) & docent ea coram Deo excellenter esse meritoria, non tantum pro ipsis, qui ea præstant, sed etiam pro aliis, quibus per Indulgentias Papales, aut alia ratione applicantur. Cæterum hæc opera Supererogatoria nihil aliud sunt quàm inania hominum superbissimorum signimenta, qui, cum ne millesimam quidem Legis Divinæ partem perfectè servare possint, vanè tamen sibi persuadent plura se posse præstare opera bona, quàm quæ in Lege præcepta sunt, iisque majorem, quàm Lex à nobis exigit, perfectionem posse acquirere. Omnis enim perfectio Lege Dei præscripta est, ad quam nemo in hac vitâ pervenire potest, prout à Lege exigitur, & præscribitur. Sunt itaque opera illa nihil aliud

quàm

quàm nugæ & superstitionis *p idcirco pueri*, quas
 DEVS nec imperavit, nec approbat, nec cumra-
 tio ipsi reddenda erit, acceptas feret; & quæ
 honori & meritis vnici Mediatoris nostri aduer-
 santur, & salutem hominum istis operibus fiden-
 tium impediunt, atque evertunt.

*p cultum
voluntarij.*

DISPVSTAT. XXX.

De Magistratu,

ET

Officio ejus circa Religionem.

THESIS I.

NOBILISSIMA Ecclesie visibilis mem-
 bra sunt fideles Imperatores, Reges, Prin-
 cipes, & quicunq; in Republica Christia-
 na Magistratu legitimè funguntur. Ma-
 gistratus est functio publica cù potestate
 supereminenti à Deo ordinata ad societate huma-
 na gubernandam secundum honestas leges divi-
 nas & humanas, atq; ab eo armata aduersus ino-
 bedientes gladio, seu potestate coactiua. Hæc fun-
 ctio humano generi, in hac præsertim ejus corrup-
 tione, ita necessaria est, vt sine eâ societas humana
 in pace & iustitiâ contineri nequeat: estque
 tam sancta, vt eam Christiani bonâ cum consci-

*Quid sit
Magistra-
tus?*

entiâ, secundum omnes ejus partes, obire atque administrare possint. Quinimò functionem hanc secundum institutionem divinam nemo ritè & legitimè obire potest, nisi Christianam Religionem amplectatur. Omnis autem anima tam Ecclesiasticorum quam Laicorum Magistratui legitimo subjectionem atque obedientiam præstare tenetur: neque ullæ censuræ Ecclesiasticæ, ne ipsius quidem Papæ Romani Magistratuilegitimo potestatem in subditos supereminentem eripere, aut subditos ab hac subjectione, aut à juramento fidelitatis absolvere possunt.

II.

*Quoruplex
sit Magi-
stratus?*

Magistratus aut est Supremus in aliquo Imperio, Regno, aut Republicâ; aut est Inferior, seu Supremo subordinatus. Penes Magistratum Supremum est suprema atque architectonica potestas & curaprocurandi omne bonum subditorum, tam spirituale, quam corporale. Inferior autem Magistratus nullam habet potestatem, nisi quam ex ordinatione Supremi accepit, cui subordinatus est, & cui administrationis suæ rationem reddere tenetur. Summus Magistratus non tantum Reipublicæ, sed ipsius etiam visibilis Ecclesiæ, quæ sub ejus ditione colligitur, Caput haud planè incommodè appellari potest: non quidem eo sensu, quo Christus Ecclesiæ suæ Caput mysticum appellatur. Hic enim honor soli Christo proprius est, nec potest ulli creaturæ communicari, aut sine horribili blasphemia attribui. Nec eo sensu, quo sibi Papa Romanus titulum Capitis Ecclesiæ sacrilegè, & blasphemè ascribit. Sed tantum eo sensu,

*An Magi-
stratus
summus
possit vo-
cari caput
Ecclesiæ?*

quo

quo in Scriptura Saul caput tribuum Israël, & David caput gentium vocantur: quatenus nimirum non tantum primarium & nobilissimum est Ecclesiæ visibilis membrum, sed etiam ejusdem defensor, nutritor, & supremus inspector, qui auctoritate suâ veritatem divinam, atque ordinem bonum in eâ stabiliat, conservet, & tueatur.

III.

Magistratus Christianus cum sit cultor veriusque tabulæ Legis divinæ, & minister DEI, ordinatus ad procurandum omne subditorum bonum, officium ejus versari debet non tantum circa res temporales, seu politicas, quæ ad Rempublicam, vitam civilem, justitiam, & pacem publicam spectant, sed etiam circa res spirituales seu Ecclesiasticas, quæ ad Religionem, & Ecclesiam spectant: & procurare debet ut subditi sub ejus imperio & cura tranquillam ac quietam vitam degant, non tantum in rebus exterioribus, sed etiam in rebus interioribus. Officium Magistratus circa res politicas versatur potissimum in rectâ constitutione & sanctione honestarum legum civilium, earundemque legum justâ executione. Conscientiæ hominum licet per se, primariò, & immediatè solius DEI imperio & legibus sint subjectæ, tamen leges etiam civiles à Magistratu latæ & sancitæ, quando legibus divinis sunt consentaneæ, aut saltem tales, ut contrarium legibus divinis non sit mandatum, vel vetitum, secundariò conscientias subditorum ita obligant, ut iis ex animo obtemperare debeant, non tantum *quia tunc oportet*, sed etiam *quia tunc conveniunt*. Quare sine DEI

*Quod est
quod duplex
sit officium
Magistra-
tus?*

a 1. Tim. 2.
2.

*Quod sit
officium
Magistra-
tus circa
res politi-
cas?*

*An leges
civiles ob-
ligent sub-
ditorum
conscienti-
as?*

b Rom.
13. 5.

*c non fru-
stra gerit.*

Rom. 13.4

*An liceat
Magistra-
tus bellum
gerere*

*propter Re-
ligionem?*

d carnalia.

offensione, ac proinde etiam sine conscientiae læ-
sione, violari non possunt, præsertim cum earum
violatione ordo civilis & pax publica turbantur,
aut aliis occasio peccandi & scandalum præ-
bentur. Executio legum civilium consistit in ex-
ercitio judiciorum, quæ sunt aut civilia, aut
criminalia: utraque Magistratus bonâ cum con-
scientiâ exercere potest, ita ut enormia delicta
non tantum exilio, fustuario, aut multâ pecu-
nariâ, sed etiam gladio, quem *c. 11. q. 1. c. 1. q. 1.* puni-
re possit. Gladium hunc potest exercere non tan-
tû adversus facinerosos subditos, sed etiam adver-
sus publicos regni aut Reipublicæ hostes, atq; im-
primis adversus Ecclesiæ Christianæ persecuto-
res, à quorum violentia atque injustâ oppressione
eam armis defendere & potest, & debet. Bellum
vero offensivum adversus Turcas, infideles, aut
hæreticos propter solam Religionem suscipere
nunquam licet. Arma enim quibus Evangelium
propagari debet, non sunt *d. 1. q. 1. c. 1. q. 1.* sed spiri-
tualia: neque fides, quæ Dei donum est, externâ
armorum vi, sed cum externâ Evangelii prædi-
catione, tum internâ Spiritus Sancti efficacîâ
animis hominum ingeneratur, & verbo non ferro
plantatur. Religio vera non potest cogi, sed de-
bet suaderi, & propaganda est non per torto-
res, sed per doctores, non minando, sed monendo.
Hypocritas multos, sed nullum verum Christia-
num vis externa efficere potest. Neque etiam
quidquam esse injustius potest, quàm homines
pacem & justitiam nobiscum colere desiderantes
vi atque armis cogere, ut aut Religionem ali-
quam, quam animis approbare nec dum queunt,
amplexantur, aut, si renuant, vitam suam & bona

amittant.

amittant. Christus cum Apostolos ad Religionem Christianam per vniversum terrarum orbem propagandam ablegaret, non præcepit, vti Regum, & Principum armis, sed sola Evangelii prædicatione homines Christo subicerent. Quare bella offensiva olim instinctu Papæ Romani, atque ex præpostero Principum Christianorum zelo aduersus Infideles, ad Religionem Christianam armis propagandam, aut terram Sanctam recuperandam, suscepta, nequaquam Sancta appellari possunt, sed multis modis fuerunt iniusta, illicita, & Christiano nomini indecora, atque ignominiosa.

IV.

Officium Magistratus fidelis circa Religionem & res Ecclesiasticas dupliciter potest considerari, vel quatenus est Christianus, & veram Religionem Christianam publicè profitetur, vel quatenus insuper Magistratus est in Republicâ Christianâ. Quatenus Christianus est, habet ex vocatione generali officium cum omnibus piis commune, quod exigit vt abjecta omni idololatria, superstitione, atque impietate, puram Religionem Christianâ amplectatur, & publicè profiteatur, prædicationem verbi Divini audiat, Sacramenta participet, publicis precibus intersit, Disciplinæ Ecclesiasticæ, & iugo Christi collum suum subdat, Deum cum reverentiâ colat, Filium ejus Iesum Christum exosculetur, ac denique hominis verè Christiani officio secundum omnes partes satisfaciat. Hujus officii respectu Magistratus Christiani etiam sunt oves, quæ juxta verbum Dei pastoribus suis propter conscientiam

*Quod ergo
quotuplex
sit officium
Magistra-
tus Chri-
stiani circa
Religio-
nem & res
Ecclesiasti-
cas?*

obedire

*Quod sit
officium
Supremi
Magistra-
tum circa
Religio-
nem?*

obedire debent. Atque hac ratione inter Magistratum & privatum hominem nullum est discrimen. Quatenus verò Magistratum gerit in Rep. Christianâ, ex vocatione singulari proprium gerit officium, quod quousque se extendat circa Religionem & res Ecclesiasticas præcipuè contrahitur. Sollicitè hic distinguendum est inter officium & potestatem Magistratus Supremi, & Inferioris: seu inter potestatem Summam, & Subordinatam. Magistratui Supremo competit summa, atque architectonica inspectio, cura, & potestas promovendi, & procurandi quodvis Reipublicæ bonum, omnibus subditis leges præscribendi, & officia sua distribuendi. Bonum autem Reipublicæ Christianæ cum sit duplex, Spirituale, seu Supernaturale, circa quod versatur prima Legis Divinæ tabula, & Corporale, seu Naturale, circa quod secunda tabula versatur, cujus utriusque tabulæ Magistratus summus etiam ex ordinatione divinâ custos & vindex est constitutus, sequitur summam curam, dispositionem, inspectionem, ac moderationem utriusque ac maximè Spiritualis boni Supremæ atque Architectonicæ Potestati non tantum ex pietate, sed etiam ex officio proprio incumbere. Nam quo bonum aliquod præstantius est, eo magis & sollicitius Potestas Suprema illud curare debet. Veræ autem Religionis bonum Spirituale cum sit omnium excellentissimum, vixit quod circa nobilissimum objectum versetur, finem habeat præstantissimum, & Subditos non tantum honestos & iustos, sed etiam beatos reddat, illud imprimis ad curam Potestatis Supremæ pertinere nequaquam est ambigendum

bigendum. *e Negm qap, à del deat dmpulau.*
 Magistratus itaque Summi munus est curare
 ut in ditionibus suis vera Religio secundum
 DEI verbum obtineat & purè exerceatur, ut
 Ministerium Ecclesiasticum, ejusque Seminaria
 rectè instituantur ac sustententur, ut doctrina
 Evangelij purè in Ecclesiâ doceatur, Sacramen-
 ta legitimè administrentur, Disciplina à Chri-
 sto instituta debitè exerceatur, uti omnis Idolo-
 latria, omnes hæreses, blasphemix, sacrilegia,
 omnesque Divini cultus & nominis prophana-
 tiones edictis, & pœnis impediuntur, uti cultus
 DEI integer conservetur, collapsus restauretur,
 atque ut pax & *f iorugia* in Ecclesia vigeant,
 & stabiliantur. Hunc in finem debet Magistra-
 tus Supremus Confessionem veræ fidei, ut so-
 lemnem Consensus in vera Religione Formu-
 lam, & publicum Ordinem de ritibus & offi-
 ciis Ecclesiasticis juxta normam Sacræ Scrip-
 turæ approbatione atque autoritate sua sancire,
 judicia Ecclesiastica cum ordinaria, tum extra-
 ordinaria constituere, iisdem personas idoneas
 secundum Christi & Apostolorum institutionem
 præficere, Synodos majores & minores convo-
 care, earumque actionem atque *iorugias* mode-
 rari, ac denique omnia media secundum Dei
 verbum procurare, omniaque adminicula adhi-
 bere, quibus vera Religio stabiliatur, conserve-
 tur, defendatur, & propagetur.

V.

Omnia hæc ut Magistratus Supremus non
 tantum debitè, secundum Dei verbum atque
 ordinationem, sed etiam bonâ cum conscientia

præstare

*e primum
 cura di-
 vinit est
 habenda.*

f ordo.

*An Magi-
 stratus Su-
 premus*

*etiam pos-
sit de Reli-
gione judi-
care?*

g ex fide.

*Quomodo
de Religio-
ne judica-
re debeat?
h indefi-
nenter.*

præstare possit, non tenetur in tuendâ & propa-
gandâ Religione simpliciter & citra ulteriorem
inquisitionem Conciliorum aut Episcoporum de-
cretis acquiescere, neque ad nutum eorum cre-
dere, aut subditos ad eundem cogere, ita ut quic-
quid ab Ecclesiasticis vlllo modo sit constitutum,
hæc implicita, & sine hæsitacione, aut inquisi-
tione executioni mandare debeat. Sic enim Su-
prema Potestas in miseram & perniciosam servi-
tutem transformaretur, & Supremi Domini villa
alienæ libidinis mancipia, accæci decretorum
Ecclesiasticorum executores, seu carnifices con-
stiterentur: quod ut Magistratus bona cum con-
scientia, quæ semper agit *g in vultu*, facere non
potest; ita quilibet facillè videt, quàm sit Supre-
mæ Potestati ignominiosum & contrarium. Sed
debet Magistratus summus Religionem, quam
defendendam suscipit, etiam cognoscere, in eam
inquirere, de eâ judicare, eamque prius iudicio
suo non tantum apprehensivo, sed etiam discretivo
comprobare. Omnem enim legitimam Religio-
nis defensionem legitima ejus cognitio atque
approbatio antecedere debet, neque iniquius, aut
turpius quidquam esse potest, quàm Religionem
aliquam tueri, de cujus veritate ipse nondum sis
persuasus. Quare Magistratus Summus ut ve-
ram Religionem rectè agnoscat, debet ante om-
nia ardentibus precibus cœlestem hanc sapienti-
am à DEO *h admodum* petere, Verbum Divi-
num, ex quo solo hæc sapientia hauritur, assiduè
legere & meditari Liber Sacræ Scripturæ ab ejus
ore non debet recedere, sed omnibus diebus vitæ
sux in eo legere, & die ac nocte meditari ex
mandato DEI tenetur. Neque sui vnius judi-

cio

cio in re tanti momenti fidere debet, vt pro arbitrio suo absolurè quidvis in doctrinâ, aut cultu Dei statuire aut innovare sibi licitum existimet, sed vt muneri & conscientiæ suæ satisfaciât, atque hîc cum insigni veræ Religionis, & Reipublicæ Christianæ detrimento non temerè erret (quod facîle fieri posse ipsa experientia nimis sæpè docuit) tenetur omnia illa media adhibere quibus iudicium suum rectè informari; ac tandem etiâ debitè formari possit. Inter hæc media præcipuum atque ordinarium est, vt in ordinariis difficultatibus, quæ circa Doctrinam, aut ordinem Ecclesiasticum in Ecclesiis suboriuntur, inquirat prius legitimum iudicium Synodicum, seu iudicium eorum, quos DEVS in Ecclesiis illis Doctrinæ, atque Ordini peculiariter præfecit, quibusque Regni cælorum claves commisit, in Synodo legitimâ debitè formatum, cui iudicio quamvis non teneatur præcisè acquiescere, tamen id ipsum non debet etiâ temerè aut præterire, aut repudiare. In extraordinariis Ecclesiarum reformationibus, cum Dei cultus plane collapsus repurgandus est, quia hoc medium commodè usurpari non potest, debet peritos, pios, atque orthodoxos Theologos, quoscunque in negotiis Religionis præcæteris maximè versatos noverit, & vex luis, vel ex aliis ditionibus habere poterit, in Consilium adhibere.

VI.

Sicuti autem duplex est Subditorum bonum, Spirituale, & Corporale, ita etiâ Potestas Supremæ, quæ de utroque bono disponit, duæ Inferiores Potestates subordinantur, quæ, maximè

*Quæ duplex
potestas
Suprema
sit subordi-
nata?*

circa

*Qua in re
consistat
potestas
Ecclesiasti-
ca?*

*Qua in re
consistat
Inferior
Potestas
Politica?*

circa alterutrum bonum versantur, & quârum ministerio & consilio Potestas Suprema in procuratione utriusque boni juvatur & dirigitur. Circa bonum Spirituale versatur potestas Ecclesiastica propriè ita dicta, cujus proprium officium est verbum DEI prædicare, Sacramenta administrare, Disciplinam Ecclesiasticam exercere, Ministros Ecclesiæ ordinare, de controversiis Ecclesiasticis, quæ circa Doctrinam aut Regimen Ecclesiæ intercedunt, ordinariè judicare, & de ritibus adiaphoris ad ordinem, decorum, atque ædificationem Ecclesiæ pertinentibus Canones, seu Leges Ecclesiasticas, constituere. Circa bonum Corporale versatur Potestas Politica Inferior, cujus proprium munus est leges à Supremo Magistratu acceptas, & sancitas, promulgare, tueri, atque executioni mandare, de rebus civilibus levioribus, quæ publicum Reipub. statum non attingunt, honestas leges condere, judiciis publicis tum civilibus, tum criminalibus præesse, eadem secundum normam legum civilium exercere, minoribus Reipub. muneribus idoneos homines præficere, ac denique omnia procurare secundum vocationis uniuscujusque gradum, quæcunque ad bonum politicæ, societatis humanæ, & vitæ civilis pertinent. Hæ duæ potestates inter se quidem coordinantur, & diverso respectu secundum objectorum, circa quæ versantur, diversitatem sibi invicem etiam reciprocè subordinantur, sed utraque Supremæ Potestati subordinatur tanquam inferior, cujus utriusque Suprema summam habet inspectionem, eique utraque functionum suarum rationem reddere tenetur. Neutra Supremæ Potestati collateralis

seu

seu coequalis statui debet. Hæ Potestates inferiores ita distincta habent munia vt Supremus Magistratus vni eidemque homini vtramque potestatem secundum Dei ordinationem committere non debeat, sed vt olim laudatissimus à pietate & sapientiâ Rex Iosaphatus i constituit Amariam in omni negotio Iehovæ, & Zebadiam in omni negotio regio, ita etiam pii Principes Christiani aliis personis rerum Ecclesiasticarum, aliis verò rerum civilium & politicarum curam committere debent. Vtraque Potestas subordinata vocationis suæ terminis contenta esse, & se continere debet. Neutra in alterius munus temerè involaverit. Ministri Ecclesiarum non debent se immiscere rebus politicis, aut eas tractare; neque Consules oppidani, aut præfecti pagorum, aut iudices causarum civilium sumere sibi partes Ministerii proprias. Hæc enim ratione non modo Dei ordinatio fœdè violaretur, sed etiam perniciosissima in Ecclesiam Dei, & Rempublicam ipsam confusio invehetur. Nec tamen propterea ipsi etiam inferiori Magistratui omnis circa res Ecclesiasticas potestas, cura, atque inspectio est adimenda. Religiosè enim est distinguendum est inter ipsam potestatem Ecclesiasticam propriè sic dictam, quæ solis Ecclesiarum Ministris & gubernatoribus ex Dei ordinatione competit, & quæ proinde non est ab Inferiore, immò ne quidem à Supremo Magistratu ordinariè usurpanda: & inter Potestatem circa res Ecclesiasticas versantem, quam vt Supremo Magistratui summam suprâ assignavimus, ita eandem Inferiori Magistratui etiam suo gradu, secundum muneris sui, quod in Re. publicâ

i 2.Chron.
19.11.
An Magistratus inferiores habeant potestatem Ecclesiasticam?

Quid sit discrimen inter Potestatem Ecclesiasticam, & versantem circa Ecclesiasticam?

publicâ obtinet, rationem, competere non negamus, sed tantam ei ascribimus, quantam ex ordinatione Supremi Magistratus à quo omnem potestatem habet, secundum Dei verbum accepit.

DISPVT. XXXI.

De Pace Religionis,
ET

De Hæreticis.

T H E S I S I.

*Quid sit
Magistra-
tus Christi-
ani officii
um erga
Subditos à
verâ Reli-
gione alienos?*

Magistratus Christiani officium præcipue versari circa Religionis Christianæ, & veri cultus divini curam, protectionem, ac propagationem, eamque sine ejusdem Religionis notitia, inquisitione, approbatione, & professione debitè ab eo institui non posse, superiori disputatione fuit demonstratum. Cum autem omnes ejus Subditi non semper veram Religionem Christianam agnoscant, aut amplectantur, & multi sæpè loco sinceri cultus divini, cultus profanos, Idololâtricos, aut adulterinos sequantur, aut exerceant, haud levis momenti quaestio hic exurgit, quomodo Magistratus Christianus, secundum Dei verbum, se gerere debeat erga eos, qui sub ejus ditione à vero Dei cultu vel prorsus, vel aliquâ ex parte sunt alieni.

De

De hac quæstione itaque jam potius paucis erit despiciendum.

II.

Principio distinguendum hîc est inter eos, qui à verâ Religione Christianâ sunt alieni. Prout enim hi diversi sunt, ita etiam Magistratus Christianus diversimodè se erantales gerere debet. Horum alii à Religione Christianâ penitus sunt alieni, quales sunt Ethnici, Iudæi, Turcæ, & similes, qui simpliciter *Infideles* vocantur. Alii nomen quidem Christianum profitentur, sed aut in nonnullis fidei Christianæ capitibus errant, aut Deum illegitimo & adulterino cultu venerantur, & vulgò vocantur *Hæretici*. *Infideles* vivunt sub Imperio Principum aut Infidelium, aut Christianorum. *Infideles*, qui sub alieno imperio vivunt, externa armorum vi ad amplectendam Religionem Christianam cogi nec posse, nec debere, suprâ asseruimus. Qui verò sub Christiani Magistratus ditione vivunt, omnibus quidem honestis & idoneis mediis ad fidem Christianam sunt alligandi, sed per vim externam nunquam ad eam adigendi, neque ob solam rerum divinarum ignorantiam, ob quam commiseratione potius quàm pœnâ digni sunt, ex Christianorum ditionibus, multò verò minus ex hac rerum naturâ sunt exterminandi. Imprimis autem *Iudæi*, quos ad æmulationem provocare debemus, inter Christianos non ignominiosè, aut creduliter, sed benignè & humaniter sunt habendi, & de iis potius lucrificandis, quàm cruciandis aut exterminandis Magistratus Christiani cogitare debent, Coërcendi tamen sunt omnes certis legum re-

Quotuplices sint alieni à verâ Religione Christianâ?

Quomodo Magistratus Christianus agere debeat cum Infidelibus?

Quomodo cum Iudæis?

pagulis. ne Domino nostro Iesu Christo blasphemæ maledicant, Religionem Christianam ludibrio afficiant, aut fidem Christianorum malis artibus labefactent.

III.

*Qui, &
quompli-
ces sint
Hæretici?*

Hæretici vocantur ab Hæresi, quæ latiore significatione etiam in bonam partem aliquando accipitur, pro qualibet doctrinæ seu disciplinæ formula, quam quis sibi elegit; sed strictiore significatione non nisi in vitio ponitur, & significat errorem, quem quis amplectitur & sectatur, non quemlibet leviolem, sed talem, qui fundamentum Religionis Christianæ labefactat, aut penitus evertit. Ab hac significatione appellantur communiter Hæretici, non qui simpliciter errant in aliquo fidei articulo, quod fieri potest ex mera simplicitate atque ignorantia, sed qui à recepta sana doctrina ita aberrant, ut contempto Dei & Ecclesiæ ipsius iudicio, in errore fundamentali ex Sacra Scriptura demonstrato pertinaciter persistunt. Horum alii levius, alii gravius errant: alii minus, alii plus errorum habent: alii tantum sibi errant, alii etiam alios in errorem inducunt, aut inducere conantur, cum viva voce, tum scriptis, atque introductione & disseminatione hæresium & sectarum exitialium Ecclesiarum pacem atque ædificationem violant & perturbant. Priores tantum erroneos, posteriores etiam turbones appellari possunt. Illi privatim & sibi tantum malè sentiunt, hi non sibi tantum, sed & publico peccant & noxii sunt. Diversimodè ergo cum virisque Magistratui Christiano agendum erit.

IV.

Hæretici, qui introductione aut propagatione errorum fundamentalium adversus receptam sanam doctrinam Ecclesiæ concordiam violant, non tantum debent coerceri censuris Ecclesiasticis, quibus ex Ecclesiis Orthodoxis, earumque ministeriis ejiciantur, sed quandoque etiam à Magistratu Christiano, ut publicæ pacis & Ecclesiarum benè constitutarum turbatores, pœnis corporalibus, puta, carceribus, multis, relegationibus, exiliis, vel similibus, puniri possunt, & compesci debent. Nec tamen legitimæ, quæ regnum Christi propagari debet, rationi, aut Christianæ lenitati convenire arbitramur, ut Magistratus Christianus propter solum hæreseos crimen quemquam afficiat supplicio capitali, nisi fortè horrendæ atque intolerandæ in Deum blasphemix, vel manifestæ seditionis aut perduellionis crimen accedat. Scripta & libri, quibus hæreses suas propagant, ne passim temerè & impunè dissèminentur Magistratus Christianus etiam præcavere debet. Non tamen eorum lectio promiscuè & planè debet interdici, cum illa etiam cum fructu institui possit ab ijs, qui sensus in Scriptura exercitatos, & Spiritum discretionis habent, ut ita strophas & effugia hæreticorum noscant, veritatem tanto clarius in lucem eruant atque accuratius defendant, utque omnia probent, & quod bonum est retineant. Libri verò manifestè impii, blasphemici, & pestilentes vlticibus flammis omnino aboleri debent. Homines autem à sanâ doctrinâ aberrantes, & ab Hæreticis seductos, tametsi in hæ-

*Quomodo
Magistra-
tus Chri-
stianus a-
gere debeat
cum Hæ-
reticis se-
ductors-
bus?*

*An sint oc-
cidendi?*

*Quomodo
cum eo-
rum libri?*

*Quomodo
cum Hæ-
reticis se-
ductis?*

res deprehensi ab erroribus abstinere nolint, modo justè & quietè in Republicâ vivant, non putamus vi aliquâ externâ, aut pœnis corporalibus, ad veram fidem adigendos, multo minus crudelibus suppliciis excrucianos aut extirpandos. Fides enim, quæ Dei donum est, suadenda est, non imperanda, & quicumque ab ea deviant, non verberibus sed verbis, non armis sed argumentis, non tortoribus sed doctoribus, non gladio externo colla hominum penetrante, sed gladio illo Spiritus, vivo & efficace Dei sermone, qui pertingit usque ad divisionem animæ simul ac spiritus, non ignitis lignorum fascibus, sed igneâ linguarum persuasione ab erroribus in viam sunt revocandi.

V.

An Magistratus Christiani unam tantum Religionem debeat tue-

An et quantum pacem Religionis concedere possit?

Cum hodie in orbe Christiano (quod sanè vehementer deplorandum est) tot tamque multiplices reperiantur Sæctæ, quæ veram quidem Religionem Christianam singulæ prætendunt, ab ejus tamen sinceritate, aliæ minùs, aliæ magis, abscedunt, Magistratus Christiani officium postulat, ut ex omnibus illis eam tantum tueatur & publicè exerceri curet ac permittat Religionem, quæ recta, sincera, & secundum Divini Verbi normam optimè instituta est, & quam ipse pro tali agnoscit, & profitetur. Reliquas sæctas, præsertim eas, quæ à sinceritate veræ Religionis haud longè absunt, non debet tamen tyrannicè persequi & insectari, sed ut omnibus subditis credendi libertatem permittere debet (solus enim DEVS mentium Rex est) ita etiam talibus sæctis, publicæ pacis causâ, etiam privati aut clande-

stini

stini exercitij libertatem indulgere potest, easque sub ditione suâ pacificè se gerentes tolerare. Nunquam verò sub prætextu pacis mixturam errorum Religionum cum vera admittere aut introducere debet, aut etiam tolerare in ditionibus suis exercitium, vel clandestinum, talis Religionis, quæ exerceri non potest sine horrenda blasphemja, aut sine manifesta idololatria. Vtramque enim Magistratus Christianus ex ditionibus suis quam longissimè, & quam severissimè exterminare tenetur, neque ad alterutram bonam conscientiam, ne quidem pacis publicæ causâ, unquam connivere potest.

VI.

Quando Pontificiorum non tantum manifestam Idololatriam, & Superstitiones multiplices, sed etiam gravissimos & fundamentales errores circa præcipuos fidei Christianæ articulos, quibus à Protestantibus dissident, & simul obstinatam in iis defendendis pertinaciam consideramus: quotiescunq; etiam efferatam illam & barbaram Pontificiorum adversus Protestantes crudelitatem, animorum acerbicatem, & odium plus quam Vatinianum intuemur: quamdiu etiam Pontificii credunt Papam Romanum supremum esse Ecclesiæ visibilis Caput, cui omnia membra de necessitate salutis obedire tenentur, habere omnia jura divina in scutrio pectoris sui, decreta ejus esse *a nunc primum usque ad æternum*, Ecclesiam, seu Concilia, non posse errare; & quamdiu nolunt ut controversiæ ex solo Dei verbo, unica fidei & dogmatum norma, decendantur, vix apparet spes vlla futurum ut aliqua inter

An spes sit Pontificios unquam posse conciliari cum protestantibus?

3 infallibilis & indubitata.

Pontificios & Protestantes conciliatio sententiarum institui aliquando possit. Debent tamen Principes Christiani de hoc negotio non planè desperare, sed operam dare utrinque ut omnia media adhibeantur, quibus id ipsum aliqua saltem ratione paulatim præparari, & veritas magis magisque in apertum profecti possit. Atque imprimis, si sententiarum nondum potest, ut animorum saltem conciliatio inter utramque partem procuretur, pax externa & politica vigeat ac colatur, atque ut ommissis illis acerbissimis persecutionibus, invectivis, criminationibus, & scriptionibus, quibus malum magis ac magis exasperatur, amicis collationibus, & moderatis scriptionibus causa utrinque in posterum ventiletur, & tandem aliquando in liberâ & legitimâ Synodo Oecumenicâ ex verbo Dei terminetur, & decidatur.

DISPVT. XXXII.

De Purgatorio.

T H E S I S I.

An sit Ecclesia in Purgatorio?

Ecclesiæ Christi membra aut militant in his terris, contra Diabolum, Mundum, & carnem suam; aut peractâ militiâ, in cœlis, coronantur, & de hostibus devicti triumphant. In Inferno autem, seu loco reprobis cruciandis destinato, Christus nullum membrum habet:

sicuti

sicuti neque in vlllo alio loco subterraneo, in quo tanquam in carcere animæ post hanc vitam purgentur, quæ in hac vitâ non plenè purgatæ fuerunt, quem locum vtopicum Pontificij confictio & Scripturis ignorato nomine *Purgatorium* indigitant.

II.

Animas hominum, quando ex corporibus suis excedunt, non interire, sed in certa quædam & diversa loca commigrare, apud omnes Christianos extra omnem controversiam ponitur. Quot autem sint loca ista, internos & Pontificios controversitur. Nos in Sacra Scriptura duo tantum loca invenimus. nimirum, *Cælum*, quod etiam Paradisus cœlestis, Sinus Abrahæ, cœlestis & nova Hierusalem, Domus Patris, bin quo *paradisi* sunt, & Domus *et æternæ gloriæ* animarum in *reus æternæ* appellatur, in quem locum animæ fidelium recipiuntur; & *Infernum*, in quem infidelium animæ æternis cruciatibus torquendæ detruduntur; & ex quo nulla vnquam erit liberatio. Præter hæc duo loca Bellarminus nonnulla alia fabricatur & comminiscitur, vnum pro animabus iustorum, qui ante Christi passionem defuncti fuerunt, in quo illæ fuerint asservatæ vsque ad Christi in cælum ascensionem, qui proinde nunc sit vacuus, & vocat eum *Limbum Patrum*: alterum pro animabus infantum, qui sine Baptismo mortui sunt, quos in eo loco pœnam non sensus, sed damni perpeti nugatur, & vocat *Limbum puerorum*: tertium pro animabus fidelium qui cum peccatis venialibus hinc discesserunt sine satisfactione pro iis per pœnas

*Quot sint
loca, in qua
anima ho-
minum
post mor-
tem com-
migrant?*

b Ioh. 14.2
c 2. Cor. 5.
1.

corporales ab ipsis præstita, in quo loco animas illas ab istis peccatis atrocissimis corporei ignis pœnis purgari atque expiari fabulatur, & vocat hunc locum *Purgatorium*, cui adiungit quartum locum, *Paradysum*, scilicet, florentissimum, lucidissimum, odoratum, amœnum, (Elysios designat campos) qui locus sit quasi carcer quidam senatorius atque honoratus, in quo animæ non solum beatitudine careant, sed etiam ex dilatione beatitudinis affligantur, & torqueantur. Sed hæc omnia sunt impudentissima hominum superstitionum atque avarissimorum commenta ad turpem quæstum conficta, quæ non ex Dei verbo, cui directè adversantur, sed ex Poëtarum fabulis, & Philosophorum Ethnicorum figmentis, atque ipso denique Mahumeti Alcorano deprompta, & nullis vnquam solidis argumentis, sed tantum vanis insomnijs, atque illusionibus Diabolicis confirmata sunt.

III.

*Vbi sit
Purgato-
rium?*

Purgatorium itaque cum nullum tale vspiam existat, & non-entis nulla dari possint accidentia, non est mirum Pontificios cœtum Purgatorii locum non posse assignare. Alij enim statuunt animas purgari in illis locis, in quibus peccarunt, alij in corporibus suis, tanquam in carceribus, alij in balneis, alij sub folijs arborum, alij sub glacie, alij locum Purgatorii collocant in aëre, in quo Dæmones versantur, alij in valle Josaphat, alij in Sicilia in monte Ætnâ, alij in Hiberniâ in antro Patricij, alij in Islandiâ in monte Heclâ, alij deniq; in visceribus terræ propè ipsam Gehennam. Hæc opinionum diversitas figmenti

vanita-

vanitatem magis magisque arguit. In Vtopiâ qui locum hunc quærent, ibidem certissimè invenerint. Ejusdem farinae & momenti sunt reliquæ quæstiones, quæ de hoc non-ente frustrâ & ridiculè à Pontificijs disputantur, quales hæc sunt: An in Purgatorio etiam sit aqua? An & qualis ibi sit ignis? Quomodo ignis corporeus animas, quæ simplices & spirituales sunt substantiæ, vtere, in easque agere possit? Qualis sit pœna, qua anime ibi afficiuntur? An sit tam atrox, ut nulla pœna hujus vitæ cum illa sit comparanda? An hæc pœna animabus à Dæmonibus infligatur? Quamdiu hæc pœnæ sint duraturæ? Quibus medijs animæ ab istis pœnis liberari possint? An Animæ ex Purgatorio possint exire, & des amicorum aberrare, & in Purgatorium denuò redire? Quibus personis Purgatorium conveniat? An omnes boni & mali per hunc ignem sint purgandi? An vero soli illi qui quasi mediæ sortis sunt, non planè impij, neque etiam satis expiati? An sit aliquis ordo Monachorum, qui hoc privilegiū habeant, ut aut nunquam in Purgatorium veniant, aut quam certissimè ex eo liberentur? An animæ in Purgatorio possint benè & malè operari? An ibi de salute sua certæ sint? Hujusmodi quæstiones vanè, ineptè, ridiculè, & insigni cum impudentiâ de re, quæ in rerū naturâ nunquam extitit, nequēquam existet, non tantum disceptantur, sed audaces etiam de plerisque assertiones tanquam de re compertissimâ temerè pro fidei articulis obtruduntur. Ad omnes autem has quæstiones *de ov-*
tempore respondemus, cum Non-entis nullæ sint causæ, operationes, affectiones, aut accidētia, omnes illas quæstiones non tantum vanas esse, sed

*Quid sit
sentiendū
dereliquis
quæstioni-
bus Ponti-
ficiorum
circa Pur-
gatorium?*

*d. compen-
diosa.*

etiam

etiam stolidas, ad quarum nullam ex verbo Dei responderi possit, atque assertiones illas esse mera vigilantium somnia, ac deliria.

IV.

*An peccata
per ignem
purgatori-
um expi-
entur &
purgentur?*

*e redem-
ptionis pre-
tio.*

*f propitia-
torium.*

*g Eph. 5.
26.27.*

*h Tit. 2.
14.*

*i gratis, sp-
sum gratia.*

Verum enimvero cum Pontificii omnino atque obstinate vstulari velint, hæc ipsis stultitia permitti posset, ut terculamentis istis propriam stoliditatem plectant, nisi causa ob quam hunc ignem purgatorium commenti sunt, planè impia esset, crucē & beneficia Christi evacuaret, & fides Purgatorii fidem in Iesum Christum prorsus everteret. Cum enim Sacra Scriptura apertissimè doceat peccata nostra omnia purgari atque expiari solius Iesu Christi absolutissima satisfactione, perfectissimo *εὐαγγ.* passione, morte, & sanguine: Deum Christum solum constituisse *ἡ ἱερά* per fidem in sanguine ipsius; Christum seipsum exposuisse pro Ecclesia, ut eam sanctificaret & ab eo purgatam lavacro aquæ per verbum, ut sisteret eam sibi gloriosam, non habentem maculam aut rugam, sed sanctam & inculpata: & semetipsum pro nobis dedisse, ut redimeret *ἡ* nos ab omni iniquitate, & purificaret sibi populum peculiarem: Deum nobis credentibus peccata omnia sive ante, sive post Baptismum commissa, eorumque non tantum culpam, sed & pœnam omnem temporalem atque æternam, non propter nostram ipsorum satisfactionem, sed nostri respectu omnino *ἡ δωρεὰν, ὅτι ἀντὶ τοῦ ἡμετέρου*, per redemptionem factam in Christo Iesu, condonare, sequitur Christi metita eveni acque abnegari, & non ferendam gratuitæ Dei misericordiæ contumeliam irrogari, cum docetur pec-

cata nostra per ignem aliquem corporeum purgari, eaque à Deo nobis non remitti, nisi pro ut ipsi perpeſſionibus acerbissimorum cruciatuum post hanc vitam satisfaciamus. Nec juvat Pontificios, sed blasphemias accumulunt, cum purgationem peccatorum inter Christum & hunc fictitium ignem dividunt, & Christo purgationem culpæ, igni autem huic purgationem pœnæ attribuunt. Apertam enim injustitiam Deo ascribunt, cum hoc modo docent Deum punire eum, qui culpam non habeat, delicta peccatori remittere, & peccatorem nihilominus punire, pro vno peccato duplicem exigere satisfactionem, vnam à Christo, alteram ab ipso peccatore. Quinetiam manifestè *laodæcum* ponunt. Pœna enim, quæ non est macula, quomodo potest purgari? Et pœna si ibi purgatur, hoc est aufertur, quomodo potest simul inferri? Fatemur quidem nihil inquinatum in cœlum esse ingressurum, sed omnia fidelium inquinamenta non igne purgatorio post hanc vitam, sed sanguine Iesu Christi in hac vitâ perfectissimè eluuntur & perpurgantur; atque ita fideles lotis in sanguine Agni vestibis suis coram Deo immaculati comparent.

V.

Fidelium sub V. Testamento animas non fuisse post mortem in ignem aliquem Purgatorium detrufas clarè testantur Prophetæ, cum doceant, mortem a Sanctorum pretiosam esse in conspectu Domini, piorum spiritum a ad Deum redire, Deum spiritum eorum suscipere, cum iusti & benigni homines recipiuntur, eorum animas

ingredi

An Deum remissâ culpâ pœnam peccatori adhuc infligat?

Impossibile.

An fuerit Purgatorii tempore Veteris Testamenti?
a *Psalm.* 116. 15.
b *Ecclesi.* 12. 7.

ingredi pacem, & corpora in cubilibus suis requiescere, quocunque in statu homines moriantur, in eodem semper esse futuros, & secundum eum judicandos. Ac propterea etiam DEVS, cum tot diversa Sacrificiorum & precationum genera in V.T. ad expiationem omnis generis peccatorum & pollutionum instituerit, nullum tamen sacrificium expiatorium, nullas satisfactiones, nec preces pro animabus defunctorum ordinavit. Neque in omnibus illis historijs, in quibus piorum obitus & sepulturæ describuntur, vlla vel levissima mentio sit de sacrificijs aut precibus pro mortuis institutis. Nullum etiam hujus Purgatorii indicium aut vestigium reperimus in Novo Testamento, in quo Apostoli atque Evangelistæ expressè docent, animas fidelium, quando ex corporibus excedunt, eo ipso die cum Christo esse in Paradiso, à Christo suscipi, in pace dimitti, in judicium non venire, ab Angelis deferri in sinum Abrahæ, esse cum Christo, *dauidicè* esse beatas, repositam esse illis coronam gloriæ, & simulac terrestri hujus domus tabernaculum & dissolutum fuerit, ædificium ex Deo habituras, domicilium non manu factum, æternum in cœlis. Docetque passim tota Sacra Scriptura cum V. tum N. Testamenti duo tantum esse hominum genera, fidelium & infidelium, duplicem tantum hominum mortuorum statum, beatum & miserum, duplex tantum post mortem judicium, justificationis, & condemnationis, duplex tantum animarum separatarum receptaculum, cœlum & infernum, locum consolationis, & locum cruciatus; & denique duplex tantum esse tempus, in hac vitâ, in quâ tempus est operandi, certandi, currendi,

&

*An sit Purgatorium
nunc in
Novo Testamento?*

d statim.

*c 1. Cor. 5.
1.*

& seminandi, & post hanc vitam, quando nox venit, in quâ nemo operari potest, & tempus tantum est præmiorum ac pœnarum. Quando istinc excessum fuerit, nullus jam pœnitentiæ locus est, nullus satisfactionis effectus. Hic vita aut acquiritur, aut amittitur.

VI.

Purgatorium itaque Papisticum nullum in Sacra Scriptura fundamentum habet, sed purum putum humani cerebri figmentum est, quod toti Sacræ Scripturæ & beneficijs Domini nostri Iesu Christi directè adversatur, atque ab hominibus avarissimis non ad mortuorum animis à peccatis, sed ad vivorum crumenas à nummis perpurgandas est excogitatum. Fabricarunt autem hunc ardentem carcerem Papæ Romani, ut ipsi illius essent *f. diuocquante*, atque ex illo nullas animas nisi numeratâ pecuniâ emitterent. Ac proinde commentum hoc & vanum, impium, & blasphemum à Christianis omnibus meritò est rejiciendum atq; explodendum: tantûn abest, ut esse possit dogma fidei Christianæ creditu ad salutem ita necessarium, ut qui Purgatorium hoc non credat, in Gehennâ sempiterno igne sit cruciandus. Nisi fortè Pontificij dogmata fidei suæ extra & contra Scripturam, ex Homeri Odysseâ, Virgilij Æneide, Platonis Gorgia & I'hædone, Ciceronis somnio Scipionis, Mahumeti Alcorano, atque ipsius Diaboli illusionibus, ex quibus omnibus Purgatorium hoc fabricatum est, extruere velint; quæ dogmata, talibus innixa fundamentis, ipsis Pontificiis credenda libenter relinquimus, atque vnum hoc credimus Bel-

An Purgatorij cōfessio sit dogma fidei Christianæ ad salutem credendum necessarium? & carceris custodes.

larminum de Purgatorio verè tradidisse, cum docet, cum qui non credit Purgatorium esse, ad illud nunquam esse perventurum.

DISPUT. XXXIII.

De Suffragijs seu Orationibus
Vivorum pro Mortuis,

ET

De Mortuorum Sepulturâ.

THESIS I.

*An et quo-
modo ani-
ma defun-
ctorum à
viviis juva-
ri possint?
a vno ab-
surdo dato,
inde se-
quuntur
multa.*

ERror mirè fecundus est, vnus plurimos parit & trahit: *α ἡ ἑστὶν ἡ αἰτία τοῦ ἀποδείξεαι τὸ ἀδύνατον.* Confectâ Purgatorij fabricâ Pontificij videntur porro admodum solliciti esse, quomodo miscellæ animæ ex diris illis cruciatibus liberari, aut saltem in medijs flammis aliquo modo refocillari possint, cum reverâ solliciti tantum sint, quomodo hoc figmento loculos viventium exhaurire, & sub prætextu precum pro mortuis, viduarum domos excedere queant: ac proinde confingunt animas ex Purgatorio liberari, aut saltem cruciatus illis mitigari, ordinariè per Missas, per preces viventium, & per opera pœnalia à viventibus mortuorum nomine præstita: & extraordinariè per Indulgentias Papales. Sed hæc omnia eodem, quo

ipsum

ipsum Purgatorium, nituntur fundamento, & mera sunt ac vana superstitionum hominum figmenta, ad turpem quæstum adinventæ, quæ animabus mortuorum nullo modo prodesse possunt. Si enim, quod confitetur ipse Bellarminus, non profunt nec beatis, nec damnatis animabus, & tertius animarum post hanc vitam status non detur, uti superiori disputatione fuit demonstratum, necesse est, destructo & refutato Purgatorio, omnia hæc *b. Quædam* figmenta simul etiam corrui.

I I.

Missæ vocabulo si Pontificij significare volunt Cœnam Dominicam, nihil ex Scripturis certius atque evidentius patet, quàm Cœnam hanc mysticam à Christo institutam esse tantum pro fidelibus adhuc viventibus, & Sacramentum hoc legitime usurpantibus, ad confirmationem fidei eorum per commemorationem mortis Domini, & per beneficiorum hac morte illis acquisitorum oblationem. Mortui vero ut de pane hoc non possunt edere, neque de poculo hoc bibere, ita neque pro illis hoc Sacramentum institutum esse potuit. Neque necesse est illis beneficia obsignari, qui ea jam possident, aut fidem confirmari, postquam *e. in videri* advenit. Fingere autem Cœnæ Domini administrationem esse Sacrificium propitiatorium pro vivis & mortuis, est vnicum & perfectissimum Sacrificium *d. d. d. d.* Iesu Christi semel in arâ Crucis peractum, quâ vnicâ oblatione consummavit in perpetuum eos qui sanctificantur, & Cujus in cœnâ *e. d. d. d.* instituitur, blasphemè abnegare, & Sacramentum

*b. quibus
Deum
campanan-
tur.*

*An per
Missæ?*

*c. quod per-
fectum est.
1. Cor. 13.
10.
d. propitia-
torium.
e. recorda-
tio.*

in

in Sacrificium convertere, cuius tantum est discrimen, quantum inter accipere & dare. Ludicris verò Sacrificij seu Missifici gesticulationibus à Christo non institutis, sed ab hominibus diversis temporibus excogitatis, affingere eam vim, ut ex opere operato etiam mortuis remissionem peccatorum impetrare atque applicare possint, sacrilega est audacia, qua meritum Christi evertitur, & Religio Christiana in ludibrium vertitur.

III.

*An per
preces vi-
ventium
pro mor-
tuis?*

Mandatum DEI, Charitas, communio Sanctorum, & communicatio, quæ inter membra unius corporis intercedere debet, simul exigunt, ut fideles pro se mutuò apud DEVM precibus intercedant, sed idipsum tantum pro vivorum necessitatibus fieri debet. Pro mortuis autem intercedere non tantum DEVS non mandavit, sed etiam planè frustraneum est. Fidelium enim animæ à corporibus migrantes illicò ad Christum caput suum in cælum assumuntur, ibidemque supremæ beatitudinis participes nihil boni in eo statu ampliùs egent aut desiderant, ita ut non necesse sit majorem pro illis beatitudinem postulare: Infidelium verò animæ illicò in infernum detruduntur, unde nulla in æternum dabitur liberatio, ita ut impossibile sit precibus nostris vel illas inde liberare, vel mitiora illis supplicia impetrare. Purgatorium autem quia nullum vispiam est, in eo etiam nec animæ, nec supplicia esse possunt, ac proinde vanum est ablationem vel mitigationem suppliciorum pro animabus in Purgatorio laborantibus petere. Quod autem nonnulli ex veteribus olim pro

*Quare
nonnulli*

mortuis

mortuos orasse leguntur, provenit etiam ex errore, non quo crediderunt esse ignem aliquem purgatorium, quibus animæ fidelium post hanc vitam excrucientur, unde precibus liberari possint, sed quo statuerunt animas fidelium ante Resurrectionem nondum frui beata Dei visione, sed vel somno quodam detineri, vel in abditis terræ receptaculis, aut in cœlestis palatii quasi procœtione quodam contineri, ac proinde nihil aliud precibus suis postularunt, quàm ut Christus adventu suo, & beata corporum resurrectione animarum istarum beatitudinem completere, easque cum corporibus denuò vnitas in plenariam cœlestis gaudij possessionem introducere vellet. Sed tales preces etsi diu in usu fuerint, tamen nec ab Apostolis institutæ aut vsurpatæ, nec illis viventibus in Ecclesia visitæ fuerunt.

IV.

Multò minus profunt animabus defunctorum opera, ut vocant, pœnalia à vivis in gratiam mortuorum suscepta, & præstita, qualia sunt, jejunia, peregrinationes, humi-cubationes, corporum flagellationes, & similia. Nam unusquisque suum onus portabit, & unusquisque suam mercedem accipiet secundum suum laborem, & h fratrem nullo modo quisquam redimere potest. Suntque hæc opera nihil aliud quàm vanæ, invtiles, & ridiculæ superstitiones, quibus cum affingitur vis pro peccatis aliorum satisfaciendi, sacrilegè homines isti munus soli Christo proprium sibi attribunt, & doctrinam de meritis & satisfactione Christi turpissimè depravant, atque everunt. Nec magis profunt indulgentiæ quæ à

*Veteres pro
mortuis
orant?*

*An per o-
pera pœna-
lia?*

*f Gal 6. 5.
g Apoc. 22.
12.
h Psal. 49.
7.*

*An per In-
dulgentias
papales?*

Papa Romano ex Ecclesiæ quodam Thesaurò eundem ad quæstum blasphemè confecto, pecuniam numerantibus erogantur, ut animæ vel eorum qui pecuniam numerant, cum in Purgatorium erunt venturæ, vel amicorum, quæ jam in Purgatorio torrentur & torquentur, citius ex illis cruciatibus per eas liberentur. Hunc potestatem cum Papæ Romano ascribunt Pontificij, nimirum posse illum indulgentijs suis quascunque voluerit animas, & quodocunque libuerit, ex Purgatorio liberare, non vident stolidi homines quantam, quàm barbaram, efferaam. & plus quam Cyclopicam crudelitatem Patri suo ascribant, quod patiuntur filios suos immanissimis & durissimis tormentis non ad exiguum tempus, sed ad multas annorum centurias excruciaci, si eos ex ejusmodi cruciatibus tam faciliè liberare posset. Cæterum omnia hæc figmenta sunt istorum *ἰσχυρὰ δυνάμει*, qui homines *ἐν ὁμιλίᾳ* *ὁλοκαύσιν* *ἀλλοῦς* *ἡμαρτήσανται*, & turpes ac sacrilegæ imposturæ, quæ non defunctis hominibus, sed viventibus Sacrificulis vehementer prosunt; ac proinde non est mirum quòd pro hisce focis suis tam acriter dimicent.

V.

Quamvis animabus fidelium defunctorum nihil prodesse aut obesse possit, siue cadavera eorum sepeliantur, siue inhumata relinquantur. (Nam capit omnia tellus, quæ genuit, cælo tegitur, qui non habet vnam) atque ut pretiosa sepultura impijs non prodest, ita eorum pijs obesse non possit aut vilis, aut nulla. Tamen non tantum ipsa naturalis honestas, & politica comono-

ditur,

i 1. Pet. 2.

3.

An et quæ-
tenus Se-
pultura
mortui-
rum sit
necessaria?

ditas, sed imprimis etiam Christiana pietas & charitas postulant, ut corpora illa, quæ templa & organa fuerint Spiritus Sancti, & quæ Christiani credunt ad cælestem gloriam resuscitanda, in æ glorioſo corpori Christi conformanda, tanquam grana frumenti, honestâ & moderatâ ſuſſeratione terræ mandentur, in ſpem beatæ reſurrectionis. Laudabile itaque charitatis & pietatis opus eſt cadavera fidelium ſepulchris mandare, ſed nulla eſt ratio quare meritum aliquod in iſto opere collocari debeat. Quid enim poſſunt mereri creaturæ de Creatore, & ſervi de Domino, qui cum omnia fecerint, quæ ediſta ſunt, & conſiteri debent ſe feciſſe tantum; quod facere debuerint? Hominum bonis operibus quicumque meritum aſcribunt, illi gratiam Dei, & merita Chriſti planè evacuant, atque abnegant.

VI.

Populus Dei in V. Teſtam. mortuos ſolet ſepelire extra civitates, in agris, hortis, ſpeluncis, & aliis locis quibuſlibet, quos omnes ſepulturæ æquè idoneos ſemper crediderunt. Quod autem Patriarchæ non in Ægypto, ſed in terrâ promiſſâ ſepeliri voluerint, non eſt factum propter aliquam loci iſtius ſanctitatem, quæ animabus ipſorum prodeſſet, ſed ut hac publicâ teſtificatione oſtenderent fidem ſuam de promiſſâ populi Dei ex Ægypto liberatione, noſtriſque per Meſſiam redemptione, cujus illa typus fuit. Veteres Chriſtiani etiam extra civitates ſolent mortuos terræ mandare, prout expreſſis Imperatorum legibus erat ſtatutum: ſed creſcente poſt modum atque invaleſcente ſuperſtitione,

1. 1. Cor.
6. 19.
in Phil. 3.
21.

*An ſit opus
meritori-
um?*

in Luc. 17.
10.

*Ubi corpo-
ra mortu-
orum ſint
ſepelienda?*

*An tan-
tum in lo-
cis conſe-
cratis?*

*Quomodo
debeant se-
peliri?*

Templa, atque aræ templis vicinæ magicis quibusdam consecrationibus sepulturæ destinari cœperunt, & persuasum fuit credulo populo multum prodesse defunctorum animabus, si corpora in locis ejusmodi consecratis sepeliantur. Quæ sanè persuasio vana est, & superstitio populo noxia, sed Sacrificulis quæstiosa. Cuiusmodi farinæ etiam sunt cæteri ritus in funerationibus à Pontificiis vñtati quales sunt Cereos in funere accendere, cruces præferre, aquam benedictam sepulchro inspergere, uñnas funebres cantare, & siquæ aliæ superstitiosæ ceremoniæ adhibentur, quas defunctis animabus prodesse sibi persuadent. Sacrificia verò pro mortuis in ipso funere, vel statis diebus, vel anniversaria offerre, non tantum vanum & superstitiosum, sed & planè impium est, nec tantum in verbo Dei non præscriptum, sed eidem verbo, & Domini nostri Iesu Christi officio atque vñico Sacrificio propitiatorio directè contrarium. Cadavera ablueri, unguere, & aromatibus condire. etsi in V. Testam. à fidelibus vsurpatum fuerit, id fidem de beata Resurrectione hisceremoniis fovendam, hodie in N. Testam. in quo hic fidei articulus testatissimus est, & Christi capitis Resurrectione abundè confirmatus, non opus est eum in finem ceremonias istas adhibere. Modus funerationis pro diverso personarum & regionum statu variè observari potest, & in se planè adiaphorus est. Piam & frequentem funeris deductionem comitatis & charitatis opus esse agnoscimus, sed quod animæ mortui nequaquam profit. Eleemosynas in funere pauperibus erogare eum in finem, ut pro animâ defuncti orent, pauperibus quidem, sed nihil de-

functorum

functorum animabus prodest, & superstitionem arguit, aut sapit. Conciones funebres in exequiis mortuorum habere non improbamus, quando illæ ita instituuntur, ut viventes hac occasione admoncantur mortalitatis suæ, ut cogitent eodem modo sibi aliquando esse excedendum, utque ad eum excessum maturè & seriò se preparent. Monumentorum vero constructio & titularum in memoriam & honorem defunctorum erectio, sunt vivorum quali cunque solatia, non mortuorum subsidia.

DE ECCLESIA TRIUMPHANTE.

DISPUT. XXXIV.

*De Sanctorum mortuorum
Beatitudine,
ET
Canonizatione.*

THESIS I.

SPIRITVS justorum, seu animæ fidelium, postquam ex corporibus excesse-

*An anima
fidelium*

à corporibus separata statim celestis beatitudine fruuntur?

a 2. Cor.

5. 1.

*Qualis erit
quanta sit
illa beatitudo,
qua anima
separata à
corporibus
fruuntur?
b Angelis
aequales, et
Christo similes.*

*An beata
anima omnes
nostras
necessitates
noverint, et
illis subvenire
possint?*

runt, non afferuntur in abdito quodam & incognito loco, in quo usque ad diem Resurrectionis detineantur, aut dormiant, sed illico simulac a terrestris huius domus tabernaculum dissolutum fuerit, ad Christum caput suum, in domum Patris ejus, quæ est domus non manu facta, æterna in cælis, in sinum Abraham, in Paradisum cælestem, seu in cælum Beatorum assumuntur, & innumerabilium Angelorum conventui aggregantur, ibidemque cælesti beatitudine perfruantur.

I I.

Beatitudo hæc, quæ fidelium animæ à corporibus separatæ in cælis fruuntur, non quidem tam perfecta aut tanta est, quanta erit post beatam corporum resurrectionem, cum glorificatis corporibus iterum erunt unitæ; tum demum enim fideles erunt, *b iudæi, et xpi ejusque* est tamen perfectissima secundum eum modum, cujus animæ à corporibus separatæ capaces sunt, & consistit non tantum in vacuitate ab omni dolore, sed etiam in præsentī fruitione claræ visionis Dei, sensus divini favoris, gaudij, gloriæ, & cælestis beatitudinis, in qua beatam corporum resurrectionem certò ac infallibiliter expectant.

III.

Quamvis autem hæc beatitudo secundum eum modum, qui separatim à corpore animabus competere potest, sit absolutissima, atque ita eximia, ut in viventis hominis cogitationem non ascenderit, tamen beatis animabus non confert talem scientiam, ut omnia nostra hinc in terris

norint.

norint, neque talem potentiam, ut omnibus nostris necessitatibus subvenire possint. Hæc enim beatitudo soli Deo propria est, & sine manifesta blasphemia creaturis attribui non potest. Pontificii ergo cum tantam animabus fidelium defunctorum beatitudinem attribuunt, honorem Deo soli debitum sacrilegè & blasphemè ad creaturas transferunt, ut super hoc figmentum cultum Sanctorum religiosum, atque idololatricam eorumdem invocationem superstruant.

IV.

Quicumque fidem Christianam profitentur, & in pietate vocationi congruenter ambulant, ex usu Sacræ Scripturæ etiam in hac vitâ Sancti appellantur, & à nobis ex charitatis iudicio pro Sanctis haberi debent, tamen eorum Sanctitas, quamdiu in hac carne versantur, imperfecta maneat, ac tum demum perficiatur, cum Christus eos sibi in cælo listet gloriosos non habentes maculam aut rugam. Iidem omnes postquam ex eadem professione ex hac vita discesserunt, ex eodem charitatis iudicio, à nobis sunt habendi pro Beatis. Sunt enim omnes beati, qui in Domino moriuntur, & mors iustorum pretiosa est in oculis Dei. Tamen ut nemo in hac vita infallibilem ac firmam certitudinem habere potest de alterius fidei & pietatis sinceritate, quæ soli Deo est ~~revelanda~~ nota est, ita neque talem certitudinem habere potest de vilius hominis mortui certissima beatitudine, nisi tantum de quorum beato post hanc vitam statu expressa in Sacra Scriptura extant testimonia.

Qui sint habendi pro Sanctis?

Qui sint habendi pro Beatis?

c Apoc. 14. 13.

d Ps. 116. 15.

An et quatenus de aliquius mortui beatitudine certi esse possimus? c cordium scrutatori.

V.

*An Papa
Romani
iudicium
in C  nonsa-
tione sit
infallibile?*

*f. Matt. 7.
22. 23.*

Pr  ter hosce igitur mortuos, de quorum beatitudine Scriptura testatur, non potest Ecclesia aut Papa Romanus ulli homini defuncto publicum atque infallibile dare testimonium de ver   ejus in hac vit   sanctitate, aut cert   ejus post hanc vitam beatitudine. Neque hujus certitudinis miracula sunt testimonia sufficientia, cum extremo illo die *f* Christus multis sit dicturus, Nunquam novi vos, discedite    me, qui tamen per nomen Christi multas virtutes ediderunt. Quare Papa Romanus referens aliquos in Catalogum Sanctorum seu Beatorum, non tantum errare potest, sed etiam sicut plurimos ver   Sanctos viventes igni cum temporali tum   terno injustissim   adjudicavit, ita etiam Beatorum numero s  pius immerit   ascribit multos mortuos, de quorum beatitudine nullam plan   habuit certitudinem, multos qui in rerum natura nunquam extiterunt, multos etiam, quos manifest   constat fuisse parricidas, rebelles, proditores, idololatrias: multosque h  c in terris pro Sanctis celi mandavit, quorum anim   fort   in Gehenn   torquentur.

VI.

*An Ecclesia possit
Canonizare
Sanctos?*

Mult   minus aut Ecclesie, aut Pap   Romano fas est quenquam viventem aut mortuum eum in finem in Sanctorum Catalogum referre, ut religiosus ei honor & cultus exhibeantur, aut mandare, ut quisquam vel in univ  rs   Ecclesi   vel in vna aliqu   provinci  , pro Sancto & Beato habeatur, & invocatione, votis, peregrinationibus ad ejus sepulchrum, asservatione reliquiarum

ejus,

ejus, erectione templorum & statuarum in ejus honorem, observatione dierum festorum, publice & religiosè colatur, atque hacratione memoria ejus in Ecclesia celebretur. Agnoscimus quidem memoriam Sanctorum, de quorum verâ sanctitate, & certâ beatitudine, non ex fabulosis Legendis, sed ex verbo Dei constat, in Ecclesiâ semper benedictam & venerandam esse debere, eorumque virtutes, dotes, & laudes Ecclesiæ utiliter ad imitationem proponi posse, ac debere: sed isto modo memoriam eorum celebrare, nihil aliud est quàm Deo suum honorem sacrilegè detrahere, eumque ad creaturas blasphemè transferre. Quare Pontificia hæc Sanctorum Canonizatio nec pia, nec licita, nec verbo Dei consentanea est, sed multis modis est impia, expressè vitata, idololatræ, verbo Dei & praxi Judaicæ, Apostolicæ, & primitivæ Ecclesiæ contraria, Deo injuria, Sanctis ignominiosa, & demùm post multa ab Apostolorum temporibus secula, fâctente ipso Bellarmino, in Ecclesiam à Papis Romanis introducta.

DISPUTAT. XXXV.

*De cultu & Invocatione San-
ctorum mortuorum.*

THESIS I.

CVLus quo aliquis honoratur, duplex est, alius est quo Creatorem debemus vene-

*Quotplex
sit cultus?*

*An sit
discrimen
inter cul-
tum λατρί-
ας & θυ-
λαίας vel re-
ligiosas?*

*An cultum
θυλαίας pos-
sit Creatu-
ris attri-
bui?*

rari; & vocatur cultus Religionis, seu Religiosus & divinus: alius quo Creaturas honoramus, & vocatur cultus civilis, seu humanus. Prior in primâ Legis divinæ tabulâ, posterior in secundâ præscribitur. Cultus Religiosus soli Deo debetur, & ad creaturas quantumvis excellentes sine manifesta Idololatria transferri non potest. Exprimitur autem in Sacra Scriptura promiscuè tam *θυλαίας* quàm *λατρίας* nomine, quemadmodum etiam prophani auctores Græci vocabulis *θυλαίας* & *λατρίας* in una eademque significatione utuntur. Immo plus est *θυλαίας*, quàm *λατρίας* si verborum proprietatem spectemus. Servimus enim propriè majoribus & Dominis, & colimus etiam pares. Neque in Sacra Scriptura cultus *λατρίας* major statuitur cultu *θυλαίας* religiosæ: sed hæc ubique non minus quàm cultus *λατρίας* soli Deo, nullis verò vspiciam creaturis, attribuitur. Cultus civilis est, qui creaturis exhibetur propter earum excellentiam. Estque vel Angelicus, qui præsentibus Angelis præstatur: vel humanus, qui hominibus exhibetur. Tertium genus cultus, qui sit quasi intermedius, major civili & minor divino, & peculiari *θυλαίας* nomine à Pontificijs exprimitur, non agnoscit Scriptura. Omnis enim *θυλαία* aut est religiosa, quæ soli Deo competit; & rebus sacris, Angelis, aut hominibus quantumvis sanctissimis non potest sine sacrilegio attribui: Injustissimum enim est honorem Regi, aut Patri debitum, ad Servos, aut ad Fratres transferre: Estque hæc eadem cum *λατρίας* religiosa. Aut est civilis, quæ propriè majoribus, impropiè autem ac sæpè etiam minoribus ex charitatis lege præstatur. Quar-

tum genus cultus, quem vocant *idolatry*, & humanæ Christianitatis, ac beatæ Mariæ ejus competere dicunt, Sacra Scriptura itidem ignorat.

II.

Angelos bonos ad ministerium nostrum emis-
 sos, cum præsentiam suam clarè nobis testan-
 tur, cum propter naturæ, tum propter officij &
 ministerij excellentiam licet nobis, immò nos
 decet, omni cultu civili venerari, verùm religio-
 sam illorum *a Spiritus* non tantum *b Scriptura*
 expressè damnat, sed & ipsi Angeli nec appe-
 tunt, nec unquam sibi exhiberi passi sunt. Cultus
 humanus aut est merè civilis, qui verbis aut ge-
 stibus exhibetur, atque etiam exhiberi debet,
 hominibus viventibus propter singularem san-
 ctitatem, aut alias dotes, aut propter officij, quod
 in Ecclesiâ, aut Republicâ gerunt, præstantiam
 excellentibus. Aut est cultus quasi civilis, qui
 hominibus sanctis jam mortuis impendi non
 tantum potest, sed etiam suo modo debet. Mo-
 dus autem hujus cultus potissimum consistit in
 eo, ut honorificè de illis sentiamus & loqua-
 mur, ut eorum dotes & virtutes, quibus ornati
 vixerunt, aliisque præluxerunt privatim & pub-
 licè suspiciamus & deprecemur, ut eorum ex-
 emplo alios ad virtutem excitemus, atque im-
 primis ut piâ imitatione virtutes eorum ipsi ex-
 primamus. Hoc modo Sancti maximè honoran-
 tur, neque alium aut majorem honorem ipsi un-
 quam expetiverunt, aut pii homines in V. & N.
 Testam. ipsis attribuerunt. Hoc modo eos in
 Ecclesiis nostris honoramus, & honorandos esse
 docemus. Quare nobis haud levem injuriam

faciunt

*Qualis
cultus An-
gelis exhi-
beri de-
beat?*

*a. adorati-
onem.*

*Qualis cul-
tus debeat
exhiberi
hominibus
viventibus?*

*b Col. 2.
18.*

*Qualis ho-
minibus
mortuis?*

faciunt Pontificii, cum clamitant nos omnem honorem, reverentiam, & cultum sanctis Angelis, aliisque Dei servis, & Sanctis detrahere. Tribuimus enim illis cultum omnem, qui ipsis debetur, ita tamen ut Deo etiam suus cultus integer reservetur. Pontificii verò dum immodico, illegitimo, & indebito cultu Sanctos venerantur, Dei cultum multis modis violant, atque ita Deum, atque ipsos Sanctos maximâ afficiunt contumeliâ.

III.

*An Sancti
mortui no-
verint ne-
cessitates &
preces?*

Sancti mortui quamvis cœlesti beatitudine & clarâ Dei visione in cœlis fruantur, non tamen præditi sunt eâ scientiâ, ut omnes nostras necessitates noverint, atque omnes gemitus & preces quovis loco & tempore exaudire possint. Solius enim Dei, qui solus est omniscius atque immensus, proprium est omnia dicta & facta quovis loco & tempore distinctè cognoscere. Quod autem nugantur eos in Deo tanquam in speculo omnia intueri, neque in Scripturâ neque in ratione ipsa fundamentum habet. Non enim qui Solis lucem intuetur, propterea omnia videt, quæ Sol perlustrat. Nec credibile est Angelos ipsis omnia illa revelare, cum Angeli non nisi vno in loco adsint, & ordinariè in cœlis sint, atque ad nos tantum extraordinariè emittantur, ut sint nuntij non hominum ad Deum aut ad Sanctos, sed Dei ad homines. Quinimmo S. Scriptura expressè testatur Sanctos mortuos ignorare ea, quæ hîc in tertis fiunt, etiam liberorum suorum statum, & non tantum vulgares Sanctos, sed ipsos etiam Patriarchas mortuos nos nescire. Fru-

straneum itaque est atque invtile, illis preces fundere, eorumque opem in necessitatibus nostris implorare.

IV.

Verisimile quidem est Sanctos mortuos in cœlis cum Christo nunc regnantes ac triumphantes, pro eâ charitate, quâ Ecclesiam in terris adhuc militantem persecuti sunt, atque etiam nunc prosequuntur, & pro communione, quæ inter Sanctos Militantis & Triumphantis Ecclesiæ incedit, defensionem ac liberationem Ecclesiæ Militantis desiderare, & pro ea communiter vota facere, & in genere Deum orare, sed tamen hæc de nihil expressè S. Scriptura testatur. In particulari autem eos pro hoc vel illo homine, pro hisce vel istis necessitatibus orare, nusquam Sacra Scriptura vel leviter innuit, aut vlllo idoneo exemplo demonstrari potest.

V.

Quare Sanctos mortuos religiosè adorare, & in necessitatibus sive corporalibus, sive spiritualibus invocare, vel ut auctores beneficiorum, vel ut Intercessores apud Deum, ut suffragiis & meritis suis beneficia hæc à Deo pro hominibus impetrent, nusquam in tota Sacra Scriptura mandatur, sed contra diversis in locis expressè & severè interdicunt, quotiescunque Deus mandat ut eum solum adoremus, & vetat in necessitatibus nostris ad Creaturas confugere. Nulli etiam pij unquam in V. aut N. Testamento mortuos invocasse leguntur, aut aliis hanc invocationem suasse. Honor enim invocationis, quæ sine fide fieri non potest, soli Deuo, ut omnipotenti,

An et quatenus Sancti mortui in cœlis pro nobis orent?

An Sancti mortui pie & vtiliter possint invocari?

omni-

b cordis
scrutatori.

d Jer. 2. 13.

An Papi-
sia mortu-
os Sanctos
invocando
commis-
sant Idolo-
latriam?

omnipræfenti, atque omniscio *hæreticis* pro-
prius est, & nulli creaturæ licet excellentissimæ,
nisi cum insigni sacrilegio, blasphemia, atque
idololatria, tribui potest. Solus etiam Dominus
noster Iesus Christus non tantum Redemptionis,
sed etiam Intercessionis apud Deum, vnicus
est Mediator, atque Advocatus noster, per quem
habemus libertatem & aditum cum fiducia ad
Deum accedendi per fidem ipsius. Invocatio
itaque mortuorum non tantum frustranea est, sed
etiam impia, atque idololatrica, Deo gloriam
suam eripit, Christi vnicam intercessionem abo-
let, Dei verbo directè adversatur, & quicunque
Sanctos mortuos in necessitatibus suis invocant,
illi duo mala faciunt; Deum *aperennium* aqua-
rum scaturiginem derelinquunt, & fodiunt sibi
cisternas, quæ aquas non capiunt.

VI.

Ac proinde Pontificij cum Sanctos demor-
tuos religiosè adorant, atque vt intercessores a-
pud Deum invocant, à manifesta & turpi Ido-
latria excusari nequeunt. Cultum enim reli-
giosum soli Deo debitum creaturis impiè exhi-
bent, iisque ascribunt eas proprietates, quæ so-
li Deo essentielles sunt, & creaturis communicari
nequeunt. Atque hoc nihil aliud est quàm ex
creatura sibi Idolum fabricari. Præsertim cum
manifestè constet illos etiam invocare mera fig-
menta atque idola mentium, quæ in rerum na-
tura nunquam extiterunt, cuiusmodi sunt Geor-
gius, Christophorus, Catharina, & similes in
Romanum Martyrologium relati Tragelaphi.
Atque imprimis cum sanctissimæ virginis &

matri Mariæ titulos & honores planè divinos
 attribuunt, eamque Domino Iesu Christo, uni-
 co Mediatori, & Redemptori nostro, non tan-
 tum exæquant, sed etiam præferunt, & propri-
 um Christi munus ad eam transferunt. Etenim
 quando eam appellant Dominam & Reginam,
 Reginam mundi & cœli, Ianuam Paradisi, Ad-
 vocatam, Mediaticem, matrem misericordiæ,
 Salutem, vitam, & spem nostram: cum docent
 illam Serpentis caput conculcasse, nostra scelera
 piare, jure matris Redemptori nostro imperare,
 & Deum regnum suum cum ipsa divisisse, ita
 ut retenta sibi justitiæ procuratore, misericor-
 diæ administrationem illi concesserit; ac proinde
 à foro justitiæ Patris, ad forum gratiæ Matris
 esse provocandum: cum se potius ad Matris vbe-
 ra, quàm ad Filii vulnera convertunt: cum de-
 nique eam ut talem invocant, & non tantum
 ejus intercessionem, sed & opem immediatam
 implorant, quo colore à manifesta Idololatria
 excusare se poterunt? Omnem autem impuden-
 tiam & blasphemiam superat, cum ex Psalterio
 nomen Domini & Dei passim eraserunt, &
 in ejus locum nomen Dominæ & Mariæ re-
 posuerunt, atque ita quicquid Deo vel ipsius
 Christo Spiritus Sanctus attribuit id omne ad
 humilem ejus ancillam blasphemè transferunt.
 Huc accedit Pontificios Ethnicorum Idololatri-
 am planè imitari, ac quodam modo renovare.
 Nam ut olim gentiles regionibus, urbibus, do-
 mibus, elementis, negotijs, & artibus singulis
 divos quosdam tutelares præficiebant, ita Pon-
 tificij divi istis tutelaribus Sanctos mortuos
 substituerunt. Junoni cœli Reginæ Mariam,

Junoni

Iunoni Lucinæ Margaritam, Marti Georgium, Herculi Christophorum, Castori & Polluci Nicholaum, Dianæ Eustochium, Minervæ Catharinam. Præfecerunt Galliæ Dionysium, Hispaniæ Iacobum, Venetijs Marcum. Apud eos Apollonia sanat dolores dentium, Otilia oculos læsos, Rochus pestem, Antonius ignem sacrum, Quirinus fistulas. Infinitam denique talium Divorum, Divarumque multitudinem Pontificij pro necessitatum diversitate palam constituunt, habent, colunt, atque invocant, haud secus ut olim Iudæi pro civitatum numero DEOS diversos habebant. Non est itaque dubitandum, quin hoc modo Sanctos mortuos colentes atque invocantes manifestæ Idololatriæ se reos faciant, & DEVM, qui honorem suum alteri non dabit, gravissimè ostendant.

DISPUTAT. XXXVI.

De Cultu Reliquiarum.

THESIS I.

*Quomodo
cadavera
Sanctorum
mortuorum
sint homi-
nanda?*

Pontificij non tantum animas Sanctorum mortuorum religiosa invocatione adorant, sed etiam eorundem cadavera atque ossa, immo & vestes, ac supellectilem, religioso cultu venerantur, atque ita crassissimam Idololatriam coram toto mundo magis magisque palam manifestant. Fatemur quidem corpora Sanctorum

de-

defunctorum, ac præsertim sanctorum Martyrum, quia viva Christi membra, & Spiritus Sancti templa fuerunt, atque ad æternam gloriam sunt resuscitandi, non sordidè nedum contumeliosè tractanda esse, sed honestè sepelienda, & ab omnibus contumeliis vindicanda, sed ea religioso aliquo cultu venerari, aut quocunque modo adorare fas esse pernegamus. Nullus enim cultus religiosus sine manifesta Idololatria rebus inanimatis exhiberi potest. Neque legimus usquam in V. aut N. Testamento præter honestam funerationem corporibus Sanctorum mortuorum, ne ipsius quidem Christi, Stephani protomartyris, aut aliorum sanctissimorum hominum, quicquam honoris fuisse habitum, multò minus religiosum honorem exhibitum.

II.

Corpora verò Sanctorum mortuorum, vel quædam membra, sepulchris eruere, pretiosis capsis includere, byssino & holoserico involvere, publicè in templis sub altaribus asservare, vel supra altaria in locis conspicuis collocare, in processionibus seu gratiarum actionis seu rogationum causâ institutis cum pompâ circumgestare, candelis, lampadibus, & aliis anathematis venerari, cereos coram ijs accendere, suppliciter ante ea procumbere, & religiosa veneratione ea deosculari, dies festos ad eorum cultum consecrare, templa & basilicas ijs extruere, votivas peregrinationes ad loca, in quibus asservantur, instituere, thura ijs adolere, iuramenta super ea præstare, non tantum superstitiosum, sed etiam manifestè Idololatriæ est. Nullum ejusmodi cultus in Sacra

*Quomodo
Pontificij
Reliquias
Sanctorum
colant?*

*An cultus
ille sit Idololatriæ?*

N

Scriptura

Scriptura mandatum aut exemplum extat. Quin ipse Deus propterea corpus Molis, ejusque sepulchrum, proculdubio hanc præcipue ob causam coram populo abscondidit, ne Iudæi aliquando ad talem Idololatriæ cultum abuterentur. Eliæ ossa etsi contactu suo ad confirmandam Prophetæ doctrinam mortuum resuscitarint, non tamen propterea è sepulchro fuerunt eruta, neque à populo Dei genibus flexis, osculis, aut sacrificijs venerata. Sudaria & semicinctia Apostolorum etsi ægros sanaverint, non tamen ad cultum religiosum fuerunt asservata. Ipsi tamen Sancti vivi noluerunt eos admittere honores, qui à Pontificijs nunc eorum cadaveribus atque ossibus exhibentur.

III.

An Reliquia Sanctorum habeant virtutem aliquam Spiritualem?

Impietas longè major est, cum Pontificij sibi persuaderent, Reliquias istas singulari aliquâ diviniâ aut spirituali virtute esse præditas, quâ possint nos nostraque sanctificare, dæmones expellere vel arcere, morbos sanare, & cum hac opinione & fiducia freti ad obtinendam animæ sanctificationem, vel corporis sanitatem, religiose coram iis se prosternunt, easq; non tantum deosculantur, & salutant, sed etiam palam adorant, ab ijsque petunt, ut pijs Justitiam augeant, & reis veniam donent. Quis enim hanc esse crassissimam Idololatriam vel dubitaverit, vel negaverit?

IV.

An omnia ossa quæ Pontificij

Impostura autem est pudenda, atque in orbe Christiano nequaquam toleranda, quam passim & quotidie Pontificij non tantum privatim, sed

etiam

etiam publicè, lucri causa impudentissimè exercent, cum credulo popello ossa quædam tanquam martyris aut Sancti cuiusdam veneranda proponunt, de quibus non tantum nullam planè habent certitudinem, sed quæ fortè vel latronis cuiusdam, vel etiam asini aut canis fuerint. Et proculdubio multorum corpora venerantur in terris, quorum animæ torquentur in Gehennâ. Atque hanc imposturam Pontificij toti mundo manifestè detegunt, & agnoscere ipsi coguntur, cum multos Sanctos suos tricorpores, aut tricipites faciunt, atque vnius alicujus Sancti corpus, aut vestes, aut supellectilem, aut singularia quædam membra multis diversis in locis ostentant, & in singulis locis supposititias hæc merces progeniis venditant.

V.

Impudentia denique stupenda est, cum non verentur, in tanta præsertim Evangelij luce, palam pro Reliquiis Sanctorum venditare, non tantum ea quæ manifestè constat non potuisse esse asservata, qualia sunt sanguis, præputium, umbilicus, dentes, capilli, linthea, cunæ, subucula, calcei, & vestes Christi, lac, capilli, interula, cingulum, crepidæ, & pectines Mariæ, caligæ Iosephi, lignum crucis, clavis, lancea, sponsia, & similia sexcenta: sed quæ etiam in rerum natura extare non possunt, qualia sunt pennæ ex alis Angeli Gabrielis, sonitus campanarum templi Hierosolymitani, anhelitus Iosephi ligna findentis, & similes fraudes tam crassæ, ut in densissimis Paganismi tenebris crassiores nunquam fuerint inventæ. Ita solet Deus ignominiam

*venerantur, sint
vera Reliquia Sanctorum?*

*An Pontificij colant
Reliquias
confictas
& supposititias?*

sanctissimo nomini suo illatam vlceris incredulis
sensum & mentem auferendo, atque eos effica-
cibus erroribus tradendo.

VI.

*An Reli-
quia San-
ctorum pos-
sint edere
miracula?*

Quamvis ad contactum corporis aut vestium
Christi & Sanctorum viventium, vel aliquando
etiam mortuorum, miracula nonnulla fuerint edi-
ta, non tamen inde sequitur eadem corpora, aut
eadem vestes, vel aliorum etiam Sanctorum
jam mortuorum, eandem vim semper retinere,
aut propterea religioso cultu veneranda esse. Vis
enim, qua miracula ista fuerunt edita, non proces-
sit ab attractis corporibus aut vestibus, sed à solâ
Dei virtute, qui instrumentis istis uti voluit tan-
tùm ad confirmandam doctrinam, quam doce-
bant aut docuerant isti, quorum hæc corpora, aut
hæ vestes erant, non autem ad cultum aliquem
talium corporum aut vestium religiosum stabili-
endum. Doctrina autem Prophetica & Aposto-
lica libris comprehensa cum olim miraculis
satis sit confirmata, non est necesse, ut novis mi-
raculis per reliquias Sanctorum confirmetur. Sunt
verò miracula illa omnia, quæ hodie Pontificij à
Sanctorum Reliquiis fieri asseverant, aut con-
ficta, aut à quibusdam alijs ficta, hæc in-
pugnat in Scriptura.

a 2. Thes.
2. 9.

DISP.

DISPVSTAT. XXXVII.

De Cultu Imaginum,

ET

De Signo Crucis.

T H E S I S I.

Idololatria Pontificiorum nondum hic subsistit. Neque enim sufficit illis Sanctorum mortuorum animas religiosè adorare, & corporum reliquias cultu religioso venerari, sed nec eos pudet mutas quoque, ac inanimas cum Deitum Sanctorum Imagines religiosà veneratione colere, atq; ita etiam secundum ipsam etymologiam manifestam Idololatriam committere. *Idolum* enim secundum Græcam vocis originem, significat omne id quod nobis rei alicujus vel fictæ vel veræ formam seu speciem repræsentat, siue internè in animo, siue externè sensibus, ac præcipuè visui: atque in hac significatione apud idoneos autores Græcos semper vsurpatur. Secundum Scripturam atque Ecclesiasticos Scriptores, *Idolum* significat aut ipsum fictitiū numen, quod homines religiosè colunt, aut simulacrum aliquod, quo numen siue verum siue fictitium exprimitur, & quod religioso & illicito cultu afficitur. Atque ita plerunque in malam partem accipitur. *Imago*, vox Latina, quâ *Idolum* transfertur, secundum ety-

*Quid sit
Idolum?*

*Quid sit
Imago?*

*Quid sit
discrimen
inter Idolum & I-
maginem?*

mologiam ab Idolo vix differt. Secundum vsum etiam vulgatæ versionis Latine, quam Pontificij pro authenticâ habent, quamlibet figuram tam illicitam quàm licitam, tam rerum non existentium quàm existentium significat, atque in utramque partem, tam malam quàm bonam, accipitur. Differunt itaque secundum communem loquendi vsum Idolum & Imago, tantum in eo, quod illud ferè semper in malam partem & angustius, hæc etiam in bonam partem & latius sumatur: non autem in eo, ut Bellarminus contra sanam rationem, contra omnium bonorum autorum, etiam Pontificiorum, iudicium, & contra ipsas sacras literas audacter, atque imperitè asserit, quòd Idolum tantum significet simulachrum. quo res ficta atque in rerum natura non existens exprimitur, & imago, quo res verè repræsentatur: ac propterea Imaginem rei veræ atque existentis, licet religiosè colatur, Idolum dici non posse. Sic enim illi, qui simulachra Solis, Lunæ, hominum, vitalorum, piscium, avium, & similibus rerum existentium colunt, nullo Idololatriæ crimine tenerentur: cum tamen ejusmodi simulachra inter Idola in S. Scripturâ discretè referantur. Omnis autem Imago, sive rem veram sive rem fictam exprimat, quæ illicito & religioso cultu afficitur, rectè atque vstitutè Idolum appellatur, ita ut Imago non quamlibet, sed cultu religioso affecta, vel ei destinata, & Idolum æquipolleant. Quinetiam Imago quamvis in finem licitum aut etiam bonum primitus efformata, si postmodum religiosus ei accesserit cultus, transit in Idolum, quod Serpenti æneo olim DEI jussu & Moysi ministerio erecto accidisse

accidisse Scriptura clarè testatur, atque hanc ob causam à Rege Ezechia, cuius munus erat idola tollere, merito fuisse & sublatum. Quare imagines Dei, Christi, & Sanctorum, cuius gratia à Pontificijs erectæ, & veneratione religiosâ ab ijs cultæ, rectè Idola appellantur, & cultores istarum imaginum Græcâ voce *idola* propriè & iustissimè vocantur.

II.

Non tamen omnes promiscuè Imagines, illicitas, aut Idolorum nomine insigniendas esse dicimus, sed tantum eas, quæ ad cultum religiosum efformantur, atque habentur. Duplex enim est Imaginum vsus, licitus & illicitus. Vsus imaginum licitus est aut Ecclesiasticus, aut Politicus. Vsus Ecclesiasticus fuit in V. Testamento imaginum, quæ iussu Dei expressæ, & in Tabernaculo & Templo Hierosolymitano collocatæ fuerunt, non vt religiosa veneratione colerentur, sed vt istis figuris atque vmbribus res in N. Testamento implendæ præfigurarentur, qui vsus Typicus appellatur, & in N. Testamento. in quo omnes typi impleti, ac proinde etiam abrogati sunt, locum habere non potest. Fatemur quidem imagines sanctorum & præstantium hominum in N. Testamento privatum haberi posse non tantum ad memoriam, sed etiam ad vsum aliquem moralem, vt aspectu imaginis ad imitandas eorum virtutes subinde excitemur, sed imagines Sanctorum in N. Testamento in Templis collocare, vt sint libri Laicorum, neque necessarium, neque vile, neque decorum existimamus. Primitiva enim Ecclesia sine vllâ pietatis atque institutionis iacturâ quingentis cir-

2 1. Reg.
13. 4.

*Quotplex
sit vsus i-
maginum?
Quis sit v-
sus licitus?
Quis vsus
Ecclesiasti-
cus?*

*An in N.
Testamen-
to aliquis
vsus sit
Imaginum
Ecclesiasti-
cus?*

*An Imagi-
nes vt libri
Laicorū in
templis ha-
beri pos-
sint?*

a Ier. 10.
8.

Quis sit
vsus ima-
ginum po-
liticum?

citer annis, quibus magis adhuc florebat religio, & sincerior doctrina vigeat, imaginibus caruit, & sine ijs vniversus Dei cultus in N. Testamen-
toritè peragi potest. Deus non mutis simula-
cris sed vivâ prædicatione verbi sui Ecclesiam e-
rudiri vult: neque nos Deo sapientiores esse decet.
Quinetiam ad docendum in Religione populum
imagines non sunt idoneæ. Est enim eruditio
ligni, & eruditio vanitatum, & fusile doctor falsi.
Quid quæso discet Laicus ab imaginibus Mariæ,
qualis in Pontificiorum templis conspiciuntur,
quàm superbiam & luxum, cum videbit eas ita
ornatas, ut lupanaria pudicius & modestius cultas
meretrices ostendant? Quid imagines Dei aliud
quàm crassas & erroneas de Deo conceptiones
atque opiniones docere poterunt? Vtri præcep-
tores meliores sunt, vivi, an mortui? loquentes,
an muti? Et cum illa pinguntur, quæ fabulosa
sunt & conficta, quid docebunt, quàm mendacia?
Vnde ista inter Pontificios apud Laicos stupidi-
tas, nisi quod illi, qui Ecclesijs præfunt, docendi
vices idolis resignarunt? Accedit evidens Ido-
lolatriz periculum, & certum infirmorum offen-
diculum. Nec quicquam in Christianorum tem-
plis magis indecorum cerni potest, quàm si instar
fanorum gentilium statuis atque idolis exornata
conspiciantur: quemadmodum notum est Tur-
cas hodie nullam aliam obcausam à Religione
Christiana magis abhorrere, & alienos manere,
quàm quod Tempia Pontificiorum imaginibus
repleta videant. Politicus imaginum vsus licitus
est, cum imagines aut statuz non in templis,
sed in aliis locis exercitio Religionis non de-
stinatis, publicè vel privatim habentur, vel ad

amicorum

amicorum aut præstantium virorum memoriam, vel ad modestum ornatum, vel ad honestam recreationem, vel ad institutionem in humanioribus disciplinis, vel ad alium quemvis usum politicum, qui honestati, modestiæ Christianæ, & bonis moribus non sit contrarius.

III.

Imagines sunt duplices, aliæ sunt quibus Deus, seu Sancta Trinitas, corporea aliqua figura exprimitur, aliæ sunt imagines creaturarum visibilium aut invisibilium. Imagine aliquâ corporeâ naturam finitam ac compositam representante, Deum & S. Trinitatem exprimere, non tantum impossibile est, cum sit essentia spiritualis, infinita, immensa, & incomprehensibilis, quæ corporeâ & finita effigie exprimi nequit, sed etiam Majestati Divinæ planè indignum est. *Ὁ Θεὸς οὐ δύναται εἰκασθῆναι ἢ εἰκασθῆναι ὡς εἰς τὸν οὐρανὸν ὁ Θεὸς οὐ δύναται εἰκασθῆναι, οὐ δύναται εἰκασθῆναι, οὐ δύναται εἰκασθῆναι, οὐ δύναται εἰκασθῆναι.* Ingenerent etiam tales imagines falsas, erroneas, & crassas de Dei natura in animis hominum conceptiones, & manifestum Idololatriz periculum secum trahunt. Ac propterea Deus in verbo suo expressè interdixit, ne vlla imagine à quoquam exprimatur, & severè mandavit, ut ab hoc peccato imprime & sollicite nobis caveamus. Fideles etiam in V. & N. Testamento huic mandato Dei paruerunt, & nunquam leguntur tales imagines vnuquam fecisse aut habuisse. Quæ imagines Pontificiorum, quibus exprimere volunt S. Trinitatem, cum pingunt vel vnum virum cum tribus vultibus, vel vicum bicipitem, aut bifrontem, additâ columbâ,

*Quotupl-
ces sint i-
magines?*

*An Imagi-
nes Dei et
S. Trinita-
tis fingi
aut haberi
debeant?*

b Rom. 1.

23.

vel

vel Patrem depingunt effigie viri senis, Filium juvenis, vel agni, & Spiritum Sanctum columbæ, non tantum ineptæ & monstrosæ, sed etiam Deo ignominiosæ sunt, & contra expressum Dei mandatum efformantur, atque habentur. Aliæ sunt imagines Creaturarum, quas simpliciter non damnamus, sed ad honestum usum politicum efformari atque haberi posse agnoscimus: ad religiosum autem usum ac cultum effingere aut habere villas imagines nefas existimamus.

IV.

An et quatenus imagines Sanctorum adorari & colantur?

An secundum præceptum de imaginibus ex Decalogo auferri possit?

An Pontificij cultus

Sanctorum itaque vel etiam ipsius Dei & Christi imagines cultu religioso *λατρείας* vel *θυσίας* venerari, ante eas religionis ergo procumbere, genua flectere, preces fundere, cereos accendere, capita aperire, thura adolere, eas deosculari, cum pompa circumgestare, suppliciter adorare, iisque divinam aliquam virtutem ascribere, secundo Decalogi præcepto clare interdicitur, cum Deus vetat ne nos incurvando honorem imaginibus ullis exhibeamus, neque eas colamus. Hoc præceptum perpetuum atque immutabile Dei ipsius ore promulgatum, & digito in tabulis lapideis scriptum, à Mose Ecclesiæ fideliter traditum, ab Ecclesiâ tum Judaicâ semper, tum Christianâ primis seculis purioribus retentum, & à Christo non abrogatum, Pontificij ad occultandam Idololatriam suam ex catalogo præceptorum Legis divinæ audaci cum impudentiâ eradentes sacrilegæ impietatis, & violatarum Dei tabularum manifestè convincuntur. Cumq; isto modo imagines hodie publicè colant, nequaquam ambigendum est quin horribilem & crassam

crassam Idololatriam¹ committant, à qua nequam eos excusat, quod prætendant se cultum hunc religiosum propriè, directè, & præcipuè imaginum prototypis exhibere; impropriè autem, indirectè, & per accidens ipsis imaginibus, atque honorem hunc non in imaginibus, sed in prototypis terminari. Deus enim per imagines coli nec vult, nec potest. Imaginum verò, quæ Sanctos repræsentant, prototypi ipsi cum religioso cultu sine idololatriâ affici nequeant, multò minus possunt eorum imagines. Atque ipsa Pontificiorum cum doctrina tum praxis evidenter testantur, imagines Dei & Sanctorum etiam propriè, directè, & per se ab illis adorari & religiosè coli, atque imperitum vulgus subtiles hæc doctorum distinctiones neque intelligere, neque curare. Gentiles ipsi prudentiores sciebant statuas ipsas non esse numina, & quis dubitat tamen quin eas colendo, turpem commiserint Idololatriam? Iudæi statuas & imagines colentes, tamen etiam honorem hunc præcipuè ad Deum tanquam prototypum simulachris illis repræsentatum referrent, nihilominus tamen Idololatriæ simpliciter à Prophetis damnantur.

V.

Atque hinc etiam apparet in Templis Christianorum, aliisque locis cultus divini exercitio publico destinatis. Imagines collocari non debere, non tantum propter Iudæorum & Turcarum offendiculum, qui à Christianorum Templis imaginibus instructis, tanquam ab Idololatriæ officinis, abhorrent, sed imprimis propter

*imaginum
committant
Idololatriam?*

An Imagines in Templis ad cultum collocari debeant?

*An et quo-
modo ex
templis sint
tollenda?*

*c. formato-
res imagi-
num.
d. effra-
ctores ima-
num.*

manifestum apud Christianos Idololatriæ peri-
culum, quod circumstantia sacrorum istorum
locorum plerumque secum trahit, ut ipsa experi-
entia in Papatu plus satis docuit. Neque simu-
lacræ mutis, sed vivis Dei imaginibus ad audi-
endum Dei verbum, ad Sacramentorum usurpa-
tionem, & ad preces publicas frequenti numero
congregatis Tempia Christianorum optinè ex-
ornantur. Tempia Christianorum in primitiva
Ecclesia per multa secula ab imaginibus com-
muniter vacua fuerunt, & rectè Patribus olim
placuit in Templis non haberi picturas: ne quod
colitur vel adoratur in parietibus pingatur. Qui
primi simulacra in Tempia induxerunt, illi ne-
tum dempserunt, & errorem addiderunt. Vbi-
cunque autem imagines contra Dei verbum in-
troducuntur sunt, præsertim cum homines ijs ad
cultum Idololatricum abutuntur, quemadmo-
dum olim sanctissimus Rex Ezechias serpentem
æneum comminuit, & Moyses vitulum con-
flatum fregit, multique olim pii Principes & Epis-
copi imagines ex templis eiecerunt, ita hodie
autoritate Magistratus Christiani, aut totius Ec-
clesiæ, si commodè fieri possit, imagines ex tem-
plis atque oculis Christianorum tolli debent.
Quod cum pii Principes faciunt, non possunt sa-
cilegij aut violatæ Religionis accusari, sed opus
muneri ipsorum conveniens, & in Scripturâ lau-
datum præstant. Scriptura enim ut *c. idolorum* la-
cus damnat, ita *d. idolorum* laudat, & Magi-
stratibus mandat, non tantum ut ipsam Idolo-
latriam, sed omnia etiam Idololatriæ instru-
menta è medio tollant.

VI.

Lignum illud crucis, in quo D.N. Iesus Christus olim pendit, an verè sit olim ab Helena Constantini M. Imperatoris matre inventum nolumus contendere, cum Religioni Christianæ nihil vel accedat vel decedat, siue illa vera fuerit crux Christi, siue supposititia: præsertim cum rationes multe sint, ob quas de veritate totius historię meritò quis dubitare possit. Illud certum est, hodie illud lignum ita multiplicatum esse inter Pontificios, ut vel maxima navis oneraria schidia omnia, quæ ab illis ostentantur, vix possit capere. Ac licet certò nobis constare possit, veram illam crucem hodie superesse, tamen neque divino, neque religioso cultu affici, aut adorari posset sine manifesta Idololatria, quam apertissimè Pontificij committunt, quando hanc crucem ita invocant: O crux ave, spes unica, Hoc passionis tempore, Auge pijs justitiam, Resque dona veniam, &c. Idem est sentiendum de lanceis, clavis, virgis, baculis, columna, spongia, spinis & ceteris instrumentis, quibus Christus ab hostibus crudeliter fuit excarnificatus. Imago autem Crucis siue sculpta siue picta, tamen si verum illud crucis dominicæ lignum repræsentet, non potest tamen, ut neque imagines ceteræ, cultu aliquo religioso sine Idololatriæ crimine affici. Cruces istæ effectæ nihil prosunt, sed sola crux seu passio Christi nobis utilis est. Signum deniq; Crucis manu vel digito in aëre vel aliquâ in re aliâ formatum, in se quidem res est adiaphora, quæ fortè olim à veteribus Christianis tanquam symbolū professionis Christianæ & mutue

fratrum

*An lignū
Crucis sit
adoran-
dum.*

*An Imago
Crucis sit
religiosè
veneran-
da?*

*An signum
Crucis ali-
quam ha-
beat effi-
caciā?*

fratrum agnitionis non malè usurpata fuit, sed magicum & superstitiosum est hunc signo tribuere efficaciam spirituales ac divinam nos & res nostras sanctificandi, dæmones fugandi, & morbos curandi. Quare usus iste huius signi, licet in se indifferens sit, propter hunc superstitiosum & verè magicum abulum meritò abrogari debet. Arma, quibus Diabolus profligatur, non sunt externa aut carnalia, sed merè spiritualia: ac tum demum probè muniti sumus contra potestatem Diaboli, non cum frons aut pectus signo crucis signantur, sed cum cor nostrum vera fide ipsum crucifixum amplectitur. Et Scriptura disertè docet, cibos nostros non externo crucis signo, sed & per verbum & preces sanctificari.

c 1. Tim.
4.5.

DISPVT. XXXVIII.

De culturæ rerum Consecratarum.

THESIS I.

*An et quomodo creatura con-
secrari possint?*

OMnes Creaturæ Dei, quamvis bonæ & in usus hominum primariis sint creatæ, & sine discrimine nunc in Novo Testamento à mundis ut mundæ usurpari possint, tamen quia sine speciali Dei benedictione nobis nec obveniunt, nec prodesse possunt, si debitè & salutariter eis uti velimus, debeamus easdem non nisi cum gratiarum actione & precibus ad Deum

prius

prius sanctificatas, & consecratas usurpare. Personæ, quæ ad sacra Ecclesiæ ministeria ordinantur, precibus, admonitionibus, & ritibus impositionis manuum, aut similibus muneri huic sancto inaugurari & quasi consecrari possunt, & debent. Loca etiam, in quibus publicus Dei cultus exercendus est, per solemnes preces & conciones inaugurales huic sancto viui quasi consecrari possunt. Elementa denique, quæ in Sacramentorum administratione adhibentur, per institutionis & promissionis divinæ verbum, & preces publicas, ab usu communi ad hunc sacrum transferri, eique destinari, atque ita consecrari posse & debere ultro confitemur: atque his modis creaturas aliquas etiam in Ecclesijs nostris sanctè consecramus, sed nullas propterea religiosè veneramus, aut venerandas esse arbitramur.

II.

Pontificij verò non contenti ingenti illâ ac penè infinitâ Idolorum multitudine, quæ ex Sanctis ipsis, atque ex ipsorum Reliquijs, & Imaginibus, sibi fabricarunt, ex quibuscumque ferè creaturis innumera adhuc reliquis Idola adjungunt, cum deimurmurationibus & ceteremonijs quibusdam non à Deo mandatis aut institutis, sed ab hominibus superstitiosis inventis, & verè magicis, res diversas consecrant, iisque consecrationibus divinam quandam virtutem, qua Dæmones fugari, morbi curari, & homines expiari, sanctificari, ac servari queant, rebus illis imprimi docent & credunt, easque res consecratas proinde religiosè venerantur, in ijs fi-

duciam

An Pontificij in cultu rerum consecrarum Idolatriam committant?

duciam suam collocant, & beneficia, tum corporalia, tum etiam spiritualia ab ijs expectant, & nonnunquam etiam pro istis beneficijs eas religiosè adorant. Cum enim Idololatria nihil aliud sit, quam honorem soli Deo debitum, & virtutes Deo proprias creaturis attribuerè, manifestum est omnes illos, quicunque creaturis, ac maxime rebus inanims, proprietates divinas, & propria Dei aut Christi effecta ac beneficia ascribunt, manifestè ex illis idola facere, & quicunque hæc beneficia ab illis expectant aut expectant, crassam Idololatriam committere. Quinetiam magicum est & supersticiosum quibudam verborum demurmurationibus virtutem divinam & supernaturalem rebus inanimatis velle imprimere: quem in finem cum verbum Dei adhibetur, fæda insuper nominis & verbi divini profanatio committitur.

III.

An Pontificij Sacramenta consecrata in idola convertantur?

Imprimis autem externa elementa, quæ Christus instituit, ut ijs beneficia sua nobis significet atque obliget, & Sacramenta in ecclesia appellantur, in manifesta Idola à Pontificijs convertuntur. Panem enim Eucharisticum per consecrationem converti & transubstantiari docent in ipsum Christi corpus, atque ita consecratum ut Deum & Christum cultu merè divino suppliciter adorandum atque invocandum esse. Quod ipsum etiam palam faciunt, cum panem hunc consecratum in templis elevatum, aut per plateas delatum, genibus flexis, aut toto corpore in terram prostrato, adorant, invocant, & omni cultu divino afficiunt: cum festum

in honorem hujus panis institutum quotannis celebrant, in quo panis hic solemniter cum pompâ splendidâ circumgestatur adhibitis luminibus, crucibus, vexillis, instrumentis musicis, aliisque publicæ lætitiæ signis, & palam ab omnibus obvijs adoratur. Simile idolum fabricarunt ex consecratâ Baptismi aquâ, cum quâ manifestam etiam Idololatriam committunt, cum docent & credunt externæ huic elementari aquæ ritibus Pontificijs jam consecratæ, inesse virtutem divinam peccata omnia præcedentia expurgandi, hominem totum regenerandi, & Spiritus Sancti gratiam in eum effundendi, idque etiam ex solo opere operato.

IV.

His addunt plures alias res non ex Christi aut Apostolorum, sed ex hominum superstitionum institutione consecratas, quibus Idolorum numerum magis magisque multiplicant. Nam ridiculis & superstitionis quibusdam ritibus consecrant Aquam benedictam aut lustralem, oleum, sal, cineres, cereos Paschales, thura, ramos palmarum, imagunculas cereas, quas vocant Agnos Dei, & sexcenta alia, quibus post hanc consecrationem attribuunt virtutem planè divinam; & certâ animi fiduciâ credunt, has res consecratas, cum illis inunguntur, aut asperguntur, vel cum eas de collo suspensas gerunt, aut in ædibus asservant, omnia peccata saltem venialia dolere, atque expiari, dæmones expellere, se suæque sanctificare, gratiam Spiritus Sancti conferre & multiplicare, à tempestatibus, fulguribus, incendijs, naufragijs, & maleficijs immunes præservare,

*An Aqua
Benedicta,
Oleum, Chris-
ma, Agnus
Dei, &c.
vim ali-
quam divi-
nam habe-
ant?*

bona multiplicare, insidias Diaboli & infortunia avertere, morbos curare, aut alia beneficia corporalia & spiritalia conferre. Hæc beneficia cum homines à rebus consecratis petunt atque expectant, non tantum stultâ & superstitiosâ credulitate seipsum fallunt, sed etiam fœdissimâ se commaculant Idololatriâ. Nulla enim superstitiosis istis consecrationibus vis supernaturalis ad hæc beneficia conferenda rebus istis impressa est, aut imprimi potest. Et quicumque beneficia soli Christo propria, ad creaturas brutas atque inanimatas transferunt, eaque non à solo Christo, sed ab illis expectant, neque in solius Christi meritis, sed in istis rebus consecratis fiduciam collocant, easque religiosè venerantur, eos omnes grande sacrilegium, & horribile Idololatriam committere neutiquam est ambigendum.

V.

*An liceat
res aliquas
consecra-
re?*

Sine speciali Dei instituto & mandato non licet ullam creaturam ceremonijs quibusdam consecrare ad effectum aliquem supernaturalem nobis vel significandum, vel obsignandum. Quare nulli mortalium licet nova Sacramenta propriè dicta in Ecclesia instituire, quæ à Christo non sint instituta. Multò minus licet creaturas rituali aliqua benedictione ab hominibus superstitiosis inventa, sine Dei ordinatione, consecrare, ut effectus aliquis divinus aut supernaturalis per eas producat. Hoc enim planè magicum est, & honori divino, qui ad creaturas hoc modo impie transfertur, maxime injurium. Quare consecrationes Pontificæ quæ hunc in finem fiunt, manifestam Idololatriam & magiam sapiunt, in-

ventæ

ventæ sunt ab hominibus superstitionis, & ex Gentilismo profectæ, iisque honor Dei & Christi prædissimè commaculatur, & simplicitas ac puritas Religionis Christianæ, quæ à rituum multitudine abhorret, contra Dei voluntatem, cum maximo scandalo, & nominis Christiani dedecore, conspurcatur. & in superstitionem planè genulem convertitur. 2 1 1 1

VI.

Panem aliquem benedictum præter panem Eucharisticum in Ecclesia ad usus religiosos consecrare, consecratumque populo distribuere eum in finem, ut quicumque eum usurpaverint, illo præsumantur adversus Diaboli insidias & corporis morbos, & quæ superstitionum est, & nec à Christo aut Apostolis institutum, nec in Ecclesia primitiva usitatum. Hominis itaque Christiani officium est, non tantum in rebus illis consecratis nullam fiduciam collocare, sed etiam ab illarum consecratione magica, & consecratarum usurpatione superstitionis atque idololatricæ prorsus abstinere, & beneficia ista corporalia ac spiritualia à solo Deo expetere atque expectare, eaque non rebus istis brutis & inanimis, sed solius Iesu Christi meritis, accepta ferre, ac denique contra Diaboli vim atque insidias non vanis istis amuletis, sed verâ ac constanti fide, atque ardentibus ac continuis ad Deum precibus, se præmunire.

*Quid sit
sentien-
dum de
pontificio-
rum Pane
benedicto?*

DISPVT. XXXIX.

De Templis.

THESIS I.

An et quatenus Templum Christianum sine necessaria

a abusive.

Quem in finem Templum erigi debeant?

DEVS non tantum privatim, sed etiam publice coli debet in cœtibus & conventibus fidelium, qui in privatis ædibus, cœnaculis, horreis, atque etiam in sylvis, campis, cœmiterijs, & speluncis, aliisque locis quibuscumque non minus religiose quàm in Templis haberi possunt. Religio enim Christiana & vera Ecclesia sine Templis consistere potest. Præstat tamen, si Deus illorum usum concedat, & per Magistratum licet, certa quædam ædificia publica huic fini peculiari-ter extrui & destinari, quæ haud incommode Oratoria, Tempia, ædes *Koganae*, id est Dominicæ, & a magistratibus etiam Ecclesiæ appellari possunt.

II.

Sacra hæc ædificia nunc in novo Testamento non debent erigi ad externum aliquod & propitiatorium Sacrificium Deo offerendum, cum in novo Testamento nullum habeamus Sacrificium propitiatorium præter unicum illud D. N. Iesu Christi cruentum Sacrificium semel in cruce peractum. Neque cum etiam in finem ut Sanctorum Reliquiæ in ijs asservantur cultus gratia, aut ut in ijs Sanctorum statuæ ad cultum

collo

collocentur. Omnem enim ejusmodi cultum Idololatricum esse, & Christianis severè interdictum, superioribus disputationibus demonstratum fuit. Legitimus verò Templorum usus est, ut populus Christianus in ijs conveniat ad audiendam divini verbi prædicationem, ad præces publicas, ad religiosam Sacramentorum perceptionem, & ad offerendum Deo oblationes tantum spirituales, elemosynas scilicet, & vitulos labiorum.

III.

De forma externa, qua Tempia extrui hodie in Novo Testamento debeant, in Sacra Scriptura nihil omninò præscriptum est: quemadmodum neque de materia. Quare adiaphorum planè est, sive hac, sive illa forma extruantur, modo absit superstitio, & Iudæica *ἡ ἁγία*. Præstat tamen ea forma Tempia ædificare, quæ principali finis, id est, verbi divini prædicationi, est accommodatissima. Superstitiosum verò est & Iudæicum cum Pontificij, ad similitudinem Templi Salomonis, ut dicunt, Tempia sua in tres partes distinguunt, scilicet in *ἄγριον*, *ἴδιον*, & *ἑῷον*, sive *ἱερὸν*, id est, vestibulum, pavim, seu medium templum, & Sacrarium, seu chorum. Templi enim Salomonis structura fuit typus legalis, qui cum per Christum impletus sit, cum nunc cum reliquis abrogatum esse, & in Novo Testamento retineri non debere, certum est. Ut ergo ratio, commoditas, aut usus dari non potest, quare Templis Chori nunc adjungi debeant, ita neque vlla ratio est, quare chori semper spectare & ædificari debeant ad Orientem, seu orientale Templi latus. Mera enim superstitio est, quod Pontificij oraturi

Quæ forma Tempia debeant extrui?

b mala amulatio.

An Chorus semper debeat ad Orientem spectare,

*Et oraturi
in Templis
ad Chorum
Et ad Ori-
entem se
converte-
re?*

*An Cho-
rum sit lo-
cus reliquis
Templi
partibus
sanctior?*

*Quibus
Templa
debeant de-
dicari?*

*An Sanctis
mortui?*

facies convertant in Templis ad Chorum, & ad Orientem, quasi hic ritus preces Deo gratiores redderet. Scriptura enim Christianis hac de re nihil planè vel præscribit, vel consult. Et Pontificij dum à Iudæis, qui & auri Legis mandato ad Occidentem se convertebant, differre volunt non vident se Ethnicorum superstitionem iterum manifestè imitari, qui oraturi etiam ad Orientem spectabant, & nonnulli etiam Solem orientem adorabant. Aequè superstitiosum est, cum sibi persuadent Chorum reliquis Templi partibus longè sanctiorem esse, ac propterea locum illum cancellis à reliquis partibus seclusum Sacerdotibus & Cantotibus tantum servant, exclusis Laicis, quibus in medio templi locum suum assignant peculiarem, ut minus sanctum, atque ita congregationem dirimunt. Aut cum credulo populo persuadetur, si quis in Choro sepeliatur, ac præcipuè sub altari, magnoperè hoc defuncti animæ ad peccatorum expiationem profuturum.

IV.

Templa cum tantum ad divini cultus exercitium publicum ædificentur, in ijsque Solus Deus coli atque invocari debeat, sequitur etiam soli Deo esse dedicanda. Quare Christiani Templa in honorem aut ad cultum Sanctorum extruere, aut ea Sanctis ut Patronis & protectoribus dedicare, atque hanc ob causam à Sanctis denominare sine manifesta impietate atque Idololatria non possunt. Veteres Christiani etiam Martyribus Templa non constituebant, quoniam non ipsi, sed Deus eorum illis Deus erat, & is solus ab illis in Templis colebatur. Recens extructa aut

ab Idololatriæ sordibus repurgata Tempia publicis gratiarum actionibus, solemnibus precibus, & concione inaugurali, Deo, ejusque vero cultui, consecrare, atque ita à profanis locis segregare, non inutile, neque inconveniens arbitramur. Modis autem, qui hodie à Pontificijs in Templorum consecratione adhibetur, nullo Dei mandato, aut promisso, & nullo Sanctorum exemplo nititur, neque quicquam ad ædificationem facit, cum peragatur lingua ignota, & ceremonijs non tantum à superstitionis hominibus inventis, sed etiam ludicris, ineptis, frivolis, partim Judaicis, partim Ethnicis, & populo Christiano neutiquam decoris. Magicum verò est cum ejusmodi ritus adhibent cum in finem, ut hac consecratione Dæmones ex templis expellant, aut locis istis consecratis peculiarem quandam & efficacem sanctitatem imprimant.

V.

Preces publicæ in Templis, aut alijs locis publicis, in quibus fideles convenerunt, institui debent, unde Tempia etiam nostra* domus orationis haud incommode appellari possunt. Privatæ etiam preces, cum domi fieri nequeunt, in Templis rectè possunt institui, modo adsit sincera veraque animi affectio, quæ in cordis arcano habitet, & facessat ostentatio, & humanæ gloriæ aucupium. Rectius tamen & commodius ex mandato & consilio Domini privatim in cubiculis & conclavibus nostris, quàm in Templis aut alijs locis publicis concipiuntur. Cogitationes enim orantis ijs in locis magis distrahuntur, & affectio animi interna aliorum inter-

An, et quomodo debeant consecrari?

An preces privatae in Templis fieri debeant, & ibidem sint efficaces?

* Esa. 56. 7.

2 Mat. 6. 6.

ventu aut præsentia, interturbatur. Sapiet etiam hypocriticam Phariseorum ambitionem, qui amabant in conventibus orare, ut apparerent hominibus. Hæc ambitio Christianos minime decet, & à Christo expressè nobis interdicta est. Superstitiosum verò est credere preces privatas in consecratis Templis conceptas multò sanctiores, Deo gratiores, & efficaciores esse, quàm quæ alijs ex locis ad Deum funduntur, ac propterea in Templis eas concipere, quasi Deus in Templis * manufactis tantum habitaret, atque illis magis esset præsens, quàm alibi. Locus enim preces non commendat, sed precantis affectio. Neque locus preces, sed preces locum sanctificant. Quod autem in Vet. Testam. Deus promissit exaudiri preces eorum, qui vel in Templo, vel versus locum hunc adorabant, typicum fuit, & in Christo cujus typus Templum erat, impletum est, ita ut veri adoratores nunc in Novo Testamento quovis in loco b Patrem in spiritu & veritate adorare, puras manus ad eum attollere, & preces Deo gratas offerre possunt.

VI.

An et quomodo Temppla sint ornanda?

Templa, quia destinata sunt divino cultui, quem reverenter & decorè à Christianis exhiberi convenit, debent etiam sanctè & mundè haberi, neque profanis vsibus aut sordibus contaminari, aut in domum mercatus, aut latronum speluncam converti. Ornatus autem Templorum ut mundus, ita etiam simplex esse debet, qui neque luxum habeat, neque idololatriæ periculo obnoxius, esse possit: & consistit in moderata parietum, pavimenti, & subfelliorum munditia,

&

* Ait. 7.

48.

1/a. 66. 2. 2

b Job. 4.

23.

& præcipuè in magna populi Christiani frequentia ad publicum Dei cultum in ijs honestè congregata. Imaginibus verò statuis, picturis, altaribus, anthematis, lampadibus, auleis, crucibus, vexillis, vasis, ciborijs, & vestibus pretiosis, splendore & luxu plane theatro, Templà exornare, vti in Papatu hodie fit, & conspicitur, simplicitati & modestiæ Christianæ adversatur, Idololatriæ causam præbet, eamque fovet, mentes hominum superstitione implet, à spiritalibus cogitationibus abstrahit, devotionem animi imminuit, vero Dei cultui inutile, & veræ pietati noxium est: ac proinde nec à Christo mandatum, nec ab Apostolis præceptum, neque à veteribus Christianis, quamdiu inter eos simplicitas & puritas cultus divini integra mansit, vñtatum aut laudatum, sed gravissimè semper reprehensum. Sumptus illi immensi, quos Pontificij in hunc theatricum atque idololatricum Templorum ornatum expendunt, rectius in vivas Dei imagines, & viva Spiritus Sancti * Templà, collocantur. Christus enim in illo die non exprobrabit cuiquam, quod imagines in templis non vestiverit, aut bona sua in templorum immodicum ornatum non profuderit, sed quod e ipsi in membris suis esurienti, sitiienti, & vestibus nudato cibum, potum, aut vestes non præbuerit.

* 1. Cor. 3.
16.

c Mat. 2.
44-45.

DISP.

DISPUTAT. XL.

De Peregrinationibus,

ET

De Processionibus.

THESIS I.

*Quotupla-
ces sint Pe-
regrinationes?*

*Civiles Pe-
regrinationes
an sint
licitæ?*

*Religiosa
Peregrina-
tiones an
sint licitæ?*

Peregrinationes alia sunt Civiles, alia Reli-
giolæ. Civiles sunt, quæ instituuntur, vel
ad honestam animi recreationem, quæ ex
contemplatione diversarum gentium, regionum,
urbium, sylvarum, camporum, fluminum, & po-
pulorum existit, vel ad sanitatem corporis ac-
quirendam, vel ad prudentiam civilem comparan-
dam, vel ad negotiationem ac mercaturam exer-
cendam, vel denique ad politica quædam negotia
expedienda. Hasce peregrinationes Christianis
non tantum viles & licitæ, sed aliquando etiam
necessarias esse nemo dubitat.

II.

Religiosa Peregrinationes sunt, quæ cultus
divini, & Religionis causa instituuntur. Has om-
nes simpliciter non damnamus, sed quasdam fi-
delibus esse viles, quasdam etiam illis aliquan-
do necessarias esse arbitramur. Viles sunt pere-
grinationes S. S. Theologiæ Studiosis, & S.
Ministerij candidatis, ut externas Ecclesias &
Academias invasent, non tantum ad civilem
prudentiam

prudentiam comparandam, sed etiam ut vivos sanctos, & cognitione divini verbi præstantes viros audire, ab ijs in eadem erudiri, & varietum Ecclesiarum constitutiones perspicere, atq; hac ratione ad Religionem Christianam propagandam, & Ministerium verbi majori cum dextera, ædificatione, & fructu obeundum, melius præparari possint. Necessariæ sunt peregrinationes fidelibus, cum extra patriam Idololatricis cultibus prorsus dedita cum * Abrahamo proficisci coguntur, ut alibi in pietate rectius instrui aut magis proficere. Deumque incontaminata conscientia in Ecclesia sua sincere colere, & publicè sine periculo invocare queant: imprimis etiam cum persecutionis tempore, ne se idololatricis cultibus contaminent, aut periculis non necessarijs temerè obijciant, ex vna vrbe in aliam, aut ex vna regione in aliam fugere coguntur. Necessaria quoque fuit olim Apostolis peregrinatio, cum ex mandato Domini in * uniuersum orbem iverunt, omnesque orbis regiones ad Religionem Christianam propagandam peragerunt. Atque omnes hæ peregrinationes Religionis causâ institutæ, & Religiosæ appellari merito possunt.

III.

Neque etiam planè improbamus, si quis vel ex occasione; vel etiam ex destinato, inuisit loca in quibus olim vel Patriarchæ, vel Prophetæ; vel ipse Christus, vel Apostoli, vel Martyres, vel alij sancti homines versati fuerunt, ut coram ea contemplando, circumstantias Sacræ Historiæ melius intelligere, atque eâ ratione in veritate cognitione proficere, & ad pietatem aliquatenus

* Gen. 12.

1.

* Mat. 28.

19.

An liceat
invisere loca
Sancta?

*An loca
in quibus
Sancti olim
versati
sunt, alijs
locis sunt
sanctiora?*

tenus excitari queat: modo fiat sine superstitione. Neque enim existimandum est loca illa in quibus Christus, aut alij sancti homines olim versati sunt, aut in quibus eorum sepulchra habentur, præ alijs locis in quibus Deus colitur, peculiari quadam sanctitate esse prædita, quæ preces nostras illis in locis conceptas Deo gratiores, aut nos cum illis locis versantur, aut ad illa proficiscimur, Deo commendatiores reddat. Vocantur quidem loca quædam *sancta* quando & quamdiu ijs in locis aut Deus præsentis sue signa aliqua ostendit, aut cultus Dei verus exercetur, sed sanctitas illa perpetuò in illis locis propterea non continuatur. Fieri enim potest, & quotidie fieri videmus, ut locus qui hanc ob causam olim sanctus fuit, in locum maximè profanum propter Idololatrias, aut alios profanos & impios abusos, commutetur. Bethel in Bethaven, & mons Maschchæ, id est, vñctionis, seu oliveti, in montem Maschchith, id est, corruptionis mutari potest. Religio vera, ejusque exercitium, commendant locum, non locus Religionem. Non Hierosolymam vidisse, sed Hierosolymis bene vixisse laudandum est. Tempus illud jamdudum advenit, in quo verbum Domini impletum est dicentis: Venit tempus, & quando neque in monte hoc, neque Hierosolymis adorabitis Patrem: sed veri adoratores adorabunt Patrem in spiritu & veritate.

*a 1oh. 4:
23.*

IV.

*Quid sit
sentendum
de peregrina-
tionibus
Pontificijs?*

Peregrinationes itaque quæ hodie in Papatu religionis causâ instituuntur, cum Hierosolymam Romam, Lauretum, Compostellam, Hillam, aut ad templa, & sepulchra Sanctorum mortuo-
rum,

rum, aut alia quævis loca, profectiones suscipiunt, eo animo & fine, ut laborioso hoc tanquam pœnali aut pœnitenti opere pro commissis peccatis luant & satisfaciant, aut ut preces eorum illis in locis tanquam sanctioribus efficaciores sint, & facilius exaudiantur, aut ut ibidem Sanctis mortuis cultum aliquem votivum & religiosum præstent, eorumque opem implorent, ab ijs beneficia quædam corporalia miraculosè impetrent, aut anthemata illis suspendant, & gratias pro acceptis beneficijs agant, non tantum vanum, inutile, superfluum, temerarium, & stultum est, sed etiam superstinosum, & planè Idololatricum. Nam cum omnis Sanctorum cultus religiosus damnetur, non possunt etiam ejusmodi peregrinationes, quæ ut inedia ad talem finem adhibentur, ullo modo probari. Deus ubique adest nomen ejus rectè invocantibus, ita ut peregrina loca magno cum sumptu & periculo non necesse sit cum in finem adire. Nec devotio animi vagationibus illis augetur, sed potius extinguitur. Cælum enim non animum mutant, qui trans mare currunt. Ubique carnem suam atque affectus circumferunt, ac sæpenumerò à longis peregrinationibus multò deteriores revertuntur. Ejusmodi itaque Peregrinationes Christianis inutiles, indecoræ, noxiæ, & illicitæ sunt: neque de ijs ullum in Sacra Scriptura mandatum, aut promissum Dei, aut ullum sanctorum hominum exemplum habemus.

V.

Quandocunque gravis aliqua nos premit necessitas, vel spiritualis vel corporalis, vel pub-

*An liceat
Sanctis*

lica

*mortuis
Vota præ-
stare?*

lica vel privata, ad solum Deum vindicem & protectorem nostrum, ex ejus mandato confugere debeamus precibus nostris, quibus vota de præstandâ pro liberatione gratitudine adungere non tantum possumus, sed etiam debemus. Ut autem hæc gratitudo Deo ritè & gratè non potest præstari suspensionibus anthematum, ambulationibus ad loca peregrina, spontaneis corporis afflictionibus, aut aliis ejusmodi nugis, sed tantum veræ pietatis & charitatis operibus, ita hæc tantum, non autem istæ nugæ Deo voveri debent. Et votum, cum sit actus religionis, qui soli Deo debetur, cumque præstetur ad testificandam gratitudinem pro acceptis beneficijs, quæ ad nos à solâ Dei benignitate promanant, apparet soli Deo, nullis autem creaturis præstari debere. Quare Pontificij cum Sanctis mortuis vota nuncupant, cum præsertim in finem, ut beneficia aliqua temporalia aut spiritualia ab ipsis vel ipsorum intercessione à Deo impetrent, atque ut hæc ratione cultum ipsis religiosum præstent, manifestam committunt Idololatriam: Ac quando Sanctis cerceos, imagunculas, vestes pretiosas, aut alia anthemata voverent, Ethnicam superstitionem stultè, & ridiculè imitantur, quasi Sancti mortui ijs nugis opus habeant, aut delectentur.

1. Cor.

11. 24.

*Quid sit
sentendum
de Proces-
sionibus
Pontificio-*

1. 11. 24.

VI.

Panem Eucharisticum Christus mandavit in conventibus Ecclesiasticis à fidelibus manducari cum a gratiarum actione, non autem cum pompâ quadam theatricâ, per plateas circumgestari. Horribilis itaque institutionis divinæ est pro-

ratio conjuncta cum manifestâ Idololatriâ, cum Panis ille tanquam Idolum Ethnicum splendidâ cum solemnitate & publico jubilo in supplicationibus publicis circumfertur, atque ab obvio populo religiosè adoratur. Quotiescunque Ecclesiæ aut Reipublicæ calamitas gravior & publica, puta, belli, pestis, famis, sterilitatis, inundationum, tempestatum, aut similis, à Deo immissa est, aut impendet, utile & necessarium judicamus, ut ad iram Dei avertendam aut mitigandam, & opem ejus impetrandum, publicæ instituuntur ad Deum Supplicationes: quemadmodum etiam ut pro publicis & extraordinarijs Dei erga Ecclesiam aut Rempubl. beneficijs & liberationibus, publicæ gratiarum actiones habeantur. Sed Supplicationes istæ aut gratiarum actiones non debent ad Sanctos mortuos, sed ad solum Deum viventem institui, neque peragi obambulationibus quibusdâ per civitatem aut agros, in quibus panis eucharisticus, Imagines aut reliquæ Sanctorum, funalia, aut similia quædam supersticiosè circumgestentur. Ejusmodi enim obambulationes, & circumgestationes, quas Pontificij *Processiones* vocant, nec anniversariis, nec extraordinarias Deus uspiam in N. Testamento mandavit, aut sibi gratas esse significavit, sed vanæ sunt, superstiosæ, atque idololatricæ, quibus non tantum Judaicæ ceremoniæ, sed ipsissima etiam Ethnorum Sacra Amburbialia, & Ambarvalia, in Ecclesiam Christianam manifestè introducuntur. Quare non licet homini Christiano bonâ cum conscientia Processionibus illis Pontificijs interesse, aut eas comitatu suo celebrare. Publice

autem Supplicationes, aut Gratiarum actiones vt secundum Apostolicæ ac verè primitivæ Ecclesiæ institutum atque exemplum ritè peragantur, debet populus Christianus, cum publicis jejunijs, in sacris locis, in quibus cultus divinus exercetur, religiosè convenire, vt ibidem de veris publicarum calamitatum causis & remedijs, aut de beneficiorum divinatorum magnitudine & multitudine, & debitâ gratitudine nostrâ ex verbo Dei probè institui, & pijs exhortationibus ad seriam ad Deum conversionem, aut ad gratitudinem excitari queat, ibidemque vt communibus votis publicæ ad solum Deum preces, deprecationes aut gratiarum actiones concipiantur, atque instituantur.

DISPUTAT. XLI.

De Festis Christianorum.

THESIS I.

An et quatenus dies festi sint necessarij?

3 1. Cor.

14 33.

DEVS cum non tantum privatim, sed etiam publicè coli debeat in conventibus fidelium, in quibus omnia decenter & ordine fieri convenit, vt confusio omnis, cuius a Deus author non est, vitetur, non tantum utile & decorum, sed etiam quodammodò necessarium est, vt certa ac statuta sint in Ecclesia tempora publicis Ecclesiæ congressibus dicata, in quibus homines ab operibus servilibus feriantes, publico Dei

cultui

cultui planè vacent, ad eumque legitimè celebrandum conveniant. Sunt autem hæc tempora vel hebdomadaria, vel menstrua, vel anniversaria: vel ordinaria: vel extraordinaria: vel V. vel N. Testamenti. Postremus seu septimus hebdomadis dies à Deo huic fini, etiam in ipso mundi exordio statim post creationem, destinatus fuit, cui institutio postea in V. Testam. accessit ceremonialis & typica rerum spiritualium adumbratio: & superaddita ex institutione divinâ alia quædam festa menstrua & anniversaria, quæ cum umbra fuerint rerum futurarum, quæ in Christo sunt impletæ, ac propterea cum reliquis V. Test. ceremonijs typicis abrogatæ, Christiani dies & menses, & tempora, & annos observare, aut diem præ die æstimare non debent: neque quisquam eos debet judicare in parte diei festi, aut novilunii, aut Sabbathorum. Mutato enim sacerdotio, legis hujus ceremonialis mutatio facta est. Quare fideles in Novo Testamento neque ad circumstantiam diei septimi, neque ad quietem illam præcisam, neque ad reliquorum Mosaicorum seu Judaicorum festorum observationem obligantur: neque etiam festa illa Judaica in Ecclesiam Christianam revocare debent.

II.

Quicquid tamen in hac Festorum institutione *id est*, seu morale est, scilicet ut aliquod certum tempus cultui divinò, concionibus, precibus, & liturgijs publicis tribuatur; ut familiæ ac jumentis certum a laboribus quietis & respirationis tempus concedatur, illud perpetuò durat, & conscientias fidelium ab initio mundi ad finem us-

An et quotiens Festa V. T. sint abrogata?

b Col. 2. 16.

An et quotiens in N. Testamento festa sint habenda et celebranda?

*Quare
Dies Do-
minicus
debeat ob-
servari?*

que, ac propterea etiam in Novo Testamento obligat. Publica enim Deicelebratio & sanctificatio perpetuò in Ecclesia vigere debet, quæ non potest fieri nisi in fidelium à laboribus quiescentium congressibus, qui haberi non possunt sine confusione nisi statis diebus. Ut autem fideles in Novo Testamento intelligerent se à iugo legis ceremonialis esse liberatos, & discrimen esset inter Christianos & Iudæos infideles legi etiamnum frustra addictos, Apostoli non septimum, sed primum hebdomadis diem celebrandis sacris congressibus destinarunt, eumque diem propter memoriam resurrectionis Dominicæ vocarunt *Diem Dominicum*. Quod institutum vel ab ipso Christo profectum, vel saltem ab ipso approbatum esse non obscure patet, cum Evangelica historia testatur eum post resurrectionem hoc die in Discipulorum conventibus sæpius compinguisse. Hunc itaque diem Christiani singulis hebdomadibus divino cultui destinare, atque impendere, non tantum possunt, sed etiam debent, modò fiat sine superstitione, aut Iudaicæ necessitatis opinione.

III.

*An Eccle-
sia præter
Diem Do-
minicum
alia festa
instituere
possit, aut
observare
debeat?*

Præter hunc diem Dominicum non est illicitum nec libertati Christianæ omnino repugnans, si de communi Ecclesiæ consensu alij adhuc statim quidam dies in Ecclesia Christiana observentur, vel extraordinariè, ut in ijs solemnes in publicis calamitatibus Supplicationes instituantur: vel ordinariè, ut in ijs quotannis solemniter commorentur, & celebrentur insignia quædam Dei beneficia, sive temporalia populo alicui præstita

(quam

(quam ob causam institutum olim erat festum Purim) siue spiritualia in totam Ecclesiam collata à Domino nostro Iesu Christo. Utile enim est & Ecclesiae ædificationi insigniter servit, præcipuas Dei patrefactiones, & maximè insignia in Ecclesiam beneficia, ut in recenti semper sine inmemoria, populo quotannis statotempore repetere, & solemmniter inculcare. Hunc in finem cum jam inde ab Apostolorum temporibus primitiva Ecclesia memoriam Nativitatis, Mortis, Resurrectionis, & Ascensionis Domini, & Missionis Spiritus Sancti in die Pentecostes statis diebus anniversariè celebraverit, rectè faciunt qui in hac re non tantum adiaphorâ, sed etiam ad ædificationem valde utili, praxin Ecclesiae primitivæ imitantur & retinent: modo ne superstitiosè diebus illis aliquam per se sanctitatem affingant, aut contra libertatem Evangelicam absolutæ necessitatis laqueum animis Christianorum injiciant.

IV.

Festi hi dies non sunt in Ecclesia Christiana ita præcisè necessarij, ut simpliciter illis Ecclesia carere non possit: aut ut mutari, & in alios dies transferri non queant ob graves causas: aut ut eorum observatio nunquam omitti possit sine læsione conscientiae, etiam extra calum scandali. Neque etiam sunt alijs diebus profestis sanctiores in se, ita ut per se sint pars cultus divini, sed tantum respectu usus, qui cum sit sanctus, dies illi etiam *Sancti* ab hoc usu appellantur, quia sanctis meditationibus, studijs, exercitijs, & actibus sunt destinati, & peragi debent. Neque debent institui aut celebrari ratione mysterij

An et quatenus dies festi N. Testamenti necessarij sint, & alijs diebus Sanctiores?

alicujus, propter quod alijs diebus per se sint sacratiores, sed tantum ordinis & politiz causa ad fines supradictos.

V.

*An dies
festi San-
ctorum mor-
tuoꝝ cul-
tus conse-
crari pos-
sint?*

Sanctorum Apostolorum aut insignium Martyrum memoriam anniversariam in Ecclesia historice & dogmaticè populo ex verbo Dei, & probatissimis historijs, non autem ex fabulosis Legendis, repetere, ut eorum exemplo in fide & pietate confirmetur, non illicitum, neque invile judicamus. Cæterum quod Patres nonnulli sanctorum Martyrum memoriam panegyricis anniversarijs cum periculosis prosopopœiis, & apostrophis, alijsque rhetoricationibus olim celebrarint, etsi à Pontificiorum praxi longè abfuerint, tamen modum in eo excesserunt, & potius ex ethnicâ imitatione, quam ex instituto divino hoc fecerunt. Ad cultum autem mortuis Sanctis religiosum præstandum, sive per invocationem, sive per theatricam statuarum exornationem aut circumgestationem, cum is sit planè idololatricus, nulli in Ecclesia Christiana, à quâ omnis Idololatria quam longissimè exulare debet, dies festi institui aut celebrari debent. Festum autem quod Pontificij vocant *Corporis Christi*, cum à Papa Romano in gratiam superstitionis mulierculæ sit institutum non tantum ad monstrosam de Transubstantiatione dogma stabilendum, sed etiam ad horribilem in Ecclesiam Idololatriam in adoratione panis introducendam, manifestè impium est, atque abominandum.

*An Festum
Corporis
Christi in
Ecclesia
possit cele-
brari?*

VI.

Memoria Resurrectionis Dominicæ ut certo anni die circa illud anni tempus, quo contigit, quotannis in Ecclesia celebretur, ædificationis & ordinis ratio postulat, sed nulla est solida ratio, quare vel hoc potius vel illo die, puta vel decimâ quartâ Lunâ post æquinoctium ver-
num, sive in ipso pleni-lunio verni æquinoctij, vel dominicâ primâ proximè sequente post illud plenilunium, præcisè & necessario observari debeat. Quare Victor Episcopus Romanus ob hanc rem adiaphoram injustè olim Ecclesias Asiaticas excommunicavit, & Ecclesiam fune-
sto, & minimè necessario scismate turbavit. Quartadecimani etiam, etsi circa hanc illius festi adiaphoram circumstantiam fuerint olim superstitioniores, immeritò ta-
men propterea pro Hæreticis habiti fuerunt,

An Papa Romanus rectè olim Ecclesias Asiaticas excommunicaverit propter celebrationē diversam diei Paschalis?

P 3

D E

DE SACRAMENTIS.

DISPUT. XLII.

De Sacramentorum Naturâ.

THESIS I.

*Quid sint
Sacramen-
ta?*

SACRAMENTA, quæ vſitatâ in Eccleſiâ voce ita Latinè vocantur, ſunt ſacri & viſibiles ritus externi à Deo in Eccleſiâ circa certa quædam externa elementa, ſeu res terrenas viſibiles, præſcripti, verbiſque ejus prædicationi annexi, vt ſecundum institutionem Dei à verbi divini Miniſtris legitimè adminiſtrati, & à fidelibus piè uſurpati, Signa ſint & Sigilla, quibus Deus promiſſiones gratuiti fœderis de remiſſione peccatorum in verbo revelatas fidelibus declarat & obſignat, ad fidei ipſorum confirmationem: ipſique viciffim ad fidem & pietatem ſuam teſtandam ac fovendam, ſe Deo ad fidei obedientiam obſtringunt, atque hac ratione à non fœderatis publicè diſcernuntur. Atq; hæc definitio omnibus tam Veteris quàm Novi Teſtamenti Sacramentis eſt communis.

II.

Quoniam autem Sacramenta hæc, promiſſi-
onẽs

iones Evangelij, quas solus Deus promittit & confert, significant & obfignant: & ad cultum divinum, cujus regulam præscribere solius Dei est, pertinent, à solo Deo tantum possunt institui. In omni itaque Sacramento requiritur necessario divina institutio, quæ continetur gemino verbo, Mandati, quo præscribitur legitima Sacramenti tum administratio per Ministrum, tum perceptio à fidelibus: & Promissionis rei signatæ in usu legitimo. Horum si primum desit, non erit fœderis Signum, si secundum, non erit fœderis Sigillum. Atque hæc institutio divina omnium Sacramentorum verbo Dei scripto, a quod hominem Dei, seu Ministrum Evangelij, ad omne opus bonum perfectè instituit, perspicuè continetur: adeò ut tantum pro Sacramentis genuinis sint habenda, quæ Scriptura disertè testatur à Deo ipso & Domino nostro Iesu Christo esse instituta: ac quicquid ad doctrinam Sacramentariam spectat, ex sola Sacra Scriptura non autem ex ullis non scriptis Traditionibus eruendum sit, & consumandum.

III.

Materia Sacramenti est elementum externum, & tota illa externa ac mystica circa hoc elementum tum administrantis Ministri, tum percipientis fidelis actio: quod elementum & quæ actiones cum Signa sint rerum spiritualium, & signa omnia, ex naturâ *ἡ τῶν πνευμάτων*, rerum signatarum vel significatarum sint signa, hinc sit ut in omni Sacramento duplices semper Res sint considerandæ: *Resterrena*, quæ est signum; & *Res Spiritualis* seu *Celestis*, quæ signatum. Hæc

An solus Deus habeat potestatem instituendi Sacramenta?

An institutio divina omnium Sacramentorum in verbo Dei scripto contineatur?
2. 2. Tim. 2. 17.

Qua & quotuplex sit materia Sacramentorum?
b eorum qua ad aliquid sunt.

*An Sacra-
menta sint
tantum nu-
da Signa?*

autem duæ Res in usu legitimo ita sunt con-
junctæ, ut fideles non nuda tantum signa perci-
piant, sed utrumque & signum & signatum simul,
tamen non similiter. Hoc enim fide tantum, illud
verò corporeis organis & sensibus percipitur.

IV.

*Qua &
quotuplex
sit forma
Sacramen-
torum?*

*Consecra-
tio quomo-
do fieri de-
beat?*

*Qua sit
ejus effica-
cia?*

*et partici-
pationem.*

*Vnde ejus
dignitas,
aut in
pendeat?*

Forma Sacramentorum duplex est: externa, &
interna. Forma externa consistit in legitimâ co-
rundum, secundum institutionem Dei, admini-
stratione ac perceptione. Administratio legitima
competit solis Verbi divini, cujus appendices sunt
Sacramenta, Ministris, qui ut illa secundum in-
stitutionem Dei legitime administrent, debent
prius symbola illa externa non conceptis qui-
busdam super elementa muta demurmurationi-
bus, sed clarâ & intelligibili recitatione atque ex-
plicatione tum utriusque hujus verbi & Mandati
& Promissionis, tum finis atque usus legitimi,
atque invocatione nominis divini, sacro huic
usui destinare, ac quasi consecrare: atque ita
consecrata fœderatis exhibere. Hac consecratio-
ne usus quidem naturalis externorum Symbo-
lorum mutatur in supernaturalem & mysticum,
sed nulla fit vel essentia illorum per *mutuam*,
vel insitarum qualitatum per novæ qualitatis
infusionem mutatio. Quare consecrationi huic
vim ejusmodi occultam ac mirificam attribuere,
atque eum in finem præscriptis quibusdam con-
secratorijs verbis, quæ nec mutare, nec quibus
analogâ substituere liceat, præcisè eam alligare,
non tantum superstitiosum, sed etiam magicum
est. Dignitas autem atque efficacia hujus con-
secrationis non pendet à dignitate Ministri,
sed

sed ab institutione divinâ, si cum eâ conveniat: etsi Minister fortè nec internam fideni & probitatem, nec etiam intentionem debitam habeat. Requiritur tamen ex institutione divinâ in Ministro externa fidei professio, & vita non omninò flagitiosa, sine quâ nec Minister Verbi esse potest, ac proinde nec Sacramenta administrare.

V.

Forma interna Sacramentorum consistit in relatione Signi ad Rem signatam, seu in ordinatione signi externi ad gratiam fœderis divini tum convenienti analogiâ significandam, tum certò obsignandam, atque exhibendam. Quæ relatio cum Signum & Signatum tanquam duos terminos instar vinculi cujusdam conjugat, hinc existit Unio Sacramentalis, quæ non est *d' unionis*, physica, aut localis, sed tantùm *e' orationis*. Ex quâ unione iterum existit Prædicatio Sacramentalis in Sacrà Scripturâ usitata, qua nomina & attributa Signi & Signati *f' permutantur* inter se permutantur.

VI.

Finis Sacramentorum non est ut sint causæ efficientes, seu organa effectiva gratiæ regenerantis & justificantis, sed ut sint ejusdem gratiæ illustris declaratio, & efficax obsignatio: nostræque pietatis in Deum, charitatis in proximum, & professionis publicæ testificatio. Quare ad promovendam salutem nostram vilia esse media vltro profiteamur, quæ à nobis non debeant temerè negligi aut sperni, sed piè & legitimè, cum haberi possunt, usurpari: non tamen ita sim-

pliciter

*An ab intentione
Ministri?*

*Qua sit
forma Sa-
cramento-
rum in-
terna?
d' essentiali,
e' figurati-
va?*

*Qua sit u-
nio Sacra-
mentalis?
E' per meto-
nymiam.*

*Quis sit fi-
nis Sacra-
mento-
rum?*

*An Sacra-
menta sint
præcisè ad
salutem
necessaria?*

pliciter & præcisè ad salutem esse necessaria arbitramur, ut sine eorum, ac nominatim sine Baptismi usurpatione ad salutem æternam nemo pervenire possit. Non enim sola carentia sed contemptus Sacramentorum damnat. Neque Salus externis signis, sed Rei per ea significatæ attribui, aut alligari debet.

DISPUTAT. XLIII.

*De Sacramentorum numero,
Effectis, & Ceremonijs.*

THESIS I.

*Quætriplicia
sint Sa-
cramenta?*

*Quod sit
discrimen
inter Sa-
cramenta
V. & N.
Testamen-
ti?
a signis.*

Sacramenta alia sunt initiationis seu receptionis in fœdus, alia continuationis in eodem. Vtraque sunt aut Veteris aut Novi Testamenti. Sacramenta V. Testam. propriè dicta sunt tantum duo, Circumcisio, & Pascha. Hæc Sacramenta non tantum gratiam justificantem, ut typi adumbrarunt, sed etiam efficaciter, ut a *oppositis* justitiæ fidei obsignarunt: quare et si à Sacramentis N. T. ritibus & signis externis, objecti amplitudine, & duratione, & modo significandi, qui in V. Testam. obscurior fuit, & typicis significationibus permixtus, alijsque circumstantiis differant, tamen quod ad substantiam, autorem, rem significatam, usum legitimum, & finem principalem, cum Sacramentis Novi Testam.

Testamenti, eadem sunt & conveniunt. Non enim nostrorum Sacramentorum, sed Christi, ejusque beneficiorum typi fuerunt. Fideles in V. Testam. & eandem nobiscum escam spiritualem ederunt, & potum spirituales biberunt. Eundem itaque effectum habent utraque tam V. quam N. Testamenti Sacramenta, ejusdem fœderis signacula, eandemque rem significant, exhibent, atque obfignant.

II.

In Ecclesiâ Novi Testamenti à Domino nostro Iesu Christo, cui soli hoc jus competit, etiam duotantum Sacramenta sunt instituta, scilicet Baptismus, quo fœderati in Ecclesiæ communionem cooptantur, & Cœna Dominica, quâ fideles in domo Dei quasi aluntur atque educantur. Illud infusionis & regenerationis, hoc spiritualis nutritionis symbolum est. Hæc duo ad spiritualis vitæ initium & progressum significandum sufficiunt. Atque his duobus etiam tantum Sacramenti definitio competere potest. Pœnitentiam à Deo mandatam, & omnibus Christianis ad salutem necessariam esse, Ordinem Ministrorum ad Ecclesiæ ædificationem in verbo Dei præscriptum, & Matrimonium sanctam Dei institutionem libenter agnoscimus: neque diffitemur Apostolos, aliosque illorum tempore sanationum dono præditos, cum illud in Ecclesiæ Novi Testamenti primordiis adhuc vigeret, in curandis corporum morbis Vnctionem olei adhibuisse: existimamus etiam omnino requirere ædificationem Ecclesiæ, ut Baptizati in fide susceptâ pijs institutionibus, admonitioni-

b 1. Cor.
10. 3. 4.

*Quot sint
Sacramen-
ta N. Te-
stamenti?*

*An Pœni-
tentia, Or-
do, Matri-
monium,
Vnctio, &
Confirma-
tio sint Sa-
cramenta?*

bus

bus, ac precibus confirmentur: Sed Pœnitentiam, Ordinem, Matrimonium, Vnctionem extremam, & Confirmationem Sacramenta esse Novi Testamenti à Christo instituta pernegamus.

III.

Qua sit efficacia Sacramentorum?

An gratiam justificationis ex opere operato conferant?

*c Gal. 2.
16.*

Sacramenta, quia & Signa & Sigilla sunt gratiæ Evangelicæ, in vſu legitimo magnam quidem & ſingularem habent efficaciam, tum evidenter ſignificandi, tum etiam firmiter obſignandi gratiam fœderis de remiſſione peccatorum: ſed non ſunt cauſæ efficientes, aut organa energetica huius gratiæ, ita vſu ſua vi, & ex opere, vt loquuntur, operato virtutem habeant divinam à peccatis animam purgandi, & gratiam juſtificationis conferendi. Fideles enim ante vſum Sacramentorum hanc gratiam omninò habent: neque ad Sacramentorum vſum accedere debent, qui eam gratiam pro ætatis modo non habent, neque admittendi ſunt, qui eam non haberi mentò præſumuntur. Quare externæ actioni Sacramentali hanc vim divinam attribuire non tantùm abſurdum eſt, ſed etiam planè impium. Sacramenta enim hæc ratione in Idola manifeſtè transformantur. Illud verò imprimis ac multò magis ab omni ratione & pietate alienum eſt, quod Pontificij addunt, Sacramenta ex opere vel operantis, vel operato, hanc vim exercere in omnibus illis, qui externam hanc actionem percipiunt, etiam in ijs qui fide & pietate vacui ſunt, modò in ipſo actu mortalis peccati obicem non ponant, hoc eſt, non planè ſint impij. Scriptura enim apertiffimè teſtatur nos Chriſti ejuſque gratiæ juſtificantis non niſi e ſola fide participes

fieri,

feri, atque impossibile esse ut ulli homines eorumve actiones sine fide Deo placere possunt.

IV.

Legitimo Sacramentorum usu certitudinem divinæ gratiæ ita obfignari, ut illa quasi animis fidelium imprimatur, & fœderatos à reliqua hominum à fœdere alienorum multitudine secerni, ultro concedimus: Sed nonnullis N. Testamenti Sacramentis præterea peculiarem adhuc quandam & indelebilem internam qualitatem animæ percipientis imprimi, quâ homo ad cultum Dei idoneus efficitur, Christo conformetur, & ab alijs discernatur, & quæ per apostasiam, hæresin, aut quodvis aliud peccatum deleri nequeat, quum vocant *Characterem indelebilem*, commentum est hominum nugacium, ab errore superiore profectum, & Sacræ Scripturæ prorsus incognitum. Neque hæc est illa causa, quare Baptismus non iteretur, sed longè alia, quæ in sequentibus disputationibus explicabitur.

V.

Sacramenta omnia cum ab eodem Deo, eundem in finem, sint instituta, eandem rem signatam significant & obfignent, eadem mandati formâ & ejusdem generis hominibus, scilicet fœderatis, præscribantur, omnium iidem sint effectus, & omnium profanationes eadem pœnâ à Deo vindicentur, sequitur omnia etiam in se pariter esse dignitatis & excellentiæ. Quare Baptismus ordine quidem temporis sed non dignitatis Cœnam Dominicam antecedit, atq; hæc vicissim nullas ob causas Baptismo dignior censeri potest. Hæc

autem

*An quadi
N. Testam.
Sacramen-
ta habeant
vim impri-
mendichar-
acterem
aliquem
indelebilem?*

*An Sacra-
mentum
vnum dig-
nitatis sit
altero?*

autem duo, Ordinem, Matrimonium & reliqua Pontificiorum fœcilia Sacramenta dignitate superare facile concedimus, cum ista ne quidem pro Sacramentis agnoscamus.

VI.

*Ceremonia
Sacramen-
torum an
sint neces-
saria?
Quotupli-
ces sint?
d ordinis.*

*An Essen-
tiales Ce-
remonia
mutari
possint?*

*An et qua-
tenus Ec-
clesia pote-
statem ha-
beat insti-
tuendi ri-
tus Sacra-
mentales?*

*An ritus
sili sint
adiaphori?*

Sacramenta sunt non tantum externa illa visibilia elementa, sed etiam visibiles ritus circa illa elementa secundum institutionem Dei usurpati, quare absque ritibus & ceremonijs sacra hæc mysteria peragi non possunt. Ceremoniæ quibus Sacramenta administrari debent, aliæ sunt Essentiales, quæ ad Sacramenti essentiam pertinent, ut partes essentielles: aliæ sunt Accidentales, quæ tantum decori atque *d iornatiz* causâ, circa administrationem Sacramentorum adhibentur. Ceremonijs essentielles non habemus ex vllis Traditionibus non scriptis, sed omnes eas Deus in verbo suo disertè expressit, easque præcisè usurpandas præcepit, aded ut nulli mortali-um liceat vel ijs aliquid addere aut demere, vel eas immutare, aut pro libitu omittere, vel eorum loco novas substituere. Accidentales verò ceremoniæ, quæ tantum circumstantias aliquas spectant, & ordinis ac decori gratia observantur, planè sunt adiaphoræ, & ita liberæ, ut Ecclesia pro circumstantiarum varietate ad ædificationem eas possit accommodare, instituere, atque immutare, & fideles extra scandali & contemptus casum liberè eas omittere possint. Cavendum itaque diligenter est ne cum Pontificijs affingamus hisce accidentalibus ritibus opinionem præcisè necessitatis, aut metui, aut virtutis alicujus spiritualis adversus peccata & Demones, aut ne

nimiâ pompâ simplicitatem Sacramentorum in superstitionem & theatricam actionem commutemus. Sacramenta quia sunt appendices Verbi, quod linguâ cognita prædicari debet. & non sunt nisi cum institutionis & promissionis divinæ recitatione atque explicatione administranda, ut populus rectum eorum usum intelligat, sequitur ædificationem omnino requirere ut linguâ populo cognitâ administrentur.

An Sacramenta linguâ incognitâ possint administrari?

DISPUTAT. XLIV.

De Baptismo.

THESIS I.

BAPTISMVS est primum Novi Testamenti Sacramentum divinitus institutum, quò fœderati per Ministrum aqua abluuntur in nomen Patris, Filij, & Spiritus Sancti, ut hoc ritu gratia salutis fœderis divini de remissione peccatorum, & regeneratione spirituali, à Deo ipsis significetur atque obfignetur; ipsique in communionem fœderis cooperti, & ab infidelibus discreti, visissim Deo ad cultum & obedientiam obstringantur.

Quid sit Baptismus?

II.

Baptismum ex institutione Dei tantum debent administrare Ministri Ecclesiæ legitime vocati ad Evangelij prædicationem, cui Baptismi

Qui Baptismum administrare debeant?

ad-

An possint Laici, Obstetrices, aut infideles, in casu necessitatis?

administratio annexa est, tanquam pars propria ministerij illius: Laici itaque & merè privati homines hanc partem liturgiæ publicæ, ad quam vocati non sunt, obire non possunt ex ordinatione divina: multò minus mulieres, quibus sacrorum officiorum tractatio in Ecclesia speciatim interdicitur; aut infideles non baptizati, qui mysteria religionis nostræ non intelligunt, eoque nec dispensare possunt. Periculum autem damnationis, quod ex sola Baptismi carentia immineat, cum nullum sit, nulla etiam necessitas dari potest ordinationem Dei violandi, cui obedire magis est necessarium, quam populari indulgere ignorantie.

III.

Qui sint Baptizandi?

Administrari debet Baptismus omnibus & solis Fœderatis, quorum alij sunt adulti, alij infantes ex parentibus fœderatis, aut saltem ex alterutro fœderato nati. Infantibus his Baptismum competere atque administrari debere, etiam sine Traditionibus non scriptis ex ipsâ Sacrà Scripturâ abundè atque evidenter adversus Anabaptistas demonstrari potest. Infantes autem etsi habitu fidei agentis careant, ac fidem actualem non habeant, tamen inter positivè Infideles non debent censerì: idque non idcirco, quod fidem actualem in Baptismo accipiant, vel quod dici possint credere alienâ fide, scilicet Ecclesiæ vel Susceptorum: sed quia fidem habent actu primo, in radice & semine, atque interna Spiritus Sancti virtute. Campanas verò, vel alias res inanimatas, baptizare, horribilis est & magica divinæ institutionis prophanatio.

An Pædo-baptismus ex S. Scripturâ probari possit?

An et quomodo Infantes fidem habeant?

An campana possint baptizari?

IV.

Præceptum de suscipiendo Baptismo omnes & singulos fœderatos adeo obligare facemur, ut Baptismus ab ijs sine gravi peccato contemni aut negligi non possit, sed externum tamen Aquæ Baptisimum non existimamus tam absolute & simpliciter ad salutem respectu omnium & singulorum, esse necessarium, ut vel sola ejus privatio aut carentia, nulla sua culpa admittas hominem damnet, ita ut omnes infantes non baptizati omnino eternâ morte sint puniendi. Gratia enim Dei salutaris, quæ pendet à gratuito Dei beneplacito, non est alligata terrenis elementis, sed eam Deus, immediata atque extraordinariâ ratione conferre potest quando, & quibus illi placuerit. Sicutiigitur in V. Testam. non omnes incircumcisi, quales erant omnes fidelium Infantes ante octavum diem morientes, fuerunt damnati, ita neque in Novo Testamento infantes fidelium, quibus Christus regnum cœlorum promisit, sine Baptismo discedentes ex hac vita, propterea damnationi æternæ obnoxij erunt. Hoc enim ut à bonitate Dei alienum est, ita promissioni ejus directe adversatur. Quare statuere peculiarrem aliquem locum post hanc vitam infantibus fidelium sine Baptismo morientibus destinatum, in quo pœnam æternam non sensus sed damni feratur, purum putum est cerebri humani commentum, Sacre Scripturæ non tantum incognitum sed etiam contrarium.

V.

Præcipuus Baptismi effectus est ut in ani-

An externus Aqua Baptismus præcise ad salutem sit necessarius?

An sit Limbus aliquis infantum sine Baptismo mortuorum?

*Quis sit
effectus
Baptismi?*

*An Aqua
Baptismi
vim ha-
beat pecca-
ta delendi?*

*An Bap-
tismus etia-
m obfig-
net remis-
sionem pec-
catorum post
Baptismum
admitten-
dum?
2. 1. Joh. 1.
7.*

mis fidelium gratia Dei salutaris in Evangelio revelata efficaciter obfignetur: quæ gratia duplex est, Remissionis, seu ablutionis peccatorum per sanguinem Christi, & Regenerationis inchoatæ & ad finem continuandæ per spiritum ejus. Externo autem Aquæ lavacro ex sola vi operis operari, etiam sine fide & bono motu ventis, ascribere virtutem & efficaciam, omnem peccatorum culpam & pœnam delendi, gratiam ac justitiam quæ homo verè & formaliter justificetur & sanctificetur conferendi, est divinam & propriam rei signatæ virtutem atque efficaciam externo signo attribuire, atque ita ex Signo merum Idolum fabricari. Remissio autem peccatorum non tantum ante Baptismum admissorum, sed etiam omnium totâ vitâ admittendorum, fidelibus in Baptismo obfignatur. Sicut enim a Sanguine Christi nos purgat ab omni peccato, ita Aqua Baptismi, quæ sanguinis hujus signum est, purgationem omnium peccatorum nobis obfignat. Ut à peccatis omnibus simul & semel justificamur. ita hoc sigillum justitiæ fidei semel collatum justificationem ab omnibus peccatis obfignat. Ad consequendam peccatorum post Baptismum admissorum remissionem gratiâ aliâ, quam quæ in Baptismo obfignatur, nec opus est, nec alia dari potest. Quare sanguinis & meritorum Christi vim evacuant Pontificij, cum docent ijs qui post acceptum Baptismum mortaliter peccaverint, gratiam in Baptismo obfignatam non prodesse, sed peccata graviora post Baptismum admissa non nisi per satisfactionem nostram pœnitentialem, quæ tanquam secunda post naufragium sit tabula deleri. Regenerationis gratia, quæ in Baptismo obfignatur,

obsignatur, fideles verè quidem regenerat, & tandem aliquando perfectè regenerabit, sed in hac vitâ eos non reddit planè perfectos aut im-
peccabiles, sed regenerationem in hac vitâ in ijs verè inchoat, eamque indies magis magisque perficit, ita vt Concupiscentiæ dominium in fidelibus quidem extinctum sit: ipsa tamen, licet enervata, in ijs post Baptismum adhuc superstes maneat, & non tantum pœna, & causa peccati, sed etiam peccatum propriè appellari possit. Alter Baptismi effectus est sollemnis nostra ad fidem & pietatem Christianam obligatio, per quam non tantum à iugo Legis Mosaicæ, sed etiam humanarum Traditionum liberamur, & ad solius Dei obedientiam & cultum communi voto nos obstringimus.

VI.

Baptismus à Iohanne Baptista administratus, quo etiam ipse Dominus noster Iesus Christus tingi voluit, & quo Apostoli procul dubio baptizati fuerunt, licet respectu certarum quarundam circumstantiarum aliquatenus à Baptismo Christi & Apostolorum possit distingui, tamen quoad substantiam nullum inter utrumque est discrimen. Fuit enim & ille divinitus, *vis & virtus*, institutus, habens eandem materiam & formam, & eundem in finem administratus. Nam & Iohannes e baptizavit Baptismo resipiscentiæ, in remissionem peccatorum, dicens populo, vt in eum qui venturus erat post ipsum, crederent, hoc est, in Christum Iesum: & qui illum Iohannem audierunt, baptizati fuerunt in nomen Domini Iesu. Quare Baptismus Iohannis idem fuit cum

An concupiscentia post Baptismum superstes sit peccatum?

Quam libertatem per Baptismum obtinemus?

An Baptismus Iohannis eundem efficaciam habuerit cum Baptismo Christi?

Act. 19. 4

Christi & Apostolorum Baptismo Novi Testamenti Sacramentum, eandemque habuit, licet non pari gradu, significationem atque efficaciam: adeo ut qui à Iohanne baptizati fuerunt, neque à Christo, neque ab Apostolis sint rebaptizati, aut rebaptizari debuerint.

DISPUTAT. XLV.

De Baptismi Ceremonijs.

T H E S I S I.

*Quæ in
Baptismi
admini-
stratione
præcipue
sint conside-
randa?*

*An pro A-
qua aliud
elementum
substitu-
posset?*

CUM Sacramenta sint ritus sacri circa externa quædam elementa ex institutione divina usurpati, ut in cuiuslibet Sacramenti, ita etiam in Baptismi administratione duæ hæc præcipue consideranda veniunt: Primum est, quænam Elementa sint usurpanda; Secundum, quibus Ceremonijs circa hæc elementa sit utendum.

II.

Elementum in Baptismo usurpandum est simplex & pura Aqua elementalís, pro quâ, ubi haberi potest, aliud externum signum substituere nobis non licet: tamen in rarissimis & extraordinarijs casibus, ubi aqua nulla haberi potest, alium aliquem liquorum, eundem cum aqua vltim habentem, & aquæ maximè analogum, substitui posse non planè negemus. Oleum verò, Sal, &

Sputum

Sputum nec Christus mandavit in Baptismo adhiberi, nec ab Apostolis eorumque discipulis unquam adhibita fuerunt. Quare etiam ista ab hominibus supersticiosi inventa additamenta, cum divinam institutionem violent & profanent, in Baptismi administratione sunt omittenda.

III.

Ceremoniæ, seu actiones sacræ circa hoc elementum, sunt usurpandæ, vel à Ministro Baptismum administrante, vel à Fœderato eundem recipiente: veræque sunt aut essentielles & necessariæ, aut adiaphoræ quæ ordinis & decori causa adhibentur, & extra casum scandali sine conscientiarum scrupulo liberè observari aut omitti possunt. Actiones Ministri administrantis sunt præcipuæ atque essentielles hæc duæ: Sanctificatio Aquæ, & Ablutio externa corporis per Aquam sanctificatam. Sanctificatio Aquæ fieri debet per recitationem atque explicationem institutionis divinæ, & per nominis divini invocationem linguâ cognitâ, quibus Aqua ad sacrum hunc usum destinatur, & quasi consecratur. Consecratio autem hæc non est certis quibusdam & conceptis verbis præcisè alliganda, neque cum in finem adhibenda, ut consecratorijs huiusce verbis divina quædam peccata delendi virtus elemento huic imprimatur. Quare, quæ hodie in Papatu fit consecratio aquæ Baptismalis, illa nec à Christo est instituta, nec ab Apostolis usurpata, sed supersticiosa, atque etiam magica.

IV.

Ablutio corporis externa per Aquam, cete-

*An Oleū,
Sal, et Spu-
tū in Bap-
tismo ad-
hibenda?*

*Quotupli-
ces sint Ce-
remonia
Baptismi?*

*Qua sint
Ceremonia
à Ministro
usurpanda?
An et quo-
modo Aqua
Baptismi
debeat con-
secrari?*

*Quomodo
Ablutio de-
beat fieri?*

*An per
Immersio-
nem?*

*An per
Aspersio-
nem?*

*An trina
immersio
sit præcise
necessaria?*

*An nomi-
na singu-
larum S.
Trinitatis
persona-
rum in
Baptismo
necessario
sint expri-
menda?*

*Qua care-
monia à
fœderatis
Baptismū
recipienti-
bus sint vs-
surpanda?*

monia est Baptismo planè essentialis: sed modus ejus est adiaphorus. Fieri enim potest vel per immersionem in aquam, quæ olim, præsertim in Iudæa, & aliis regionibus calidioribus, vsitator fuit, sed sub frigido hoc climate, præsertim in tenellis infantibus, vix sine valetudinis periculo fieri potest. Vel etiam per Asperisionem aquæ, seu *paraspasim*. In utroque enim ritu essentialis & propria Baptismi analogia servatur. Trina etiam vel unica Immersio vel Aspersio planè indifferens est, modo fiat sine scandalo, & superstitione. Minister cum Ablutionem instituit, debet etiam clarâ verborum aliquorum pronuntiatione declarare, istum hominem, cujus nomen eum in finem proferri etiam convenit, ex institutione divinâ baptizari. Hæc declaratio non est certæ alicui verborum aut syllabarum formulæ præcisè astricta, ita ut nomina singularum Sanctæ Trinitatis personarum necessariò semper sint expi- menda; Christi enim institutio hoc præcisè non requirit, & Apostoli etiam in nomen Christi baptizasse leguntur. Præferimus tamen & servamus, ut institutioni divinæ convenientissimam, vsitam in Ecclesijs formulam: *Ego te N. baptizo in nomine Patris, & Filij, & Spiritus Sancti.*

V.

Fœderati Baptismum recipientes aut sunt Adulti, aut Infantes. Adulti antequam Baptismum recipiant, debent prius in Fide Christianâ probè institui atque explorari, peccatorum & fidei confessionem edere, ac deinde Aquæ ablutionem in corpore suo admittere. Infantes autem ad recipiendam Aquæ ablutionem vel à Pa-
rentibus,

rentibus, vel à Susceptoribus obliti infantis in Religione Christianâ educationem promittentibus, offerri debent. Susceptores autem, seu, ut vocant, Patrimos ad Baptismum adhibere etsi non inutile est, non tamen est necessarium. Ridiculum verò & stultum est, quod Pontificij faciunt, ab Infantibus aut eorum Susceptoribus quærere, an Infantes credant, & Satanæ abrenuntient.

VI.

Reliquæ Ceremoniæ, quas Pontificij magno numero addunt & quæ administrationem Baptismi vel antecedunt, vel comitantur, vel subsequuntur, quales sunt: Exorcismus & Exsufflatio, quibus Dæmones ex fidelium infantibus expellere, & bonum Spiritum ijs afflare sibi persuadent, gustus salis, efformatio signi crucis in pectore, fronte & alibi, tactio aurium & narium cum saliva, unctio in pectore & scapulis, unctio Chrismatis in vertice, delibatio lactis & mellis, osculum pacis, cereus accensus, vestis candida, & si quæ sunt similia, non sunt ex institutione divina, neque ab Apostolis, eorumque discipulis usurpatæ, sed sunt superstitionum hominum inventa, quibus institutio divina violatur, & simplicitas Apostolica sedè commaculatur: & nuge, quæ nulla probabili ratione defendi possunt, sed multiplicem in animis hominum superstitionem ingenerant. Ac proinde in Baptismo adhiberi non debent, neque ut Ceremoniæ adiaphoræ cum ædificatione servari possunt.

*An Patrimos
sine necessa-
rio adhi-
bendi?*

*Quid sit
sententiâ
de Exor-
cismo, Ex-
sufflato-
ne, signo
crucis, &
ceteris ce-
remoniis
Pontificij?*

DISPVT. XLVI.

De Confirmatione.

THESIS I.

*Impositio
manuum,
quemodo,
et quem in
finem, ab
Apostolis
vsurpata?*

Ceremonia Impositionis manuum in Novo Testamento ab Apostolis, eorumque discipulis, quamdiu donum miraculorum in Ecclesiâ viguit, usurpata sæpius fuit, ad visibilia illa atque admirabilia Spiritus Sancti dona, quæ ad doctrinæ Apostolicæ confirmationem miraculosè in eos, quibus cum in finem manus imponebantur, fuerunt aliquandiu effusa, conferendum & distribuendum. Hæc dona quia ad tempus tantum in Ecclesiâ viguerunt, hodieque ut Ecclesiæ non amplius hoc modo necessaria cessarunt, etiam ritus ille cum in finem nec debet servari, nec potest adhiberi. Eadem ceremoniâ Ministri verbi divini sancto Ecclesiæ Ministerio inaugurabantur: quem in finem ritum hunc in Ecclesiâ servare, licet adiaphorum, non tamen indecens aut invile arbitramur.

II.

*Quomodo
et quem
in finem in
primitivâ
Ecclesiâ?*

Laudabilis etiã fuit consuetudo in Ecclesiâ primitivâ ut Catechumeni & Christianorum liberi in fidei mysterijs jam probè instituti, sub finem pueritiæ, aut incunte adolescentiâ, à parentibus suis repræsentarentur Ecclesiæ Pastoribus, ut secundum formulam Catechismi examinati, & fidem Christianam professi pijs exhortatio-

nibus

onibus & precibus in susceptâ fide *confirmarentur*. Cui actioni ut plus reverentiæ ac dignitatis accederet, puer ille, fide suâ approbatâ, plerumque cum manuum impositione, & solemnî benedictione dimittebatur. Hanc consuetudinem non tantum non improbamus, sed etiam ut laudatissimam & Ecclesiæ ædificationi utilissimam in purum usum restitutam optamus.

III.

Hanc tamen Impositionis manuum ceremoniam, siue qua Ministri in functione sua, siue qua pueri in fide confirmantur, negamus esse Sacramentum Novi Testamenti propriè dictum, Non enim est à Christo Ecclesiæ præscripta, ut esset gratiæ de remissione peccatorum per sanguinem Christi sigillum, ad promissiones fœderis divini obsignandas, sed ritus est adiaphorus, symbolum quidem faustæ precatationis, benedictionis, & assistentiæ divinæ, sed non sigillum iustitiæ fidei. Hunc itaque ritum in Sacramentum Ecclesiæ perpetuum & ordinarium nulli mortalium licet commutare.

*An sit Sacramentum
Novi Testamen-
ti?*

IV.

Multò minus agnoscere possumus pro vero Novi Testamenti Sacramento Ceremoniam illam Pontificiorum, qua inscripta in faciem alapa, chrisma quoddam ex oleo & balsamo confectum, & ridiculis quibusdam ritibus ab hominibus excogitatis consecratum, frontibus catechumenorum illinunt, in formam crucis, cum hac verborum pronuntiatione: *Consigno te signo*

*Qualis sit
pontificio-
rum Cōfir-
matio?*

*An sit Sa-
cramentū
Novi Te-
stamenti?*

sancta crucis, & confirmate chrismate salutis in nomine patris, & Filij, & Spiritus Sancti: & frontem ita illitam fascia obligant: quam ceremoniam vocant Confirmationem. Nusquam enim Christus talem ceremoniam Ecclesie præscripsit, neque ullum ejus exemplum in historia sacra dari potest. Sed tota hæc cum istius chrismatis consecratio, tum actio ludicra, inane est hominum superstitionum commentum, superstitionis, idololatricis, & magicis abusibus plenum, quo Satan Baptismum à Christo institutum, & genuinam puerorum catechizationem effectus suo spoliare conatur.

V.

*An virtutem habeat
spirituale
gratiam
conferendi?*

Quare huic ludicro hominum invento tribuere efficaciam peccata remittendi, & multò majorem gratiam spirituales, quàm quæ per Baptismum obsignetur, conferendi: adeò ut Spiritus Sanctus in Baptismo tantum detur ad innocentiam, in hoc verò ritu ad gratiæ augmentum: in Baptismo tantum regeneremur, in hoc ritu ad pugnam contra Diaboli insultus singulari fortitudine ac robore instruamur; atque ut denique Baptismus sine hoc ritu perfici non possit: non tantum Scripturæ incognitum, & contrarium est, sed etiam blasphemum atque idololatricum, quia divinæ & propriæ Spiritus Sancti operationes ceremoniæ humanitus excogitatæ attribuntur, quod sine atroci Spiritus Sancti injuria, & sine manifesta idololatria, aut grandi sacrilegio fieri non potest.

VI.

Hanc Confirmationis Ceremoniam cum Pontifici)

tificij inter Novi Testamenti Sacramenta numerent, mirum est cur Presbyteros suos in verbo etiam laborantes, ab ejus administratione arceant, eamque solis Episcopis, qui ita vulgò vocantur, concedant. Deus enim omnibus, quibus verbi sui prædicationem commisit, iisdem etiam etiam Sigillorum verbi administrationem concedidit. Quare nullam etiam potest esse Sacramentum Verbi prædicationi annexum, quod quilibet Verbi Minister legitime ad prædicandum vocatus non possit administrare.

*A quo sit
admini-
stranda?*

DISPUTAT. XLVII.

De Cæna Domini.

THESIS I.

COENA DOMINICA est alterum Novi Testamenti Sacramentum à Domino nostro Iesu Christo in locum epuli Paschalis institutum, atque ad finem usque mundi imperatum, ac sæpius repetendum, quo panis & vinum à Ministro Evangelij, cum solemnibus benedictione ac gratiarum actione, adultis & Baptizatis fidelibus, ore & vita fidem ac poenitentiam publicè profitentibus, in cœtu congregatis distribuitur, ad Christi omniumque ejus beneficiorum communionem, ejusdemque continuationem illis significandam, atque obsequendam: ipsique porrectum panem & vinum,

*Quid sit
Cæna Do-
mini?*

sumentes,

sumentes, & panem manducantes, ac vinum bibentes, ad fidem & gratitudinem erga Deum, & ad fraternam ac mutuam dilectionem atque unionem se vicissim obstringunt.

II.

Qua elementa in Cena sint usurpanda?

An necessarium panis azymus sit usurpandum?

an mala affectatio?

An Vinum sit aqua diluendum?

In hujus Sacramenti natura & legitimo usu duo etiam precipue considerata veniunt: Externa elementa, seu symbola à Christo praescripta, & Ceremoniae seu actiones externae circa illa elementa usurpandae. *Elementa* externa duo sunt, *Panis* & *Vinum*, quae respondent cibo & potui, quibus corpora nostra sustentantur, tanquam Symbola alimoniae nostrae spiritualis. *Panis*, quo Christus in prima Coenae institutione usus est, quamvis azymus fuerit propter accidentariam temporis illius circumstantiam, quia per eos dies secundum Dei legem omne fermentum erat abolitum, nec fermentato pane vesci licebat, non tamen nos Christus panis azymus praecise alligavit, aut eo tantum utendi necessitatem imposuit. Ac proinde adiaphorum est sive cum Graecis fermentato, sive cum Latinis azymis pane utamur, modo absit Iudaea & excommunicationis, & necessitatis opinio. Praestare autem ut usitato & communi pane eoque non tenui & minutulo, qualem Pontificia superstitio tandem produxit, sed grandiusculo, qui multorum de viuo panis participatione unitatem Ecclesiae adumbrare possit, in Coenâ utamur, ratio analogiae docet. *Vinum*, seu germen vitis, purum potius propter analogiam, quam aqua mixtum aut dilutum est usurpandum. Quamvis & hoc adiaphorum atque in Ecclesiae libertate positum fateamur: praesertim in regionibus in quibus

bus vinæ crescunt fortia, quæ ut in communi potu aqua diluuntur, ita non illicitum planè est in usu Cœnæ eodem modo diluere, si valetudinis aut ædificationis ratio requirat. Mixtionem verò ut quæ cum vino, ut traditionem Apostolicam, necessario observandam, discretè inficiamur. In locis autem, ubi vinum planè nullum haberi potest, licebit hoc necessitatis & penuriae casu, loco vini alium aliquem potum vino maxime analogum & in illis locis vini loco usitatum substituere.

III.

Ceremoniæ, seu actiones externæ, quæ circa hæc duò elementa ex institutione Christi sunt usurpandæ, duplices sunt: Aliæ sunt Actiones Ministrorum hoc Sacramentum administrantis: aliæ fidelium seu conviviarum Domini; hæc Cœnam usurpantium. Actiones Ministrorum potissimæ sunt hæc tres: Symbolorum Consecratio, eorundè Distributio, & post distributionem assumptionem solennis gratiarum Actio. Symbola hæc externa, ut in omnibus etiam alijs Sacramentis, non debeant populo distribui, nisi prius à communi pane & vino, quod ad usum & finem, segregata, & sancto huic viui quasi consecrata. Hæc consecratio fieri debet, non submissis aliquo murmure, sed clara atque à populo intelligibili voce, qua mors Christi annuncietur, & populus de vero scutu & recto usu Cœnæ edoceatur. Neq; vis Consecrationis sita est in recitatione quinquè horum verborum, *Hæc est enim corpus meum*. Est enim planè magicum verborum syllabis occultam aliquam vim ascribere. Neque Christi ipsi omnem verbis in Consecratione usus fuit. Sed fieri debet

Quæ ceremoniæ, seu actiones circa hæc elementa usurpandæ? Quæ Ministrorum? Consecrationis quis sit modus?

An fieri debeat submissis murmuribus? An fiat per quicunque verbi: Hæc est enim corpus meum?

hæc

hæc consecratio recitatione atque explicatione verbi tum Institutionis, tum Promissionis, & invocatione nominis divini, cum gratiarum actione.

IV.

*Qua sit vis
Consecra-
tionis?*

*An per
consecra-
tionem Panis
transub-
stantietur
in Corpus
Christi?*

Hæc Consecratione usus quidem naturalis & communis horum Symbolorum in supernatura-lem & sanctum commutatur, sed eorum sub-stantiæ virtute verborum consecratoriorum in substantiam rei signatæ per *mutuas*, seu *Transubstantiationem* nequaquam permutantur. Magicum enim est pronuntiationi certorum verbo-rum ejusmodi vim divinam ascribere. Et quo-modo fieri potest ut aliquid mutetur in substan-tiam ipsam rei alicujus jam præexistentis, qua-lis est Corpus Christi? Substantia aquæ potuit mutari in vinum, sed non quod jam præexiste-bat, sed quod per hanc mutationem demum pro-ducebatur. Quomodo etiam potest manere Sa-cramentum, si substantia Signi in substantiam Rei signatæ convertitur? Natura enim Sacra-mentorum omnium requirit, ut utrâque re con-sistat, non tantum cœlesti, sed & terrenâ, non tantum Signato, sed & Signo, quod rem signa-tam nec repræsentare nec obsignare potest, si substantia ejus sit abolita. Quinetiam ipse sen-sus communis docet talem transubstantiationem nunquam fieri. Quantitas enim, figura, color, sapor, & reliqua panis & vini accidentia etiam post consecrationem sensibus externis eviden-tissimè percipiuntur: atque hæc accidentia sine proprio subjecto non posse existere, docet na-tura accidentium, quorum esse est inesse, seu in

subjecto

subjecto herere. Possunt etiam signa illa in seipsis corrumpi, vermiculos generare, à muribus arrodi & devorari, quæ corpori Christi jam glorificato attribui nequaquam possunt. Quare etiam ipsa Scriptura diserte testatur in Cœna etiam post consecrationem non corpus Christi, sed panem, frangi & distribui, & fideles non de corpore Christi, sed de pane, ore corporis edere. Panis itaque & vinum etiam post consecrationem seu benedictionem in verâ suâ ac propriâ substantiâ permanent: ac proinde dogma Transubstantiationis papisticæ non tantum falsum, sed etiam monstruosum est, naturæ communi, & rei, atque ipsi Sacrae Scripturae directè contrarium, & sibi ipsi multis modis contradictorium. Atque hinc patet verba ista Christi: *Hoc est corpus meum*: cum in ijs disparata, qualia sunt panis & corpus Christi, de disparatis prædicentur, quod propriè fieri nunquam potest, non esse propriè *etiam si parè* intelligenda, sed per metonymiam, quâ signo nomen rei signatæ tribuitur: quæ phraseologia de Sacramentis in Sacra Scripturâ est vñtatissima.

V.

Figmento hoc Transubstantiationis sublato, sponte sua etiam corruunt cætera Pontificiorum monstruosa dogmata de Corporis Christi in Cœna Præsentia, & orali manducatione. Quid Deus per absolutam potentiam hic possit facere non opus est ut disputemus, cum apertissimè & libentissimè agnoscamus Deum omnia posse facere quæcunque vult facere. Quæcunque verò non potest velle, qualia sunt contradictoria &

naturæ

*Verba illa:
Hoc est corpus
meum
an sint
propriè in-
telligenda?
b ad ver-
bum.*

*An Corpus
Christi in
Cœnâ sem-
per et ubi-
que possit
esse præ-
sens?*

naturæ ejus contraria, ea etiam non potest facere. Constat itaque prius de Dei voluntate, & de ejus potentia non litigabimus. Sunt autem manifestè contradictoria, vnum numero corpus posse esse eodem tempore in multis locis simul, sine corporum multiplicatione: posse esse vnum & multa: posse esse sursum & deorsum: ab eodem loco remotum & non remotum: aut corpora posse se invicem penetrare. Est enim corpus omne necessariò circumscriptum & à seipso indivisum, eoque divisus ac discontinuus locis simul adesse non potest: neque corporis natura existere aut cogitari potest sine quantitate dimensionis & partium extensione, quæ absque circumscriptiva & locali præsentia non potest intelligi: vt neque hæc absque loci adæquati occupatione. Deus itaque salva veritate & ordinatione sua neq; velle, ac proinde neque facere potest, vt vnum idemque Iesu Christi corpus, quod verè humanum & finitum est, & in æternum manet, vno & eodem tempore in omnibus illis locis vbi Cœna celebratur, realiter & corporaliter adsit. Ac propterea cum Christus etiam corpore suo, secundum quod nobis quoque per omnia, quod ad veritatem naturæ attinet, similis est, & manet, verè mundum reliquerit, & localiter in cœlum ascenderit, atque eo contineri ipsum oporteat vsque ad temporis restitutionis omnium, sequitur corpus ejus ibi in cœlo, non autem in Cœnâ hîc in terrâ esse præsens, ac proinde etiam oraliter à communicantibus non manducari. Ipse enim Christus disertè nos docuit corporalem ejus in terris præsentiam nobis non esse vtilem, & oralem carnis suæ manducationem ad salutem non prodesse.

*An et
quatenus
Corpus
Christi
sit præ
sens in
Cœna?*

prodesse, sed carnem suam esse cibum cœlestem, non ventris sed animæ: nostramque cum ipso communionem planè esse spiritualement: ipsumque non per corpus suum in corporibus nostris, sed per Spiritum suum, & per fidem in cordibus nostris habitare. Quare spiritualement, mysticam, & efficacem Christi in Cœna præsentiam statuimus, & libenter agnoscimus, corporalem verò præsentiam & manducationem corporis Christi in Cœnâ ut impossibilem, absurdam, inutilem, falsum, Christo ignominiosam, & verbo Dei contrariam merito damnamus & rejicimus. Ex his etiam manifestè apparet infideles & hypocritas, etsi aliquando panem Dominicum fidelibus comedant, nunquam tamen panem Dominum, seu ipsum Christi corpus manducare. Omnis enim manducatio carnis Christi spiritualis est, & per solam fidem fit, quacumque isti careant, & in tenebris ambulent, nullam cum Christo communionem habere possunt:

VI.

Consecratum panem & vinum Minister non debet solus comedere & bibere, sed debet panem frangere, & non nisi fractum fidelibus congregatis edendum distribuere, & vinum in poculum effusum bibendum tradere. Ac proinde etiam Cœna semper in conventibus fidelium administrari debet. Christus enim expressè instituit ac mandavit, ut omnes accipiant, edant, & bibant, & poculum sibi ipsis partiantur. Et constat manifestissimè Apostolos non solos, sed vix cum fidelibus, in eorum congregationibus panem fregisse, cum in finem eos in vnum convenisse, &

An infideles & hypocritæ suam carnem manducant corpus Christi?

Quomodo panis & vinum distribui debeant?

*An privata
Missæ sint
licitæ?*

*An ægrotis
privatim
Cœna possit
admini-
strari?*

*Quomodo
gratiarum
actio debeat
institui?*

*c gratia-
rum actio.*

multos fuisse, qui omnes ex vno pane participa-
runt. Quare evidens institutionis divinæ profa-
natio est, cum sacrificuli Pontificij soli cum pue-
ro in aliquo angulo Missas celebrant, & cum
soli de pane edunt, & de poculo bibunt, populo
vel absente, vel otiosè assistente, aut humi provo-
luto, & tantum inspectante. Ad ægrotos autem
& clinicos, qui per valetudinem cœtui fidelium
interesse non possunt, panem & vinum eucharis-
ticum transmittere, ut privatim Cœnam partici-
pent, etsi olim non fuerit institutum, abusus ta-
men est institutionis divinæ, cui potius paren-
dum, quàm infirmitati humanæ indulgendum.
Etsi non diffiteamur, si necessitas postulat etiam
in privatis ædibus, & in communicantium cœ-
tu exiguo, Cœnam Dominicam administrari
posse. Post distributionem Ministri & perceptio-
nem fidelium, debet Minister suo & Ecclesiæ no-
mine sacram hanc actionem solenni ad Deum
gratiarum actione finire, quæ ita necessaria est
in legitimâ Cœnæ Dominicæ celebratione, ut
ab eâ, tanquam parte aliqua principali & nun-
quam omittenda cœnæ rectè nominetur.

DISP.

DISPUTAT. XLVIII.

De Cœna Dominica recto
vfu, & Effectis,
ET*De Communicatione sub utrâ-
que specie.*

THESIS I.

COENÂ Dominica non tantum à Ministris legitimè debet administrari, sed etiam à Fidelibus communicantibus debitè & legitimè usurpari. Quod ut fiat duo sunt illis præcipuè observanda. Primum est ut sese debitè ad Cœnæ communionem prius præparent. Alterum, ut legitimè signa externa participant. Præparatio aut est interna, aut externa. Interna consistit potissimum in sui ipsius probatione atque exploratione, an sit in fide, an peccata seriò displiceant & doleant, & an firmum habeat propositum vitam emendandi, & secundum Dei voluntatem instituendi: In peccatorum coram Deo confessione; & in nostræ indignitatis & Christi mortis ac beneficiorum attentâ meditatione. Hæc imprimis requiritur, & sine illa panis manducari, aut poculum bibi dignè non potest. Neque enim Sacramenta sine fide & bono utentis motu usurpata, ex solo opere operato profunt, sed obsunt

*Quid requiratur
in communicantibus?**Quomodo
fideles ad
vsum Cœ-
næ se debe-
ant præpa-
rare?*

An Confessio auricularis vsum Cœnæ semper debeat precedere?

An Cœna necessario à jejuniis sit vsurpanda?

2 1. Cor.

11. 34.

Quomodo cœnam debeant participare?

potius. Externa præparatio consistit in reconciliatione cum proximo, & confessione delictorum, si contentio aliqua cum proximo inciderit, aut scandalum admissum fuerit: in concionis præparatoriæ seriâ auscultatione, & in precatione pro remissione peccatorum, & pro digno cœnæ usu. Non est autem necessarium, ut fideles ante communionem omnia sua peccata in aurem Ministri confiteantur, atque ab eo absolutionem ab illis obtineant. Nusquam enim hoc in Scriptura præcipitur, aut Apostolorum tempore vsitatum legitur. Non enim improbandum, ut fideles jejuni accedant ad Cœnam Domini, sed illud præcisè ad legitimam cœnæ participationem necessarium esse negamus. Est enim res planè adia-phora, quæ & fieri & omitti potest, pro ratione temporis & valetudinis: & Apostolus disertè consultit ac concedit, ut si quis esurit, a domo edat, antequam ad communionem cœnæ accedat.

II.

Externa signa fideles ut in Cœnâ legitime participant, debent adhibere omnes illas ceremonias seu actiones quas Christus illis præscripsit. Consistunt autem illæ potissimum in eo, ut panem fractum & distributum à Ministro, manu accipiant, & ore non degluciant, sed manducent. & poculum distributum accipiant, ac vinum in poculo effusum bibant. Non autem debent panem vino intinctum, atque ita cum vino conjunctim sumere. sed utrumque & panem & vinum seorsim. Neque solum panem debent edere, & à poculo abstinere, sed utrumque elementum simul ex institutione & mandato Christi participare.

Has ceremonias cum peragunt, non debent necessariò in genua procumbere, sed liberum est atque adiutorium, sive stando, sive procumbendo, sive accumbendo, sive assidendo de pane edant, & de poculo bibant. Præstat tamen ut ille situs corporis servetur, propter analogiam, qui secundum regionum & populorum consuetudinem in cœnis vulgaribus vilitatus est, aut ædificationi quàm maximè accommodatus. Neque institutum fuit hoc Sacramentum, ut tantum semel quotannis à fidelibus perciperetur, sed ut frequenti hujus Symboli usu memoria passionis & mortis Christi repeteretur, atque ita fideles sæpius in fide roborentur, & ad mutuam charitatem excitentur atque obstringantur. Quod enim Pontificij semel tantum in anno, tempore Paschatis, communicant, & in reliquum anni tempus quasi pulchrè defuncti in utramque aurem securi dormiunt, consuetudo est superstitiosa, fidei & pietati noxia, contra Christi institutionem, & Apostolicæ ac primitivæ Ecclesiæ praxin introducta.

II.

Imprimis autem in legitimo Cœnæ usu fidelibus est observandum, ut non tantum de Pane edant, sed etiam de poculo bibant. Christus enim, ut non sine gravi ratione geminum elementum panem & vinum, ut alimoniam nostræ spiritualis symbola in Cœnâ instituit, ita etiam Discipulis & reliquis fidelibus omnibus expressè mandavit utrumque usurpare, & non tantum de Pane edere, sed etiam de poculo bibere. Ex quo mandato divino cum fideles utrumque elementum integrè percipere debeant, sequitur omnibus fidelibus

Quo situ corporis?

An Laici tantum semel in anno debeant communicare?

An Laici etiam communicare debeant sub utraque specie Panis & Vini?

b Mat. 26. 27.

utrumque etiam integrè à Ministris ex institutione Dei administrandum. Ac proinde Pontificij cum vsum Calicis tantùm Clericis, vt vocant, consecrantibus concedunt, atque cum reliquis fidelibus, quos vocant Laicos, etipiunt, eosque ab eo arcant, atque abstinere jubent, sacrilegà audaciâ separant quæ Deus coniunxit, Cœnam Dominicam mutilant, & Testamentum Iesu Christi corrumpunt, contra expressum Christi institutum & mandatum, & Ecclesiæ Apostolicę atque etiam primitivæ per mille annos, & amplius, constantissimam praxin. Aded vt manifestissimum Antichristianismi indicium conspiciatur in horrendo illo Concilij Constantiensis decreto, in quo maiore nescias cum impietate an cum impudentiâ disertè dicitur: *Licet Christus suū Discipulus administraverit sub utraque specie Panis & Vini venerabile hoc Sacramentum, etc. & licet in primitiva Ecclesia huiusmodi Sacramentum recuperetur à fidelibus sub utraque specie, tamen Hoc Non Obstante Concilium sacrum Generale Constantiense, etc. declarat, decernit, & definit, Eucharistiam tantummodo sub specie Panis suscipiendam.*

IV.

Neque huic sacrilego decreto palliando quicquam serviunt rationes illæ frivolæ, quæ cum in finem à Pontificijs adducuntur. Cum enim Panis in ipsum corpus Christi post consecrationem nequaquam transubstantietur, vt superiori disputatione vidimus, ineptissimum est commentum, quod de quadam *Concomitantia* nungantur, per quam & sanguis Christi etiam in Pane sit jam transubstantiatio, vt pote cum Christo

corpus

Seff. 13.
Can. 4.

*An sanguis
Christi etiam
sit sub
pane per
concomi-
tantiam?*

corpus exangue non possit attribui, neque sanguis à Christi corpore divelli. Nam panis & vinum quia tantum signa corporis & sanguinis Christi sunt & manent, non sequitur rem signatam dividi aut divelli cum sub duobus diversis signis diversæ & tamen conjunctæ rei signatæ partes significantur: aut unico signo omnes rei signatæ partes designari posse, cum Christo institutori visum fuerit gravissimas ob causas, confirmandæ fidei nostræ, corpus suum à sanguine & verbis & signis distinguere, ut doceat se ad potum spiritualem non minus quam ad cibum sufficere. Neque etiam vlla sunt pericula aut incommoda, quæ ex usu Poculi Laicis concessio metuenda sint: hæc enim à Christo olim factis fuissent prævisa, neque tanti sunt momenti, ut propter ista violari divina instituto debeat: immò nullius sunt momenti, cum pleraque propter vanissimum Transubstantiationis vini in sanguinem Christi figmentum frustra metuantur.

V.

Legitimus Cenæ Dominicæ usus magnam quidem habet in animis fidelium efficaciam, sed non istam, ut ex opere operato animæ ventis peculiarem gratiam infundat, qua à peccatis præservetur, & charitas in eo augeatur: multò minus ut corporis sanitatem conferat & tueatur, ut annonæ proventum & matrimonium secundet, ut foelicem navigationem, venationem, aut prælij eventum procuret, tempestates sedet, incendia restinguat, ianocentiam in judicio forensi contestetur, aut animas ex purgatorio liberet: hæc enim sunt vana hominum figmenta, quibus for-

*Qua sint
effecta Ce-
næ Domi-
nicæ?*

*An ele-
ta extra
vsum ma-
neant Sa-
cramenta,
aut ali-
quam effi-
caciā
habeant?*

cus Cœnæ abusus committitur, & signum illud in Idolum apertè transformatur: ac propterea cum in finem etiam cœnæ neque administranda, neque usurpanda est. Præcipuus autem Cœnæ Dominicæ effectus est, quod fidelibus in legitimo ejus usu mortis Christi memoriam celebrantibus gratia Dei de remissione peccatorum efficaciter obsequetur, atque ipsi ad gratitudinem erga Deum, & charitatem erga proximum efficacius excitentur, atque obstringantur. Signa verò seu elementa externa extra vsum communionis nullam planè habent efficaciam spiritualement, aut Sacramenti rationem, cum eo usu tantum à reliquis vulgaribus elementis distinguantur. Quare panis Eucharisticus, qui post communionem superstes manet, neque ad eam adhibetur, non est in capsulis aut ciborijs, tanquam Sacramentum corporis Christi, reponendus, sed pro pane iterum vulgari habendus: cui propterea nulla major, quam vulgari pani, efficacia aut sanctitas est ascribenda. Quod autem Pontificij consecratum panem in ciborijs ad cultum & theatricam pompam reponant, superstitio est ab Ethnicis profecta, & absurdissimo Transubstantiationis figmento superstructa.

VI.

*An Panis
Euchari-
sticum ad-
vari de-
beat?*

Sacramentum hoc Corporis & Sanguinis Domini à fidelibus magnà cum religione & reverentiâ tractandum, atque usurpandum esse agnoscimus & docemus: sed cum honos adorationis soli Deo competat, & sine manifestâ Idololatriâ ad creaturas transferri non potest, patet Panem Eucharisticum, cum ejus substantia in usu Cœnæ non

mutatur,

mutetur, sine idololatriâ adorari non posse. Neque etiam Christus hunc panem adorari, sed tantum frangi, distribui, & manducari præcepit. Quare Pontificij cum hunc panem genibus flexis, & cultu *anapneias* seu merè divino, pro Christo, Deo, & Servatore suo palam adorant, horribilem & crassissimam hæc *anapneias* committunt Idololatriâ: quæ tam sœda & crassa est, ut nunquam apud ullos Ethnicos similis visa fuerit. Quamvis enim crassissima sæpius apud multas barbaras gentes Idololatria conspecta atque admissa fuerit, nunquam tamen apud vllas gentes quantumvis maximè barbaras, & densissimis tenebris mentem offuscata habentes, tanta stupiditas fuit reperta, ut illud, quod comederent, adorarent. Ac propterea etiam abominandum est illud Festum, quod vocant Corporis Christi, à Pontifice Romano Urbano Quarto stabienda: huic Idololatriæ ante ducentos circiter annos institutum: in quo crustulum Panis tanquam Numen aliquod cum magno apparatu, & pompâ theatricâ planè ethnicâ, in publicis Processionibus per compita circumgestatur, & populo attonitus animis inspectandum, & flexis genibus, ac prono corpore adorandum publicè ostentatur.

*c panis a-
doratione.*

DISPUT. XLIX.

De Missa.

THESIS I.

Alterum hoc Novi Testamenti Sacramentum, nutritionis spiritualis & con-

*An Cena
Domini*

tinuationis

rectè appel-
letur *Miss-*
sa?

a 1. Cor.

10. 11.

b 1. Cor.

10. 21.

c Act. 2.

41.

Quid Missa
significet,
et unde
nomen ha-
beat?

tinuationis fœderis gratiæ Symbolum, in Sacra Scripturâ vocatur *a dñm augmētis, b rēgimēta nupia, c ad dñm nū aptu*, aliisque nominibꝫ, sed nusquam ei nomen aliquod tribuitur, quod aliquam cum voce *Missæ* affinitatem habet, aut quod per Latinam *Missæ* vocem, siue propriè, siue etiam barbarè acceptam, reddi possit. Nec ipsi Pontificij certam hujus vocabuli etymologiam hæctenus assignare potuerunt: alijs vocem esse Hebræam contendentibus, alijs Latinam, quod probabilius est & verius. Horum iterum alij putant ita dictam à missione oblationum & precum ad Deum, alij à missione Angeli, qui afficit sacrificio, alij à missione donatorum & eleemosynarum, alij à missione seu dimissione populi, aut catechumenorum. Quicquid sit, ut vox nova est & barbara, quâ Cœna Domini commodè exprimi non potest, ita etiam rem novam, absurdam, barbaram, & idololatricam Pontificij per eam designant, quæ à Cœnâ Domini ut nomine, sic & re, quam maximè differt. Patres Latini, si qui hac voce barbarè vsi fuerunt, eaque fortè nonnulli Cœnam Dominicam designare voluerunt, non tamen inde colligitur, ubicunque vox *Missæ* apud istos occurrit, ibi per eam designari totam illam actionem histrionicam & ludicram, quæ postea à Pontificibus Romanis extra Dei verbum excogitata, & diversis temporibus interpolata, hodie à Pontificijs peragitur, & *Missæ* nomine insignitur.

II.

An in N.
Test. sint

Sacrificia externa propriè dicta, item Sacerdotes, & Altaria cum in Vet. Testam. typi fue-

runt

rine rerum à Christo in cruce peragendarum, quæ à Christo jam perfectissimè peractæ & impletæ sunt, cum reliquis Vet. Testam. umbris omninò sunt abrogata: neque hodie in N. Testam. retineri possunt sine insigni Christi contumelia, manifestâ Christianismi abnegatione, & apertâ Iudaismi professione. Vnicus enim N. Testamenti Sacerdos Dominus noster Iesus Christus, qui semel in altari Crucis Seipsum Victimam obtulit piacularem, atque hoc unico Sacrificio propitiatorio in perpetuum consecravit eos, qui sanctificantur: quo in terris semel peracto, æternam redemptionem nactus nunc non amplius in terris, sed in cœlis, in sacrario non manufacto, munus suum Sacerdotale porro exequitur. Neque Christus in munere Sacerdotali aut socio aut successore opus habet sed hoc munus ipsi soli fuit impositum, solus fuit ad hoc idoneus, solus huic suffecit, & solus ut fidelissimè ita & perfectissimè exequutus est, in terris Sacrificium pro expiatione omnium peccatorum sufficientissimum offerendo, atque etiam nunc exequitur in cœlis pro nobis intercedendo. Quare sacrilegum est proprium hunc Christi honorem, & propriam hanc Sacrificij ejus unici efficaciam alijs personis aut actionibus attribuerè. Ac proinde patet in Novo Testamento nullos alios esse Sacerdotes propriè dictos præter solum Iesum Christum, neque alia esse sacrificia propitiatoria externa, præter unicum ejus semel in cruce oblatum. Sacerdotes itaque Missifici, cum se propterea Sacerdotes vocant, quod verum, proprium, visibile, externum Sacrificium propitiatorium pro peccatis vivorum & mortuo-

*externa
Sacrificia
propitiato-
ria, & Sa-
cerdotes
propriè
dicti?*

*a Heb. 10.
14.*

b propitiatorium.

c 1. Pet. 2.
9.
d Apoc. 1, 6

An et quatenus Cœna Domini Sacrificium appellari possit?
e gratiarum actio.

f redemptionis precium.
An Missa sit sacrificium propitiatorium?

rum offerant, sacrilegâ audaciâ atque impudentiâ proprium & sanctissimum Iesu Christi munus adserapiunt. Nec tamen propterea Religio Christiana est sine Sacrificijs aut Sacerdotibus. Habemus enim præstantissimum illud æterni vigoris Sacrificium Christi b *actio*: omnesque fideles quotidie spirituales hostias Deo offerunt acceptas per Iesum Christum. Habemus etiam ipsum Dei Filium unicum Novi Testamenti Sacerdotem, qui in æternum manet, & perpetuum habet sacerdotium: & qui fideles omnes & singulos fecit e regale sacerdotium, seu d Reges & Sacerdotes Deo Patri suo.

III.

In legitimo itaque Cœnæ usu agnoscimus quidem unici illius Christi Sacrificij *actio* solennem commemorationem, representationem, & oblationem institut, & à fidelibus communicantibus pro redemptionis beneficio Sacrificium e *actio* Deo offerri, atque ob hanc causam à Patribus nonnullis Cœnam aliquando Sacrificium non omnino incommode, etsi valdè improprie, fuisse appellatam: sed Cœnam ipsam verè esse & proprie appellari posse externum Sacrificium propitiatorium planè negamus. Sacramentum enim cum sit, Sacrificium esse non potest, cum per Sacrificium propitiatorium Deo f *actio* pro peccatis offeratur, & per Sacramentum remissio peccatorum à Deo accepta obfigneatur: ac proinde inter utrumque tantum sit discrimen, quantum inter dare & accipere. Actio autem illa ludicra atque idololatrica, quæ in Papatu à Sacrifico aliquo vertice raso, vestibus supersti-

tiolis

tiolis induto, accensis cereis, varijs gestibus, & ridiculis gesticulationibus, demurmurationibus, & cantillationibus, ad altare, circa crustulum panis peragitur, populo interea vel absente, vel actionem hanc solummodò inspectante, & crustulum illud tanquam Nunien adorante, in quam actionem Cœnæ dominicæ celebrationem impiè transformarunt, eamque barbaro vocabulo Missam vocant, multò minus propitiatorium N. T. Sacrificium appellari potest. Idololatrium enim hominum superstitiosorum inventum, quomodo potest esse Deo gratum Sacrificium? Cum Christus semel vnicâ oblatione nos Deo plenissimè reconciliaverit, quid necesse est, ut sæpius & quotidie offeratur eum in finem novum sacrificium? Et cum actio hæc sit incruenta, quomodo potest esse sacrificium propitiatorium, cum sine violentâ sanguinis effusione nulla peccatorum remissio, ac proinde nulla propitiatio esse possit? Quare cum Pontificij asserunt Missam suam esse sacrificium verè expiatorium, ejusdem cum sacrificio Christi in cruce peracti efficaciar, quo ipse Filius Dei per Sacerdotem sub accidentibus panis & vini vere & propriè offeratur pro expiandis vivorum & mortuorum peccatis, adversus vnicum Sacerdotem nostrum Iesum Christum, & perfectissimū ejus Sacrificium *in cruce*, quo vnicò semel pro nobis in cruce oblato cum effusione sanguinis, nos Deo plenissimè reconciliavit, horribilis committitur blasphemia, intolerabilis contumelia, & abominandum sacrilegium. Adeò ut Missa hæc Pontificia revera nihil aliud sit quam aperta vnicui Christi Sacrificij abnegatio, & multiplex Cœnæ Dominicæ depravatio ac profanatio, con-

juncta

juncta cum manifestâ idololatria: ac proinde ab omnibus pijs & veris Christianis, quibus honor Dei & Domini nostri Iesu Christi cordi est, quique Deum purâ cum conscientia sincere colere student, toto pectore sit execranda, & modis omnibus vitanda, ita sollicitè, ut non tantùm ab ipsa Missificatione abstineant, sed ne etiam vel per præsentiam suam, aut aliam assensus significationem, tam gravium scelerum se reos faciant.

IV.

*An Missa
habeat ef-
ficaciam
impetrandi
bona, &
avertendi
mala?
§ propitia-
torem.*

Nec sufficit Pontificijs commentitio huic sacrificio suo blasphemè attribuerè vim *g idapud* peccata vivorum & mortuorum expiandi, sed ut blasphemiarum cumulum augeant, ascribunt etiam huic ludicræ & verè scenicæ actioni mirabilem ac planè divinam efficaciam, ex opere operato varia & insignia beneficia, atque adeo omnia bona, quæ vel ad animæ sanctitatem ac salutem, vel ad corporis sanitatem, vel ad foelicem rerum in Ecclesiâ, politiâ, æconomiâ, bello, itinere, venatione, aut mercaturâ gerendarum successum hominibus sunt necessaria, impetrandi & conferendi: & omnis generis mala, tam publica quam privata, avertendi atque averruncandi. Quinetiam hanc Missificationem tantæ esse virtutis fabulantur, Deoque ita gratam, & hominibus utilem ac necessariam, ut nisi Missa hæc quotidie celebraretur, mundus hic singulis momentis rueret, & in antiquum chaos verteretur. Sed hæc sunt vanissima supersticiosarum mentium somnia & commenta, quibus hanc Thaidem suam Pontificij exornare, & amassis commendare student, non tantùm extrâ, sed

etiam

etiam directè contra Dei verbum confecta, quibus Deo suus honos sacrilegè eripitur; & ad nugamenta hominū blasphemè transfertur, hominesque stultè creduli ad hanc Idololatriam pelluntur, & miserè & fœdè decipiuntur.

V.

Ejusdem farinæ sunt omnes illæ Ceremoniæ quibus hæc Missæ sacra constant & peraguntur. Multiformes enim illi theatri, & ridiculi gestus, vestes Missaticæ, demurmurationes, cantillationes, & similia nugamenta non sunt ex institutione divinâ, quæ nobis sufficere debet, sed ex inventione & ordinatione variorum superstitionum Paparum, qui extra Dei verbum diversis temporibus hæc Ceremonias excogitarunt, & ex ijs paulatim confarcinatis tandem idolum hoc construxerunt. Neque excusat, quod singulæ hæc ceremoniæ commodam aliquam habeant analogiam ac significationem: sub isto enim prætextu infinitam Ceremoniarum multitudinem in Ecclesiam quis possit invehere. Nulli verò mortalium licet Ecclesiæ ullam ceremoniam præscribere, quæ sit N. Testamenti Sacramentum, & gratiæ Evangelicæ signum ac sigillum, sed solius Christi est, ut gratiam illam promittere verbo, ita & obsequare ijs signis, quæ illi idonea & sufficientia videntur. Quæ autem ille sufficientia iudicavit, debent etiam sufficere Ecclesiæ, quæ potestatem non habet Christi institutionem aut mutandi aut interpolandi, sed eam sequi atque integram servare tenetur. Cœna Domini non tacitis demurmurationibus, sed clarâ verborum, tum institutionis tum promissionis,

*Quid sit
sentiendū
de Missæ
Ceremoniis?*

*An Cœna
Domini
clarâ vo-*

pronun-

*ce, & lin-
guâ popu-
lo cognitâ
celebrari
debeat?*

pronuntiatione, & declaratione, & mortis Domini-
cæ commemoratione administrari ex Christi
institutione debet. Idque fieri postulat ædificatio
in linguâ populo cognitâ, qui de recto Cœnæ
vfu erudiri debet, quod linguâ incognitâ fieri ne-
quit. Nec vera in animis hominum reverentia,
sed pecunius potius stupor excitatur, cum linguâ
populo incognitâ sacra peraguntur.

VI.

*Quid sit
sentien-
dum de Ca-
none Mis-
sa?*

Horribilis autem ille Canon, quem Sacrifi-
culi inter Missificandum superstitiosissimo cum
silentio, horrore, & metu legunt, etsi quasdam
Psalmorum, Evangeliorum, & Epistolarum
particulas, sed malè collectas, & preculas etiam
aliquas non planè contemnendas contineat, pas-
sim tamen idololatricis, & blasphemis precibus,
gravibus atque abominandis erroribus, & mani-
festis contradictionibus est refectissimus. Non
est itaque Canon hic Apostolicæ institutionis,
neque sacrosanctus, aut cum Scripturis Sacris
comparandus, sed diversis temporibus à supersti-
tiosis Papis Romanis confusus & inustatim con-
sarcinatus. Atque hinc apparet omnes ferè par-
tes, ex quibus Missa hæc tandem conflata est,
blasphema esse atque idololatrica hominum su-
perstitiosorum inventa, ab institutione Christi
non tantùm aliena, sed illi etiam directè con-
traria: adeò ut Missa hæc Papalis, quemadmo-
dum nomine, sic etiam re cum Cœnâ Dominicâ
nihil commune habeat.

DISP.

DISPUT. L.

De Pœnitentia.

THESIS I.

VOX Hebræa *Teshubah*, id est, conversio, Græcè dicitur *πιστήριον*, quæ vox Latine *Resipiscencia* rectius quam *Pœnitentia* transfertur, siue vocum etymologiam siue earum vsum spectemus. *Resipiscencia* enim semper significat emendationem mentis: vox autem *Pœnitentia* aliquando etiam in vitio ponitur. Sed de vocabulis non velimus cum Pontificijs contendere, si de ipsa re conveniret, & si voce Pœnitentiæ illi ad stabiliendas pro admissis peccatis, per opera pœnalia Satisfactiones humanas, & ad fabricandum aliquod fictitium Sacramentum, non abuterentur.

II.

Pœnitentia, seu potius *Resipiscencia*, est actus hominis per Spiritum Sanctum in ipso effectus, quo internè mentem & voluntatem suam seriò emendat, & à Diabolo, & malo, ad Deum, & bonum convertit, idq; externè fructibus & signis declarat. Estq; duplex, *Interna* & *Externa*. *Interna* secundum duos terminos, tum à quo incipit, tum in què desinit, constat duabus partibus: Carnis, seu veteris hominis, mortificatione, & Spiritus, seu novi hominis, vivificatione. Mortificatio curius consistit in internâ peccati agnitione

השובה^a

An vox
πιστήριον
rectius per
Resipiscen-
tiam, an
per *Pœni-*
tentiam
transfera-
tur?

Quid sit
Pœniten-
tia?

Quotuplex
sit?

Quæ sint

*partes in-
terna Pœ-
nitentia?*

*Qua sint
partes ex-
terna Pœ-
nitentia?*

*An Pœni-
tentia sit
Sacramen-
tum?*

& coram Deo confessione, ac saluari propter ad-
missum peccatum contritione seu dolore & tristi-
tiâ, quæ secundum Deum est, cum seriâ humili-
atione & peccati detestatione, fugâ, atque odio.
Vivificatio Spiritus consistit in conscientia pecca-
toris contriti refocillatione per fidem in Chri-
stum, & novæ obedientiæ serio amore ac studio.
Externa pœnitentia est, quæ externè fructibus &
signis declaratur, sive privatim, sive publicè, à
tota Ecclesia, vel à singulari homine, vel ordinariè
vel extraordinariè, vel sponte suscepta, vel alicui
ad reparationem admissi scandali ab Ecclesia im-
posita, quæ *Pœnitentia Ecclesiastica* dicitur. At-
que hæc externa Pœnitentia sæpe etiam in hy-
pocritis invenitur.

III.

Internam Pœnitentiam, cum illa tantùm sit
in animo, nec in sensus incurrat, ac propterea non
sit signum aliquod visibile, Sacramentum esse
non posse, extra omnem ponendum est contro-
versiam: idque Pontificij ultro agnoscunt. Que-
ritur itaque de Pœnitentia externa, an illa sit N.
Testam. propriè dictum Sacramentum? Pontifi-
cij affirmant & docent Sacramentum hoc con-
sistere ex Pœnitentia signis externis prodita, & ex
verbo Absolutionis. Nos verò negamus verbum
vel ritum Absolutionis Pœnitentiæ Sacramen-
tum appellari posse, cum ne quidem Pœnitentiæ
pars censeri possit. Pœnitentia enim est actus
pœnitentis, Absolutio verò non pœnitentis, sed
alterius est actio: & quia debet divinæ absolu-
tioni respondere, pœnitentiam sequitur. Nega-
mus itidem Pœnitentiam externis signis decla-

ratum, seu potius externa illa signa & opera quibus Pœnitentia declaratur, ordinarium esse & propriè dictum Sacramentum Novi Testamenti. Adheri quidem possunt, & sæpè etiam debent, ad internam pœnitentiam testificandam, externa quædam contriti & pœnitentis animi signa, quæ sunt, vultus tristis, habitus vilis, fæcus, cineres, jejunia, gemitus lacrymæ, & similia, sed ista non possunt esse signa verè Sacramentalia. Christus enim nusquam ista aut similia signa instituit ad Evangelij promissionem ijs significandam & obfignandam. Neque in illis etiam peculiare est elementum quoddam externum, quod gratiam Evangelicam ex institutione Christi repræsentet. In V. Testam. fideles pœnitentiam istiusmodi signis etiam declarant, sed illa nunquam pro fœderis divini Sacramentis fuerunt habita. Præcepta quidem est à Deo in utroque Testamento vera Pœnitentia, in neutro verò pro Sacramento instituta.

IV.

Quævis aliud sit Baptismus, aliud Pœnitentia, tamen cum Baptismus sit Sacramentum, quo fidelibus remissio peccatorum omnium significatur, atque obfignatur, ita ut hujus obfignationis virtus ad omnium totius vitæ peccatum, etiam post Baptismum admissorum, condonationem se extendat: & quo ipsi vicissim fideles ad veram Pœnitentiam se Deo obstringunt, unde in Scripturis vocatur *6* *Βάπτισμα μετάνοιας* in *ἀγῶνι ἀμαρτίας*: sequitur Baptismus recte posse appellari Sacramentum pœnitentiæ, vtpote quod ad eam Baptizatum per totam vitam obliget, &

*An Baptismus recte
appellari
possit Sa-
cramentum
Pœniten-
tiæ?*

b Luc. 3. 3.

perpetuò ejus commonefaciat. Relapsi itaque in graviora post Baptifmum peccata opus quidem habent verà & feria Pœnitentia ad peccatorum remiffionem confequendam, fed non eft neceffe, vt illa iftorum peccatorum remiffio per aliquod peculiare Pœnitentię Sacramentum ipsis obfignetur, cum jam per Baptifmum fuerit obfignata, cujus virtus ad illa etiam peccata fe extendit, non quoties Baptifmi tantum recordamur, fed quoties ex animo Pœnitentiam agimus, ad quam Baptifmus nos obstringit, & rem fignatam Baptifmi verà fide amplectimur. Quare fictitium illud Pontificiorum quod vocant Pœnitentię Sacramentum perperam *Secunda post naufragium tabula* appellatur.

V.

*Contritio
cordis an fit
pars Pœni-
tentia?*

*An pars
Sacramen-
ti?*

*Quotuplex
fit?*

Internæ Pœnitentię pars eft *Contritio cordis*, feu dolor & triftitia animi ob commiffum peccatum, cum deteftatione peccati conjuncta. Hanc ad veram Pœnitentiam vt partem ejus integram ac primariam vnicè neceffariam effe agnofcimus, fed cum fit internè in animo, & potius paffio quàm actio, non poffe Sacramenti alicujus, feu vifibilis figni, partem effe merito negamus. Eft autem contritio cordis, feu triftitia ob peccatum duplex: Alia eft imperfecta, feu inchoata Contritio, quæ ex folo metu pœnæ & damnationis procedit. Alia eft perfectior, quæ procedit ex dilectione Dei, & ex odio ac deteftatione peccati. Illa Seruilis: hæc Filialis dicitur. Illa non fecundum Deum, & mundi triftitia appellatur, quia non ex amore Dei procedit, & in infidelibus atq; hypocritis etiam sæpè reperitur: hæc fecundum

Deum,

Deum, & resipiscentiam efficit ad salutem, ac regenitis est propria. Illa fidem & justificationem antecedit, hæc ex fide provenit, & justificationem sequitur. Illa ex Legis, hæc insuper ex Evangelij prædicatione existit. Unde illa Legalis, & hæc Evangelica Pœnitentia haud incommodè appellatur. Illa sæpè ad desperationem præparatio est: Hæc semper salutarem resipiscentiam & vitæ emendationem operatur. Servilis illa Contritio, seu Attritio, etiamsi minimè ad salutem sufficiat, & sæpè nihil profit, non tamen eam propterea planè noxiam aut malam judicamus, sed dicimus præparationem esse idoneam, quâ ad veram & salutarem Pœnitentiam homines ordinariè perducantur: & medium non inutile, quo etiam ipsi fideles, in quibus reliquæ carnis adhuc supersunt, tanquam freno aliquo sæpè in officio contineantur. Cæterùm in hac servili timore non est subsistendum, sed paulatim per charitatem metus hic foras ejiciendus est. Quod cum impij non faciunt, sed in hoc metu subsistunt, eoque tandem in desperationis barathrum præcipitantur, hoc demum est quod in hac contritione improbamus: & talem contritionem neque hominibus vtilem, neque Deo gratam esse contendimus.

VI.

Contritio Filialis ut vera & salutaris sit, debet esse seria & sincera, sed non est necessarium, ut sit planè omnibus numeris perfecta, neque ut sit tanta, ut sæpè doloris magnitudo exactè respondeat magnitudini & gravitati delicti. Talis enim Contritio in nullo homine reperiri potest. & cum

An et quatenus Contritio servilis sit damnanda?

Contritio Filialis qualis & quanta esse debeat?

An contritio sit causa meritoria Iustificacionis?

eam Pontificij vt præcise necessariam vident, miseras hominum conscientias perpetuâ sufficientis pœnitentiæ incertitudine excarnificant, & tandem ad desperationem adigunt, dum vident se istam contritionis perfectionem & mensuram assequi non posse. Dolor hic non debet etiam omnem de gratia Dei & remissione peccatorum certitudinem abolere, sed ita animum propter admissum peccatum afficere, vt cum interim consolatione & fiducia de remissione peccatorum non spohet. Nec tantum propter graviora peccata, sed etiam propter minora debemus serio dolere & pœnitentiam agere. Vera & seria contritio ac peccatorum displicentia Deo non potest non esse quam gravissima: eaque hominibus ad salutem ita est necessaria, vt sine eâ remissio peccatorum haberi non possit, nec tamen est causa iustificacionis meritoria, neque ex condigno, neque ex congruo: nec pars satisfactionis pro peccatis nostris. Pro ijs enim omnibus solus Dominus noster Iesus Christus plenissimè satisfecit, eaque nobis non propter contritionem nostram, sed propter solius Christi merita à Deo gratis remittuntur. Et contritio vera cum ex fide proveniat, sine quâ Deo placere non possumus: fidem autem iustificatio immediatè consequatur: patet eam esse fidei ac iustificacionis non causam aut meritum, sed effectum & signum.

DISP.

DISPVAT. LI.

De Confessione auriculari,

ET

De Satisfactione.

THESIS I.

Pœnitentia vera non tantum debet esse interna in animo contritio, quamvis eam Deus præcipue respiciat. sed requirit etiam gloria Dei, & ædificatio Ecclesiæ, ut illa externe per fructus & signa ostendatur & declaretur. Hanc declarationem Pontificij docent fieri debere per Confessionem, & Satisfactionem: ita ut hæc tria secundum eos veram Pœnitentiam tanquam partes essentielles constituent, Contritio cordis, Confessio oris, & Satisfactio operis. Prima pars quomodo ad internam Pœnitentiam referenda sit superiori disputatione demonstravimus. Dux reliquæ partes quomodo ad externam Pœnitentiam pertineant, jam porro videndum erit.

II.

Ad externam Pœnitentiam omnino requiri peccatorum Confessionem libenter agnoscimus. Est autem duplex Confessio peccatorum: alia quæ fit coram Deo, alia quæ fit coram hominibus. Deo imprimis peccata sunt confitenda, non quod illum ista lateant, sed ut ostendamus nobis

*Externa
Pœnitentia
quæ in re
consistat?*

*Confessio
peccati
quotuplex
sit?
Confessio
coram Deo,
quid et
quotuplex?*

*Confessio
coram ho-
minibus
quid &
quotuplex*

etiam cognita esse, ac displicere. Remissio enim peccatorum non potest sine eorum agnitione & confessione à Deo peti aut obtineri. Vulnera hæc nostra, si sananda sint, medico huic detegi debent. Atque hæc confessio imprimis est necessaria, & sæpè etiam sufficit, cum peccata non sunt manifesta. Estque instituenda vel privatim, vel etiam publicè totius Ecclesiæ nomine: idque vel ordinariè, vel extraordinariè. Sæpè etiam coram hominibus necessaria est peccatorum Confessio, quæ itidem aut est publica, aut privata. Publicè, coram Ecclesiâ ut peccata sua confiteantur, quicumque eam publicis peccatis & gravibus scandalis offenderunt, ut hac ratione resipiscentiam publicè testentur & promittant, antequam ad communionem Ecclesiæ recipiantur, ædificatio Ecclesiæ exigit. Nec pudere debet seriò resipiscentes, si publicè lapsi fuerint, publicè etiam resurgere, & Pœnitentiâ suâ dato scandalo mederi. Privatim proximo peccatum suum confiteri debet, qui eum aliquâ injuriâ affecerit, ut confessione & deprecatione culpæ in gratiam cum proximo redire, eique reconciliari possit. Necessarium quoque est aliquando, cum quis peccatorum sensu ita afflictaur, ut seipsum sine alterius consilio explicare nequeat, ut privatim proximo suo, sive Pastori, sive alij amico idoneo, peccata sua confiteatur, eum in finem, ut ejus consolatione, instructione, & precibus juvari possit. Hujusmodi confessiones peccatorum pias, utiles, necessarias, ac in verbo Dei præceptas esse palam docemus & profiteamur.

III.

Quod verò Pontificij docent ad veram & salutarem

salutarem Penitentiam necessario etiam requiri, ut singuli fideles exactam omnium peccatorum, quorum meminisse possunt, confessionem instituant privatim ad aurem Pastoris, quem illi Sacerdotem vocant, eum in finem ut facta hac confessione à Pastore obtineant à peccatis illis Absolutionem, nusquam in Scriptura V. aut N. Testamenti à Deo præscriptum legitur. Neq; Christus aut Apostoli unquam talem secretam & specialem peccatorum confessionem à quoquam exegerunt, aut exigendam mandarunt. Quare auricularis illa Pontificiorum confessio non est juris divini, aut ordinationis Apostolicæ, seu institutionis humanæ. Originem quidem non omnino improbandam habuit, sed progressu temporis in secundum abusum degeneravit. Antiquis enim confessiones peccatorum publicæ seu *agoras*, hinc, quibus lapsi cum Ecclesiâ reconciliabantur, quæ prius coram totâ Ecclesiâ, tandem coram Presbyterio tantum fiebant, ac tandem ut pudori parceretur, coram delecto aliquo Presbytero. Hic ritus in Ecclesia Constantinopolitana etiam fuit observatus, donec matrona quædam sub hujus confessionis specie consuetudinem cum Diacono habuisse deprehensa fuit: ob quod facinus Nectarius illius Ecclesiæ Episcopus, ritum hunc iterum abrogavit: quod neutiquam ei licuisset, si juris divini fuisset. Pontificiorum verò hodierna Confessio auricularis etiam cum isto ritu vix aliquid commune habet. Præcipiente enim hanc Confessionem omnibus & singulis fidelibus, omnium & singulorum quæ meminisse possunt etiam privatorum peccatorum, semel ad minimum quotannis necessario coram Sacerdote edendam,

*Quid sit
Auricularis
Confessio?*

Vnde originem habeat?

An sit utilis & necessaria?

& docens nullum peccatum, cuius quis meminisse potest, condonari, nisi cum omnibus circumstantiis expressè agnitum & ore professum. Hæc itaque Confessio auricularis, quæ hodie apud Pontificios vñtatur & imperatur, nec à Deo est mandata, nec ab Apostolicâ aut primitivâ Ecclesiâ vsurpata: ac proinde nec Christianis necessaria. Quinetiam nec Christianis possibilis est: Quis enim errores suos intelligit, & in voraginè demersus guttas numerare possit? Nec utilis, quia carnalem securitatem & peccandi licentiam fovet, & conscientias hominum non verè sedat, sed miserè excruciat: Et contrâ multis modis est gratiæ Dei & meritis Christi inimica, verbo Dei & libertati Christianæ contraria, ac veræ pietati noxia. Immo nihil aliud est quam tyrannidis Antichristianæ fulchrum, crudelis animarum carnificina, & turpe pecuniarum aucupium.

IV.

Christus Evangelij Ministris claves regni cælorum tradens, omnibus quidem potestatem concessit, ut per prædicationem Evangelij, tanquam internuncij & præcones, verè præsentibus & credentibus remissionem peccatorum in nomine Christi annuntiarent, atque hoc modo peccata ipsis remitterent: promissitque se remissionem illam legitimè factam in cælo ratam habiturum; sed nulli mortalium eam dedit potestatem, ut ipsi tanquam iudices & arbitri spirituales peccata hominibus remittere, & ab illis pro arbitrio suo, & potestate quâdam iudiciariâ, homines Absolvere possint. Hæc enim potestas soli Deo competit, atque ita illi est propria, ut cum

eam

a Psal. 19.
12.

An et quatenus Ministris potestatem habeant Absolvendi à peccato?

eam sibi Christus ipse attribueret, Pharisei rectè colligerent eum sibi divinam attribuere auctoritatem. Quis enim potest remittere peccata nisi solus Deus? Data autem est omnibus Evangelij Ministris hac in causa æqualis potestas: ita ut ob defectum potestatis non sit necessarium certos quosdam casus Episcopis quos vocant, aut Pontifici Romano reservari. Neque enim tam delictorum gravitas, quam resipiscentiæ sinceritas, in hac Absolutione est spectanda. Nimis autem stultè creduli sunt miseri homines in Populo, cum sibi persudent, modò à Sacerdote Absolutionem quocunque modo obtinuerint, egregiè se à peccatis esse purgatos, quantumvis sæpè nec fidem habeant, nec pœnitentiam veram declarent.

V.

Agnoscamus etiam Pœnitentiam veram non tantum per peccatorum omissionem, sed etiam per operum pietatis erga Deum, & caritatis erga proximum, (inter quæ orationem, jejuniæ, elemosynas, & similia nos quoque recensemus) diligens exercitium externè esse declarandam. Superstitiosis verò illis corporis castigationibus, aut flagellationibus, peregrinationibus, abstinentijs, & similibus *hædædporant*, sive sponte susceptis, sive à Sacerdote imperatis, Pœnitentia nec verè, nec ritè, nec debitè, nec Deo grate declarari potest. Quis enim cista ab illo cum manibus requisivit? Opera autem omnia, quibus Pœnitentia externè ostenditur, sunt fructus tantum & signa veræ Pœnitentiæ, quibus Deo pro gratia remissionis peccatorum gratitudo præstatur, non autem compensationes pro peccatis admisis, aut Satisfactiones, quibus remissio peccatorum

An et quomodo Pœnitentia externè per opera declarari debeat?

hæc cultibus voluntarijs.

cf. Isa. 1. 12.

An opera illa sint Satisfactiones pro peccatis?

*An remissa
culpa pro
pœna ad-
huc sit sa-
tisfacien-
dum?*

*An tempo-
rales affli-
ctiões sint
pœna satis-
factoria?*

*d redem-
tor.*

*e Isai. 53.
5. 6.*

catorum à Deo impetratur. Deus enim nobis peccata condonat gratis. Gratuita autem Condonatio nobis facta non potest cum nostra Satisfactione vlllo modo consistere. Remittitur etiam plenariè non tantùm culpam, sed & pœnam, inter quæ duo ex ordine iustitiæ tam arcta est unio, vt sublata culpâ omnem quoque pœnam propriè dictam, non tantùm æternam, sed etiam temporalem, auferri sit necesse. Temporales verò afflictiones non immittuntur à Deo verè pœnitentibus, vt pœnæ propriè dictæ, id est, pro peccatis satisfactoriæ, sed vt paternæ castigationes, quibus ad salutem erudiuntur. Deinde solus Christus, vnicus ~~ad hoc~~ noster non tantum pro culpâ nostrâ, sed etiam pro omni pœnâ plenissimè satisfecit: castigatio pacis nostræ ei imposita fuit e, & tumice ejus nos curati sumus. Deus fecit, vt in eum incurreret pœna omnium nostrum. Et quis denique obedientiâ suâ poterit satisfacere pro peccatis præteritis, qui ad præsentem obedientiam singulis momentis obligatus est? Quare multis modis impium est Pontificiorum commentum de Satisfactionibus humanis, quo manifestè Deus iniustitiæ insinulatur, proprius Iesu Christi honor sacrilegè ad homines, eorumque superstitiosas ineptias, transfertur, conscientiæ hominum aut ad desperationem adiguntur, dum perpetuò dubij herent, an satis perfectè peccata compensare possint, aut ad securitatem carnalem & hypocritum prolabuntur, dum levibus satisfactiunculis peccata expiari posse sibi persuadent, in ijsq; securi acquiescunt.

VI.

Fatemur quidem verè pœnitentem, si vel pub-
lice

licè gravi scandalo Ecclesiâ offenderit, vel privatim proximi famam vel bona læserit, debere publicè peccati coram Ecclesiâ Confessione, & Pœnitentiæ per fructus declaratione, pro dato scandalo Ecclesiæ, & agnitione culpæ, reparatione famæ, & restitutione ejus quod injustè ablatum erat, proximo satisfacere. Quem in finem etiam in primitivâ Ecclesiâ ejusmodi Satisfactionum modi & tempora Pœnitentibus præscribebantur, ut ipsi tanto melius peccata sua agnoscerent, & Ecclesiæ de seriâ eorum resipiscentiâ tanto evidentiùs constaret. Atque hæc Pœnitentiæ testificatio vocari solet Pœnitentia Ecclesiastica. Sed istis Satisfactionibus hominibus tantùm pro scandalo aut injuriâ, non autem Deo pro peccatis satisfiebat. Nostræ Ecclesiæ easdem hodieque in usu habent, licet eam non adhibeant severitatem, quæ olim in veteribus Ecclesijs fuit usurpata, in qua nonnunquam eas modum excessisse negari non potest.

Quales satisfactiones à Pœnitentibus in primitivâ Ecclesiâ exigi soleant

DISPUTAT. LII.

De Indulgentijs,

ET

De Jubileo.

THESIS I.

Pœnitentia Ecclesiastica olim in primitivâ

vâ

Indulgentia in primitiva Ecclesia qualis olim fuerint?

*a probatio-
nis.*

*b aliquid
largiri vel
condonari.
2. Cor. 2. 7.*

Indulgentia in Ecclesia Romana qualis sint?

vā Ecclesiā quemadmodum pro delicti vel offendiculi ratione certis temporum spatijs, & præscriptis per canones Ecclesiasticos exercitamentis quibuldam quasi pœnalibus definiebatur, ita licebat Ecclesiarum Ministris animadverso lapsi & ligati peccatoris studio in approbandā Ecclesiæ resipiscentiā suā, mitius cum eo agere, & tum pœnarum canoniarum asperitatem nonnihil emollire, tum etiam tempus *a dispendio* contrahere, quæ mitigatio, seu relaxatio, vulgò *Indulgentia* dicta fuit. Huiusmodi Indulgentiarum vsui in Ecclesia semper locum esse debere, non tantum ex Ecclesiæ primitivæ praxi, sed etiam ex Apostolico mandato agnoscimus. Debet enim Ecclesia tali pœnitenti *b consolari*, eum consolari, ne quomodo huiusmodi viciis abundanti tristitia absorbeat.

II.

Hodie verò Pontificij Indulgentias vocant remissiones seu relaxationes pœnarum temporalium, peccatis commeritarum, & tum in hac vita, tum præcipue in Purgatorio luendarum, ad quas post remissionem culpæ homines nihilominus obstringuntur: docentque Pontificem Romanum, & Episcopos ac Metropolitanos, habere eam potestatem, ut vel per se, vel per legatos suos, ille omnibus hominibus, hi verò suis tantum subjectis, non tantum viventibus, sed etiam mortuis, & in Purgatorio existentibus, ex quodam Thesaurio Ecclesiastico dispensare possint remissiones pœnarum temporalium vel in aliquot dierum & annorum centurias, vel omnino & in perpetuum, quibus remissionibus libentur homines à pœnis peccato-

peccatorum non tantum commissorum, sed etiam committendorum, nec tantum in Ecclesie, sed etiam in ipsius Dei iudicio.

III.

Huiusmodi Indulgentias non tantum Apostolica & primitiva Ecclesia ignoravit, sed etiam Sacra Scriptura aperte damnat. Docet enim culpam peccatorum à Deo resipiscenibus ita condonari, ut simul etiam omnes poenae non tantum aeternae, sed & temporales remittantur. Idque fieri tantum in hac vita, post quam nulla fidelibus poena maneat fictitij Purgatorij ignibus expianda, neque infidelibus vlla poena remittatur. temporales piozum in hac vita afflictiones non esse poenas proprie dictas, sed tantum paternas castigationes & salutes probationes: Deum non tantum partem aliquam poenarum committere, sed omnem omnino & culpam & poenam resipiscenti peccatori plenissime remittere: Solius Dei esse, ut supremi Iudicis, peccata remittere aut retinere, homines vero remissionem peccatorum ministerialiter tantum annuntiare: Iudicia Ecclesiastica tantum ex vivos exercenda, & ab ijs mortuos omnino exemptos esse: Statum mortuorum aut esse beatum, in quo nullis indulgentijs opus habent, aut damnatum, in quo nullis indulgentijs iuvare possunt, & tantum rigidis iustisque poenis locus est. Quare Indulgentiae Pontificiae verbo Dei directe sunt contrariae, plene sunt superstitionibus & erroribus gravissimis, cum Dei iustitiam, cum gratitiam ac plenariam peccatorum remissione pugnent. Christi plenissimam pro peccatis nostris satisfactionem

*Quid sit
sentiendū
de Indul-
gentijs Pō-
tificijs?*

evacuant, hominibus peccandi licentiam, & securitatem carnalem pariunt: ac propterea nec piæ, nec viles, nec necessariæ sunt, sed multis modis sunt impiæ, & gloriæ Christi ac veræ pietati noxiæ, & nihil aliud quam sacrilega & abominanda hominum inventa, & Papalis avaritiæ ac rapinæ instrumenta, quibus homines stultè creduli multipliciter emunguntur, & turpiter deluduntur.

IV.

*An et qualis sit The-
saurus Ec-
clesiasti-
cus?*

Nec minus impium, blasphemem, & sacrilegum figmentum est Thesaurus ille Ecclesiasticus, cui tanquam fundamento Indulgentiæ Pontificiæ innituntur. Ducent enim non tantum Donnum nostrum Iesum Christum multas habuisse superfluas perpeſſiones, sed etiam beatam Mariam Virginem, Iohannem Baptistam, Prophetas, Apostolos, aliosque Sanctos multa habuisse superflua merita, quæ simul in vnum Thesaurum Ecclesiasticum sint congesta, cuius dispensatio sit Pontifici Romano concedita, qui hæc merita, ut sint satisfactiones pro peccatis, applicare possit pro libitu suo quibuscunque ipsi visum fuerit, sive viventibus sive mortuis. Quid verò magis blasphemum esse potest, quam pretiosissimum Domini nostri Christi Agni illius immaculati sanguinem cum hominum peccatorum sanguine commiscere? Quid magis sacrilegum quam perfectissimæ Christi Satisfactioni, & perpeſſionibus ejus infiniti valoris adjungere opera hominum peccatorum tanquam satisfactoria non tantum pro se, sed etiam pro alijs? Quid hoc aliud est, quam apertissime sufficientiam meriti Christi ab-

negare?

negare? Perfectissima Christi Satisfactio Ihesus est Ecclesie inexhaustus, qui vnus ad consequendam à Deo peccatorum omnia indulgentiam seu remissionem abundantissime sufficit, cuius dispensationem solus habet is, qui claves habet inferorum & mortis. Passiones Christi infiniti quidem valoris agnoscimus, sed aliquas fuisse superfluas nec Scriptura docet, nec iustitia Dei patitur. Reliqui autem sancti homines, quicunque tandem illi fuerint, ne ipsa quidem sanctissima Matre Domini excepta, cum omnes in peccatis sint concepti & nati, & proculdubio peccatis etiam actualibus commaculati, nihil vnquam passi fuerunt, quod secundum Dei iustitiam non erant commeriti, tametsi per gratiam Dei passionum eorum non ex iustitia puniente, tanquam poenae pro peccatis satisfactoriae, sed ex misericordia, vt paternae castigationes & probationes fuerint in iussu: & quicquid vnquam fecerunt, illud omne ex debito eorum, ad quod multis rationibus obligati erant, profectum fuit. Quare nulli Sancti operibus vel perpeffionibus suis Deo pro peccatis suis satisfacere, vel coram Deo mereri possunt, tantum abest, vt aliqui superflua habuerint merita, quibus etiam pro aliorum peccatis possit satisfieri. Hac enim ratione ex Sanctis Redemptores suos, saltem ex parte, faciunt: qui tamen ipsi nullum vnquam in operibus aut perpeffionibus suis meritum, aut vni satisfactoriam, vel pro se, vel pro alijs, collocarunt, sed omnes sese indignos peccatores damnationi in se obnoxios agnoverunt, & ad consequendam salutem non ad sua, sed ad vnus Christi merita confugerunt. Qui igitur meritis suis ne suas quidem ipsorum

An Christus habuerit superflua merita?

An Sancti habuerint superflua merita?

animas potuerunt, illi multò minus aliorum animas redimere potuerunt. Qui sibi damnationem erant meriti, alijs absolutionem à peccatis mereri non possunt.

V.

An Papa Romanus summam potestatem habeat Indulgentias dispensandi?

Pastoribus Ecclesiarum omnibus, pari jure, non tantum datum est ut possint, sed etiam mandatum est ut debeant, lapso & ligato peccatori, cum pœnitentiam suam Ecclesiæ seriò probaverit, veniam indulgere, & in Ecclesiæ communionem recipere: item omnibus verè pœnitentibus & in Christum credentibus absolutam omnium peccatorum remissionem in nomine Christi annuntiare, atque ita peccatores solvere: sed nusquam in Scriptura legimus Episcopo Romano datam esse in terris summam auctoritatem, hominibus tum vivis tum mortuis, pœnas temporales peccatis commeritis relaxandi seu remittendi, & merita tum Christi tum Sanctorum per Indulgentias applicandi. Nusquam etiam docet S. Scriptura Sanctos habere aliqua merita, quæ vel sibi vel alijs in remissionem peccatorum applicari possint: remissa culpâ pœnam à Deo retineri: mortuis post hanc vitam pœnas irrogari temporales, quibus pro peccatis eorum satisfiat, & à quibus tandem liberari possint: mortuos suffragijs aut operibus pœnalibus viventium juvari posse: esse in nem aliquem Purgatorium, in quo tanquam in carcere quodam, post hanc vitam peccata pœnis temporalibus expientur: Papam Romanum hujus carceris habere claves, & ex eo posse emitte animas, quaslibet libuerit. Mortuos ad jurisdictionem Papæ pertinere: Papam Romanum

posse

posse Deo iudici præscribere dies & annos, quibus peccatos puniri debeat. Mera itaque sunt hominum commenta, quæcunque Pontificij de Indulgentijs suis, Thesauro Ecclesiastico, & Principis Romani potestate dispensativa nugantur, conficta ad turpem quæstum, ut huiusmodi va-
posturis thesauros mundi sibi acquirant, qui meritum & satisfactio Christi, & Dei gratia peccatorum remissio planè evertuntur.

VI.

Nec minus scæda, blasphema, & sacrilega est nundinatio illa harum Indulgentiarum, quæ in Papatu eundem in finem ordinariè omnibus annis exercetur, & quantum certis quibusdam annis, puta singulis centenis, quinquagesimis, aut vigesimis quintis, quos Iudaizantes vocant annos Iubilæos, solemniter quasi mercatus instituitur. Annus enim Iubilæus, qui potius à *Jobel*, id est, buccinâ, quâ proclamari solet, quàm à *Iebul*, id est, germinatione, dictus videtur, à Deo in V. Testam. fuit institutus, ut esset Christi ejusque beneficiorum typus, qui propterea cum denuò in Ecclesiam hodie introducitur apertè Iudæisimus reducit, & ad *ad dñm c. i. v. 20* *cap. 10* retrosum reditur. Neque olim in V. Testam. eum in finem à Deo annus ille fuit institutus, ut in eo turpis huiusmodi Indulgentiarum nundinatio institueretur. Neque fideles viquam in V. Testam. eum aut similem in finem hunc annum celebrarunt. Apostoli nos docent metuendum esse ne illis, qui d. annos & tempora observant, Christus frustra sit prædicatus: & post adventum Christi, qui corpus est, umbras

*Quid sit
sentiendu.
de anno
Iubilæo?*

c Gal. 4. 9.

*d Gal. 4.
10.*

illas omnes debere cessare. Iudicia itaque superstitio est inter Christianos nequaquam ferenda, anni Iubilæi observatio in N. Testamento, etque recentius Paparum Romanorum institutum Apostolicæ & primitivæ Ecclesiæ per multa ultra incognitum. Modus etiam, quo cum Pontifices celebrant, non tantum superstitiosus est & iculus, sed & planè idololatriæ & blasphemus, cum remissionem peccatorum plenariam, quæ per solum Christi sanguinem quovis in loco obtinetur, promittunt omnibus, qui personaliter, ut vocant, hoc tempore Romæ basilicis Apostolorum Petri & Pauli visitant, imagines Christi & Sanctorum ibidem religiose venerantur, aut ceremonijs illis ridiculis assistunt, easve eminens aspeçant. Hæc igitur omnia, præterquam quod in Sacra Scriptura nullam omnino fundamentum habeant, tam crassa, turpia, & abominanda sunt hominum figmenta ad turpem quæstum inventa, ut non minus mirandum quàm dolendum sit, stuporem tam pecuniarum hominum nientes ita occupare potuisse, ut credant talibus nugis peccatorum remissionem coram Deo obtineri posse: & ipsos Pontifices Romanos non pudere tandem in tanta Evangelij luce mundum Christianum tam crassis & ridiculis ineptijs ludificari.

DISPVAT. LIII.

De Vnctione extrema,

ET

De Ordine.

THESIS I.

Quamdiu sanationum miraculosarum dona in Ecclesiâ Apostolicâ, & primitivæ exordis viguerunt, Apostoli, eorumque Discipuli his a ~~sanationum~~ donis præditi, in sanandis corporalibus morbis præter alia signa externa, sæpè etiam adhibere solent *Vnctionem olei*, cujus frequens in illis regionibus usus erat, ut hoc externo & visibili signo testarentur ex arcanâ Dei virtute provenire sanitatem, cujus illi tantum ministri erant. Usitatum enim erat sub Lege, Spiritus Sancti gratiam oleo significari. Sed hoc Signum non fuit Sacramentum propriè dictum, seu à Deo institutum & perpetuò Ecclesiæ mandatum, ad promissionem gratiæ Evangelicæ de remissione peccatorum significandam atq; obsequandam: sed fuit tantum usurpatum extraordinariè ad morbos corporis miraculosè profligandos. Postquam autem dona miraculosa, quale & hoc sanationum fuit in Ecclesiâ cessarunt, signum etiam hoc cessare debuit: nec retineri, aut usurpari nunc potest, nisi ex stultâ & inani ~~cunctatione~~, & magnâ cum superstitione.

Qualis vnctio tempore Apostolorum fuerit usitata, & quem in finem? a sanationum.

An fuerit N.T. Sacramentum?

c amulatione.

*Quali vn-
ctione ho-
die Ponti-
ficij vnan-
tur?*

Vnctio autem olei extrema, quam hodie Pon-
tificij usurpant, est actio Episcopi aut Sacerdotis
Pontificij, quâ post recitatas quâdam Letanias
oleo olivæ, certâ verborum formulâ ab Episcopo
solemniter exorcizato, & consecrato, ægrotorum
in vitæ exitu constitutorum septem corporis par-
tes, scilicet oculi, aures, nares, os, & manus, vt
quinq; sensuum organa, & simul renes & pedes
inunguntur, cum præfatione horum verbo-
rum: *Per istam sanctam vnctionem, & suam
piissimam misericordiam indulgeat tibi Deus
quæquid deliquisti per visum, &c.* Hunc potis-
simum in finem vt hæc vnctio animæ ægrotan-
tis conferat invisibiliter gratiam Spiritus Sancti,
& per eandem delicta peccatorum, si quæ adhuc
sint expianda, & reliquæ peccatorum abster-
gantur, & anima ægrotantis adversus tentationes
Diaboli confirmetur.

III.

*An vnctio
hæc Ponti-
ficis ali-
quid com-
mune ha-
beat cum
vnctione
Apostolicâ?*

Hic vnctionis ritus, nec à Christo, nec ab A-
postolis institutus aut usurpatus fuit: nihilque
habet commune cum vnctione ab Apostolis vti-
tata. Apostoli enim & qui Apostolorum tempore
hac vnctione vti fuerunt, præditi erant omnes
dono sanationum miraculoso, quod Sacrificuli
Pontificij non habent. Illi vnxerunt ægrotos
cum in finem, vt sanitati miraculosè restitueren-
tur, hi vngunt tantum eos ægrotos, qui jam ani-
mam agunt, & quorum sanitas planè desperata
est, neque vllum hominem per hanc vnctionem
sanitati restituunt. Illi viebantur oleo simplici

sine

sine aliquâ solenni verborum formulâ: Hi non vtuntur, nisi oleo multis ritibus, & conjurationibus solenniter & operosè ab Episcopo consecrato, & certâ ac blasphemâ verbotum formulâ. Illi non adhibebant aliquas peculiâres ceremonias præter hanc vnctionem, hi tùm in olei consecratione, tùm in ejusdem inunctione adhibent multas, variasque ridiculas ceremonias à superstitionis hominibus excogitatas, de quibus in verbo Dei nullum planè apparet mandati vestigium. Illi vnctionem hanc adhibebant, vt per miraculosam sanitatis adhibito hoc symbolo restitutionem, Doctrinæ Evangelicæ veritatem confirmarent, hi vt animam ægroti à peccatorum reliquijs purgent, & contra Diaboli tentationes muniant. Vnde manifestissimè apparet cum illo temporario ritu Apostolico, hunc Pontificium vnctionis ritum nullam planè habere communionem, nec Apostolicam vnctionem hujus figuram fuisse: ac proinde exemplo Apostolico extremam illam ægrotum vnctionem hodie ab illis vſitatam non posse stabiliri.

IV.

Hæc itaque extrema vnctio cum à Christo non sit instituta, neque adjunctam habeat gratiæ justificantis promissionem, sed stultum, invale, & inane sit hominum inventum, multiplici superstitione & blasphemâ plenum, nullo jure Sacramentum N. Testamenti appellari potest. Et cum huic ludicræ actioni efficaciam ascribunt non tantùm corpori sanitatem restituendi, sed etiam animam à peccati reliquijs purgandi, & contra Diaboli tentationes in agone roborandi, non

*An vnctio
Pontificia
sit Sacra-
mentum
Novi Te-
stamenti?*

*An vnctio
hac possit
corpus sa-*

*nare, &
animam à
peccatis
purgare?*

tantum stultè effectum comminiscuntur, -cujus nullum unquam specimen apparuit, sed etiam blasphemè externis & terrenis elementis attribuent vini illam, quæ Christi sanguini & Spiritui propria est. Quare unctio ista merito ex Christiana Ecclesia est exterminanda, ne homines fiduciam in rebus illis ludicris collocantes Deum graviter offendant, & ineptis talibus potò ludificentur. Nec propterea tamen ægroti sine præsidio contra Diaboli tentationes relinquuntur, cum alia sint remedia & efficaciora & à Deo ordinata, externa scilicet Ministrorum Ecclesiæ, & interna Spiritus Sancti consolatio, & præ tùm ægrotantis, tùm fidelium pro ægrotante preces.

V.

*An Mini-
stri aliquæ
ceremoniæ
ordinari
debeant?*

Ministros legitimè ad Ecclesiæ Ministerium vocatos convenit, exemplo Apostolorum & primitivæ Ecclesiæ, non tantum precibus, sed solemni actione, ac ritibus quibusdam, ordinis & decori causa, publicè inaugurare, ac Deo atque Ecclesiæ quasi consecrare, ut hac ratione Ministerij Ecclesiastici dignitas populo commendetur, & ordinari admoncantur se jam Christo ejusque Ecclesiæ inservitorem addidit. Hæc consecratio, seu ordinatio, non competit solis Episcopis, qui ita in Papatu vocantur, sed quibuslibet Ecclesiæ Ministris, quibus Presbyterium has partes demandaverit. Ritus, qui tempore Apostolorum in hac Ministrorum ordinatione adhibebatur, erat *Impositio manuum*, qui etsi satis commodus & decens est, non tamen præcisè est à Christo aut Apostolis imperatus, ac proinde est ritus adiaphorus, ordinis tantum & decori causa

*A quibus
illa sit ad-
ministran-
da?*

*An Imposi-
tio manuum
sit ritus
adiapho-
rus?*

vsuc-

vsurpandus. Ceremoniæ autem, quibus hodie vtuntur Pontificij in ordinatione Ministrorum, quales sunt vnctio, rasura in vertice, portectio libri patinæ, baculi pastoralis, præcisa verborum formula; lintear vestes, cerei, cruces, & similes non sunt ab Apostolis neque institutæ, neque vsurpatæ, sed plenæ sunt Iudaica & ægyptiaca, & superstitione.

VI.

Ritus autem, quibus Ministri inaugurantur, quicunque tandem illi sint, multò minus ritus illi Pontificij ab hominibus superstitionis excogitati, non possunt esse Sacramentum Novi Testamenti, cum non sint omnibus fidelibus communes, nec à Christo instituti, vt sint gratiæ Iustificantis signa & sigilla. Nam et in V. Testam. ordinatio Ministrorum multis etiam ceremonijs peragebatur, nunquam tamen illa ordinatio pro Sacramento propriè dicto habita fuit. Adjunctam quidem habent symbola ista assistentiæ divinæ in Ministerio significationem & promissionem, sed non Evangelicæ de remissione peccatorum gratiæ obsignationem. Admonent etiam tùm populum, tùm Ministrum ordinatum, officij sui, & dignitatis Ministerij, sed non habent efficaciam vllam, vt Ministros ad munus suum obeundum reddant magis idoneos & habiles, multò minus vt illis conferant gratiam iustificantem, aut imprimant characterem aliquem indelibilem, qui nec per apostasiam nec per hæresin deleri possit. Ordines Ministrorum Ecclesiæ Novi Testamenti non esse septem, sed tres tantum, superioribus disputationibus fuit demonstratum:

inter

An ceremoniæ Pontificiorum in Ordinatione sint ab Apostolis instituta? d amulatione.

An ritus illi sint Sacramenta N. Testamenti?

Qua sit efficacia horum rituum?

Quot sint ordines Ministrorum N. Test.?

*An sint
Sacerdotes
in N. Te-
stam.*

inter quos non habent locum Sacerdotes propriè dicti. Potestas enim offerendi Sacrificium propitiatorium in Novo Testamento non potest conferri ulli homini mortali, sine magno sacrilegio, & manifestissimâ ac blasphemâ Domini nostri Iesu Christi vnici Sacerdotis nostri, qui in æternum manet, & perpetuum habet Sacerdotium, contumeliâ.

DISPUTAT. LIV.

De Matrimonio.

THESIS I.

*Quid sit
Matrimo-
nium?*

*An status
virginalis
conjugalis
sit sancti-
ori?*

*An Matri-
monium
sit Sacra-*

Matrimonium est sancti: Dei institutio, secundum quam duo homines, vnus mas & vna femina, ex mutuo & legitimo consensu, in individuam vitæ societatem, & copulæ ac bonorum communionem coniunguntur ad Dei gloriam, & ipsorum bonum. In tali Matrimonio omnes fideles ei idonei, cuiuscunque tandem sint ordinis, non minùs sanctè & castè possunt vivere, quàm in cœlibatu, aut statu virginali: adeò vt status cœlebs seu virginalis, quamvis suas habeat commoditates, & plerumq; minus curarum ac molestiarum secum ferat, non sit tamen statu conjugali in se perfectior, aut sanctior, aut Deo gratior. Coniunctio hæc vnus maris & vnus feminae in carnem vnâ, spiritualis illius coniunctionis, quæ inter Christum

Sponsum

Sponsum & Ecclesiam Sponsam ejus intercedit, est quidem illustris quædam imago, quamobrem etiam *a prioribus patribus* in Scriptura vocatur, sed pro Sacramento Novi Testamenti propriè dicto censeri nequit. Deus enim Matrimonium non instituit, ut esset gratiæ Evangelicæ de peccatorum remissione per Christum Mediatorem obtinendæ sigillum: nam etiam ante peccatum in ipso innocentia statu fuit institutum. Estque infidelibus commune, quibus tamen Sacramenta non sunt instituta. Si omnia Mysteria, aut Spiritualis Christi cum Ecclesia conjunctionis signa, qualia etiam sunt conjunctio membrorum cum capite, palmitum cum vite, & similia alia, pro Sacramentis propriè dictis essent habenda, infinitus Sacramentorum numerus procuderetur. Si Matrimonium est Sacramentum à Deo fidelibus institutum, ut Pontificij volunt, quo jure Ministros Ecclesiarum suarum ab eo atcent? Sin propterea; quod sit status impurus, in quo non liceat sanctè vivere, & quod sit carnis inquinamentum, quomodo poterit esse gratiæ Iustificationis Sacramentum? Cum Ordinem etiam inter Sacramenta numerent, cujus prophanatio sit Matrimonium, an Sacramenta fingenda erunt, quæ se mutuo polluant & destruant? Matrimonium itaque rectè quidem sacræ cujusdam rei signum, & mysterium appellari, sed pro Sacramento propriè dicto haberi nullo jure potest, neque aut à fidelibus in V. Testamento, qui etiam in Matrimonio vixerunt, aut in Novo Testamento ab Apostolis pro Sacramento unquam fuit habitum.

*mentum
propriè dictum?
a magnum
mysterium
Eph. 5. 32*

II.

*Quomodo
Matrimo-
nium legi-
time con-
trahatur?*

*h 1. Cor.
7. 2.*

*An Poly-
gamia un-
quam fue-
rit licita?*

*An Diga-
mia sit li-
ta & ho-
nesta?*

In doctrinâ de Matrimonio duo præcipue ve-
niunt consideranda. Primum est; Quomodo legi-
time contrahatur. Secundum; Quomodo contra-
ctum dissolvatur. In Matrimonio contrahendo
considerari debent Personæ contrahentes, & For-
ma contractus. In Personis contrahentibus, ea-
rum Numerus, & Qualitates. Numerus persona-
rum contrahentium tantùm binarius esse debet,
vnius maris & vnius fœminæ. Deus enim fecit
ab initio masculum & fœminam, & ordinavit ut
illi Duo essent in carnem vnâ. Vnusquis-
que h vir vxorem habebit propriam, & fœmina
iugis vti istis ardet. Polygamia itaq; vera, cum
quis simul plures vxores habet, semper fuit insti-
tutionis diuinæ transgressio, aut saltem ab eadem
digressio, & in Patriarchis etsi respectu necessita-
tis quasi tolerata, nunquam tamen fuit licita: in
Gentibus autem nec licita vnquam fuit, nec tole-
rabilis. Polygamia verò seu Digamia successiva,
cum quis mortuâ priore conjugē ad secundas aut
alias deinceps nuptias transit, nec Lege Dei est
prohibita, nec inhonesta. Quare Ministris Eccle-
siarum licet etiam secundis nuptiis in Ecclesiâ pub-
licè benedicere, quia secundum hoc Matrimonium
non minus est verum & sanctum, quam primum.
Nec redât hæc digamia aliquem in idoneum,
quo minus ad sacrum Ecclesiæ Ministerium pro-
moveri possit.

III.

*Quales
persona*

In Personarum contrahentium qualitate im-
primis considerandum est, ut sint idoneæ, cum

ad

ad Matrimonium in genere, tùm ad tale Matrimonium in specie; seu cum tali personâ, contrahendum. In genere Matrimonium contrahere prohibetur alijs propter ætatem: impuberem, alijs propter naturæ & aⁿimas. In specie non possunt simul Matrimonium contrahere personæ, quæ prohibito Lege Dei Consanguinitatis aut Affinitatis gradu sibi invicem sunt conjunctæ. Gradus Consanguinitatis & Affinitatis prohibiti omnes in verbo Dei, atq; imprimis Levit. XVIII. vel expresse, vel per analogiam & necessariam consequentiam continentur. Neque habet Ecclesia potestatem alios Consanguinitatis aut Affinitatis gradus prohibitos constituendi, præter eos, qui ita Lege Dei prohibiti sunt. Quare Pontificij impie fecerunt, cum hanc sibi auctoritatem divinam arrogarunt, & olim usque ad septimum, nunc verò usque ad quartum Consanguinitatis & Affinitatis gradum conjugia prohibuerunt: hunc proculdubio in finem, ut hac ratione tanto plures dispensationum occasiones, & per consequens etiam lucri, sese offerrent. Nulli enim mortali licet conscientias hominum legibus suis ligare, ubi eas Deus non ligat: nec ijs libertatem eripere, quam Deus concessit. Sunt autem Leges illæ divinæ, quibus gradus prohibiti præscribuntur Levit. XVIII. & alibi, tam in V. quam in N. Testam. non solum constitutiones Legis judicialis, sed etiam pertinent ad Legem Moralem, atque adeò ad ipsam Naturæ legem. Quare nulli mortalium licet illis leges aut abrogare, aut mutare, aut contra eas dispensare. Ac proinde Papa Romanus cum sibi arrogat potestatem dispensandi in omnibus gradibus à

possint contrahere?

c. imparem tiam.

Quis Gradus Consanguinitatis & Affinitatis sint prohibiti?

An Ecclesia possit prohibere gradus in verbo Dei non prohibitos?

An Leges Levit. 18. sint perpetuæ?

An Papa Romanus

Deo possit disp.

*pensare in
gradibus a
Deo probi-
bitis?*

*d. 2. Thess.
2.4.*

*An Cognatio Spiritu-
alis impe-
diat Ma-
trimoniū?*

*Qua ratio
supputandi
gradus sit
exactior,
iuris Civi-
lis, an Ca-
nonici?*

*Quomodo
Matrimo-
nium con-
trahatur?*

Deo prohibitis, excepto primo, manifestissime ostendit, se esse verum illum Antichristum, qui se effert supra Deum. Cognatio verò omnis, quæ Matrimonium impedit, carnalis est, nulla autem spiritualis. Hæc enim si conjugium impediret, nulla possent inter Christianos conjugia contrahi, cum ad omnes Christianos se extendat, qui fratres & sorores Spirituales inter se omnes sunt in Christo. Quod ergo Pontificij nugantur inter Baptizatos, commentitioque Confirmationis Sacramento initiatos, & eorum *anaphoræ* seu Susceptores intercedere peculiarem aliquam cognitionem Spiritualem, quæ impedit, ut ipsi aut eorum liberi Matrimonio inter se conjungi non possint, figmentum est, Scripturæ & præscæ Ecclesiæ incognitum, atque ab omni ratione alienum. Ratio supputandi gradus Consanguinitatis & Affinitatis, quæ vltata est in iure civili, in quo quot sunt generationes tot supputantur gradus, multò exactior, & naturæ ac Scripturæ convenientior est supputatione illâ, quæ fit in iure Canonico.

IV.

Forma contractus Matrimonialis consistit in mutuâ stipulatione partium contrahentium, ex vtriusque libero consensu citra errorem factâ, & verbis fidei conjugalis promissionem disertè continentibus vtrinque expressâ. Consensus hiemutius partium contrahentium est præcipua Matrimonij causa, atque ita ad legitimum Matrimonium necessaria, ut sine eo nullum Matrimonium sit ratum, ac proinde sponsalia nomine impuberum à parentibus contracta, non sunt

rata, antequam accedat mutuis hic partium consensus, cum jam ad annos pubertatis pervenerint. Consensus hic etiam liber & voluntarius esse debet, non vi, aut metu, aut minis, aut auctoritate, ne parentum quidem, extortus. Ut autem parentes liberos sine ipsorum consensu ad Matrimonium non possunt cogere: ita etiam liberi sine parentum consensu non tantum non debent, sed nec possunt conjugia contrahere. Liberi enim parentibus sunt subiecti, neque potestatem habent seipsos in Matrimonium collocandi, sed parentum est liberos suos locare. Quare parentum consensus in liberorum nuptiis non tantum de honestate, sed etiam de necessitate requiritur. Matrimonium legitimè contractum ut solemni & iudiciali & in iudiciali benedictione coram Ecclesiâ publicè confirmetur, decorum, utile, & pietati Christianæ conveniens existimamus, sed hanc benedictionem propriè ad Matrimonii substantiam pertinere non arbitramur. Ritus autem in hac benedictione usurpandi sunt, qui à superstitione quam maximè alieni sunt, atque ad ædificationem quam maximè idonei: quales sunt institutiones atque admonitiones de fine & usu conjugii, deque coniugum officiis mutuis: & preces ad Deum pro felici coniugii successu, quæ omnes ut linguâ coniugatis atque Ecclesiæ cognitæ sunt, omnino requirunt ædificatio. Quare Benedictio, quæ in Papavi fit linguâ incognitâ merito ut ridicula & superstitiosa est improbanda, præsertim cum adiunctos habeat multos ritus supersticiosos, & non levem Cœnæ Dominiæ profanationem.

An parentum consensus in liberorum nuptiis necessario requiratur?

De sacerdotis administratione. Benedictio Matrimonii an pertineat ad substantiam Matrimonii?

An debeat fieri linguâ cognitâ?

V.

*An alia sit
Divortij
causa præ-
ter Adulter-
rium?*

*Indissol-
bile.*

g. Mat. 5.

32.

h. Mat. 5.

32.

*An Dispa-
ritas in Re-
ligione, In-
fidelitas,
aut Hære-
sis?*

i. 1. Cor. 7.

15.

*An votum
Monacha-
tum?*

*Facto di-
vortio an*

Conjugii legitimè contracti & consummati
vinculum tam arctum est, æque *συντάκτως*, ut,
quamdiu uterque conjux in vivis est, ne quidem
per mutuum consensum, dissolvi nunquam possit.
ἡ ὑπόστασις λέγει πρὸς τὴν Unica enim & sola Di-
vortij causa legitima est Adulterium, quod direc-
tè pugnat cum naturâ Matrimonii, utpote quo
non tantum mutua fides violetur, sed & indivi-
dua conjugum societas solvatur. Si quis *ἡ* vxo-
rem suam dimiserit extra rationem scortationis,
facit ut ea morchetur, atque ipse etiam si aliam
duxerit, mœchatur. Huic affinis est malitiosa
desertio, quæ etiam pro adulterio censetur. Ob
Religionis autem disparitatem, vel ob alterius
conjugis infidelitatem, aut hæresin, conjugium
dissolvi non potest, ne quidem quoad thorum:
etiam ne tunc quidem, si forte coniunx hæreti-
cus conjugem ad hæresin suam sollicitet, quam-
diu coniunx infidelis aut hæreticus assentitur ut
cohabitaret. Quod si verò infidelis cohabitare
nolit, in huiusmodi casu frater aut soror *ἡ ἡ* *συν-
τάκτως*. Nec potest conjugium semel legitimè
contractum, & ratum, etiam nondum consumma-
tum, solvi per votum continentiae, seu Monacha-
tus, vel ab alterâ, vel ab utrâque parte præstitum,
ne quidem ex mutuo utriusque partis consensu.
Quod enim Deus semel legitimè coniunxit,
nulli homines, ne ipsi quidem contrahentes, se-
parare possunt.

VI.

Quando conjugium propter Adulterium legi-
timè dissolvitur, non tantum sit separatio mens

& thori, sed ipsum etiam conjugij vinculum plane est dissolubile. Quare parti innocenti, si cum eâ reconciliatio non potest institui, ad quam nemo cogi potest, ad alias nuptias licet transire. Non debet enim pars innocens puniri propter alterius delictum, sed si continere non potest, habet præceptum Apostolicum, ut Matrimonium contrahat. Nam cum *l* melius est Matrimonium contrahere, quàm vri: & ad vitandam fornicationem, suam quisque uxorem, & suum quæque virum habebit. Cæterum hæc quæstio locum non haberet, si Magistratus officio suo rectè fungeretur, & partem nocentem poenâ in verbo Dei præscriptâ, quæ capitalis est, afficeret. Controversiæ & causæ Matrimoniales, quæ super Matrimonij contractum, impedimentis, divitiis, aliisque ejusmodi rebus incidunt, præsertim quæ facti sunt, à Magistratu politico rectè judicantur, modò Leges civiles, secundum quas judicant illud instituitur. Legibus divinis sint conformes. Quid autem in talibus causis juris sit divini, Ministri eorum Ecclesiæ est ex verbo Dei Magistratum docere, si forte in legibus Matrimonialibus à Magistratu sancitis, secundum quas judicat, quid desideretur verbo divino minus consentaneum. Casus autem Conscientiæ pertinent ad forum Ecclesiasticum, in quo indecens est litigiosos processus institui, & illicitum potestatem coactivam exercere. Matrimonia denique contrahi, & celebrari, & benedici possunt quovis anni tempore, nisi fortè cum in calamitatibus publicis, aut luctu privato supplicationes & jejunia instituuntur. Nec enim putandum est dies illos esse in se tam sanctos, qui Matrimonij celebratione possunt.

*dissolvatur
vinculum?*

*An parti
innocenti
liceat transire
ad alias
nuptias?*

*l 1. Cor. 7.
9.*

*An Causæ
Matrimoniales
judicari
debeant à
Magistratu?*

*An Matrimonia
omni
anni
tempore
celebrari
possint?*

*m aequalis
honor, vel
respectus.*

cum Matrimonium non sit res impura, sed honorabilis, & sancta, quæ hominem etiam in statu innocentiae non contaminabat: & dierum ac temporum in Novo Testamento per se sit *m i&u* *equivia*. Quare quod Pontificij vetant Matrimonia certis anni temporibus celebrari & benedici, superstitio est nequitiam probanda, & jugum Antichristianum.

DE HOMINE, ET EIVS TRIPLICI STATU INNOCEN- TIÆ, MISERIÆ, ET GRATIÆ.

DISPUT. LV.

*De Statu Hominis ante Lapsum,
ET
De Paradiso.*

THESIS I.

a opus.

*Quid sit
iustitia o-
riginalis?*

b Gē. 1. 27.

PRæstantissimum Dei *a dignissimum* est Ho-
MO, quem DEVS in principio *b* condidit ad
imaginem seu similitudinem suam, in verâ

Dei

Dei agnitione, sapientiâ, iustitiâ, & sanctitate: quæ dona vocantur *iustitia originalis*, quia in ipsa sui origine eam per creationem accepit. Hæc iustitia originalis ad imaginem Dei se habet, ut pars ad totum. Imago enim Dei præter veram in mente sapientiam, in voluntate conformitatem cum voluntate Dei & iustitiam, in corde affectionum & appetitionum omnium cum recta ratione harmoniam & sanctitatem, quæ tantum nomine iustitiæ originalis exprimuntur, complectitur etiam spiritusalem, intelligentem, volentem, & immortalem hominis naturam, secundum animam, & imperium ejus in omnes creaturas. Dona hæc iustitiæ originalis possunt quidem supernaturalia appellari, si respicias naturam nunc corruptam, ex qua non apta sunt fluere. Homines enim corrupti à naturâ hæc dona nunc non habent. Aut si physicè consideres essentialia humanæ naturæ principia, animam scilicet, potentias, & corpus. Ex illis enim hæc dona etiam physicè non fluunt, & potuisset Deus, si ita visum ei fuisset, hominis naturam etsi integram, condidisse, tamen dotibus illistam excellentibus non ornatam. Sed quia Theologi naturam hominis considerant non physicè tantum, sed vestitam aut nativis integritatis donis ex creatione ante peccatum, ut integram, vel cum nativis defectibus corruptionis ex lapsu post peccatum, ut corruptam, malè hæc dona Supernaturalia vocantur respectu principiorum & donorum naturæ integræ, quia non fuerunt supra aut præter principia & dotes naturæ integræ, sed ex iis immediate fluxerunt. Et quemadmodum rectè dicitur aliquid homini corrupto naturale, quod fuit ex

An sit donum naturale, an supernaturale?

principiis & defectibus naturæ corruptæ vel quod homini inest ab ipsa nativitate, ita etiam rectè dona hæc possunt appellari Naturalia homini integro, quia ex nativis dotibus hominis integri fluxerunt, & quia homini integro ab ipsa creatione, quæ illi nativitas fuit, adfuerunt. & naturæ constitutæ ex creatione per se adiacebant.

II.

An in natura integra fuerit propensio ad malum?

Atque hinc consequitur quæ Adamo Naturalia fuerunt in statu integro, ea nobis non esse naturalia in statu corrupto. Ac proinde rebellionem carnis adversus spiritum, seu propensionem ad malum, & pronitatem ad voluptates carnales, quæ in naturâ corruptâ conspicitur, non fuisse in naturâ integrâ ante lapsum, in quâ homo ordinatè absque vlla rebellionem ad bonum ferebatur. Si enim hæc rebellio ante lapsum à naturâ, ut à Deo creata est, in homine fuit, ita ut opus habuerit feceno aliquo doni supernaturalis, quo illa coerceretur, manifestè patet Deum naturæ autorem hujus vitiositatis quoque autorem constitui.

III.

An homo integer sine specialis Dei gratiâ in bono potuerit perseverare?

Homo ad imaginem Dei in justitia originali conditus sufficientem quidem gratiam in creatione acceperat, quâ bonum operari, & peccata vitare poterat, ita ut in hoc statu præditus fuerit arbitrio libero, quo tam bonum quam malum eligere, ac proinde in bono perseverare, si vellet, poterat. Sed, ut experientia maximo cum malo nostro docuit, quemadmodum non habuit ut peccare nunquam vellet. ita constanter bonum velle

sine speciali Dei gratiâ, præsertim in gravioribus tentationibus, etiam non potuit. Erat quidem in ipso facultatum omnium, sine rebellionē, insignis harmonia, sed quia illa à voluntate turbari poterat, opus habebat speciali Dei gratiâ hanc harmoniam & bonam voluntatem conservante, dirigente, & confirmante, quam si semper habuisset, nunquam fuisset lapsus. Cum itaque sana ratio diceret aliquem eo indigere sine quo, si non habet, bonum assequi non potest, sequitur rectè dici hominem in statu integritatis opus habuisse speciali Dei auxilio & gratiâ, ut in bono perseveraret, ac proinde etiam sine eâ in bono non potuisse omninò perseverare.

IV.

Nec Deus tantum animam hominis in primævâ creatione iustitiâ hac originali atque immortalitate exornaverat, sed homini etiam tale corpus adoptavit, quod licet in se compositum sit ex diversis elementis & humoribus, ac proinde corruptioni obnoxium esse possit, præditum tamen erat optima humorum & spirituum harmonia, in qua vi animæ originaliter perfectæ & immortalis, ab omni morborum intemperie, atque ab ipsa morte corporali perpetuò erat immune conservandum, nisi intervenisset peccatum, cuius est stipendium mors est, quæ non per naturam, sed per peccatum introiit in mundum. Corpus itaque hominis ante lapsum, etsi non habuit absolutam moriendi, impotentiam, qualis est animarum, & erit glorificatorum corporum: sic enim mori, etiam post peccatum, nunquam potuisset, habuit tamen potentiam non moriendi, quæ, conditione

An et quantum corpus hominis ante lapsum fuerit mortale?

c Rom. 6.
23.

An potentia nō moriendi fuerit homini naturalis, an supernaturalis?

Peccati non existente, à corpore separari non poterat. Nulla enim erat causa, ne interna, ut morbus aut senium, neque externa, ut vis aut famēs, quæ ante peccatum homini mortem inferre potuisset: ita ut non nisi per peccatum in hanc moriendi necessitatem inciderit. Atque hæc potentia non moriendi cum etiam sit pars imaginis Dei, rectè dicitur ei fuisse naturalis in natura integra, quia non tantum naturæ ejus integræ erat consentanea, eamque perficiebat, atque ornabat, sed etiam quia ex principijs naturæ integræ fuit, cui mortalitas planè est contraria, cum anima purissima vitam perennem in corpus sibi vnitum transpiret. Quare Pontificij cum docent mortalitatem homini in natura integra fuisse naturalem, immortalitatem autem ut donum supernaturale & accidentarium accessisse, statuunt mortem non peccati effectum, pœnam, aut stipendium, sed naturæ integræ sequelam, neque ex peccato, sed ex natura provenire: atque ita ad Pelagianorum errorem manifestè prolabantur.

V.

An sciri possit ubi nam olim fuerat Paradisus?

Locus in quo Homo primitus conditus & collocatus fuit, vocatur Hortus Hedenis, seu Paradisus, qui non fuit locus aliquis allegoricus, sed verus, corporalis, & terrenus, in orbe habitabili. Locus hic ubinam fuerit situs, quia Moses accuratè describit, ex illa descriptione sciri haud difficulter potest, nisi velimus Moſen vel impetitiæ vel affectatæ obscuritatis accusare. Nam cum Moſes discretè scribat hortum hunc fuisse in regione Heden, quæ Palestinæ & Arabiæ fuit orientalis: & fluvium procedere ex Hedene

ad irrigandum hunc hortum: & inde sese dividere, ferrique in quatuor capita, quorum primi nomen est Pischon, secundi Gichon, tertij Chiddekel, qui labitur ad Orientem, Assyriam versus, & quarti Perath, & cum extra omnem controversiam habeatur fluvium Chiddekel esse Tigrim, & Perath Euphratem, non potest esse dubium, quin Paradisus hic olim extiterit in Mesopotamiâ circa Babyloniam, ubi fluvij isti reperiuntur: præsertim cum testibus historicis & experientia, etiam hodiè post peccatum & diluvium, partes istæ præ cunctis orbis regionibus reperiantur amœnissimæ. Hortus hic interris hodiè amplius non extat, & nequaquam ambigendum est, quin fuerit olim aquis diluvij, quæ totum terrarum orbem sub cœlo, etiam altissimos montes quindecim cubitis sursum versus, regebant, simul coopertus, vastatus, & destructus. Quare inanes sunt fabulæ, quas Pontificij comminiscuntur de translatione Enochi & Eliæ cum corporibus in terrestrem hunc Paradisum, adhuc alicubi existentem: unde sint redituri ad certamen cum Antichristo, ab eodem trucidandi. Translati quidem sunt illi viventes in corporibus, non verò in terrestrem, sed cœlestem Paradisum, sedem maximè illis congruentem: neque ad tale certamen unquam erunt redituri. Christus enim disertè testatur prædictionem de adventu Eliæ illo tempore in Ioanne Baptista fuisse adimpletam.

An Paradisus adhuc sit superfluit?

VI.

In hoc horto dux fuerunt memorabiles præ cæteris Arbores, à Deo ut essent rerum spiritu.

d Gen. 3.
Unde Ar-
bor scien-
tia boni &
mali fuc-
rit appella-
ta?

An Arbor
Vita habu-
erit virtu-
tem in se
hominem
à morte
conservan-
di?

e potestas.
f Apoc. 2.

7.

alium symbola, constituta, quarum una vocabatur d Arbor Scientiæ boni & mali, altera Arbor Vitæ: Prima arbor fuit *Scientia boni & mali* appellata, non à formâ, quod ipsa rationalis sciret bonum & malum, nec ab effectu per se, quod in hominibus scientiam boni & mali posset efficere, sed ab eventu, quem Deus hoc arboris etymo præsignificavit, futurum scilicet, ut homo contra interdictum ex eâ comedens suo malo disceret & experiretur, quantum bonum amisset, & quantum malum sibi conciliasset. Secunda arbor vocata fuit *Vita*, non quod semel gustata vim in se habuerit homini perfectam immortalitatem conferendi, aut temperamentum humidi radicalis & calidi nativi æquabile conservando senium arcendi, & vitam hominis in infinitum tempus prorogandi: non potest enim potentia finitæ infinita ascribi efficacia: sed ita fuit appellata à Sacramentali & mysticâ significatione, quod Adamo & Evæ esset Sacramentum, arrhabo, & symbolum, acceptæ & continuandæ immortalitatis, ut eam sibi securè promitterent, quamdiu obedientiam legi præstantes ederent ex illius fructu. Qui enim Dei præcepta præstant, illis *est vita* est in lignum vitæ, f ut edant ex arbore illâ vitæ, quæ est in medio Paradisi Dei.

D E

DE STATV PEC-
CATI ET MISERIE.

DISPVSTAT. LVI.

De Peccato.

ET

Ejus Causâ.

T H E S I S I.

EX beatissimo hoc integritatis statu homo in extremam incidit miseriam per Peccatum, de cujus naturâ, & causâ per quam producit, prius in genere dispiciendum venit. Peccatum ut brevissimè, ita optimè atque exactissimè definitur ab Apostolo Iohanne, cum dicit: *α ἡ ἀμαρτία ἐστὶν ἡ ἀνομία*. *Amara* hic significat non quodlibet naturæ aut artis erratum, sed morale tantum, quod non incommodè etiam Vitium Latinè appellari posset, cum ex usu linguæ Latinæ Vitium tam actus quam habitus vitiosos significet; sed rectius & vsitatius à Theologis Peccatum dicitur. *Amara* non benè transfertur Transgressio Legis, quæ soli peccato actuali competit, sed rectius Iniquitas, aut Defectio à Lege, vel quicquid pugnat cum Lege Dei, sive

*Quid sit
Peccatum?*a 1. Ioh.
3. 4.

sic

fit vitiosus habitus, siue actio vitiosa facta, dicta, aut concupita aduersus Legem. Definitio autem Augustini, quam Pontificij magis probant & sequuntur, cum definit *Peccatum esse factum, vel dictum, vel concupitum aliquid contra legem eternam*: non est proba, quia non est plena, sed Definitio suo angustior: cum peccata omissionis & ignorantiae, & defectus vitiosos non includat, quae tamen inter peccata censeri debent.

II.

*An vitiosi
habitus cri-
am sint
peccata?*

*An omne
peccatū sit
necessario
volunta-
rium?*

Formale peccati est defectus eius integritatis quae in Lege Dei praescribitur: qui cum non tantum in actionibus hominum, sed etiam in habitibus reperiuntur, sequitur non tantum actiones a Lege Dei discrepantes, sed etiam vitiosos habitus peccata esse. Alioquin enim peccatum originis, concupiscentia, omissiones boni, inclinationes inordinatae, ignorantia & dubitatio de Deo in mente, dilectionis Dei & proximi, & ardentis studi; Deo secundum omnia eius praecepta obtemperandi in corde privatio, non essent peccata, quae tamen omnia Lege Dei damnantur, in quibus bona his defectibus opposita in nobis expresse requiruntur. Vnde peccatum aliud habituale, aliud actuale recte appellatur. Neque ad formam peccati necessario requiritur ut sit voluntarium, cum neque iustitiae, nec peccati regula sit voluntas hominis, sed tantum Lex Dei, à qua quicquid aberrat peccatum est, siue sit voluntarium, siue involuntarium: etsi fateamur voluntario peccati gravitatem augeri. Nam alioquin peccatum originis, & peccata ignorantiae & infirmitatis non essent peccata, quia

non sunt voluntaria. Nec in ratione peccati omne necessarium semper pugnat cum voluntario, sed tantum illud quod est absolute necessarium, & coactum ac violentum. Impij enim seu irrogeniti, ex hypothese corruptionis humanæ, necessario peccant, quia nihil aliud possunt facere quam peccare, & tamen sponte & volentes peccant.

III.

Peccata pro subjectorum, quæ peccant, vel in quibus peccatum inest, pro objectorum, in quæ peccatur, pro Legis præceptorum, pro originis & graduum varietate, multipliciter possunt dividi in peccata originalia & actualia, animæ & corporis: contra Deum immediate, aut contra proximum: omissionis & commissionis: graviora & leviora: sed nullo modo probanda est aut admittenda in sensu Pontificio distinctio peccatorum in *Venialia* & *Mortalia*: cum per *Venialia* intelligunt peccata, quæ à Deo per se & sua natura non avertunt, sed ita levia sunt ut non mortem sed veniam apud Deum mereamur, neque opus habeant, ut per sanguinem Christi mudentur, sed quæ aut per pœnitentiam, aut per ignem Purgatorium facile expientur. Scriptura enim expresse testatur peccati cujuscunque stipendium esse & mortem: maledictioni obnoxium esse & qui non permanserit in omnibus quæ scripta sunt in libro Legis: animam & quæ peccaverit, morituram: qui in vno offenderit, & reum esse omnium: qui solverit s. vnum de minimis istis mandatis, minimum vocandum in regno cœlorum: homines etiam de quoocunque otioso verbo, quod locuti fuerint, reituros rati-

tionem

*Quotupli-
cia sint
peccata?*

*An peccata
vellè pos-
sint dividi
in Venialia
& Mor-
talia?*

b Rom. 6.

23.

c Gal. 3.

10.

d Exek.

18.4

e Luc 2.10

f Mat. 5.

19.

g Mat. 12.

36.

tionem indie judicij. Quare cum omnia peccata etiam minima à Lege Dei deficiant, & contra voluntatem Dei fiant, cum manifesta rebellione & legis prævaricatione, quæ iram Dei necessariò provocat, sequitur omnia etiam per se & naturâ suâ mortem æternam, & maledictionem divinam mereri: ac proinde nulla esse naturâ sua venialia. Ex accidenti autem fit ut peccata per se mortalia seu mortem merentia, fiant per Dei gratiam ac misericordiam resipiscenibus ac fidelibus venialia, quia illi per Christi pro ijs satisfactionem fide apprehensam eorum veniam, seu remissionem, à Deo gratis consequuntur. Atque in hoc sensu distinctio illa posset admitti: aut prout Scriptura peccatum aliud vocat *h' oge Sâvav*, aliud *mu oge Sâvav*. Quodvis enim peccatum licet in se mortale existat, fit remissibile seu veniale per Dei gratiam, quando ejus agitur pœnitentia vera & seria: ac solum peccatum in Spiritum S. actum est irremissibile, quia ejus nunquam agitur pœnitentia, eo quod Deus ita peccantes cœcitate; puniat justo suo judicio, ut nunquam resipiscant, ac proinde nec remissionem peccatorum consequantur.

IV.

*An peccata
omnia sint
æqualia?*

Nec tamen hinc sequitur nos, cum docemus sua natura omnia peccata esse mortalia. Stoicorum paradoxum de peccatorum æqualitate in Ecclesiam introducere, haud magis, quam si quis dicat Pontificios statuere omnia mortalia peccata esse æqualia, qui docent omnia illa mortem mereri. Agnoscimus enim alia peccata in se aliis esse graviora, & gradus esse gravitatis

peccato-

peccatorum, quæ propterea in leviora & graviora necessario distinguenda esse arbitramur. Leviora enim sint peccata ignorantie & infirmitatis, nec tamen propterea venialia in se, cum Deus peccata non ex hominum ignorantia aut infirmitate, sed ex Legis suæ regula metiatur. Atque ut in hac vita gravitatis peccatorum gradus sunt, ita secundum eos post hanc vitam etiam erunt gradus pœnarum, quæ etsi omnes erunt æternæ, & respectu temporalium pœnarum gravissimæ, pro peccatorum tamen gravitate intenduntur, & aliæ alijs erunt tolerabiliore.

V.

Causa efficiens Peccati non quidem propriè & per se statui aliqua potest, cum malum propriè non effectus sed potius defectus sit: unde non malè veteres peccato deficientem potius quàm efficiensem causam assignandam esse tradiderunt: analogicè tamen efficiens causa appellari potest, ex qua hic defectus in habitu aut effectû aliquo existit. Causa autem hæc omnis querenda est in creaturâ peccatrice & peccante. Deus verò, cum summum sit bonum, à quo nihil nisi bonum provenire potest, imò ipsissima Bonitas, cui cum malitiâ nullum omninò potest esse commercium, cum sit justissimus mundi iudex, apud quem nulla iniquitas locum habere potest, qui peccata & injustitiam seriò prohibet, & severè punit, cum ejus voluntas omnis justitiæ sit regula, ac proinde non possit nisi recta & justa velle, tantùm abest ut alicujus vel minimi peccati autor vel causa esse aut dici possit, ut, cum apud ipsos Ethnicos id ipsum extra omnem dubitationis aleam positum

*Qua sit
causa effi-
ciens pec-
cati?*

*An Deus
sit autor
peccati?*

positum fuerit, non tantum summè impium & horrendè blasphemum arbitremur, si quis Deum autorem peccati dixerit vel cogitaverit, sed etiam si quis Christianus in dubium aut controversum vocaverit, an Deus peccati autor sit, aut esse possit? Si enim peccati autor esset, non esset Deus, quia non summè bonus: imò si peccati autor esse posset, seipsum abnegare, & Deus esse definire posset, & sic neque Deus esset, quia non perfectissimus nec immutabilis esset. Facessint ergo à Christianorum mentibus tam impie cogitationes, & à Christianorum Scholis tam blasphemæ Disputationes,

VI.

*Quomodo
Deo opera
mala as-
tribuan-
tur?*

Quando verò Sacra Scriptura Deo attribuit, quod decreverit, mandaverit, & fecerit opera quæ sine peccato non fuerunt à Creaturis facta: puta quod decreverit id quod fecerunt Iudas, Pilatus, Iudas in Christo prodendo & crucifigendo: quod mandavit Simeæ ut malediceret Davidi, & Satanæ ut deciperet Prophetas Achab: quod Iosephum vendiderit, Iobi bona abstulerit, Pharaonem obduraverit, Prophetam pellexerit, cordi Ægyptiorum mutaverit, ut odio haberent populum suum: quod Davide inexcitaverit ad numerandum populum, & Medos excitaverit ad deprædandum Iudæam: quod rebellio Ieroboami, & defectio tribuum à Deo fuerit, & similia alia, id ipsum commodè & dextrè est intelligendum atque explicandum: Deo scilicet ista attribui, non quia sunt peccata in se, sed quia sunt iuxta sua iudicia, pœnæ, ac probationes ex accidenti: atque hæc peccata à creaturis fieri, non

*Quia sis ef-
ficacia
providen-
tia Dei cir-
ca malum?*

inscio Deo, aut omnino invito, aut otiose spectante (nisi enim vellet permittere fieri peccata, nulla fierent) sed circa illa opera etiam Providentiam divinam concurrere, non malum ipsum efficiendo, sed iuste & sapienter permittendo, seu non impediendo. Permissio autem hæc non est nuda omnino, qualis est eorum, qui rem aliquam impedire nequeunt, sed hoc modo efficax, ut non ipsum malum, quod tantum à Deo permittitur, sed quicquid circa hoc malum boni est, à Deo efficiatur. Bonum autem hoc spectatur vel in principio, vel in medio, vel in fine actionum malarum. In principio Deus hominum voluntates non malis efficit, aut invitas ad malum cogitat aut impellit, sed malas ex se existentes, & non nisi ad malum sponte sua ruentes, quasi inclinat & dirigit, quod voluerit, ad iusta sua iudicia exequenda. Huc faciunt immissio bonarum cogitationum, & oblatio occasionum, quibus homines mali malè abutuntur. In progressu seu medio, distinguenda sunt *in propria* actionis, quæ tantum est à creaturâ, & actio ipsa, quæ actio tantum est, quæ quia secundum entitatem suam bonum est naturale (malum enim non est nisi in bono, tanquam in subiecto) Deo etiam tanquam primæ causæ, sine qua nullæ creaturæ moveri possunt, ascribi potest. In fine Deus actiones creaturarum malas ita circumscribit, ut earum magnitudini & durationi terminum ponat, ne pro libidine sua creaturis liceat quodvis malum perpetrare, sed frenum eorum maxillis, & annulum naribus indit, ac denique ita dirigit, ut ad iustissimam iudiciorum suorum contra impios executionem, aut salutarem piorum casti-

irregularitas.

gationem

An Doctores Ecclesiarum Reformatarum Deum statuant autorem peccati?

l. five Deus, impius.

gationem & probationem cedant, atque ita ex hisce tenebris gloriæ suæ lucem eruit. Hoc in sensu superiora Sacræ Scripturæ loca à nostris explicantur. Potuissent quidem nonnulli Ecclesiarum Reformatarum Doctores concursum hunc Providentiæ divinæ & malarum hominum voluntatum in operibus illis malis, phrasibus & verbis paulò commodioribus explicasse, quam quæ in scriptis eorum alicubi reperiuntur, sed cum de sensu ipsorum vero & recto ex alijs locis abundè atque evidentè constet, & hæresis non in verbis sed in sensu sit, candidè illa accipi debent, & excusari possunt. Quare Bellarminus palam ostendit se insignem esse Sophistam, impudentem calumniatorem, atque impium Sycophantam, cum ex quibusdam diriusculis Doctorum nostrorum phrasibus, isque manifestè detortis & corruptis consequentijs, calumniosè, sophisticè, & per vim contortis, impingit præcipuis quibusdam Ecclesiarum nostrarum Doctorum hortendissimas blasphemias, quas nemo barbarus & l. a. d. i. e. immò ne ipse Satan quidem in Majestatem divinam evomere auderet: scilicet eos docere, Deum esse autorem peccati, Deum verè & propriè peccare, Deum solum peccare, & Peccatum nihil aliud esse, quàm falsam imaginationem. Illi enim ipsi Doctores blasphemias hæc opinioniones apertissimè damnant atque execrantur, & nonnulli etiam easdem stertentibus Papistis doctissimè & solidissimè refutarunt. Nos contrà ex doctrinâ Bellarmini, quâ statuit Providentiæ divinæ concursus quendam indifferentem, seu influxum tantum indifferentem concurrentem, ita v. semper peries

homi.

hominem maneat indifferentem illum influxum pro libitu suo sic vel sic determinare, bonâ & evidenti consequentiâ colligimus cum hâc doctrinâ Specialem Dei Providentiam circa res humanas penitus tollere, Deum de throno Providentiæ suæ præcipitare, Deum hominibus subicere, & homines supra Deum evelere, omnem Dei cultum & metum tollere, atque ita Epicuræismo, & Atheismo januam manifestè aperire.

DISPUTAT. LVII.

De Lapsu Adami.

T H E S I S I.

PRima omnis miseræ humanæ origo extitit ex illo tristissimo & humano generi perniciosissimo Lapsu primorum parentum, qui fuit voluntaria illa Adami & Evæ inobedientia, & transgressio Legis divinæ, de non comedendo fructu arboris Scientiæ boni & mali, facta in Paradiso, suatore Diabolo, qua iustissimo Dei judicio integritatem & justitiam originalem, quam in deposito habuerant suis posteris communicandam, si perstarent, sibi & suis perdidērunt, & mortem temporalem ac æternam sibi & posteris omnibus attraxerunt, & se cum tota posteritate ex summo dignitatis fastigio in profundissimam miseriarum voraginem præcipitarunt.

*Quid sit
Lapsus A-
dami?*

II.

*Quodnam
fuerit pri-
mum Ada-
mi pecca-
tū: Super-
bia, an In-
fidelitas?*

a Rom. 5.

14.

b Rom. 5.

15.

c Rom. 5.

19.

Peccatum hoc in genere quidem vocatur in Scriptura *averſum*, *ſuperbum*, & *iniquum*, ſed quodnam in ſpecie primum & præcipuum in hoc lapſu peccatum fuerit, diſertè non exprimitur. Ex circumſtantijs tamen colligitur varia & multiplicia hæc peccata ſimul concurriffe, inter quæ primum aut maximum non Superbia, ſed potius Infidelitas eſt æſtimanda, quia minis à Deo veriſſimè & ſeveriſſimè pronuntiatis fidei homo abrogavit, quas ſi veras credidiſſet, nunquam in tam immane exitium ſe præcipitâſſet. Nulla in homine elatio eſſe potuit niſi prius fide eius libefactata. Atque ut Fides omnis obedientiæ & juſtitiae fons eſt, ita contrà, omnis quoque inobedientiæ fons & radix eſt Infidelitas, quæ ambitioni & ſuperbiæ januam aperit.

III.

*An pecca-
tum hoc
Adami fu-
erit graviſ-
ſimum?*

Nec fuit hoc peccatum leve aliquod delictum, puta violatio tantum fructus vetiti ex gulæ intemperantia, in qua hic non eſt hærendum, ſed præterquam quod fuerit Legis divinæ, qua Deus hominis obedientiam explorabat, voluntaria & quali univerſalis tranſgreſſio, ac proinde fœderis cum Deo inti & obedientiæ ex fœdere debitiæ maniſeſta ac totalis renunciatio, multa gravia & horrenda hæc ſimul peccata concurrerunt, qualia ſunt Infidelitas, Idololatria, Diſſidentia, de veritate & bonitate Dei, Dubitatio, Superbia, Ambitio, Appetitus inordinatus, Concupiſcentia prava rerum illicitarum, Concupiſcentia oculorum, Incontinentia manuum, Intemperantia

gulæ,

gula, Prava voluntas, Furtum rei alienae, Violatio Sacramenti, Ingratitudo erga Deum sceleratissima, *d. actus*, erga proximos, Homicidium totius posteritatis, teterrima à Deo ad; Diabolum *e. Amicus*, multaue alia, quorum catalogum texere nimis foret prolixum. Ex quibus facile apparet peccatum hoc Adami fuisse omnium peccatorum longè gravissimum: quod propterea etiam ex ordine iustitiae à Deo gravissimis poenis fuit punitum, & non nisi gravissimo & summi valoris *f. actus*, morte scilicet Filij Dei, pro nobis expiari potuit. Virum autem Adamus, an verò Heva gravius hinc peccaverit curiosa magis quam utilis est quaestio, ad quam tamen probabiliter responderi potest, cum vir muliere sit sapientior & fortior, & vir mulieris caput fuerit, quam non audire sed corrigere debuit, & cum Deus virum gravius reprehenderit, ejusque poenam mortis directè irrogaverit, mulieri autem indirectè in viro, gravius virum hinc deliquisse, quam mulierem.

IV.

Primi parentes nostri horribili hoc lapsu exciderunt totaliter gratiâ illâ præclarâ iustitiae originalis, in qua fuerant conditi. Ex quo tamen exemplo non potest concludi Fideles regeneratos etiam totaliter gratiâ regenerationis posse excidere: quia utraque gratia diversa est. Adamus enim gratiam creationis non solum, quantum ad se, sed etiam quantum ad consilium Dei, mutabiliter habuit, ut eventus ostendit. Fideles verò regenerati gratiâ Christi habent quidem hanc regenerationis gratiam etiam mutabiliter

*d. defectum
amoris na-
turalis?
e. defecto.*

*f. redemp-
tionis pre-
tium.
An Ada-
mus gra-
vius pec-
caverit, an
verò He-
va?*

*An primi
parentes
gratiâ to-
taliter ex-
ciderint?*

quantum ad se: tamen non habent eam mutabiliter, quantum ad Dei consilium, promissionem, certam conservationem, & Christi intercessionem! Conservantur enim virtute Dei, ne toti corruant, ac fidem & Spiritum Sanctum penitus excutiant, & à Lapsu ad pœnitentiam tandem certò resuscitantur.

V.

*Qua sit
pena primi
peccati?*

*g inordi-
natione*

*An primi
parentes*

Gravissimum hunc Lapsum ex ordine justitiæ divinæ etiam gravissima pœna fuit subsecuta: quæ ut sub *Mortis* nomine fuerat interminata, ita sub eodem nomine omnes pœnæ committæ comprehenduntur & exprimentur. Quicquid enim mortis nomine comprehenditur per Lapsum hunc sibi homo justissimè attraxit. Primò mortem corporalem cum omnibus hujus vitæ calamitatibus, quæ ad illam mortem quædam quasi præparationes sunt. Secundò, mortem spiritualem, quæ consistit non tantum in privatione justitiæ originalis, sed etiam in corruptione totius naturæ, cæcitate in mente, aversione & rebellionem adversus Deum in voluntate, pravitate, contumacia & horribili *g omnia* in cordis affectibus, inclinationibus, moribus, & actibus omnibus: quam ex immoto judicii divini ordine sequuntur mala conscientia, fuga & odium Dei peccantem destruentis. Tertio, iram Dei, & maledictionem ac mortem æternam. Hisce pœnis non tantum ipsi primi parentes, sed omnes eorum posteræ naturaliter ab ipsis propagandi obnoxij & involuti fuerunt, neq; quisquam ab illis nisi per meritum Christi liberatur. Quamvis autem primi parentes gravissimum peccatum commiserint, ta-

men

tamen cum promissionem Evangelij de Christo semine mulieris, & caput serpentis contrituro audiverint, confidimus ex regula charitatis, quæ in obscuris in meliorem partem inclinat, eos non perijsse in peccato, sed audita promissione Evangelij resipuisse, & fide servatos esse per Adamum secundum, qui cum multos Adami posteros servet, ipsum Adamum primum præteruisse, nec Scriptura docet, nec charitas statuere permittit. Gratia tamen hæc restitutionis Adamo non fuit ita donata, ut antea gratia creationis collata fuerat, in omnes posteros per naturalem generationem propaganda. Deus enim gratiam hanc salutarem Adami posteris non communicat per carnalem generationem, sed per spiritualem regenerationem secundum beneplacitum suum.

VI.

In tritissimum hunc Lapsum inciderunt quidem primi parentes persuasionem & impullum Diaboli, sed tamen sponte & liberè inclinante eò proprio voluntatis eorum motu: ita ut causa hujus Lapsus vera, propria, & proxima, extra hominis voluntatem nulla sit querenda. Et cum prædita fuerit eorum voluntas ante Lapsum libero arbitrio, quod non tantum cogi non poterat, sed ijs etiam viribus præditum erat, ut tam bonum quam malum eligere potuerit, sequitur, eos nullâ necessitate vel internâ vel externâ ad hunc Lapsum fuisse compulso: atq; hujus respectu lapsos esse liberrimè, & merè contingenter. Ceterum cum etiam dici non possit lapsum hunc accidisse Deo prorsus invito: hoc enim esset Potentiam Dei destruere: nec Deo ignorante, hoc

*ex Lapsu
sint resti-
tuti &
servati?
h Gen. 3.*

*Qua sit
causa Lapsus?*

*An Adamus
Lapsus
fuerit
necessario,
an contingenter.*

i Luc. 12.
6.

esset Sapientiam Dei negaret nec Deo otioso tantum spectante: hoc esset Providentiam Dei tollere: Et cum credibile non sit hominem, nobilissimam creaturam, à Deo ambiguo sine conditum fuisse, aut de statu integritatis in peccatum & mortem sine Dei consilio cecidisse, cum ne passerculus quidem aut pilus capitis sine voluntate Dei in terram cadat: cum etiam certum sit Deum lapsus huius remedium, Christi mediationem, ab æterno ordinasse: sequitur lapsum hunc extra Dei consilium & Providentiam non esse ponendum, qua non tantum eum provideret, sed etiam eundem, non quidem efficere, sed permittere seu non efficaciter impedire decreverit, propter suam gloriam: ut hac ratione occasionem haberet declarandæ suæ tum iustitiæ in puniendis propter peccata reprobis, tum misericordiæ suæ in servandis gratis electis: non quod aliter decernere ex absoluta potestate non potuisset, sed quod hic modus misericordiæ & iustitiæ suæ declarandi sapientiæ divinæ placuerit, & maximè conveniens videretur. Respectu huius decreti permissivi, & ex hypothesi ejusdem æternitatis, immutabilitatis, atque infalibilitatis, haud etiam incommodè dici potest, lapsum hunc necessariò evenisse.

DISPUTAT. LVIII.

De Peccato Originali.

THESIS I.

Q^Uoadmodum primus homo in Paradiso duplicem

duplicem gerebat personam, tūc suam ipsius, tūc totius posteritatis, cujus massam sustinebat, ita etiam peccatum ejus primum geminum habet respectum tūc ad ipsum: & sic erat personalis atque actualis ipsius Adami transgressio, tūc ad totum posteritatis genus, quod in lumbis ejus latens vna peccabat. Sicut itaque Adamus personali sua transgressione commisit actuale culpam, in reatum condemnationis incidit, & imagine Dei privatus naturæ corruptionem sibi attraxit, ita etiam omnes ejus posteri, naturali propagatione ab ipso orti, in tria hæc lethifera mala, per lapsum Adami inciderunt, in culpam actuale ab omnibus jam tūc in lumbis ejus existentibus patratam, in reatum condemnationis, & in privationem imaginis Dei ac pravitatem naturæ, quæ omnibus hominibus ingenta est, & propter quam non minus quam propter illam in Adamo factam transgressionem, omnes homines nascuntur filij iræ, & rei æternæ maledictionis. Tria hæc unico *Peccati Originalis* nomine communiter exprimuntur: quod ita vulgò vocatur, quia cum ipsa nostri origine per generationem & humanæ naturæ participationem in nobis originem trahit.

II.

Primum malum quod Peccatum Originis complectitur, est participatio transgressionis primæ Adami, in quo vno homine, qui tanquam principium, stirps, & radix erat totius generis humani, nos omnes posteri in lumbis ejus, vt in massa, existentes, originaliter peccavimus: haud secus ac Levi nondum natus in Abrahami

*Quid per
peccatum
Originis
intelliga-
tur?*

*An omnes
homines in
Adamo
peccarint?*

a Heb. 7.9.

lumbis dicitur a decimatus. Fuit enim hæc Adami transgressio non personalis tantum inobedientia, sed etiam vniuersalis omnium hominum à Deo in ipsius lumbis defectio. Quare Peccatum Adami non est nobis omnino alienum, sed est & proprium cuiusque peccatum, quod propter hanc naturæ cum Adamo communionem singulis hominibus non tantum imputatur, sed à singulis etiam est perpetratum: ac propterea etiam non malè Peccatum Naturale vocatur. Hic Lapsus noster in Adami lumbis ad Peccatum nostrum Originale omnino pertinet, sed totam Peccati Originalis naturam non complectitur, aut absolvit.

III.

Secundum malum, quod primum consequitur, est naturæ humanæ corruptio & pravitas, quæ non ipsa animæ hominis substantia, quæ nec per se nec per accidens corrumpi potest, sed ejus facultates omnes corruptæ sunt, & vitiositate nativa infectæ. Hujus corruptionis duæ sunt partes: defectus justitiæ originalis debitæ inesse, & Successio mali contrarii in ejus locum. In mente Intellectus in naturalibus obscuratus, in supernaturalibus prorsus est extinctus, ita ut nec apax quidem sit eorum quæ sunt Spiritus Dei. Voluntas reſtitutione sua, justitia, & libertate ad bonum orbata est, Deo rebellis, & peccato principata. Affectus excusso rationis fræno ranquam equi indomiti ad omne malum præcipientes feruntur. Est itaque hæc corruptio non sola omiſſio domi alicujus supernaturalis, aut sola carentia justitiæ originalis, sed etiam oppositi mali inherens mala dispositio, qualitas positiva, pecca-

tum

An tota
humana
natura sit
corrupta?

Quot sint
partes hu-
manæ corrup-
tionis?

b 1. Cor.
2. 14.

An hæc
corruptio
sit tantum
carentia

tum habituale, seu habitus vitiosus animam verè inficiens. Neque tantùm in anima, sed etiam in corpore hæc corruptio locum habet, quod à rectitudine sua in qua creatum fuit, etiam defecit. Totum enim hominem pravitas hæc pervasit atque occupavit: anima tamen ejus secundum omnes partes præcipuè infecta est, ita ut peccatum hoc præcipuè in anima sedem suam habere dici non immeritò possit.

IV.

Tertium malum, quod ex utroque præcedente, secundum iustitiæ divinæ ordinem, fluit, est Reatus, seu obligatio ad poenam, quæ duplex est: Temporalis, quæ comprehendit sub se omnes hujus vitæ calamitates ac misérias, atque ipsam denique mortem corporalem: & Æternæ, quæ est separatio à Deo, mors & maledictio æterna. Reatus utriusque hujus poenæ incumbit omnibus hominibus originaliter, etiam ipsis infantibus, qui nondum peccata actualia commiserunt. *Katáphysis* enim venit in omnes homines *et* hi *ex* *κατάφυσος*, etiam in eos, *d* qui non peccarunt ad similitudinem transgressionis Adami. Quare omnes homines naturâ sunt filij iræ divinæ, & obnoxii æternæ damnationi, quam duplici jure Deus illis infligere potest, tum propter transgressionem in Adamo factam, tum propter inherentem naturalem pravitatem. Vtraque enim etiam scorsim sumpta secundum rigidum Dei judicium iusta & sufficiens condemnationis est causa, multò magis vtraque simul conjuncta.

boni, an
verò etiam
qualitas
positiva?

An omnes
homines
resuscitan-
tur aterna
maledictio-
nis?

c Rom. 5.
16.

*An etiam
Infantes?*

d. Rom. 5.
14.

V.

*Quomodo
Peccatum
Originis
propage-
tur?*

Peccatum Originis, quod tria hæc mala simul complectitur, ab Adamo in omnes ejus posteros naturali propagatione descendentes, & à parentibus in liberos propagatur, per modum generationis. Quia generans dicitur generato talem naturam qualem habet, & simile generat sibi simile secundum naturam. Quis verò edat mundum ex immundo? Neque hic attinet de Animæ origine disputare, an illa etiam à parentibus per traducem existat & generetur, an verò à Deo creetur, & corporibus infundatur. Peccatum enim hoc non est alterius partis, hoc est, neque in anima seorsim considerata, neque in corpore solo, sed est totius compositi, vel suppositi: & transit, neque per corpus, neque per animam, sed per culpam parentum, propter quam Deus animas, dum creat secundum naturam, non ornat originalibus donis, sed iisdem iustissimè privat: quandoquidem ea lege parentibus primis ea dederat, ut non sibi solis, sed & posteris servarent, vel amitterent. Orbata verò anima rectitudine non potest non sequi temperamentum vitiosi corporis, & mox totus homo vitiosus existere. Anima inficitur peccato in conjunctione cum corpore, & corpus in conjunctione cum anima: quod non fit actione unius in alterum, sed naturæ ordine & Dei ordinatione. An verò peccatum hoc ab Adamo solo, an etiam ab Hevâ trahatur, etsi Hevâ sola peccasset, Adamo in innocentia permanente, an peccatum Hevæ ad posteros esset traducendum, stultæ sunt & inruditiæ quæstiones, cum certum sit peccatum non propagari nisi

*An trahatur
a solo
Adamo?*

per generationem, quæ non fit nisi ab utroque parente: & per æternum Dei consilium hæc aliter evenire, nec debuisse, nec potuisse. Propagatur autem hoc Peccatum in omnes & singulos homines secundum naturæ ordinem ab Adamo descendentes, tam illi qui à fidelibus parentibus, quam qui ab infidelibus nascuntur. Ipsa sanctissima Domini nostri Mater Maria, quia communi lege naturæ concepta & nata est, & Christum Filium suum etiam Servatorem suum agnoscit, qui tantum Peccatorum Servator est, hic non potest excipi. Scriptura enim disertè testatur omnes homines in Adamo a peccasse: ne unum quidem ex immundo dari posse: omnes naturâ b esse filios iræ. Solus Dominus noster Iesus Christus excipitur, quia non ex virili semine, sed Spiritus Sancti virtute, in utero Virginis sine peccato conceptus fuit. Ille solus non novit Peccatum, & à peccatoribus c fuit segregatus. Privilegium hoc non potest ulli alij homini vel sanctissimo sine insigni Christi contumeliâ ascribi, nec gaudet Mater Domini falsis titulis, aut cum contumeliâ Filij honorari.

VI.

Quemadmodum Peccatum hoc Originale per primum Adamum in omnes ejus posteros per naturalem generationem ab ipso descendentes propagatur, ita idem per secundum Adamum Iesum Christum tollitur ab omnibus qui per spiritualem regenerationem ipsi sunt conjuncti. Tollit autem Christus hoc peccatum non per externam aquæ ablutionem, quæ tantum hujus sublationis est symbolum, sed ipsius pretiosum

languinem,

*An Virgo
Maria cō-
cepta fue-
rit sine
Peccato*

a Rom. 5.

12.

b Eph. 2. 3.

c Heb. 7.

25.

*Quomodo
Peccatum
Originis
tollitur?*

*Quomodo
tollatur
Reatus?*

*d Rom. 8. 1.
Quomodo
& qua-
tenus ab
Infanti-
bus?*

*An infan-
tes sine
baptismo
morientes
à reatu non
absolvun-
tur?*

sanguinem, quo omnia nostra peccata purgantur, & per internam Spiritus Sancti regenerationem. Per sanguinem ejus tollitur Reatus, per Spiritum Corruptio. Duplici huic malo duplex in Christo remedium, & duplex opponitur Christi beneficium, Reatui Iustificatio. Corruptioni Regeneratio seu Sanctificatio. Iustificatio autem, quia in hac vitâ perfecta est, perfectè etiam Reatum tollit in hac vitâ ab omnibus justificatis, ita ut illis qui in Christo Iesu sunt, & nulla amplius sit condemnatio. Inter quos cum non tantum Fideles adulti, sed etiam eorum Infantes, ex vi fœderis, & promissionis divinæ, sint censendi, nullo modo dubitandum est, quin omnes fidelium infantes sine peccatis actualibus ex hac vitâ discedentes, ab hoc originali reatu per Christum absoluti æternæ beatitudinis participes fiant, à cujus fruitione propter solam Baptismi externi carentiam nequaquam excludi possunt. Reatus enim peccati originalis non per externam Aquæ in Baptismo ablutionem, sed per Rem baptismi significatam, quæ est Sanguis Christi, propriè tollitur. Baptizantur autem infantes non ut reatus per baptismum externum tollatur, sed ut ejus per sanguinem Christi sublatio sacramentaliter significetur atque obsignetur. Baptismus itaque propriè non est causa sublationis reatus, sed sublatio causa est, quare infantes baptizari debeant. Non sola Baptismi carentia, sed contemptus damnat, qui in infantibus locum habere non potest. Quod verò ad infidelium, qui extra Dei fœdus sunt, infantes attinet sine actualibus peccatis morientes, an illi omnes propter solam Originale Peccatum sint condemnandi,

an verò contra reatus hic etiam ab omnibus illis per Christum sit sublati. cum in Scriptura nihil sit defuitum, nec nos quicquam hic definire debemus: quamvis interius secundum charitatem, quæ in obscuris partem minorem sequitur, bene sperare liceat: præsertim cum gratia Electionis divinæ sit liberrima, nullis natalium privilegiis adstricta. Docet quidem Sacra Scriptura disertè hæc duo: omnes infantes naturā filios iræ, æternam damnationem commeritos; & ad fœderatorum infantes regnum cœlorum pertinere: sed nullibi in Scripturâ ejusmodi promissio etiam infidelium liberis facta legitur, sed illi passim à fidelium liberis distinguuntur, & impuri vocantur: condemnandos verò esse illos omnes nusquam etiam dicitur. Quare sententia Pontificiorum, quâ omnes omnino Infantes sine Baptismo morientes absolute damnant, & in commentitium quendam limbum deportant, ubi sine sensu puniantur, non tantum crudelis, temeraria, & sibi ipsi contradictoria est, sed etiam respectu infantium fœderatorum divinis promissionibus directè contraria. Regeneratio verò per quam naturæ pravitas tollitur, quemadmodum in hac vitâ nunquam perfectâ est, licet in regeneratis indies magis magisque perficiatur, ita etiam hæc pravitas in regenitis quidem paulatim magis magisque corrigitur, nunquam tamen perfectè secundum omnes gradus & partes in hac vitâ tollitur. Dominium quidem hujus innoxie pravitatis in omnibus verè regenitis infertur, sed reliquæ eiudem sempermanent, quæ adversus Spiritum concupiscunt, & cum quibus semper luctandum est fidelibus, donec tandem ex

*Quemodo
tollatur
Corruptio?*

An Concupiscentia
in renatis
post Baptismum
superstes
sit peccatum?

c. Rom. 7.
7. 23.

isto corpore mortis erepti, easdem omnino deponent, & ab omni pravitate perfectissime liberati, in cœlis sancti, & vitij expertes sistentur, non habentes rugam aut maculam. Hæc corruptio post regenerationem & baptismum superstes, quæ vulgò *Concupiscentia* nomine Synecdochicè appellatur, etsi in verè renatis & iustificatis non amplius regnet, & indies magis magisque enervetur, est tamen non tantum fomes, causa, aut pœna peccati, vnde metonymicè Peccatum appelletur, sed etiam propriè & verè Peccatum, seu malus & vitiosus habitus, per se & suâ naturâ damnabilis, etiamsi plenus voluntatis consensus nondum accesserit. Cum enim Apostoli disertè doceant, se ex Lege agnovisse hanc Concupiscentiam esse Peccatum, eam rebellare Legi Dei mentibus sanctorum insculptæ, in Lege prohiberi, malam esse, & malos fructus ex se producere, non esse ex Patre, & cum sapius expressè Peccatum appellent, sequitur eam etiam non metonymicè, sed verè & *simpliciter*, Peccatum dici, quod preinde sicut reliqua omnia Peccata, per se sit damnabile.

DE

DE STATV GRATIÆ,
SEV
DE REPARATIONE
GENERIS HVMANI
PER CHRISTVM.

DISPVT. LIX.

De Gratia Dei.

THESIS I.

Homo quemadmodum sponte & voluntaria transgressione in Peccatum, & iustissimo Dei iudicio per peccatum in extremam hanc Miseriam temporalem & æternam incidit, ita ex hoc Peccati & Miseriæ statu non potest liberari, & in Beatitudinis statum restitui, nisi ex solâ Dei Gratiâ, ex quâ Deus homini misero & æternæ damnationis obnoxio Filium suum Mediatorem & Redemptorem ordinavit, donavit, misit, & pro ipso in mortem tradidit, hominem et Redemptoris beneficia amplectatur & sibi applicet, gratis fide donat, fidelem gratis iustificat, & iustificatum ex eadem gratiâ tandem æternâ gloriâ coronat. Gratia enim a sumus servati per fidem,

*Quomodo
Homo ex
statu pec-
cati & mi-
seriæ libe-
retur?*

2 Epô. 2.

& 8.9.

b latitudo
et longi-
tudo et
profundi-
tas et al-
tutudo.

Quotupli-
citer vox
Gratia
Dei acci-
piatur?
casus vocē.

d intem-
perans.

Quotuplex
sit Gratia
Dei?

& hoc non est in nobis, sed Dei illud donum est: non ex operibus, ut ne quis gloriatur. Hæc duo, ut præcipua & indubitata Religionis Christianæ principia, ex Verbo Dei semper retinenda sunt: Non damnari quenkum nisi iustissime propter sua ipsius merita & peccata: & non servari quenkum nisi ex solâ Dei Gratia. Huius itaque Gratiæ salutaris b τοῦ πλάτους τοῦ μήκους καὶ τῆς βάθους καὶ ὕψους convenit ad Dei gloriam & nostram consolationem ex verbo Dei paulo penitus perscrutari.

II.

Gratia Dei, Hebraicè *Ratzon*, Græcè *Xâra*, & *gratum* dicitur, aut Propriè, aut Metonymicè: Propriè significat indebitum Dei favorem & benevolentiam gratuitam erga creaturas suas, ac maximè erga Hominem. Metonymicè aliquando nomen Causæ Effecto tribuitur, & tum significat beneficium & donum Dei ex illo favore promanans, quod in Scripturâ Græcè non tantum *χάρις*, sed etiam, ad effectum & causâ suâ distinguendum, *χάρισμα* significantius appellatur. Illa in Deo residet: hæc à Deo creaturis confertur. Illa fons est inexhaustus, ex quo omnis generis beneficia & dona gratuita profluunt: hæc est rivus ex illo fonte derivatus. Illa salutis nostræ unica & sola est causa *ἀντιστάτης*: hæc omnia ad salutem necessaria complectitur media. Illa *Gratu dans*: hæc *Gratis data* rectè appellari potest. Favor Dei erga homines (de illis enim hic tantum agimus) duplex est: *Generalis*, qui se extendit ad omnes & singulos homines, & quo ita diligit singulos, ut

velit

velite eos non tantum existere, sed & in natura sua conservare, & multis beneficijs temporalibus afficere. *Specialis*, quo singulariter electos diligit, ijsque non tantum benefacere vult, sed etiam salutem æternam, atque omnia ad eam necessaria media conferre. Dona etiam & beneficia ex favore Dei promanantia sunt duplicia: Alia sunt quæ tantum spectant hanc temporalem vitam, & naturæ conservationem, quæ proinde etiam *Naturalia* appellari possunt: Alia sunt quæ ordinantur & requiruntur ad salutem æternam consequendum, & *Spiritualia ac Supernaturalia* appellantur. Potest quidem ille favor Dei Generalis *Gratia* appellari, quemadmodum etiam quodvis Dei beneficium hominibus collatum, quia Deus nemini quicquam debet: sed quando Natura & Gratia opponuntur, quod fit cum agitur de restitutione hominis in statum *Gratiæ* & salutis, tum per *Gratiam* Dei intelligi debent, non favor ille generalis, aut dona naturalia & communia, ut olim Pelagiani sub hac æquivocatione *Gratiæ* latitare conabantur sed tantum Favor Dei specialis, & dona supernaturalia. Vtræque merito appellantur *Gratia*, quia merè sunt gratuita, nec aliundè ortum habent, quàm à Dei bonitate & libera voluntate: & meritis nostris provocari aut acquiri nequeunt. Atque hæc *Gratia* Dei propriissimè debito, merito, viribus, & operibus hominum opponitur. De hac autem salutari *Gratiâ* nos hic tantum disputamus.

III.

Hæc *Gratia* Dei fons & causa unica est totius salutis nostræ, non tantum quoad principium,

Quotuplex
sit Gratia
Dei salu-
tarij?

*Qua sit
Gratia
Prædesti-
nationis?*

*Qua sit
Gratia
Dei aeterna?*
c. 2. *Tim.*
1. 9.

sed etiam quoad medium, & consummationem illius: sicut nulla pars sit, quæ huic Gratiæ Dei ascribi atque accepta ferri non debeat, siue ipsa salus in se & per se spectetur, siue media ad illam ducentia. Cum autem, juxta Apostolum ad salutem seu Glorificationem tribus quasi gradibus perducamur, Prædestinatione, Vocatione, & Iustificatione, secundum illos gradus Gratiæ Dei salutarem triplicem statuimus, & in Gratiæ Prædestinationis, Vocationis, & Iustificationis dividimus, ut controversiæ, quæ inter nos & Pontificios Pelagianizantes de salutari hac Dei Gratiâ agitantur, distinctius proponantur, rectius intelligantur, & dilucidius explicentur. *Gratia Prædestinationis* seu *Electiōis* est specialis Dei favor seu amor, quo Deus ab æterno non omnes, sed certos quosdam & singulares homines ab æterno complexus est, quos in Christo elegit ante jactum mundi fundamentum, & decrevit suo tempore efficaciter vocare, iustificare, & glorificare. Meruò hic Dei favor Gratiæ appellatur, tum quia hujus Electionis causa nulla fuit in homine prævisa, sed vnica & sola est Dei Gratiæ, seu benevolus affectus voluntatis ejus: tum quia facta est ad laudem gloriæ suæ gratiæ. Estq; hæc Dei Gratiæ *Æterna*, quâ Deus electos dilexit *et* *omnibus* *Christus* *et* *omnibus*, fons & initium omnis gratiæ, quæ in tempore nobis confertur, & quæ inde *Temporalis* vocatur.

IV.

Quos Deus ex Gratiâ suâ ad salutem ab æterno prædestinavit, eos etiam ex eâdem Gra-

tia, & per eandem suo tempore ad salutem vocat, & per vocationem media dat, quibus ad salutem perducantur. *Gratia Vocationis* dupliciter potest considerari: vel propriè accepta, & sic nulla alia Vocationis causa *f. consensum* dari potest præter gratuitam Dei benevolentiam & *g. opus* *Dei*, per quam solam ut Deus ab æterno motus est ad suos eligendum, ita etiam per eam solam in tempore movetur ad eosdem efficaciter vocandum. Vel Metonymicè accepta pro donis & beneficiis ad Vocationem necessariis. In hac significatione hic potissimum accipimus. Prout itaque Vocatio duplex est, Externa & Interna, ita duplicem statuimus Gratiā Vocationis: Alia est Externa, alia Interna. *Externa* est beneficium Dei, quo homines tūm per librum naturæ & creaturæ, tūm maxime & præcipue per librum Scripturæ & per externa Verbi, Sacramentorum & aliquando etiam miraculorum media vocat ad sui cognitionem. *Interna* Vocationis Gratia est, vel Motio Dei transiens, vel Habitus præmanens à Deo in homine per hanc motionem effectus: unde illa *Gratia Movens*, hæc *Gratia Habitualis* appellari potest. Gratia movens duos habet gradus, primus est *Illuminationis*, quā hominum mentes cæcæ per Spiritum Sanctum luce cognitionis Dei illustrantur, & voluntatem Dei ac viam salutis agnoscere & intelligere docentur: Secundus gradus est *Renovationis* seu *Regenerationis*, quā Deus per Spiritum Sanctum Voluntatem & cor hominis immutat, renovat, flectit, trahit, convertit; & hac motionem conversionem & fidem in homine efficaciter operatur. Estque hæc Gratia movens

*Que est
quod duplex
sit Gratia
Vocationis?
est interna
movens,
g. propositum.*

aut Prima, aut Secunda. *Prima* est, quâ è statu peccati efficaciter vocamur, & in statum Gratiae transferimur. Hæc dicitur nova Creatio, suscitatio ex morte peccati, & regeneratio. De hac præcipua est quaestio in loco de libero arbitrio, in quo potissimum de hujus Gratiae Dei cum libero hominis arbitrio concursu quaeritur. Potest hæc Gratia in sensu commodo *Præveniens, Excitans, & Operans* appellari. *Secunda* est, quâ jam regenerati in statu Gratiae corroboramur, dirigimur, servamur, ut ad finem usque perseveremus. Hæc etiam in sensu commodo *Subsequens, Adjuvans, & Cooperans* posset appellari: tametsi in sensu Pontificio appellatio hæc admitti non possit. *Gratia Habituali* autem est Ordinaria, aut Extraordinaria. *Ordinaria* Gratiae sunt Fides, Spes, Charitas, Timor Dei, Resipiscentia, Patientia, Lætitia in Deo, & reliquæ virtutes Christianæ, quæ per primam Gratiam in Electis effectæ, in regeneratis durabiliter permanent. *Extraordinaria* Gratiae seu *hypernaturalia* sunt dona miraculosa linguarum, prophetiæ, sanationum & simili: Prophetis, Apostolis, Evangelistis, & præcipuis Ecclesiæ membris olim ad Ecclesiæ ædificationem collata.

V.

Circa hanc Vocationis Gratiam, dux inter nos & Pontificios præcipue sunt controversiæ. Prima est, An Gratia hæc sit *Vniuersalis*? Altera, quæ ex prioribus fuit. An detur aliqua Gratia ad conversionem Sufficiens quæ simul non sit Efficax? Ad primam respondemus: *Externam* Vocationis Gratiam quæ sit per liberum naturæ & creaturæ omnium omnium esse *vniuersalē*: eam

verò

hæc dona
gratuita.

An Gratia
Vocationis
sit Vniuersalis?

verò quæ sit per librum Scripturæ, non esse omnium, sed aliquorum. Comprobat enim experientia, quod docet Scriptura, Deum aliquando uni populo dare verbum & leges suas, alteri non ita facere, sed sinere aliquando ut gentes nonnullæ eant in vijs suis. Internam verò Vocationis Gratiâ ne quidem omnibus externè vocatis esse communem. Nam ne quidem omnes, qui verbum Dei audiunt, Gratiâ Illuminationis consequuntur, sed multi sunt qui aures suas obturant, & regravant, & audiendo non audiunt, ac videndo non vident, ut intelligant. Gratia item Renovationis seu Regenerationis non est motio indifferenter se habens ad omnes, qui verbum audiunt, ac proinde non est Gratia illa communis omnibus externè vocatis, sed tantum illis conferitur qui reipsâ & efficaciter per eam convertuntur & regenerantur. Denique, multi reprobi Gratiâ Illuminationis cum electis sæpè communem habent: Gratia verò Regenerationis solis electis est propria. Habent etiam reprobi aliquando habitum alia quædam dona, cum ordinaria tum extraordinaria, cum electis communia, sed seria conversio, vera fides, sincera pietas, & similia dona sunt electis propria, quorum larvam aliquando hypocritæ ostentant, veritatem autem non habent. Ad secundam quæstionem respondemus: Gratiâ Vocationis externæ solam non sufficere ad conversionem hominis, si Gratia interna non accedat, sufficere tamen ad *anawisias*, hoc est, & ad omnem excusationis colorem ijs adimendum. Fatemur quidem externam Vocationis Gratiâ per Verbum & Sacramenta sufficientem esse ad conversionem secundum quid, hoc est, in or-

*An Gratia
Vocationis
aliqua sit
sufficiens,
qua non sit
Efficax?
i Rom. 1.
20.*

dine causarum fecundarum, seu mediorum, quatenus nulla alia externa conversionis media præter illa requiruntur: non tamen sufficiens est simpliciter, id est, sine internâ motionis seu tractionis Gratia. Immo ne quidem interna Illuminationis Gratia, etsi ad *sympliciter*, ad conversionem tamen non sufficit sine altero internæ Gratiæ gradu. Nemo enim potest ad Christum venire; nisi Pater eum traxerit. Ut homo ad Deum convertatur, non tantum corca mens est illuminanda, sed cor saxeum *in* auferendum, & carneum dandum, cor ejus est circuncidendum, innovandum, aperiendum, suscitandus est homo ex morte peccati, regenerandus, demum creandus. Deus in hominis conversione operatur non tantum ipsum posse credere, sed etiam *in* *sympliciter*, *aut* *in* *sympliciter*, dat timorem suum *in* corda eorum, ut ab eo non recedant, & efficit ut in præceptis ejus ambulent. Unde sequitur, nullam esse Gratiâ ad conversionem sufficientem, nisi hæc efficax tractio Patris accesserit, ac proinde omnem Gratiâ ad conversionem sufficientem, esse etiam simul efficacem, id est, nullam ad conversionem sufficere, nisi eandem etiam efficiat. Quos Deus vult convertere eos movet non tantum sufficienter, sed etiam efficaciter. Omnis enim *p* qui audivit & didicit à Patre venit ad Christum: quicquid Pater Christo dat, *et* venit ad eum: quoscunque Deus secundum propositum vocavit, *et* eos omnes etiam justificavit. Efficacia hujus Gratiæ non pendet à cooperatione humanæ voluntatis, ita ut ab eventu dicatur efficax, cum per cooperationem illam sortitur effectum. Hinc enim sequeretur,

Voluntati

1 Job 6,

44.

m Ezech.

11. 19.

n Phil. 2.

13.

o Jer. 32.

40.

p Job. 6.

45.

q Job. 6.

37.

r Rom. 8.

30.

Unde pendet
efficacia Gra-
tiæ?

Voluntati nondum regenitæ inesse aptitudinem, ut possit ex se assentiri & cooperare: ab assensu humano suspendi gratiæ divinæ dispensationem & efficaciam: hominem seipsum discernere: & hominis voluntatem posse efficacem Dei motionem superare atque impedire, ita ut Deus inquit & foris omnia faciendo nihil posset proficere, si homines non velint. Neque penderet ab humani ingenij aptitudine, ut inde sit ejus efficacia, quod Deus eam Gratiā adhibeat, quomodo novit congruere cujusque ingenio, ita ut efficacia proveniat ex dispositione voluntatis, quam Deus prævidet. Eadem enim hinc incommoda sequuntur, & sic quoque voluntati non renatæ aptitudo ad bonum attribuitur. Sed pendet à potenti & vividâ Dei actione & motione, per quam efficaciter mala hominis voluntas in bonam mutatur, & homo ex nolente fit volens. Est autem Gratiā hæc efficax non actio aliqua physica, quâ Deus hominis voluntatem aut cogat, aut sine propriâ deliberatione physicè determinet: effectum enim supernaturale non potest per operationem physicam produci: & sic homo nolens converteretur & crederet, quod implicat contradictionem. Neque est tantum moralis suasio per se indifferens, cui penes hominem sit assentiri, vel repugnare: sic enim Deus non operaretur efficacius in homine convertendo, quam Diabolus & Seduciores in avertendo, & Gratiæ efficacia non consisteret in Dei motione, sed in vi argumentorum: & sic iterum poneretur in hominis nondum renati ingenio aptitudo suasioni obtemperandi & se convertendi. Sed Gratiā efficax est operatio Dei supernaturalis, quâ foris

An à cooperatione humana voluntas?

An ab aptitudine humani ingenij?

Quid sit Gratiā efficax?

An sit motus physica?

An tantum moralis suasio?

*Est præle-
ctione.*

*An sit re-
sistibilis?*

per Verbum & alia media ordinata, intus per Spiritus sui efficaciam non physicâ actione, sed divinâ, arcanâ, & ineffabili motione cœcam hominis mentem illuminat, voluntatem hominis perversam immutat, innovat & convertit, ut voluntas renovata spontanea *seu proprio* incipiat velle & eligere bonum à mente illuminatâ monstratum. Per hanc Gratiam efficacem Deus ita operatur in hominis voluntatem, ut voluntas ejus non velit amplius Gratiz Dei resistere. Homo quidem ut renatus ex se non modo potest resistere, sed etiam nihil potest nisi resistere Gratiz Dei: sed à Deo hac efficaci motione ita afficitur, ut voluntas illa resistendi per eam efficaciter auferatur: ita ut à parte hominis Gratia hæc nimis sit resistibilis, ex parte Dei efficaciter operantis minimè. Quare statuere Gratiam efficacem quæ sit resistibilis, est negare efficacem, ac proinde sibi ipsi contradicere, & Dei voluntatem cum efficace Gratia suâ hominum voluntati & resistentiæ blasphemè subicere. Est itaque Gratia Dei efficax ita irresistibilis, ut nemo, qui eam habet, ei resistere velit aut velle possit, eo quod Deus voluntates efficaciter movet, ad hoc volendum & non aliud, non obstante libertate, quæ ex se in contrarium flexibiles esse possunt. Quicumq; à Deo sic moventur, illi irrefragabiliter convertuntur, non tamen sine propriè voluntatis spontaneo motu, quem Gratia hæc infallibiliter in illis operatur.

VI.

*Quæ sit
Gratia lu-
rificatio-
nis?*

Gratia Dei, quâ homo justificatur, seu quæ hominem Deo gratum facit, atque inde à Pontificiis *Gratum faciens* appellatur, nō Metonymicè,

sed

sed propriè est accipienda. Non enim significat qualitatem seu habitum in homine permanentem, seu iustitiam homini subjective inhærentem, neq; activam charitatem nostram, sed Gratuitum favorem, benignitatem, misericordiam, & benevolentiam Dei, per quam solam Deus motus Filium suum pro nobis in mortem dedit, etiam cum ipsius adhuc essemus inimici, & antequam nos ullo modo Deum diligeremus. Deus enim prius dilexit nos, & non nos prius Deum. Gratia suâ gloriosâ gratos nos fecit in illo dilecto Filio, & per Misericordiam suam salvos nos fecit. Charitas nostra, qua nos Deum diligimus, huius Gratiæ gratum facientis effectum est, eoq; illa est posterior, & toto genere ab illa differt. Gratia itaque justificationis non est Gratia aliqua gratis data nobis inhærens, sed Gratia gratis dans, quæ operibus & meritis hominum in Sacra Scriptura semper opponitur. Sed hæc quæstiones, & siquæ præterea circa hanc de Gratia Dei doctrinam controvertuntur, in proximè sequentibus disputationibus fufius suis locis excutientur.

An sit habitus nobis inhærens?

*c. Ioh. 4.
10.*

DISPUTAT. LX.

De Prædestinatione.

THESIS I.

Homo peccator, & propter peccatum æternæ maledictioni obnoxius, à meritis condemnatione non potest liberari, neque gloriæ

*Quomodo
Deus gratiam effi-*

*etiam co-
municet?*

gloriæ celestis particeps fieri nisi per Redem-
ptionem, beneficia, & merita vnici Servatoris
nostri Iesu Christi. Horum beneficiorum homo
etiam non potest fieri particeps, nisi per Fidem
in Christum, sine qua impossibile est Deo pla-
cuisset. Fidem homo ex se nec habet, nec habe-
re potest, sed est purum putum Dei donum, quod
Deus in hominibus operatur per Gratiâ Vo-
cationis efficacem. Hanc gratiam efficacem Deus
non communicat omnibus hominibus, sic enim
omnes converterentur, crederent, & salvi fie-
rent; neque dispensat secundum hominum me-
rita aut dignitatem, sic enim non esset gratia sed
Deus, qui omnia facit secundum consilium vo-
luntatis suæ, dispensat hanc gratiam secundum
beneplacitum suum, hoc est, secundum æternum
Prædestinationis decretum.

II.

*Quid sit
prædesti-
natio?*

Prædestinatio divina est æternum & immu-
tabile decretum Dei, quo apud se statuit certis
quibusdam hominibus (de hominum enim Præ-
destinatione hic tantum agimus) ad laudem glo-
riose suæ gratiæ, per efficacia media, vitam
æternam donare, & reliquos præterire, atq; ad
laudem suæ iustitiæ ob peccatum iuste condemnare.
In huius decreti executione hic ordo est
spectandus, qui in eventu cernitur. Quo enim
modo & ordine Deus gloriam suam in tempo-
re declarat, eodem etiam modo, & ordine eam
declarare ab æterno decrevit. Executio consilio
respondet. Sed cum consilium hoc Dei ipsius
infinite Sapiëntia promanet, quemadmodum
omnis sapienter agens prius decrevit finem, an-

tequam

tequam deliberet de medijs, quibus finem assequatur, ita hic etiam omnino statuendum est, Deum sapientissimum finem illum, quem Scriptura & experientia testantur eum consequi, prius decrevisse, antequam de medijs, quæ finem hunc antecedunt, quicquam statuerit.

III.

Partes Prædestinationis duæ sunt, Electio, & Reprobatio. Electio est æternum Dei decretum, quo Deus ex universâ hominum multitudine certos quosdam singulares homines, quorum numerus definitus, certus, & ipsi cognitus est, ad vitam æternam ordinavit, per Christum & fidem in illum certò & infallibiliter perducendos, ad laudem gloriosæ suæ gratiæ. Duæ ejus sunt partes prior est destinatio certorum hominum ad salutem. Posterior præparatio mediæ ad salutem homines illos perducendum. Prior Electio ad gloriam, posterior ad gratiam vulgò dicitur. Reprobatio est decretum Dei, quo Deus statuit reliquos homines præterire, in condemnatione merita relinquere, & justo suo judicio ob peccatum condemnare. Duo in hoc decreto sunt actus: Alter est negativus, qui est propositum non miserendi, eos non vocandi efficaciter, & non servandi. Alter positivus, qui est propositum justè eos condemnandi.

*Quid sit
Electio?*

*Quid sit
Reprobatio?*

IV.

Potissima, & momenti maximi controversia, quæ circa hanc de Prædestinatione doctrinam hodie agitur, est de Causa tum Electionis, tum

Repro-

*Qua sit
causa Elec-
tionis?*

*a benepla-
citi.*

*An Fides
& perse-
verantia
prævisæ?*

b Ephes. 1.

4.

c Rom. 9.

16.

d Act. 13.

48.

e Rom. 8.

30.

Reprobationis. Non autem quaeritur præcipue quare Deus elegerit, aut quare reprobaverit, sed cum Electio & Reprobatio sibi invicem contradicendi opponuntur, ita ut qui non eligitur, ille reprobetur, & qui non reprobat, ille eligatur, quaeritur potissimum, Quare Deus hunc hominem potius quam illum elegerit, puta Iacobum potius quam Esavum, Petrum potius quam Iudam? Bellarminus Augustini vestigijs hic insilens secundum Scripturam recte docet nullam ejus rationem ex parte nostra assignari posse, ac proinde causam Electionis non esse prævisionem fidei, aut boni gratiæ divinæ usus, sed solam & unicam causam esse liberam & misericordem Dei voluntatem, & gratitatem *ad ipsos*, seu propositum voluntatis suæ. Quare in præ hanc in parte Bellarmino, atque ipsi Scripturæ, contradicunt recentiores sectæ Pelagianorum vestigijs insistentes, ceterique omnes qui statuunt fidem & perseverantiam prævisam, vel bonum seu liberi arbitrij, seu gratiæ Dei usum prævisum causam esse, quare Deus hunc præ illo elegerit. Quomodo enim Deus aliquem eligit propter aliquid, quod ipse in eo debet efficere, ac quod proinde ex electione fluit? An effectus suæ causæ causa esse potest? Elegit nos Deus ut *be* essemus sancti, non propter sanctitatem nostram prævisam. Electio non est *e* volentis neque currentis, sed misericordientis Dei. Quos Deus *d* ordinavit ad vitam æternam, illi suo tempore credunt: non autem propterea ad vitam ab æterno ordinat, quia prævidit credituros. Quos *e* prædestinavit ad vitam, illos efficaciter ita vocat, ut etiam justificet: non autem propterea ad vitam prædestinat, quia prævi-

dit

dit vocatque responsuros. *f* Vocat secundum propositum electionis: non elegit secundum prævisam vocationis obedientiam. Sed Bellarminus sibi ipsi turpiter iterum contradicit, cum docet omnibus sufficientem gratiam à Deo conferri, quâ possent converteri, credere, & salvari, si velint: & efficaciam hujus gratiæ pendere à voluntatis humanæ aptitudine ac cooperatione: præcipue autem cum docet Deum neminem ad gloriam destinasse, nisi ex prævisione bonorum operum & meritorum.

V.

Causa Reprobationis dupliciter potest considerari, prout duo sunt eius actus, secundum quos Reprobatio alia negativa, alia positiva appellatur. Illa, quia Electioni opposita, proinde Reprobatio dicitur: hæc potius Reprobationis est consequens, & non nisi impropiè, aut *ex opere operantis*, Reprobatio vocatur. Causa Reprobationis negativæ, seu Reprobationis compenlativæ, hoc est, quare Deus Esauum reprobaverit, seu non tam illum quam Jacobum elegit, solum est Dei beneplacitum & voluntas. Docet hoc ratio contrariorum. Ut enim eligit quos vult, ita præterit, seu non eligit, quos vult: ut quos si vult miseretur, ita quos vult inducat: ut vocat ad gratiam, quos vult, dat media salutis Verbum & Sacramenta quibus vult, ita etiam non vocat, quos non vult vocare, non dat, quibus non vult dare. Nonnullis revelat mysteria regni cælorum, alijs non revelat sed abscondit, utrobique eadem hæc causa in Scriptura assignatur, quia ita *h* Patri placuit. Quare etiam hic Bellarminus rectè nega-

f Rom. 8.
18.

*Qua sit
causa Re-
probatio-
nis?*

h Rom. 9
18.

h Luc 10.
21.

nega-

An peccatum prævisum?
d Rom. 9.
11.

negat contra recentiores Iesuitas Reprobationis huius causam esse prævisum peccatum. Deus enim ut Iacobum dilexit, id est, elegit, sic Esavum odio habuit, id est, reprobavit, cum dñi non dum essent nati, & nihil boni vel mali fecissent. Cum autem omnes homines naturā sint filij iræ & mortui in peccatis, non potest Deus homines prævidere nisi pariter in se prāvōs, incredulos, & impœniten-tes, ac proinde si prævisio pravitatis, infidelitatis, aut impœnitentia causa statuatur Reprobationis, cum illa similiter in omnibus reperitur, sequeretur omnes homines fuisse reprobandos. Causa enim universalis in actu posita producit effectum universalem.

VI.

*e impro-
prie.*

*An Deus hominem ordinare-
rit ad dam-
nationem
sine respec-
tu peccati?*

Cum verò Reprobatio positivè & *expresse* accipitur, opposita, non Electionis, sed Iustificationis decreto, ita ut per Reprobationem intelligatur consequens illud Dei decretum, quo Deus statuit hominem damnare, seu quo hominem æterno exitio destinavit, quod distincti-
onis causa Prædamnatio non incommode ap-
pellatur, causa huiusce Reprobationis peccatum hominis omninò est statuendum. Cum enim æternum exitium sit pœna, quæ ex ordine iustitiæ divinæ non possit infligi nisi habenti culpam, quæ ante pœnam iustam semper debet antecedere, sequitur iustissimum Deum non destinare quenguam æterno exitio sine respectu peccati. Et cum decretum executioni respondeat, certissimum est quemadmodum Deus ab æterno neminem damnat, seu æterno exitio pu-

nit, nisi ob peccatum, ita etiam ab æterno non decrevisse quenkumq; damnare nisi ob peccatum. Damnatio est actus non tam domini, quam iudicii. Iudex autem, qui innocentem damnat, cum sit Deo abominabilis, an iustissimo Deo, qui totius mundi Iudex est, ascribemus injustitiam quam in alijs abominatur? Num injustus est Deus? f. Ablit: alioquin quomodo Iudex erit mundi? Agnoscimus quidem Deum habere absolutum jus, quo ut res omnes nunquam creare poterat absque injuriâ, ita etiam creatas quales quales sunt destruere, aut in nihilum redigere posset absque injuriâ, sed quia etiam seipsum seu proprietates suas essentielles negare non potest, iustitia autem Deo sit essentialis, sequitur jus hoc pugnare non posse cum ejus iustitia, cujus laudem in merita reprobatorum condemnatione manifestare decrevit. Si quis ergo doceret Deum decrevisse sine ullo peccati respectu ex absolutâ voluntate homines damnare, & æternis cruciatibus punire, ille proculdubio Deo manifestam injustitiam blasphemè attribueret: quod ipsum nonnullis Ecclesiarum Reformatarum Doctõibus à Pontificijs, aliisque, injustè & per calumniam exprobeat. Non diffitemur nonnullos paulò durius & incutius hîc aliquando loqui, sed cum hæresis non in verbis sed in sensu sit, postulat candor Christianus, ut verba non in alienum sensum torqueantur, sed ex dicentis mente, de qua satis ex circumstantijs aut alijs locis constare potest, dextrè accipiantur. Patet enim satis manifestè illos sæpè improprie loqui, synecdochicè consequens unâ cum antecedente accipientes. Quod autem non sentiant illud

f. Rom. 9.
14.

illud, quod Adversarij ex verbis eorum aut male intellectis, aut per sycophantiam contortis, perperam colligunt, satis manifestè patet, cum ipsi asertis verbis palam & passim doceant justitiam Dei ab ejus imperio non esse separandam; Deum neminem destinasse exitio nisi justo: Deum in damnatione Reproborum velle suam justitiam declarare: nec quenguam damnationi addixisse nisi propter peccatum: & cum palam protestantur se non tantum repudiare, sed etiam detestari, quæ Scholastici justitiam Dei ab ejus dominio separantes de absolutâ potestate nugantur; & cum conqueruntur atrocem doctrinæ illorum impingi calumniam, cum Adversarij fingunt, eos docere Deum nudâ & absolutâ sua voluntate & decreto aliquos ad damnationem ordinasse, sine respectu peccati.

DISPUTAT. LXI.

De Libero hominis Arbitrio.

THESIS I.

GRATIAM PRÆDESTINATIONIS GRATIA VOCATIONIS, ÆTERNAM TEMPORALIS, GRATIS DANTUR, GRATIS DATA, UT EFFECTUM CAUSAM SEQUITUR, & EX ILLA HÆC UT RIVUS EX FONTE PROMANAT. Quos enim Deus ab æterno ex gratia ad gloriam prædestinavit, eos etiam suo tempore ex eadem gratia, secundum illud voluntatis suæ

propositum, efficaciter vocat. Qualis & quatuorplex sit hæc gratia Vocationis, & quæ circa illum præcipue inter nos & Pontificios sunt controversiæ superiori, de Gratia Dei, disputatione vidimus. Hujus gratiæ subjectum recipiens quia Homo est, creatura rationalis, quæ intellectu & voluntate, seu ut in Theologorum Scholis vulgò dicitur, Libero Arbitrio est prædita, gravissima semper & difficillima existit controversia de Gratia hujus diviniæ cum Libero Arbitrio humano concursu, in hominis conversione. Questio enim hæc, ut ipsi Patres conqueruntur, ubi de Libero Arbitrio voluntatis humanæ & Dei Gratia disputatur, ita ad discernendum est difficilis, ut quando defenditur Liberum Arbitrium, negari Gratia Dei videatur, quando autem asseritur Gratia, Liberum Arbitrium putetur auferri. Difficultatem hanc auxerunt spinosissimæ, intricatissimæ, & infinitæ penè Scholasticorum circa hanc questionem disputationes & controversiæ, quæ cum pleræque sint Philosophicæ, & in sacra Theologia vix usum aliquem habeant, non libet, neque operæpretium est, omnes attingere. Tantum illas quæ alicujus sunt momenti & usus, & quæ ad vindicandam Gratia diviniæ gloriæ maximè faciunt, excutiemus.

II.

Controversiæ, quæ inter nos & Pontificios de Libero Arbitrio agitantur, aut sunt de ejus Natura, aut de ejus Viribus. Nomen Liberi Arbitrii quo Latini Theologi utuntur, & quo Græcorum *αὐτονομία*, quod nimis arrogans est, (propterea enim est soli Deo, qui solus independenter

Doctrina de Gratia Dei, quomodo cohaereat cum doctrina de Libero Arbitrio?

a ex se (sive libera & independens) potestas.

Nomen Liberi Arbitrii quatenus retinendum?

*b nomen
ambigua-
le.*

*Quid sit
Liberum
Arbitri-
um?*

*An et qua-
tentur ho-
mini possit
attribui?
c ex se do-
minium
aut pote-
statem ha-
bens, abso-
lutus do-
minus.*

agit, & actionum suarum absolutus est Domi-
nus) exprimere solent, quamvis magna & peri-
culosa laboret *b quæstio*, nec minorem præ se
ferat arrogantiam, præsertim cum homini cor-
rupto attribuitur, non tamen omnino repudia-
mus, modo commodè secundum Dei verbum
explicetur, & duo imprimis errores caveantur:
ne cum homini Liberum Arbitrium attribuitur,
homo statuatur absolutus actionum suarum
Dominus, ut voluntas ejus Dei imperio non
subsit: & cum homini corrupto tribuitur, ne eo
significetur hominem in statu peccati se ad bonum
& ad gratiam indifferenter habere. Est autem
Liberum Arbitrium potentia naturæ rationalis
intelligendi, volendi, aut nolendi, seu objectum
aliquod ab intellectu monstratum spontaneo ac
prædeliberato motu *citra* coactionem vel eligen-
di, vel repudiandi. *Arbitrium* dictum esse volunt
respectu intellectus monstrantis voluntati obje-
ctum eligendum aut repudiandum: *Liberum* ve-
rò respectu voluntatis monstratum objectum vel
eligentis vel repudiantis. Attribuitur Liberum
Arbitrium Deo, Angelis, & Hominibus, sed
magno cum discrimine. Deus ut perfectissimæ
est intelligentiæ in mente, ita etiam solus per-
fectissimæ est Libertatis in voluntate, & solus
verè *c. dominans* est, à nulla alia superiore
causa pendens. Angelorum & hominum Volun-
tates ita sunt Liberae, & actionum suarum cau-
sæ, ut nihilominus etiam subsint voluntati Dei,
à cujus nutu dependent, reguntur, & flectuntur.
Deus ex perfectione naturæ suæ intelligendo,
volendo, & eligendo à vero bono aberrare non
potest, ac proinde voluntas ejus immutabiliter

sefe

seſe ipſa determinat ſemper ad vnum genere.
hoc eſt, ad bonum tantum. Angeli boni ex
perfectiōe gratiæ, in quā à Deo ſunt confir-
mati immutabiliter etiam voluntates ſuas deter-
minant ad bonum tantum. Angeli mali ex per-
fectiōe malitiæ ad malum tantum. Homines
verò pro diverſo ſtatu voluntates ſuas tum ad
bonum tantum, tum ad malum tantum, tum ad
vtrumque vel bonum vel malum determinant.
Quocunque tandem modo agant ſemper ex
Libero Arbitrio, hoc eſt, ex præeunte mentis
iudicio, & ſpontaneo ac deliberato voluntatis
motu agunt. Tantum itaque abeſt vt homini
Libertum Arbitrium detrahimus, vt contra, exi-
ſtitemus ſine Libero Arbitrio hominem ne
quidem hominem, hoc eſt, animal rationale eſſe
poſſe.

III.

De iudicio mentis ſeu intellectus ſi quæ ſint
controverſiæ, quia vix ſunt alicuius momenti,
eas non attingimus. De Liberte Voluntas
præcipue quaeritur, quam Pontificij mirum in
modum depredicant, vt hac ratione hominis cor-
rupti vires ad bonum attollendo, & gratiæ divi-
næ magnitudinem extenuando, ad bonorum o-
perum merita ſtabilienda viam præſtruant. Mul-
tas hic etiam movent quaſtiones, quas quia vſum
vix aliquem habent, tranſilimus. Præcipua au-
tem hic eſt quaſtio, quàm prædictum in ſinem,
magna cum contentione, nec minori cum imperi-
tia, operoſè diſputant, an Libertas Voluntatis
conſiſtere poſſit cum Neceſſitate? Ad quam re-
ſpondemus multas eſſe neceſſitatis ſpecies, qua-

*An volun-
tatis Liber-
tas conſi-
ſtere poſſit
cum Ne-
ceſſitate?*

rum duæ tantum sunt, cum quibus Libertas voluntatis non possit consistere. Prima est necessitas Physica, quæ est determinatio naturæ brutæ ad unum semper eodem modo agendum, vel ex ordinatione Creatoris. vel ex naturali instinctu. Altera est necessitas Coactionis, quæ est determinatio naturæ rationalis ad unum, præter & contra voluntatem, à violento externo principio. Hæc ita pugnat cum libertate voluntatis, ut nulla sit planè nec libertas nec voluntas, ubi coactio est. Cogi enim est adigi ad faciendum quod nolis. Voluntatem ergo cogi posse implicat contradictionem: nam voluntas coacta simul esset & Voluntas & Noluntas. Neque sola hæc necessitas libertati naturæ opponitur, sed etiam illa physica, alioquin bruta, quæ etiam sponte & instinctu naturali eligunt, dicerentur etiam esse prædicta Libero Arbitrio, ad quod requiritur non tantum electio, quæ sit sponte, sed quæ insuper etiam fiat *d. in regimine*, quæ in bruta non cadit. Reliquæ autem Necessitatis species cum voluntaris libertate optimè possunt consistere, qualis inter alias est necessitas Immutabilitatis seu Determinationis ad unum genere, quæ est aut à perfectione naturæ, qualis est in voluntate Dei, aut à perfectione gratiæ, qualis est in bonis Angelis, aut à perfectione malitiæ qualis est in malis Angelis aut ab innatâ quadam peccandi & malè agendi propensione & benè agèdi impotentia, qualis est in corrupteis & irrogenitis hominibus. Ex hypothese enim hujus immutabilitatis & determinationis cum hi necessitè malè, illi necessitè benè agant, etiam Deus ipse & Angeli spoliandi essent Libero Arbitrio, si hæc necessitas libertatē

d. ex prælectione.

An cum voluntatis Libertate consistat necessitas Immutabilitatis?

volun-

voluntatis tolleretur. Quare, etiam ad Liberum Arbitrium non requiritur necessariò libertas, quæ dicitur, Contrarietatis, seu Specificationis, cum & illa nec in Deo, nec in Angelis locum habeat. Consistit etiam cum libertate voluntatis necessitas Dependentiæ, cui omnium creaturarum voluntates subjacent, quæ necessariò à Deo ut à causâ superiore dependunt. Statuere enim hominem ita absolutum actionum suarum dominum, ut voluntas ejus à Dei nutu non dependeat, & falsum est, & blasphemum, Falsum est, quia Scriptura disertè testatur pro Regis esse in manu Domini, & tanquam rivos aquarum inclinare illud, quo voluerit: cor hominis excogitare viam suam, Iehovam autem dirigere gressum ejus. Blasphemum est, quia Deus ita de Providentiæ suæ throno impiè depicitur, & creaturarum suarum voluntatibus indignè subicitur.

An necessitas Dependentiæ?

IV.

De Liberi Arbitrij Viribus maximè controversatur, quibus ut olim Pelagiani totam hominis conversionem tribuebant, ita hodie Pontificij, etsi errores Pelagianos damnare & refutare videantur, eosdem tamen sub alijs phrasibus & verbis occultant ac tuentur. Linguam tantum non mentem Pelagianorum mutarunt. De Dei & Angelorum Liberi Arbitrij viribus hic non disputamus. Quæritur tantum, quid boni possit Liberum Hominis Arbitrium. Ad hanc quæstionem responderi non potest, nisi prius diversos hominis status distinguamus, qui sunt quatuor: Integritatis, Corruptionis, Rege-

Quæ sint vires Liberi Arbitrij in homine?

a Anselmo
aquailes.

nerationis, & Gloriz. De viribus humani Arbitrij in statu Integritatis, cum de hoc disputavimus, actum fuit. In statu Gloriz, quas vires sit habiturum disputare non est necesse, cum certum sit homines in eo statu fore *e iustis*. De homine jam regenito, quid & quantum boni possit, docebitur, cum disputaturi sumus de Perfectione hominis in hac vita. Hoc itaque loco tantum agimus de viribus hominis corrupti & nondum regeniti, quid boni in hoc statu prestare possit. Hæc præcipua est controversia, quæ de Libero Hominis Arbitrio in Theologia disputatur: quæ nisi rectè explicetur, non potest Gratiæ divinæ necessitas, efficacia, & gloria in salutis nostræ negotio elucescere, neque indignitas & pravitas nostra rectè agnosci, neque conversionis nostræ gloria Deo in solidum debitè adscribi. Prius videndum de corrupti hominis Intellectus, deinde de Voluntatis viribus, illius circa verum, hujus circa bonum. Quæ ut rectè intelligantur, cum tam verum quam bonum sit triplex, Naturale, Civile, & Spirituale, quid in singulis possit intelligere & velle, distinctè erit considerandum: quamvis præcipua sit quæstio de Viribus hominis circa verum & bonum Spirituale.

V.

An et qui-
tenus homo
corruptus
et non re-
genitus
possit intel-
ligere verum
Naturale?

Intellectus hominis post lapsum non est planè extinctus, nam ne sic quidem homo mansisset, sed retinuit lucem aliquam, quâ comprehendere potest, sine speciali illuminationis gratiâ, omne verum Naturale, cujus cognitio omnium hominum mentibus naturâ infusa & quasi connata est,

& cui sine aliquâ institutione assentimur. Potest etiam hominis non renati intellectus comprehendere verum omne Civile, quod ad hujus vitæ vsum facit, quales sunt omnes humanæ scientiæ cum Theoreticæ, quales sunt Logicæ, Physicæ, Mathematicæ, & similes; tum Practicæ, quæ docent quid sit agendum aut faciendum in ijs, quæ ad civilem hominum societatem, & ad æternam disciplinam faciunt; & quales sunt artes humano generi necessariæ, cum mechanicæ tum aliæ. In quibus scientijs & artibus tamen nemo excellere potuit, sine speciali auxilio Spiritus Dei, qui peritiam, intelligentiam, & notitiam in omni arte specialiter confert. Et quamvis multi irrogeniti singulati aliquando ingenij acumine & scientiâ præditi fuerint, omnes tamen *ſi ipſius Dei ſit in iſtis diſpoſitionibus virtutis*. Quam verò obtuſum ſit ingenium irrogenitum, etiam in illis rebus, ſapientiſſimorum Legiſſitorum & Philoſophorum inter Ethnicos ſtatuta & placita ab omni honeſtate & ratione aliena abundè docent. Verum autem Supernaturale, cujus cognitio ad confequendam vitam æternam requiritur, homo *g. 4. & 5.* non capit, nec poteſt cognoscere ſed ſtultitia ei videtur: nemo principum *h.* huius ſæculi, id eſt, qui præſtantiſſimo etiam ingenio præditi fuerunt, cognovit: mundus *i.* per ſapientiam ſuam non cognovit: caro & ſanguis *l.* non detegunt. Nūm quod ad cognitionem attingit rerum ſpiritualium & ſupernaturalium, quæ ad ſalutem ſunt neceſſariæ, mens hominis non tantum obſcurata eſt, ſed etiam *m. i. e. i. i. i.* adeo ut hæc ſalutaris cognitio haberi non poſſit, niſi per ſpecialem illuminationis gratiam cor

Z. 4 aperiatur,

ſ. Rom. 1.
21.

An verum
Supernaturale

ſ. animalis
1. Cor. 2.

14.
h. 1. Cor. 2.
8.

i. 1. Cor. 1.
21.

l. Mat. 16.
17.

m. tenebra.

An et quatenus Deus naturaliter cognosci possit?

aperiatur, & nisi Pater, qui in cœlis est, detegat, revelat, doceat, & donet nosse myſteria hæc regni cœlorum. Omnibus hominibus naturaliter quidem eſt ingenita perſuaſio & noticia eſſe Deum, adeo ut nulla gens tam ſit efferata, nulla natio tam barbara, quæ lumine Naturæ non ſciat Deum eſſe, ſed cognitio hæc admodum eſt confuſa, quam in varias ſpecies illi transformarunt. Novērunt quidem aliquid Dei, ſed verum Deum, quis & qualis fuerit ignorarunt: Cognitio enim veri Dei non hauritur ex axiomatibus Philoſophorum, ſed ex articulis fidei, qui non ex natura, aut creaturis ſed ex ſolâ S. Scripturâ diſcuntur. Confuſe quidem Philoſophi aliquid de Deo cognoverunt, ſed ſpecificâ illâ cognitione caruerunt, quæ in Scripturâ revelatur, ſcilicet quod Deus eſſentia ſit vnus, quæ conſiſtit in tribus Perſonis, quæ ſunt Pater, Filius, & Spiritus Sanctus. Quin etiam Deum eſſe cœli & terræ Creatorem non ex naturâ cognoscitur, ſed fide intelligitur: multo minus naturâ cognosci poteſt Deum eſſe Redemptorem. Hæc enim cognitio à ſæculis fuit gentibus abſcondita, donec per Evangelij prædicationem, & ſpecialem Illuminationis gratiam fuerit revelata.

VI.

An et quatenus Voluntas hominis ſit Libera?

Voluntas hominis irrogenita licet libera ſit à coactione & neceſſitate merè naturali, ſeu determinatione merè Phyiicâ, per peccatum incidit tamen in miſeram peccandi neceſſitatem, per quam amiſit libertatem contrarietatis, quâ antelapſum prædita fuit hominis voluntas, ita ut quamdiu homo eſt irrogenitus, nihil aliud poſſit velle & eli-

gere quàm quod malum est. Homo enim ex carne genitus, & necdum à Spiritu & aquà regenitus, nihil aliud quàm caro est, in quà bonum non habitat: mortuus est in peccato: nihil ei mundum est, sed mens & conscientia ejus polluta: est arbor mala, quæ bonos fructus ferre non potest. Ac proinde respectu hujus peccandi necessitatis Voluntas hominis irrogeniti etiam secundum Socræ Scripturæ phrasin potius *Serva* quam *Libera* est dicenda. Qui enim operam dat peccato, quod facit omnis irrogenitus, Servus est peccati: atq; ibi demum Libertas est, ubi Spiritus Domini est, quem irrogeniti non habent. Bonum Naturale, quod ad naturæ & vitæ hujus sustentationem spectat, cujuscumodi est edere, bibere, sedere, ambulare, & simile, in quo per se nec bonitas nec malitia moralis est, ita quidem est in voluntatis humanæ potestate, ut tamen illa subsit etiam Gubernationi Dei, in quo vivimus, movemur, & sumus. Deus enim, quoties ipsi libet, inhibere potest ne quis extensam manum possit ad se retrahere, & sæpè etiam voluntatem in hisce actionibus salvà Libertate ad vnum objectivè determinat. Bonum Civile, quod circa externam disciplinam versatur, & virtus moralis æquivocè appellari potest, quia in Lege naturæ nota traditur & requiritur, potest quidem homo viribus nature citra specialem regenerationis gratiam velle: sed in eo tamen nemo potest excellere, nisi ex dono auxilij specialis à Deo acceperit. Bonum autem quod verè & propriè Morale appellatur, prout in Lege Dei illud præscribitur, homo irrogenitus nec velle nec præstare potest. Exigit enim Lex Dei in omni opere moraliter bono non tantum

*An rectè
dicatur
Serva?*

*Quid Vo-
luntas pos-
sit circa
Bonum Na-
turale?*

*Quid circa
Bonum Ci-
vile?*

*Quid circa
Bonum
Morale?*

An virtutes Ethnorum sint peccata?

An Voluntas sit libera a necessitate dependentia?

operis materiam, quæ in operibus irrogenitorum aliquando conspicitur, sed etiam ejus formam, quæ in hoc consistit, ut proveniat ex verâ in Deum fide, quâ irrogeniti destituuntur, & referatur tantum ad Dei gloriam, quod etiam irrogeniti non faciunt. Quare bonum Morale, quod verè bonum & Deo placens sit, homines irrogeniti ex se nullum præstare valent: ac proinde virtutes Ethnicorum, quales in Aristide, Socrate, Scipione, & alijs celebrantur, virtutes quidem civiles appellari possunt, & quia hominum societati fuerunt utiles, laudari etiam merentur, simul ac tamen virtutum potius, quàm veræ & morales virtutes sunt dicendæ, cum præcipue, quæ in veris virtutibus in Lege Dei requiruntur, conditiones in ijs deficient; ob quem defectum licet per se & materiâliter non sint actiones malæ, per accidens tamen Peccata rectè appellantur. Atque hinc patet, quàm falsæ sint Pontificiorum assertiones, quibus docent hominem irrogenitum, cum nulla tentatio vigeat, posse sine fide aliquod opus bonum præstare absque vilo peccato: item hominem irrogenitum posse etiam se moralibus virtutibus præparare ad gratiam supernaturalem per eas consequendam. In hoc Civili bono eligendo etsi libertate sit præditus homo irrogenitus, non tamen ita libera est ejus voluntas, quin semper etiam subiecta maneat necessitati dependentiæ à causa primi, sine cujus nutu & gubernatione speciali, ne in civilibus quidem actionibus, homines quicquam possunt velle, eligere, aut exequi. Non enim est hominis via ejus, nec virtus, ut dirigat gressus suos. Cor hominis cogitat viam suam, & Dominus dirigit gressus ejus. Penes

homi-

hominem sunt acies cogitationum, sed à Iehova est sermo linguæ. Dominus inclinat cor quocunque voluerit. Flexit corda Ægyptiorum vt Israelitis commodarent vasa aurea & argentea, Saulis vt ad bellum se accingeret, Absolonis vt consilium Achitophelis non sequeretur, Roboami vt sequeretur consilia juvenum. Bonum autem Spirituale, seu supernaturale quod ad salutem æternam consequendam, & ad Deum ritè colendum pertinet ac necessarium est, quale est se convertere ad Deum, & credere in Christum, quamvis ab intellectu gratiâ Illuminationis prædito monstratum, homo irrogenitus. qui in peccatis mortuus, ac peccati servus est, & cujus omne figmentum cordis tantummodò malum est omni die, non potest ex se villo modo velle aut præstare sine efficaci Renovationis gratiâ, per quam cor lapideum auferatur, & carneum indatur, hoc est prava voluntas tollatur, & bona creetur. Nemo enim ad Christum venire, hoc est, in eum credere potest, nisi Pater eum traxerit, & nisi ei à Patre datum fuerit. Cum homo convertitur, Deus eum convertit, Deus respicientiam ei dat: cum credit, Deus fidem donat, ejusque mensuram unicuique distribuit. Hæc autem Dei gratia non est suasio tantum moralis aut influxus quidam indifferens, cui in potestate hominis sit vel assentiri, vel non assentiri; nec est tanquam hospes aliquis extus veniens ad fores nostras, quem præsentem penes nos sit vel intromittere vel excludere; talis enim gratia ad conversionem non sufficit, & sic conversionis nostræ gloria cum magnâ gratiæ divinæ contumeliâ magis hominum voluntati quam

Quid voluntas hominis possit circa bonum Spirituale?

An sit in hominis Arbitrio gratia Dei assentiri, aut non assentiri?

Dei

Dei gratiæ ascriberetur, ac gratia Dei potestati & libidini humanæ indignè subiceretur: sed est motio efficax, quâ Deus pro efficacitate fortis roboris ipsius, quâ exeruit in Christo cum ex mortuis eum excitavit, hominem in peccatis inortuum vivificat, novam creaturam facit, bonum opus in eo non tantum inchoat, sed etiam perficit, & non tantum potentiam volendi, sed etiam ipsum velle & efficere in eo operatur, cor ejus ad statuta sua inclinât, & efficit ut in illis ambulet. Non itaque est talis motio, quæ si duobus eadem adhibeatur, unus credat, alter non credat, aut ut ejus efficacia pendeat à voluntatis humanæ cooperatione, aut ut operatio gratiæ diviniæ & cooperatio voluntatis humanæ conversionem hominis simul efficiant, aut ut efficacia gratiæ impediri possit, si homo nolit cooperari: sed est motio talis, quæ quando præsens est & in actu posita voluntatem ita afficit, ut eam infallibiliter flectat, & ut licet illa ex naturæ defectu possit nolle, & ex se sit flexibilis ad oppositum, atque a carne etiam ad dissentiendum revocetur, tamen ex gratiæ hujus efficacis præsentia non possit non velle, seu non velit non assentiri Deo vocanti, imò ut etiam non possit non velle assentiri, & ut sic voluntariè quidem, sed & necessariò, hoc est, infallibiliter assentiatur. Nec tamen hinc sequitur, Deum cum hominibus in ipsorum conversione agere, ut cum truncis, stipitibus, vel brutis instrumentis, aut hanc Dei motionem tollere voluntatis humanæ Libertatem, Deus enim voluntatem hominis non violentè torquet, nec invitam cogit, nec physice ad unum determinat, sed modo hyperphysico,

oculo,

*An homo
in sua cor-
versione
sit instar
truncis aut
stipitis?*

occulto, mirabili, & nobis inexplicabili suaviter fleat, ut voluntas præcæte pleno rationis iudicio, ac mentis deliberatione, propriâ & spontaneâ electione, ac proinde salvâ libertate, infallibiliter assentiatur, & sic homo ex nolente volens efficiatur.

DISPUTAT. LXII.

De Fide Iustificante.

T H E S I S I.

PRæcipuum Gratiæ Vocationis effectum est Fides Iustificans, quæ est habitus per prædicationem Evangelij à Spiritu Sancto in animis hominum effectus, quo veritatem divinam ad salutem cognitu necessariam intellectu percipiunt, eamque certâ animi assentione amplectuntur, ac promissiones gratiæ Dei in Christo certâ cordis fiducia sibi applicant, ad Dei gloriam & salutem suam. Ad hujus fidei constitutionem requiruntur tres partes essentielles, quarum duæ priores consistunt in Intellectu, tertia in Voluntate. Subjectum enim Fidei non tantum est Mens Veritatem divinam cognoscens & intelligens, ut veram ac certam, sed etiam Voluntas eandem sibi applicans. Vtrique animæ facultati Fides inest, licet non eodem modo: Intellectui primò, per se, & propriè, Voluntati secundariò & respectu operationis, quia hæc elicit & imperat actiones, quis ratio dicat.

*Quid sit
Fides Iu-
stificans?*

*Quæ ejus
partes?*

*Quod ejus
Subjectum?*

*An etiam
Voluntas?*

II.

*An Fides
sit Notitia?*

In Intellectu requiruntur duo, *Notitia*, & *Assensus*. *Notitia*, quæ in Fide requiritur, non est scientia conclusionum acquisita per medium demonstrationis, ex principiis naturæ notis: obiectum enim Fidei supernaturale rationis naturali lumine assequi non potest: sed est explicata cognitio omnium Fidei articulorum in Verbo Dei reuelatorum, & ad salutem cognitiu necessarium. Hæc *Notitia* in Fide necessario requiritur, quæ propter illum *Sapientia* in Scriptura sæpè appellatur, & ignorantia passim opponitur. Nam discretè Christus sui cognitione multos iustificatus dicitur, atque ipse docet ad vitam æternam consequendam omnino requiri, ut cognoscamus Patrem esse illum solum verum Deum, & quem ille misit Iesum Christum. Quare implicita illa & carbonaria Pontificiorum Fides, quæ consistit in ignorantia, & simplici assensu rerum non cognitarum, quò profitentur miseri homines se credere, quod & quomodo Ecclesia credit, atque interim planè ignorant, in illud album an atrum sit, stulti, bruti, & pecuni potius stuporis, quàm Fidei nomine est insignienda. Nemo enim, nisi stolidus, rei planè ignotæ assensum potest præbere.

III.

*An Fides sit
Assensus?*

Alterum quod in intellectu requiritur est *Assensus*, quo pro veris habemus omnia illa quæ in Lege & Evangelio sunt reuelata, etiam ea quæ captum humani ingenij superant. Hæc duo constitunt Fidem quæ vocatur *Historica*, & ad Fi-

*Quid sit
Fides Hi-
storica?*

dem

dem iustificantem, etiam necessario requiruntur, sed non sufficiunt. Vtrumque enim etiam in Diabolis, & multis sæpè impijs reperitur, qui tamen in numerum verorum Fidelium referri non possunt, neque per hanc notitiam & audum hunc assensum iustificantur. Imò etiã ad notitiam & assensum accedat aliquis cordis affectus levis & momentaneus, vel ex cognitionis iucunditate, vel ex spe commodorum terrenorum proveniens, qui persecutionis tempore iterum evanescat, qualis Fides *raisonne*, seu Temporaria vocatur. Aut si etiam præterea accedat certa persuasio de futuro aliquo effectu miraculoso, ex promissione divinã & revelatione speciali concepta, quæ Fides Miraculorum dicitur. Magna itaque differentia est inter hæc Fidei species, & veram Fidem Iustificantem, non tantum respectu effectuum, sed etiam ipsius formæ. Fidem enim Historicam ipsi Dæmones habent, sed illa, sicut & Temporaria, non habet radicem, hoc est, vivam illam animi fiduciam de remissione peccatorum, quæ ad iustificationem præcipuè requiritur. Et quamvis totam quis Miraculorum Fidem habeat, ita ut montes transferat, non autem Fidem illam habeat, quæ per charitatem efficax est, nihil est. Christus enim in illo die multis, qui hanc historicam etiam miraculorum Fidem habuerunt, qui in nomine ejus prophetaverunt, Dæmonia eiecerunt, & multis virtutes ediderunt, dicit: Certe nunquam novi vos.

*Quid sit
Fides tem-
poraria?*

*Quid Fides
Miraculo-
rum?*

*At sit dif-
fe. entre
inter Fidẽ
iustifican-
tem & re-
liquas Fi-
dei species?*

IV.

Ad constitutionem Fidei Iustificantis præter

NOTIUM

An ad Fidem necessarium requiratur Fiducia?

- b Heb. 10.
22.
c Eph. 3.
12.
d Heb. 11.
1.

*An cum Fide consistere possit perpetua dubitatio de misericordia Dei
& inhibitis.*

Notitiam & Assensum insuper atque imprimis in Voluntate requiritur *Fiducia*, quæ non tantum est plena & dubitationis ac disceptationis experta persuasio, de veracitate, fidelitate, potentia, & misericordia Dei in genere, sed, etiam certa & singularis persuasio, quâ unusquisque fidelis certo confidit Filium Dei se dilexisse, & semetipsum pro se tradidisse, & se per Christum cum Deo reconciliatum, & peccata sua omnia propter Christum à Deo sibi gratis esse condonata, atque ita omnia Christi beneficia amplectens & sibi applicans, in Dei misericordia planè acquiescit. Hæc fiducia ad Fidem iustificantem, sive ut adjunctum ejus & consequens necessarium, sive ut pars ejus integralis, ita necessarium requiritur, ut nulla Fides sit vera aut iustificans, quæ hæc fiducia careat. Atque hinc Fides ab Apostolo vocatur *ἡ ἀναγρη*, *ἐκ τῆς ἀπορίας*, & *ἡ ἀναγρη τῆς ἀπορίας*. Quare cum vera Fide iustificante consistere non possunt non tantum diffidentia & desperatio, sed etiam perpetua de gratiâ & misericordiâ Dei dubitationes. Neque est hæc Fiducia specialis misericordiæ arrogans & superba præsumptio pietati noxia, sed grata Deo, & ab ipso præscripta ac postulata obedientia Fidei, *ἡ ἐμὴ* autem illa Pontificia, quâ pios de certitudine misericordiæ Dei & salutis semper dubios faciunt, nec à damnationis metu unquam liberos esse volunt, Deum mendicij & inconstantie insimulat, consolationem omnem Christianorum tollit. Fidem in vagam quandam opinionem transformat, ac proinde nihil aliud est quàm desperationis officina, conscientiarum carnificina, & in-

ferni vestibulum ac barathrum, in quod miseræ animæ præcipiantur.

V.

Pro diversis hæc Fidei partibus objectum Fidei Iustificans diversimodè considerari potest. Objectum Notitiæ & Assensus non sunt Traditiones hominum, aut quævis Ecclesiæ mandata, sed omne & solum Dei Verbum Prophetarum & Apostolorum scriptis revelatum: & metonymicè etiam Ministri Verbi Dei, qui Verbum illud Fidei annunciant. Fiduciæ autem Objectum non sunt nostra merita, aut opera, aut satisfactiones nostræ, vel aliorum hominum pro nobis, sed est Promissio Evangelica de remissione peccatorum propter Christi merita & satisfactionem à Deo gratis obtinendâ. Vt enim mandata Dei objectum sunt obedientiæ nostræ, ita Dei promissiones objectum sunt Fiduciæ. Ab hoc proprio & singulari objecto Fides dicitur Iustificans, quæ non tantum credit articulos Fidei esse veros, puta, Christum esse Servatorem fidelium, natum ex virgine, mortuum, & resuscitatum, esse peccatorum remissionem, & vitam æternam, sed etiam hæc articulos, & generales Dei promissiones speciatim applicat, ut verè fidelis certò confidat Christum etiam suum esse Servatorem, pro se natum, mortuum, & resuscitatum: sibi quoque peccata esse remissa, & se vitæ æternæ hæredem esse, & post hanc vitam ejus participem fore.

VI.

Fides hæc Iustificans tanquam fecunda mater Charitatem ejusque opera producit, & per eam

*Quid sit
objectum
Fidei?*

*An Promissio
Evangelica?*

*An Charitas
sit fructus
Fidei?*

A 2

efficax

*An Fides à
Charitate
possit sepa-
rari?*

efficax est: sed cum Fides Charitatem, ut causa effectum, præcedat, & Fidei effecta tribuantur, quæ Charitati non competunt: cum Charitatis mensura sit Fides, quæ Charitatem moderatur, & cui Charitas obtemperare debet: cum Charitas & Fides diversæ sint virtutes eiusdem generis, quarum una alterius forma esse nequit; denique, cum Charitas actionum Fidei non sit principium, sequitur etiam Charitatem Fidei formam necesse, nec dici posse. Quamvis autem Fides justificans virtus sit, quæ secundum naturam, proprietates, & definitionem à Charitate sit diversa, ita tamen inseparabiliter Charitatem sibi conjunctam habet, ut vera & viva Fides sine Charitate esse non possit, & ubique vera & sincera Charitas est, certum hoc sit inditium ibi veram Fidem esse præsentem. Nam quisquis diligit, ex Deo natus est, & novit Deum: qui non diligit non novit Deum: nam Deus est Charitas, & qui manet in Charitate, in Deo manet, & Deus in eo. Fides absque operibus Charitatis mortua est, & illa Fides hominem non potest servare.

DISPUTAT. LXIII.

De Iustificatione.

THESIS I.

Quos Deus ab æterno secundum gratiam suam benevolentiam, quam præstiterat

in sese, pro benevolæ affectu voluntatis suæ, ad vitam & gloriam æternam prædestinavit, eos etiam, secundum illud propositum suum, efficaciter vocat: & quos ita vocavit, eos iustificat, & iustificatos glorificat. Vocationis itaque beneficium, de quo superiori disputatione actum fuit, beneficium Iustificationis immediate consequitur, de quo jam porro agendum. *Iustificare*, ut etiam vox Hebræa *Hitzdek*, & Græca *δικαίνω*, cum agitur de Iustificatione hominis coram Deo, nunquam in Sacra Scriptura significat alicui iustitiæ habitum infundere, seu iustum fieri, sed propriè & ordinariè significat aliquem in iudicio absolvere, iustum declarare, seu pro iusto habere. Estque forensis verbum, & in foro significat aliquem *δικαίως κρίνειν*, iustum & infontem pronunciare, sive is revera iustus sit, sive iniustus, sive iure id fiat, sive iniuria. Injusti enim iudices sæpè iustificat improbum, & condemnant iustum, quod abominatio est Iehovæ. A foro autem humano vox hæc translata est ad divinum, & sæpè ei opponitur vox *κατακρίνω*, hoc est, *condemnare*. In hac forensi significatione Apostolum, cum disputat de Iustificatione hominis coram Deo, vocem hanc accipere manifestè patet, cum Iustificationi diserte condemnationem opponit, cum docet iustitiam nobis non imputandi, sed imputari; nos iustificari absque operibus legis, quod ipsum per iustitiæ, quæ legis opus est, intuitionem fieri nequit.

II.

Cum autem iudicium Dei, coram cuius tribunali nos omnes sistemus, sit iustum & secundum

*Quid vox
Iustificare
significet?*

*Qua sit
illa iusti-
tia, qua
coram Deo
iustifica-
mur?*

*Quis sit
præcipuus
status Con-
troversia?*

*An iustifi-
cemur co-
ram Deo*

dum veritatem, ac propterea, quod in hominibus ibominatur, ipse non facit, ut scilicet iustum declaret & absolvat eum, qui nullo modo iustitiam habet, imprimis hic quaeritur: Quænam sit illa Iustitia, quam nos habere debemus, ut coram Dei tribunali competentes in ejus iudicio absolvamur, & non condemnemur? Quaestionem hanc esse omnino fundamentalem ac maximi momenti facile omnes vident, qui intelligunt, iudicium hoc esse peremptorium, in quo aut Vita æterna, aut Mors æterna homini adjudicabitur: Vitam autem nemini ibi adjudicandam, nisi habeat iustitiam, cujus corona est Vita æterna: & æternæ ibi condemnationis sententiam pronuntiandam adversus omnes eos, qui coram Deo comparebunt, aut planè vacui ab omni iustitiâ, aut non habentes eam iustitiam, quæ in Dei iudicio possit consistere. In hac quaestione ut totius salutis nostræ cardo versatur, ita etiam huius nostræ disputationis maximè versabitur. Præcipua autem inter nos & Pontificios circa hanc iustitiam controversia est, an iustitia illa, per quam in Dei iudicio consistemus, & quæ formalis vulgò appellatur, sit in nobis subiectivè vel inhærivè, ut habitus, aut qualitas aliqua nobis inhærens: An verò iustitia illa sit subiectivè extra nos in Iesu Christo, & nostra fiat per gratiam Dei imputationem? Prius statuunt Pontificii; Nos postèrus affirmamus.

III.

Agnoscamus quidem in hominibus renatis per efficaciam Spiritus Sancti operationem inchoari iustitiam aliquam inherenter, quæ

continet

consistat in habitibus fidei, spei, charitatis, & aliarum Christianarum virtutum, sed constanter atq; omnino negamus hanc iustitiam esse iustitiam illam, quæ in divino iudicio consistet, & propter quam Deus hominem sit iustificaturus, hoc est, à reatu meritiæ condemnationis absoluturus, & vitam æternam ei adiudicaturus. Iustitia enim, quæ in Dei iudicio consistere poterit, debet omnibus numeris, secundum omnes gradus & partes esse perfectissima, & omnis vitij admixtione carere: qualem in nullo homine, ne sanctissimo quidem (Christum excipiendo) in hac vitâ reperiri Scriptura & experientia clarè attestantur. Nec à reatu meritiæ condemnationis præcedentibus peccatis contracto quinquam potest absolvere præstatio iustitiæ præsentis, ad quam singulis momentis ex debito obligatur. Neque ulla etiam proportio dari potest inter compensationem æternæ poenæ commeritiæ, aut præmium vitæ æternæ, & inter temporalis alicujus & imperfectæ iustitiæ aut obedientiæ præstationem. Deinde nulla est in homine renato iustitia inchoata, sanctitas, aut virtus, quæ non sit fidei & Iustificationis effectû, ac proinde non præcedit hominem iustificandum, sed sequitur hominem iustificatum. Si verò homo per propriam & inharrentem iustitiam in iudicio Dei posset consistere, Christus frustra esset mortuus: hæreditas non esset ex gratiâ; & homo gloriandû haberet materiam. Quare Scriptura pluribus in locis expressissimè testatur hominem coram Deo non justificari ex operibus Legis, nec ex operibus iustis, quæ fecerit, hoc est, per iustitiam aliquam ipsi inharrentem, sed eos qui propriam, hoc est,

per iustitiam nobis inharrentem

inhærentem justitiam student constituere. justitiæ Dei non esse subiectos. Ac propterea etiam veri fideles abnegatâ justitiâ propriâ ad Christi merita semper confugerunt, ut comperirentur in eo non habentes suam justitiam, quæ est ex lege, sed eam quæ est per fidem Christi, id est, justitiam quæ est ex Deo per fidem.

IV.

*An omnia
opera ex-
cludantur
ex causis
Iustificati-
onis?*

*An etiam
opera re-
natiuum?*

Iustitia itaque illa, quâ coram Deo iustifica-
mur, non consistit in habitibus, aut virtutibus
nobis inhærentibus, neque in vllis operibus aut
actionibus nostris ex illis provenientiibus: sed
disertè in Scripturâ à Iustificatione excludun-
tur omnia omnino opera nostra, non solum ce-
rimonialia, aut ea quæ ex liberi arbitrii viribus
naturalibus proficiuntur, aut quæ cum opinione
meriti præstantur, sed in vniuersum omnia tam
consequentia, quam antecedentia, etiam illa, quæ
à renatis sunt post conversionem, & ex fide pro-
veniunt. Confirmat id ipsum Apostolus luculen-
tissimè exemplo Abrahami, quem disertè testa-
tur non fuisse iustificatum operibus, non tan-
tùm illis quæ antè conversionem, sed etiam
quæ iam conversus fecerat, ne haberet materiam
gloriandi apud Deum, ne quidem præstantissimâ
illâ, quam Deus paratus erat præstare, obedientia
in filii sui immolatione. Quo autem modo A-
brahamus coram Deo fuit iustificatus, qui pa-
ter fuit omnium credentium, eodem planè mo-
do iustificantur & omnes eius filii spirituales.
Et cum nemo nisi per gratiam Deo reconcilia-
tus ac iustificatus bene operari possit, insanum
est effectum ponere ante causam, aut hanc ab

effectu

effectu suspendere. Omnes autem renatorum iustitiæ, hoc est, præstantissima opera, cum sint peccatis inquinata, & sicut panniculus remotionum, quomodo in Dei iudicio poterunt consistere, qui secundum veritatem iudicat, & iustitiam suam abnegare non potest? Quare opera nostra, quæcunque tandem illa sint, non tantum non possunt esse tota nostra iustitia, quâ coram Deo consistimus, sed etiam ne pars quidem eius iustitiæ. Si enim pars essent iustitiæ, Christus non foret perfectus Servator noster, & indignè ac blasphemè eius sanctissima merita sordibus nostrorum operum permiscerentur, atque ita etiam iustificatio nostra nullo modo esset gratuita. Gratia enim si non est omni modo, ne quidem villo modo est gratia. Si per gratiam, iam non ex operibus, alioquin gratia iam non est gratia.

V.

Sed iustitia illa, quâ coram Deo consistimus, est sola iustitia Iesu Christi Mediatoris & Salvatoris nostri, qui nobis à Deo factus est iustitia: & sicut per contumaciam *a* vnius hominis Adami peccatores constituti sunt omnes homines, ita per vnius Christi obedientiam iusti constituentur omnes fideles. Nam propter impotentiam Legis à carne contractam, Deus misso Filio in carnem damnavit peccatum in carne, ut *b* *exemplum* illud Legis impleretur in nobis: & præstituit eum, ut esset *c* placamentum per fidem in sanguine ipsius, ad demonstrationem iustitiæ suæ. Ille factus est pro nobis *d* peccatum, ut nos fieremus iustitia Dei in ipso. Prout autem Lex ab homine peccatore duo exigit, Ma-

An iustificemur partim per opera, partim per gratiam?

An Christi iustitia sit illa iustitia nostra quâ coram Deo iustificamur?
a Rom. 5. 3.

b Rom. 8. 4.
c Rom. 3. 25.
d 2. Cor. 5. 21.

*Quot sint
partes hu-
ius iusti-
tie.*

*e Eph. 1. 7
f Coloss. 1.*

14

g Gal. 3.

13.

*Quomodo
iustitia
Christi fiat
nostra?*

ledictionem propter factam transgressionem, & totius Legis præstationem, si velit ingredi ad vitam, ita iustitia Christi, qui nostro loco factus est sub Lege, etsi numero sit unica, partes tamen duas habet. Prima est voluntaria poenæ propter inobedientiam nostram debitæ persolutio, quæ a reatu condemnationis merita in iudicio Dei absolvimur: Secunda est sanctitatis eius, seu perfectissima cum naturæ tum actionum illius cum Lege Dei conformitas, & exactissima omnium Legis mandatorum externa & interna observatio, quæ nobis ius vitæ æternæ acquisivit. Hinc Scriptura passim dicit nos iustificari per redemptionem & factam in Christo, s. per sanguinem Christi, Christum pro nobis factum esse g. executionem, Christum esse finem Legis, & per eius obedientiam nos iustos constitui. Atque hæc Christi iustitia cum subiectivè extra nos sit in Christo, nostra sit iustitia per imputationem divinam. Quemadmodum enim Christus, qui peccatum non novit, factus est pro nobis peccatum, seu nostra peccata ipsi sunt imputata, ita ut pro illis ipsi fuerit satisfaciendum, tanquam si ipse ea commisisset, ita per similem imputationem nos simus iustitia Dei in ipso, hoc est, Deus vi communionis & nexus illius spiritualis, qui inter Christum caput, & nos corpus eius mysticum intercedit, Christi iustitiam gratis nobis suis membris imputat, ac si illam ipsi præstissemus. Ab hac gratuita imputatione Dei passim vocatur in Scripturâ Dei iustitia, & quæ propriæ & nostræ iustitiæ inhærenti semper opponitur. Iustitia itaque qua iustificamur, non est inhærens nobis, sed imputata nobis, & per imputationem nostrâ facta:

facta: & quia fideles cum Christo capiunt vnum corpus mysticum constituunt, hoc respectu iustitia illa non planè ipsis externa, sed quodammodo etiam interna vocari potest. Imputativa autem hæc iustitia non est putativa aut commentitia, quæ consistat in inani tantum opinione aut imaginatione, sed non minus verè est iustitia nostra, cum nobis à Deo gratis imputata est, quàm si nobis ipsis subiectivè inhereret. Hanc Christi iustitiam cum Deus non imputet nisi fidelibus, & nos ejus participes fieri nequeamus nisi per fidem, quæ Christi merita apprehendimus, & hanc iustitiam nobis applicamus, hinc fit ut Scriptura hanc iustitiam vocet & iustitiam quæ est per fidem Christi, quæ est ex Deo per fidem, & iustitiam fidei, quæ semper in negotio Iustificationis iustitiæ Legis, ex operibus, per legem, & iustitiæ propriæ opponitur: ut Scriptura etiam Iustificatione Fidei metonymicè attribuat, cum dicitur nos justificari ex fide, per fidem, & Fidè imputari ad iustitiam. Non hoc sensu quod Fides nostra sit illa ipsa iustitia formalis, quæ coram Deo justificemus; est enim imperfecta, & sic iustitia Christi excluderetur, & homo per propriam iustitiam & per opera sua justificaretur, cui diserte tota Scriptura contradicit: sed Fides in negotio Iustificationis tantum consideratur, ut instrumentum spirituale, quo iustitiam Christi, seu *in hac dispensatione* *in hac dispensatione* apprehendimus, cui instrumento metonymicè attribuitur, quod causæ est principalis. Et quia nulla alia virtus aut actio Christiana est, præter hanc fidem, per quam iustitia hæc apprehendi potest, rectè dicitur nos justificari per Solam Fidem, præsertim cum

*Qua sit
iustitia fi-
des?*

*h. Rom. 3.
22.*

*Quomodo
dicamur?
Fide iusti-
ficari?*

*i. Rom. 5.
17.*

*An iusti-
ficemur per
solam fi-
dem?*

cum fidei opera nostra, ut iustitia imputata & propria opponuntur. Sola enim instrumentum est, per quod Christi iustitia apprehenditur, & sola agit in opere iustificationis, licet non sit, nec esse possit, sola. hoc est, separata ab operibus bonis, ut oculus solus videre dicitur, etli non solus existat, & solus seu separatus à reliquis corporis membris videre non possit. Docemus itaque nos iustificari non per fidem, quæ sola sit, hoc est, inanis & vacua ab operibus bonis, sed per fidem vivam, & per opera Charitatis efficacem; solam tamen Fidem iustificare, oppositè ad bona opera, non quatenus illa separantur à Fide, sed quatenus excluduntur ab actu Iustificationis.

VI.

*Quid sit
Iustificatio,
hominis cor-
ram Deo?*

*Qua sint
partes Iu-
stificatio-
nis?*

Iustificatio ierque hominis coram Deo est actus Dei iudicialis, quo hominem in se peccatorem, sed credentem in Christum, & fide verà Christi iustitiam apprehendentem, declarat per Christi iustitiam sibi imputatam absolutum esse à reatu mortis æternæ, & ius habere ad vitam æternam. Dux sunt huius Iustificationis partes. Prima est Imputatio Iustitiæ Christi, quam Deus omnibus fidelibus gratis donat & ascribit, ac si ab ipsis præstita esset. Secunda consistit in duplici actu, pro duabus illis iustitiæ Christi partibus. Primò propter perfectam Christi pro peccatis nostris satisfactionem seu pœnæ per solutionem, Deus fidelibus peccata remittit, seu à reatu meritorum condemnationis absolvit. Secundò propter perfectissimam, quam etiam nostri loco Christus præstitit præceptis Legis obedientiam, fidelibus adiudicat vitam æternam. Partes hæc simul in actu

actu Iustificationis concurrunt, ita vt vna sine altera existere non possit, & vt vnâ posita, altera necessario etiam ponatur. Atque hinc fit, vt vna pars, puta Remissio peccatorum, pro totâ Iustificatione Synecdochicè in Scripturâ sæpius accipiat. Nulla tamen esse potest peccatorum Remissio, nisi præcedat iustitiæ Christi Imputatio, propter quam solam peccata fidelibus gentis remittuntur. Et quibuscunque peccata remittuntur, illi non manent in statu neutro, sed simul etiam propter eandem Christi iustitiam ipsis imputatam ius vitæ æternæ consequuntur. Atque hinc etiam apparet, cum Deus non aliqua tantum sed omnia omnino peccata credentibus remittat nec partem vitæ æternæ, sed totam vitam adiudicet, quamvis in fidei magnitudine graduum inæqualitas reperiat, nullum tamen in Iustificatione esse inæqualitatem, sed omnes, quicunque iustificantur, eodem modo & perfectè à Deo iustificari.

An Iustificatio sit inæqualis?

DISPVT. LXIV.

De Certitudine Salutis.

THESIS I.

Fidei Iustificantis, & Iustificationis per fidem effectum seu consequens est *Certitudo Salutis*, seu certa animi persuasio, quâ homo fidelis certò statuit se coram Deo plenè esse iustificatum, & cum Deo reconciliatum; non amplius

*Quid sit
Certitudo
Salutis?*

esse

esse sub Legis execratione, sed sub Dei gratiâ ac benevolentia, in eaque se perpetuò esse mansurum, actandem æternæ in Cœlis beatitudinis participem futurum. Huic opponuntur Dissidentia, & perpetuæ de Gratia Dei, & de salute Dubitationes, quæ fidem infirmorum subinde quidem oppugnant & quatiant, hanc tamen verè fidelium certitudinem nunquam expugnant, aut penitus evertunt.

II.

*Quotuplex
sit hæc hæc
certitudo*

Est autem duplex hæc Certitudo: una est de præsentis statu gratiæ: altera de certâ in eodem perseverantia ad finem usque vitæ. Vtraque simul conjuncta veræ animi tranquillitatis, pacis, & consolationis Christianæ fundamentum est, & certitudinem Salutis ac beatitudinis æternæ firmam in animis fideliū generat. Pontificii utramque certitudinem negant, homines de gratia Dei & salute sua perpetuò dubitare jubent, & docent neminem in hac vita sine speciali & extraordinaria revelatione certum esse posse, aut de præsentis Dei Gratia, aut de certâ perseverantia. Nos autem utramque certitudinem verè fidelibus secundum Dei verbum in hac vita attribuimus, tanquam singulare Filiorum Dei privilegium, & firmum in mediis tentationibus atque afflictionibus præsidium.

III.

*An fideles
in hac vita
certi esse
possint de
præsentis
Dei gratia?*

Deus veracissimus cum in Evangelio etiam interposito iuramento, certò promiserit se credentibus & resipiscantibus peccata omnia esse gratis remissurum: cum Christus promissiones

illas Evangelicas sanguine suo obsignaverit, ex-
demque Sacramentorum usu fidelibus confir-
mentur: Et cum fidei cuiuslibet infallibilibus testi-
monijs de fidei & conversionis suæ veritate &
sinceritate constare possit, sequitur quemlibet fi-
delem de remissione peccatorum & gratia Dei
præsentem certum esse posse, nec ullam esse ratio-
nem, quare de ea dubitare debeat, aut possit. Sic
enim colligit fidei: Quicumque in Christum
verè credunt, illis peccata omnia sunt remissa,
omnesque illi cum Deo sunt reconciliati. Ego
autem verè credo in Christum. Ergo mihi peccata
omnia sunt remissa, & cum Deo ego quoq; sum
reconciliatus. De huius Conclusionis, quæ fide-
les certitudinem suam de gratia Dei præsentem
exprimunt, necessitate ac firmitudine ut constet,
veritas Præmissarum, ex quibus conclusio hæc se-
quitur, imprimis examinanda erit. Maiorem
propositionem confirmant omnes promissiones
Evangelicæ, quarum illa quasi summa est quam
proinde Pontifici non possunt negare, nisi De-
um mendacem faciant. & totum simul Evan-
gelium abnegent. De Minoris itaque veritate præ-
cipuè controversatur, an quis de ea in hac vita cer-
titudinem habere possit? Ex certa autem de huius
veritatis persuasionem pendet tota salutis cer-
titudinis: nemo enim certus esse potest de Salute,
nisi prius certus sit de sua fide sincera, cum nullis
nisi fidelibus promissio Salutis sit facta.

IV.

Quod in Christum verè credunt, de eo certi-
tudinem habere possunt, & habent omnes verè
fideles, non ex frivolis aut fallacibus con-
-

clutis,

*An ergo ve-
re q. u. cer-
tus esse pos-*

*fit se ha-
bere veram
fidem?*

*a sine dis-
simulatio-
ne, vel
hypocrisi.*

etuis, sed ex firmis & indubitatis testimoniis, quorum alia sunt interna, alia externa. Internum testimonium duplex est: primum est testimonium Spiritus nostri, & propriæ conscientiæ. Ut enim qui oculis corporeis videt, scit se videre; ita etiam qui credit, scit se credere, & scit cui crediderit, ac quomodo à morte ad vitam certò sit translatus: & quia cor ipsius eum non condemnat, scit etiam fidem & conversionem suam, etsi aliquando sit infirmior, & languidior, esset tamen *a seipso* *negat*, & sinceram. Alterum est testimonium Spiritus Sancti vnà testantis cum spiritu nostro nos in nomen Christi credere, ac proinde nos esse filios Dei. Huius Spiritus, qui Spiritus est veritatis, testimonio, tanquam arthabone & sigillo, certitudo hæc in cordibus credentium ob- signatur. Externa testimonia sunt fructus fidei, quibus magis magisque certi redduntur creden- tes se esse bonas arbores, & Christo per Spiritum eius inhiatos, cum in ipso fructus ferant, à quo separati, nihil boni possunt facere. Operi- bus itaque bonis, non ex hypocrisi sed ex vera fide & serio pietatis studio profectis, vocatio nostra nobis magis magisque firma efficitur. Hæc testimonia simul coniuncta omni excepti- one sunt maiora, atque in animis fidelium fir- mam ingenerant de fidei & conversionis suæ ve- ritate ac sinceritate certitudinem: quamvis non sint in omnibus fidelibus, aique etiam in vno eodemque, omni tempore, æquè manifesta at- que evidentiæ.

V.

Quamvis autem quis ex fide sua de præsent:

Dei

Dei gratia planè persuasus sit, nondum tamen potest de Salute sua omninò certus esse, nisi simul etiam sit certus, se in illa fide ad finem usque vitæ perseverantem, atque ita in statu gratiæ perpetuò mansurum. Hinc certitudinem imprimis negant Pontificij, docentque verè fideles & regeneratos singulis momentis fide posse excidere, ac proinde de perseverantia in fide & gratia Dei, atque ita de Salute sua nunquam certos esse posse, quamdiu sunt in hac vita. Nos contrà docemus verè fideles etiam certos esse posse ac debere, non tantùm de præsentis gratiæ statu, sed etiam de certa in eodem perseverantia ad finem vitæ: ac proinde etiam de Salute æternâ post hanc vitam certò obtinenda. Qui enim ad finem usque perseveraverit, *b* is solus erit. Hanc certitudinem etiam hoc modo colligunt. Quicumque in Iesum Christum verè credunt, illi in hac fide ad vitæ usque finem certò perseverabunt. Ego in Christum verè credo: Ergo ad finem usque vitæ in fide certò perseverabo: & per consequens, post hanc vitam æternæ beatitudinis certò & infailibiliter particeps ero. De veritate Minoris inde certò fideli constare possit, jam supra dictum est. Hic potissimùm erit probanda Majoris veritas, quam Pontificij, alijque, expresse negant. De illa nequaquam dubitasse verè fideles fratres ex Scriptura apparet, cum profitentur se certò persuasos esse & nullam rem conditam esse, quæ illos possit separare à charitate Dei, quæ est in Christo lesu: omnes iustificatos certò etiam esse glorificandos: & se certò scire cum terrestribus hujus domus tabernaculum dissolutum fuerit. *d* ad-

*An verè
fideles cer-
ti esse pos-
sint de per-
severantia
in fide &
gratia
Dei?*

*b Marc.
13.13.*

*c Rom. 8.
39.*

*d 2. Cor.
5.1.*

fictum

ficiam se ex Deo habituros: domicilium non manufactum, æternum in cœlis: se Christo cum manifestabitur, similes futuros: & per eum ad gloriam esse resuscitandos. Hanc certitudinem sine firma de veritate huius Maioris persuasione habere non potuerunt. Sed eius probatio sequenti Disputatione fusiùs instituetur.

VI.

e Heb. 11.

1.

f persuasio.

2. confi-

dentiam,

firmam

persuasio-

nem.

h Rom. 5.

5.

Qualis

certitudo

veris fide-

libus attri-

buitur?

Cum itaque Deus Salutem æternam omnibus credentibus, & in fide perseverantibus certissimè promiserit, omnesque veri fideles de veritate fidei suæ & de certa in eadem perseverantia firmissimis testimoniis persuasi esse possint, sequitur etiam omnes eos de Salute sua æterna firmam certitudinem habere non tantum posse, sed etiam debere. Credere enim non est dubitare; & vera Fides non est opinio, hæsitatio, dubitatio, aut tantum coniectura quædam, sed firma & inextinguibile rerum sperandum, & certa *f. certitudo*, quæ *g. persuasio*, *παράκλησις*, & ipem parit, quæ *h. v. ἀσφαλισμός*. Non attribamus tamen fidelibus eiusmodi certitudinem, quæ nullis unquam dubitationibus oppugnetur, aut concutitur, sed quæ cum dubitationibus & diffidentia ita luctetur, ut semper victrix emergat. Nec eiusmodi certitudinem, quæ omnem priam sollicitudinem, & filialem Dei timorem, in quo salutem nostram operari debemus, penitus excutiat, (hæc enim non spiritualis, sed carnalis esset securitas) sed quæ Fidelis de æterno atq; immutabili Dei erga se amore, cuius sensus in corde eius per Spiritum Sanctum effusus est, plenè persuasus, ad Deum redamandum, & de-

bitum

bitam ei gratitudinem omnibus pietatis & charitatis officijs ex animo præstandam, magis magisque excitetur. Quare Pontificijs non tantum iniuste, sed & impiè calumniantur omnem hanc verè fidelium de gratia Dei & salute sua certitudinem esse superbam præsumptionem, quæ humilitatem Christianam non deceat, esse vanam & fallacem opinionem, quæ sæpius fallat, ac deniq; esse securitatem, quæ pietati sit noxia, & salutarem omnem Dei timorem planè extinguat. Illi verò cum Christianos quantumvis promissionibus divinis & meritis Christi verà fide innitentes, de gratiâ Dei & Salute suâ nihilominus semper dubitare iubent, non tantum omnem fidem, spem, pacem, & consolationem Christianorum evertunt, miseris hominum conscientias perpetua inquietudine excruciant, ac tandem in desperationis barathrum præcipitantes, sed etiam Deum ipsum infidelitatis & inconstantiae satis manifestè insimulant. Etcum eos interim, qui à Pontifice Romano omnium peccatorum suorum indulgentias pecunia obtinuerunt, qui bona sua in Monasteriorum structuram aut reditus collocarunt, aut alio quodam modo superstitionibus Pontificijs operam impenderunt, de Salute sua certos & securos esse iubent, apertè ostendunt se mendacis hominis verbis maiorem fidem quàm divinis promissionibus habere, & superstitiones atque idolatrias suas perfectissimis Christi meritis blasphemè præferre.

An Certitudo Salutis sit præsumptio fallax & noxia?

1 cultus voluntarios?

DISPUTAT. LXV.

De Perseverantia Sanctorum.

THESIS I.

*Quod sit
fundamen-
tum certi-
tudinis sa-
lutis?*

2 Marc.
13.13.

Certitudo Salutis, quam verè fideles in hac vitâ habent, præcipuè pendet à certitudine Perseverantiæ in verâ fide ad finem usque vitæ. Quamvis enim quis certus sit se hoc tempore veram & vivam habere fidem, quâ Christo verè sit insitus, & divinæ gratiæ particeps factus, nondum tamen de æterna salute planè persuasus esse potest, nisi etiam certus sit se in hac fide ad finem usque vitæ perseveraturum: *αὐτὸς ὑπομείνει ἵνα ῥθσὶν ἑστὶν εὐδοκίᾳ.* Pontificij, ut omnem salutis certitudinem tollant, & miseras hominum conscientias in perpetua dubitatione & inquietudine detineant, etiam hanc Perseverantiæ in verâ fide certitudinem planè negant. Nos contrâ ex verbo Dei docemus fideles non tantum certos esse posse de veritate fidei suæ, & per eam de præsentis gratiæ, sed etiam se in illa verâ fide ac gratia Dei perseveraturos ad finem vitæ, & consequenter se post hanc vitam salutis æternæ ceterò fore participes. De hujus itaque in fide Perseverantiæ certitudine, ejusque veritate jam porro erit despiciendum.

II.

Hoc autem ut commodè fiat, atque omnis tùm cavillandi, tùm calumniandi, tùm etiam doctrinâ

hac

hâc ad securitatem carnalem abutendi anſa præ-
cidatur, imprimis obſervanda ſunt hæc duo:
Primum eſt, de quâ fidẽ loquamur, cui certam
Perſeverantiam attribuimus. Secundum, qualem
verẽ fidelibus Perſeverantiam attribuamus. Non
diffitemur, quod Scriptura expreſſe teſtatur, eſſe
nonnullos qui fidem habeant *b. uſque ad mortem*, &
tempore perſecutionis e deſiciunt, quia radicem
non habent in ſeſe: aut qui à profeſſione fidei
ſeu doctrinæ Chriſtianæ deſciſcunt, & ſpiritibus
deceptoribus attendunt: ſæpẽ etiam evenire, ut
qui pro verẽ fidelibus aliquandiu habiti fuerunt,
hypocriſin ſuam tandem prodant, & tanquam
d. canes ad vomitum, & ſues lotæ ad volutabrum
cœni revertuntur: ſed negamus tales unquam
verâ & vivâ fidẽ fuiſſe præditos. Si enim ex verẽ
fidelibus fuiſſent, manſiſſent utique cum illis:
cum verò deſiciunt, manifeſtum eſt non omnes
eſſe verẽ fideles, qui pro talibus ſeipſos vendi-
tant, aut ab alijs habiti fuerunt. Temporaria illa
fides & doctrinæ profeſſio communis etiam eſt
hypocritis & reprobis, ſed vera fides tantum eſt
electorum. Qui verò in Chriſti ſermone non ma-
nent, & ſpem illam, de qua gloriantur, ad finem
uſque firmam non retinent, illi nunquam fue-
runt verẽ diſcipuli Chriſti, aut ejus conſortes
facti. Loquimur autem de verâ & vivâ fidẽ, quâ
Chriſto verẽ tanquam viva membra capiti, &
fructifieri palmites viti inferimur, & per quam om-
nium ejus beneficiorum participes ſimus. Huic
fidei ſoli certitudinem Perſeverantiæ aſcribimus,
ac proinde quæſtio eſt de Perſeverantia non Hy-
pocritarum, ſed verorum fidelium, non hominum
carnalium, ſed Sanctorum, ſeu ſanguine & Spi-

*Quali fi-
des perſe-
verantia
attribua-
tur?*

*b. tempora-
riam.*

c. Mat. 13.

21.

d. 2. Pet.

2. 22.

ritu Christi verè sanctificatorum.

III.

*Qualis
perseve-
rantia ve-
rio fidelibus
adscriba-
tur?*

Perseverantia etiam, quam hisce verè fidelibus adscribimus, accuratè distinguenda est. Non enim docemus ita eos in fide semper perseverare, ut in nulla unquam peccata possint incidere, aut ut nulla unquam fidei effecta possint amittere, sed agnoscimus & docemus, quod Scriptura & experientia contestantur, omnes verè fideles, quamdiu in hac vita sunt, nondum ita perfectè regeneratos esse, quin semper circumgestent superfluitates carnis reliquias, cum quibus perpetuò illis sit luctandum, atque in hac lucta sæpè illos periculosissimis carnis tentationibus succumbere, & non tantùm in leviora, sed nonnunquam etiam in gravia peccata incidere, quibus ipsorum fides haud leviter infirmetur & concutatur. Fatemur etiam verè fideles aliquando insignia nonnulla Spiritus Sancti dona, quæ ad ipsorum consolationem, & pietatis promotionem admodum sunt utilis, ad tempus amittere, & subinde tam gravibus oppugnari tentationibus, ut efficaci illo gratiæ divinæ sensu ad tempus destituantur: sed negamus eorum fidem planè deleri & extinguì, aut eos Spiritum regenerantem omninò amittere: & asserimus omnes verè fideles & regeneratos à Dei gratia ita efficaciter & potenter in omnibus tentationibus confirmari, & à plenariâ Apostasia conservari, ut veram fidem nunquâ totaliter, aut finaliter, uti loquuntur, sint amissuri, sed in eadem perpetuò, & ad finem usque vitæ sint perseveraturi. Hujus assertionis veritas imprimis hæc est inquirenda, cui omnis de salute certitudo nostra innuitur.

IV.

Duo sunt assertionis nostræ membra, quæ singulatim sunt probanda. Primum est, Fideles in hac vitâ fidem veram nunquam penitus seu totaliter amittere. Alterum, eos neque finaliter à fide & gratiâ Dei excidere. Primo membro confirmato elucescit etiam veritas secundi, quam nonnulli quidem agnoscunt, qui tamen prioris veritati non omnino assentiont. Veritas primi membri potissimum innititur & comprobatur promissionibus divinis, quæ extant in formula fœderis gratuiti. Ut enim Mediatoris Christi duo sunt præcipua beneficia, Iustificatio, & Sanctificatio, seu Regeneratio, ita Deus fœderatis utrumque promittit: beneficium Iustificationis, cum promittit se condonaturum iniquitatem ipsorum, & peccati ipsorum non recordaturum: Beneficium regenerationis, cum promittit se inditurum legem suam menti eorum, & cordi eorum inscripturum: nec tantum promittit se regenerationem hanc tantum esse inchoaturum, aut semel effecturum, sed etiam se eos in hoc beneficio semper conservaturum, nam in eâdem fœderis formulâ expressè addit, se inditurum tale cor, ut revereantur eum omnibus diebus, se pangere ipsis fœdus perpetuum, fore ut non avertat se à prosequendis ipsis, & reverentiam sui inditurum animo ipsorum, ut non recedant à Deo. Hæc beneficia Christus fœderis huius Mediator fideliter etiam nobis præstat. Nam quâ Rex noster potenter fideles conservat & confirmat, eorumque corda stabilis, ne vnquam à vera fide penitus excidant, ne è manu ipsius emigrent, aut portæ

*An fideles
veram fi-
dem tota-
liter ab-
quando a-
mittant?*

c Heb. 8.
12.
f Heb. 8.:
10.

g 1. Cor.
10. 13.

h 1. Job.
3. 9.

i Phil. 1.

6.

k Psal. 1. 3

inferorum adversus ipsos praevaleat, nec sinit eos tentari supra id quod possint, & sed vna cum tentatione praestat etiam exitum, ut possint eam sustinere: quia Sacerdos noster pro omnibus, qui in nomen ejus credunt, & credituri sunt, orat, ne fides eorum deficiat, sed ut ab improbo illo conserventur: & in hisce precibus suis semper exauditur. Atque hujus promissionis divinae & fidelis Christi conservationis certitudo in cordibus fidelium per Spiritum Sanctum promissionis, qui in aeternum cum illis manet, tanquam per arrhabonem & sigillum obsignatur in diem redemptionis. Quare Apostoli evidentiter testantur verè fideles & regeneratos peccato non dare operam, h quoniam semen Dei, quo regeneriti sunt, in ipsis manet, nec posse peccatis operam dare, quia ex Deo sunt nati: seipsos conservare per Dei gratiam, & Improbum illum non attingere eos: semel peccato mortuos, non iterum vivere in eo; per Spiritum semel verè liberatos dominio peccati non iterum subjici: qui in primà à peccatis resurrectione partem habent, in eos secundam mortem non habere potestatem: regeneratos omnes in spem vivam virtutis Dei praesidio custodiri per fidem ad salutem paratam revelari praestituto tempore. Et disertè profitentur se persuasos esse, fore ut qui bonum opus in fidelibus incepit, i perficiat usque ad diem Iesu Christi. Atque hanc ob causam verè fideles comparantur l arbori plantatae ad rivos aquarum, quae fructum suum edit in tempore suo, & cujus folia non decidunt: monti Zionis, qui non dimovetur, sed in seculum permanet: & domui, quam vir prudens aedificavit super petram: decidit nimbus,

vene-

venerunt flumina. & flaverunt venti & inciditunt domui illi, sed non cecidit, quia supra petram fundata erat,

V.

Ex his etiam constare potest de veritate secundæ assertionis nostræ membri, quo statuitur verè fideles à fide & gratiâ Dei nunquam finaliter excidere. Qui enim nunquam fide totaliter excidit, ille semper & finaliter etiam in eadem perseverat. Vera autem fides cum non sit omnium, sed tantum electorum, & certissimum sit ex verbo Dei æternam electionis divinæ decretum esse immutabile, non esse possibile ut electi seducantur, electos virum æternam certò assequi, prædestinatos non tantum vocari, & justificari, sed etiam glorificari, vocationem Dei esse in æternam sequitur verè fideles ex fide suâ certos esse posse ad vitam æternam se esse coordinatos seu electos, ac proinde quia vita æterna non confertur nisi fidelibus in fide Perseverantibus, se etiam certò ad finem usque vitæ in fide Perseveraturos. Alioquin æternum electionis decretum aut proflus esset negandum, aut mutabile statuendum: quod utrumque manifestè falsum est. Hinc est quod Christus expressè testatur hanc esse voluntatem Patris, ut quicquid ipsi non dederit, non perdat ex eo, sed suscitet illud in ultimo illo die: se eos omnes, quos Pater illi dedit, & custodivisse, & neminem ex ijs periisse: se ad finem usque suos diligere: & fideles omnes non tantum habituros esse, sed jam omnino habere vitam æternam, quod ad proprietatem, certitudinem & initium ejus attinet. Ex quibus apparet, etiam si daretur

*An verè
fideles à fi-
de & gra-
tia Dei fi-
naliter
nunquam
quam ex-
cidant?*

*m Rom.
11.29.*

*m Ioh 6.
39.
o Ioh. 17.
12.*

fideles in hac vitâ fide totaliter excidere, (quod tamen nunquam fieri supra probatum est) certum tamen esse eos nunquam finaliter excidere: atque ita semper immotam stare ac firmam verè fidelium de salute suâ certitudinem tot firmanentis subnixam,

VI.

An doctrina de certitudine fidelium perseverantia parvas securitatem carnalem?

Ne tamen quis hanc doctrinâ abutatur ad securitatem carnalem, aut illa huic pulvinar subterni calumnietur, diligenter observandum est, nos hîc non disputare, an veri fideles simpliciter non possint à fide excidere: agnoscimus enim vltud omnes verè fideles, quamdiu in hac vitâ sunt, illis fidei infirmitatibus & tentationum periculis esse obnoxios, vti si sibi relinquerentur, singulis momentis fidem possent amittere; ac propterea debere semper illos suæ infirmitatis conscios omnem piam sollicitudinem adhibere, vt pericula illa præcaveri possint: Sed hoc est quod quaeritur, an vnquam sit futurum, vt verè fidelis totali & finali apostasia fidem planè excutiat, atque amittat. Docemus autem nos, quamvis hoc fieri possit, respectu infirmitatis, quæ est in verè fidelibus, nunquam tamen hoc esse futurum, quia Deus, secundum promissiones suas, per Spiritum suum eos ab apostasia conservat, & præsidio virtutis suæ in fide stabilis, confirmat, & custodit ad salutem. Cum fidelis ꝑ cadit non deicitur, sed Ichovah sustentat manum ejus. Officium fidelium est omnia adhibere media, quibus in fide stabiliantur, & apostasia præcaveatur, sed interim nihilominus certi sunt Deum per gratiam suam ad officium hoc semper ipsos esse excitaturum,

P. Psal.
37.

turum, & per media illa in fide eos conservaturum. Media enim qualia sunt à parte Dei, exhortationes, commonefactiones, minæ, pollicitationes, & à parte fidelium, preces, vigilæ, periculorum fuga, & similia, quibus in fide conservantur, & ipsa certitudo Perseverantiæ, cum sint sibi invicem subordinata, non se mutuo tollunt, sed ponunt. Certe Dei promissiones ut in ordinarijs Dei operibus non excludunt media, ita nec media, si quæ Deus adhibet aut adhiberi mandat, certitudinem promissionum tollunt, sed stabiliunt. Perseverantiæ autem hujus fundamentum non consistit in humanæ voluntatis incertâ determinatione, sic enim nulla ejus, nec salutis, esset certitudo, & salus à mutabili hominum voluntate penderet, ac in hominis manu sita esset, sed pender à Dei immutabili consilio, firmis & infallibilibus promissionibus, ac potenti & fidei conservatione, quam ut promissit benignè, ita præstat efficaciter omnibus electis & vera fide Christo semel insitis: ita ut non tantum possint, si velint, in fide perseverare, sed etiam ut semper velint, & certò ad finem usque vitæ perseverent.

An certitudo Perseverantiæ pendeat à voluntate hominis?

DISPUTAT. LXVI.

*De Perfectiōne hominis
in hac vitâ*

THESIS I.

D^{Vo} sunt Iesu Christi Mediatoris præci-

An et quomodo fideles in Christo perfectè Legem impleverint?

pua & semper conjuncta beneficia, Iustificatio, & Sanctificatio seu Regeneratio. In Iustificatione verè fidelibus à Deo gratis imputatur perfectissima Christi iustitia & obedientia, quam nostro loco legi divinæ præstitit, quæ consistit, tum in persolutione pœnæ à nobis committæ, tum etiam in mandatorum Legis exactissima observatione, ita ut in Christo censeantur omnes verè fideles, tum quod ad pœnam, tum quod ad obedientiam absolutissimè & perfectissimè Legem Dei implevisse. Per beneficium Regenerationis in verè regenitis inchoatur quidem in hac vita, seria, sincera, & minimè fucata obedientia Legis, etiam secundum omnes ejus partes, sed quaeritur an in hac vita ita perfectè regenerentur, ut nullæ amplius reliquæ carnis in regenitis superstites maneant, seu an regeniti in hac vita omnibus numeris & gradibus absolutè perfectam Legem divinæ internam & externam observationem præstare possint? Pontificij ut stabiliant operum merita & iustitiam propriam, affirmant. Nos verò negamus.

II.

An ullus Sanctus unquam extiterit, qui Legem Dei perfectè impleverit?

Duo autem contra sententiam Pontificiorum ex Scriptura asserimus. Primum est, nullum unquam extitisse hominem, quantumvis sanctissimum (Christum excipi parè) quem Legem Dei in hac vita perfectè implevisse constet. Quamvis enim nonnullis sanctis hominibus illustria in Scriptura testimonia sanctitatis attribuantur, utpote quod iusti, integri, recti, timentes Dei, recedentes à malo, viri secundum cor Dei, & vasa electionis vocentur, quod secundum Deum inde-

sinerent

linenter ambulaverint, incedentes in omnibus præceptis & ritibus Domini inculpate, tamen & eorum ipsorum lapsus & infirmitates etiam describuntur, vt constet sinceritatem quidem obedientiæ, non autem absolutissimam graduum perfectionem in ipsis fuisse. Hinc est quod illi ipsi peccata sua coram Deo etiam confiteantur, deprecantes severum Dei iudicium, & agnoscetes nec se, nec ullam carnem, a coram Deo consistere posse, si Deus iudicio congrédi cum ipsis, & iniquitates observare velit. Quinetiam Prophetæ & Apostoli disertè testantur non esse vllum hominem, siue regnitum siue irregnium, qui non peccet, neminem posse dicere, b purificavi animum meum, mundus sum à peccato meo : neminem c errores & peccata sua posse intelligere: nos omnes etiam regenitos in multis labi, bonum quod volumus, d non facere, & malum, quod nolumus, hoc agere: ac propterea nos ipsos fallere e & veritatem in nobis non esse, si dixerimus nos peccatum non habere. Quare etiam Christus mandat omnibus regenitis, etiam sanctissimis, vt quotidie Deum orent, remitte nobis debita nostra: quod necessum non foret, si quotidie nova debita non contraherent.

III.

Secundum est, non etiam posse quenquam in hac vita, etiam excellentissimis regenerationis donis, quæ Deus in hac vita conferre solet, præditum, perfectè Legem Dei implere. Quemadmodum enim Deus olim fecit vt manerent gentes aliquæ, ad probandum eis Israëlitas, vt docerent eos bellum, ita quoque Deo pro infinita

Capientia

a Ps. 143
2.

b Prov. 30.
9.

c Psal. 19.
12.

d Rom. 7.
19.

e 1. Joh. 1.
3.

An regeniti perfectè possint Legem Dei implere?

*¶ Angelus
aqualet.*

¶ Rom. 8.

5.

¶ Phil. 3.

14.

sapientia sua visum est, per gratiam regenerationis non omnes omnino carnis reliquias ex homine auferre, quamdiu hic vivit, ut sub perpetuo certaminis & luctu cum carne exercitio, in infirmitatis suae agnitione, pietate, & fide proficere, & ad liberationem ex isto corpore mortis aspirare magis magisque addiscat. Placet sapientiae divinae, ut ordo institutionis nostrae sit successivus, donec ad metam Perfectionis in gloria veniamus, deposita peccati carne. *¶* *1003* demum nos efficere decrevit post hanc vitam. Quamdiu autem reliquiae peccati in homine manent, tam diu impossibile est, ut sit sine peccato, aut ut Legem Dei perfecte implere possit. Et cum ex parte tantum hic cognoscimus, non autem perfecte, & obedientia nostra ex fide provenire debeat, sequitur ex imperfecta fide imperfectam tantum obedientiam praestari posse. Quare Apostoli perfectam Legis praestantem vocant *¶* *1004* *¶* *1005* idque propterea *¶* *1006* *¶* *1007* item iugum, quod neque Patres nostri, neque nos portare volumus. Ipsi enim de se professi sunt, quamvis iam consue in regeneratione progressi, ut nullius mali sibi conscire sentiant, non tamen propter hoc se esse iustificatos, nec se arbitrari, quod iam metam apprehenderint aut consummati sint, sed contendere semper scopum & metam versus, ad premium huius supernae vocationis Dei, in Christo Iesu. Quamvis itaque regenerati per gratiam Spiritus Sancti idonei efficiantur, ut mandata Dei alacriter, promptè, & sincere possint observare, tamen, quia quamdiu in hac vita sunt rebellantis carnis reliquias circumferunt, impossibile est eos ita perfecte Legem Dei se-

cundum

cundum omnes partes & gradus implere, eamque vitæ integritatem ita perpetuò & perfectè præstare, ut nusquam vel cogitationibus, vel verbis, vel factis impingant.

IV.

Atque hinc etiam apparet alius multo crassior Pontificiorum error, cui perfectionem Monasticam, Indulgentiarum Thesaurum, Missas pro defunctis, aliasque blasphemias superstitiones superstruunt, cum doceant hominem regnitum non tantum Legem Dei perfectè posse implere, sed etiam plus boni posse præstare, quam Lex Dei à nobis exigit. Errorem hunc quia superioribus disputationibus refutavimus, hic non persequemur. Tantum hoc addimus, et refutando vnicum hoc Christi dictum abundè sufficere, cum disertè docet: cum omnia, quæ edicta sunt vobis feceritis, dicite, *¶* Servi inviles sumus: nam quod debuimus facere, fecimus. Est itaque hæc opinio non tantum vana & temeraria, sed etiam plena intolerabilis arrogantiae, & manifestæ in Deum impietatis, quasi Lex ipsius non esset perfectæ omnis bonitatis regula.

V.

Tantum verò abest ut regeniti in hac vita omnia Dei præcepta perpetuò & perfectè servare possint, ut quamvis per efficacem Spiritus Sancti gratiam opera præstare possint, quæ Deo propter Christum grata sunt, quia ex fide profecti, sine qua impossibile est Deo placere, tamē ne unum quidem opus bonum possint præstare, quod

An regeniti plus boni possint præstare, quam Lex exigit?

i Luc. 17. 10.

An regeniti ullum opus bonum possint præstare, quod non sit imperfectum, & iniquum?

l examen.

An omnia
opera re-
natorum
mortē me-
reantur?

m exaltis
jure.
n Deus.
27.26.
Gal. 3. 10.

An bona
renatorum
opera pro-
priè et sim-
pliciter sint
peccata?

ita purum & perfectum sit, si in rigido Dei iudicio
examinetur ad exactissimam illam, quam Lex
postulat, *l. absolutum*, quod non imperfectum &
carnis nævo deforme atque impurum deprehen-
datur. Omnia enim Renatorum opera bona
quamvis à Spiritu Sancto promanent, tamen
quia proxima eorum principia sunt mens, & vo-
luntas hominis, quæ multum ingenitæ vitio sita-
tis etiã inregentis retinent, sapiunt etiã proxi-
marum causarum naturam, ac proinde semper a-
liquam imperfectionem admixtam habent, &
carnis nævis atque infirmitate sunt inquinata.
Quare etiã p̄i rotundè confitentur omnes ip-
sorum iustitias esse instar panniculi remotionum.
Et quia Lex Dei non tantùm manifestos trans-
gressores, sed etiã eos qui ab ejus *m. d. a. g. s. d. i. v. g. l. i. n.*
vel tantillum deflectunt, qui in omnibus *n* non
manserint, qui in vno tantùm impegerint, æter-
nam maledictionem meritos esse pronunciat, se-
quitur etiã præstantissima renatorum opera, si
Deus ea secundum Legis rigorem, exclusa omni
misericordia, iudicare vellet, propter imperfectiones
& nævos æternam mortem mereri. Atque
hinc apparet quam sit ab omni veritate alienum,
cum Pontificij renatorum operibus vim merendi
vitam, & iustificandi coram Deo, adscribunt.

VI.

Nec tamen propterea docemus omnia regeni-
torum bona opera propriè & simpliciter esse pec-
cata aut impura. Non enim quod simpliciter &
absolutè purum esse negatur, mox etiã simpli-
citer & absolutè impurum est appellandum. A-
lia enim est operis impuritas per se, cum directè

fit quod Lex Dei fieri vetat, alia per accidens. cum fit quidem quod Deus mandat, sed non tam perfecto modo, prout lex exigit. Renati faciunt quidem quod Dei Lex præscribit animo sincero, sed non omnino toto, quod ipsum etiam Lex postulat: atque hæc eorum opera quatenus secundum Legem Dei, ex fide, ad Dei honorem fiunt, bona sunt opera per se, sed propter imperfectionem & carnis infirmitatem admixta fiunt impura, ita ut simpliciter & absolute iusta appellari non possint: & hoc respectu per accidens etiam peccata dici non est absurdum, cum omnis perfectionis in Lege requisitæ defectus sit *o defectus*, ac proinde etiam *pænas*. Imperfectiones autem illæ gratuito ipsis propter Christum à Deo condonantur, & perfectissima Christi iustitia teguntur, ne vnuquam in iudicium Dei veniant.

*o legis
transgres-
sio.
p peccatū.*

DE BONIS OPERIBVS.

DISPVT. LXVII.

De Bonis Operibus, in genere.

THESIS I.

Fides, quâ coram Deo justificamur, tanquam bona & fertilis arbor fructus suos semper profert, qui sunt Opera Bona, per quæ sem-

per

a operans.

b Iacob. 2.

17.

c Tit. 2. 14.

d Eph. 2. 10.

Quid sint
Bona Opera?

per est *a impio*. Fides, & si opera non habeat, *naga* in *qdo* *iam*, nec potest fides illa hominem servare. Coniuncta sunt semper Iustificationis & Sanctificationis beneficia. Christus *c* dedit semetipsum pro nobis, ut redimeret nos ab omni iniquitate, & purificaret sibi populum peculiarem accensum studio bonorum operum. Servati quidem sumus gratia, per fidem; non ex operibus, ne quis gloriatur: sumus nihilominus opus Dei conditi in Christo Iesu ad opera bona, quæ præparavit Deus, *d* ut in ijs ambulemus. Sunt autem bona opera actiones à Deo in lege ipsius nobis præscriptæ, & mandatæ, & secundum illud legis præscriptum per gratiam Christi à regeneratis ex vera fide ad solius Dei gloriam & proximi ædificationem præstætæ. Nec tantum ejusmodi actiones, sive internæ sive externæ, sed etiam habitus animi, per quos actiones bonæ fiunt, seu virtutes Christianæ, loquendi consuetudine in Scripturis recepta, Bona Opera appellantur, ut hac appellatione significetur non tantum in corde virtutes esse possidendas, sed etiam opere exercendas. De hisce tum habitibus, tum actionibus bonis, nec leves nec paucæ inter nos & Pontificios intercedunt controversiæ, quarum nonnullæ in præcedentibus disputationibus per occasiones expositæ fuerunt, reliquæ jam porro à nobis excutientur.

II.

Qua sint
causa Bonorum O-
perum?
Qua effici-
ent?

Bonorum Operum causæ imprimis sunt considerandæ, ut eorum natura, & controversiarum fontes evidentius perspiciantur. Causa efficiens principalis est gratia Spiritus Sancti regenerantis.

us, sine qua nullum bonum opus inchoari, nedum perfici potest. Deus ponit spiritum suum in medio hominum, quo facit, ut in statutis ejus ambulent & jura ejus observent facientes ea. Ille compingit nos ad omne opus bonum ad præstandam ipsius voluntatem, efficiens in nobis quod gratum sit in conspectu suo. Ille Bonum Opus in nobis incipit & perficit, atque efficit ipsum velle & ipsum agere. Vnde Opera Bona fructus Spiritus vocantur, eaque facientes Spiritu Dei agi dicuntur. Secundaria & proxima causa efficiens est hominis regeniti natus, vera Dei cognitione per Spiritum Sanctum illustrata, & voluntas renovata ac conversa. Materia Bonorum Operum est mandatum Dei expressum in Lege, quæ unica & perfecta regula est Operum verè Bonorum, & in qua perfectissimè expressum continetur, quicquid Deus à nobis fieri aut omitti velit. Neque Evangelium nova & perfectiora mandata nobis præscribit, aut nova perfectionis majoris consilia Legi superaddit. Forma est exacta cum præscripto Legis divinæ conformitas, in qua non tantum res facienda, sed & modus faciendi præscribitur & finis. Finis primarius est, ut per obedientiam nostram Dei gloria illustretur, & ut ipsi debita pro beneficiis, tum creationis & conservationis, tum maxime redemptionis gratitudo præstetur. Secundarij fines aut nos ipsos respiciunt, aut proximum. Ut nos ipsi ex hisce fructibus magis magisque certi reddamur posse esse bonas arbores, ut vocationem nostram, ijs exornemus, adversarijs nos obturemus, temporales & æternas pœnas evitemus, & præmia benedictionis temporalis & æternæ gratijs pro-

Qua materialis?

Qua formalis?

Qua finalis?

missa consequamur. Ut proximoprosumus, exemplo pietatis præluceamus scandalo non noceamus, sed eum ædificemus & lucrificiamus. Hæ omnes causæ ad constitutionem Boni Operis simul concurrere debent, adeò ut si vel una earum desit, opus nec bonum, nec Deo gratum censeri debeat.

III.

*An irre-
gemitis pos-
sint præsta-
re Opera?
Bona?
c Mat. 7.
17.*

*An opera
quæ ex bo-
nâ inten-
tione fiunt
extra Dei
Legem sint
bona?
c Mat. 15.
9.*

Atque ex his apparet homines irregenitos, qui hæc Spiritus Sancti gratiâ destituuntur, non posse præstare vlla opera verè bona. Arbor e enim mala non potest bonos fructus ferre. Præstant aliquando, opera, quæ quantum ad materi- am, seu operis substantiam, bona sunt, sed quia nec proveniunt ex fide, sine qua impossibile est Deo quicquam placere, neque ad Dei gloriam fiunt, neque eo modo quo Deus præcepit præstantur, hoc est, quia in illis operibus causa tantum est materialis, reliquæ autem tum efficiens, tum formalis, tum finalis simul defunt, non possunt Bonorum Operum nomine insigniri, sed ob defectum reliquarum causarum meritò peccata appellantur: ut in superioribus disputationibus nuper fuit demonstratum. Ac propterea etiam Gratiam Regenerationis aut Iustificationis mereri, ne ex congruo quidem, possunt. Neque hoc nomine venire etiam possunt opera, in quibus deest causa materialis, qualia sunt non tantum ea, quæ directè pugnant cum Lege Dei, sed etiam omnia illa opera quæ præter vel extra Legem Dei vel ab hominibus publicâ aut privatâ autoritate mandata, vel sponte suscepta sunt, & in Scriptura *f. ἀδικαίαι ἢ ὑπερβύται τῆς δι-*

Συντάξεως.

ἑρμηνεύει, & *ἡ ἀποστολή* appellatur, etiam si ex bonâ intentione præstentur ad Dei gloriam provehendum. aut ad cultum Deo præstandum. Solius enim Dei est nobis præscribere quibus operibus gloriam suam proveci velit. Non intentio nostra, sed sola voluntas Dei in Lege expressa bonitatis regula est, cui Deus omnes actiones nostras adstringit, & discretè mandit ut non faciat quisque quod rectum videtur in oculis ejus, sed tantum quæ ipse præcepit, nec addant ad illud quicquam: & aperte testatur se mandatis hominum frustra coli, & istas *ἡ ἀποστολή* à manibus hominum non requirere. Quinetiam severè reprehensi & graviter puniti leguntur, qui neglectis Dei mandatis, vel ex propria intentione, vel secundum Patrum traditiones, & hominum præcepta, Deum colere instituerunt.

g Col. 2. 23.

h cultus
voluntari-
us.

IV.

Imprimis autem hic observandum est Opera Bona non esse præstanda in eum finem, ut per ea peccata nostra præcedentia expiantur aut deleantur. Hæc enim expiatio solis Christi operibus pro nobis præstitis, & pretioso ejus sanguine pro nobis effuso, facta est, nec potest nisi horribili cum blasphemia hominum operibus attribui. Neque eum etiam in finem ut operibus nostris vitam æternam mereamur. Hanc enim operibus suis pro nobis præstitis solus Christus nobis meruit. Duo autem inter se diversi eandem rem verè & perfectè mereri non possunt. Quare si Christus eam nobis perfectè meruit, nos eam mereri, nec possumus, nec opus habemus. Nos si eam mereri possumus per opera nostra, Chri-

An Opera
Bona sint
expiatoria?An Opera
Bona sint
meritoria?

stus frustra mortuus est. Quæ enim mortis ejus fuit necessitas, si ipsi nos vitam operibus nostris mereri possumus? Aut quæ utilitas, si ille per suam mortem nobis vitam non meruit aut acquisivit? Quicumque ergo operum suorum merita jactant, illi merita Christi aut planè abnegant, aut saltem imperfectionis insimulant. Nec potest etiam operibus nostris vlla merendi vis attribui. Quæ enim est proportio inter opera nostra imperfecta, temporaria, finita, & vitæ æternæ infinitam ac perfectissimam mercedem? Inter mercedem tamen & meritum propriè dictū exacta debet esse & absoluta æqualitas condignitatis. Deinde meritū & debitum semper sibi invicem opponuntur, nec simul consistere possunt: opera autem nostra omnia sunt debita, cum enim omnia fecerimus, *h* fecimus tantū quod debuimus facere: quare merita simul esse nequaquam possunt. Nec sunt etiam Opera Boni propriè nostra, sed in nobis à gratia Spiritus Sancti effecta. Quis ergo prior dedit Domino, & retribuetur ei? Coronat Deus non merita nostra, sed sua dona. Sunt denique omnia opera nostra, etiam præstantissima, imperfecta & carnis nævis inquinata, quæ proinde si Deus ea secundum Legis suæ rigorem examinare vellet, non vitam, sed ex ordine justitiæ suæ, mortem æternam mererentur. Quare Scriptura vitam æternam non stipendium servorum, aut meritum operum nostrorum, sed donum Dei, & filiorum Dei hæreditatem appellat: & non per merita nostra, sed gratis & per gratiam Dei acquiri passim inculcat. Gratia autem Dei, & merita nostra semper opponuntur, & se mutuo excludunt. Neque vîquam in tota Sacra Scripturâ vox

h Luc. 17.
10.

i Rom. 11.
35.

meriti vel explicitè vel implicitè continetur. Patres quidem hac voce humano more vtuntur, sed per mereri nihil aliud quam consequi, aut impetrare intelligunt. Pij autem omnes non merita sua allegare, sed peccata agnoscere ac confiteri, & misericordiam Dei, meritis solius Christi innixi, implorare solent. Est itaque plena summa & arrogantia & blasphemia doctrina Pontificiorum, quâ totius Christianæ religionis & consolationis fundamenta non tantum concutuntur, sed etiam penitus evertuntur, cum docent Opera Bona regnitorum ex charitate facta non tantum ex ratione pacti, sed etiam ex intrinseca sua dignitate, seu ex condigno, vt loquuntur, vitam æternam propriè mereri, per ea homines Deum sibi propriè & præcisè debitorem constituere, & jus acquirere, vt vitam æternam à Deo, vt mercedem promeritam, exigere possint.

V.

Omnantur quidem fidelium Opera Bona à Deo amplissimis præmijs tùm in hac, tùm imprimis in futura vita, sed ista non secundum aliquod meritum, aut aliquam operis dignitatem, sed ex liberalissima Dei misericordia, secundum gratuitam promissionem suam, quâ filios suos ad pietatem excitare solet, conferuntur. Ad hæc præmia gratuito promissa licet quidem verè fidelibus in curriculo pietatis respicere, vt illis misericordiam suam in studio Bonorum operum excitent, & miseriarum, quibus in hac vita obnoxij sunt, acerbitatem leniant: sed non licet illa intueri vt mercedem operibus nostris debitam. Hoc enim mercenariorum & servorum proprium est: nec de-

*An liceat
Bona Ope-
ra facere
ex intuitu
mercedis?*

Satisfactionem Christi, in quo omnes illæ sunt
Etiam & Amen. Quare non tantum tutissimum,
sed & omnino est necessarium, totam fiduciam
in sola Dei misericordia & benignitate colloca-
re: idque propter iustitiæ propriæ imperfectio-
nem, seu potius propter iniustitiæ nostræ certi-
tudinem. Fecerunt hoc pij omnes tum in Ve-
teri, tum in Novo Testamento, qui nunquam in
meritis aut operibus suis, sed semper in sola
Dei misericordia omnem fiduciam & spem su-
am reposuisse leguntur.

VI.

Opera itaque bona cum idè non præstanda
docemus, ut aut per ea coram Deo iustificemur,
aut vitam æternam ijs promercemur, aut ut in ijs
fiduciam salutis reponamus: ex eo nullâ ratione
colligi potest, quod Pontificij per impiam ca-
lumniam nobis impingunt, nos esse hostes bo-
norum operum, aut hominum animos hac do-
ctrina à studio Bonorum Operum abducere,
quasi nullum aliud esset argumentum, quam spes
propositæ mercedis, quo homines ad pietatem
excitari possint, ut nullus alius finis vel usus,
propter quem opera bona præstari debeant.
Ostendimus enim supra alios esse, eosque maxi-
mi momenti fines & usus, propter quos pij se-
dulò Bonis Operibus studere debeant, quibus
ut longè acrioribus stimulis & vivacioribus ar-
gumentis quam spe mercedis, fideles ad sine-
ram Dei & proximi dilectionem, & serium pi-
etatis studium accenduntur. Hos fines & hæc
argumenta quotidie inculcamus, & serijs ac cre-
bris ad pietatem exhortationibus homines exti-

*An Refor-
mati sint
hostes Bo-
norum O-
perum?*

An et qua-
tenus fide-
les à Legis
obediētiā
sint libe-
rati?

Gal. 3.
13.

n adopsio-
nis.

o coactē
sed sponte.

p propter
iram sed
propter
conscienti-
am.

q 1. Tim.
1.9.

mulamus multo efficacius, quam Pontificij ar-
gumento suo mercenario ab operum meritis de-
sumpto. Comprobat hoc ipsum experientia, eos
qui Bonis Operibus dant operam in eum finem,
ut Deo pro gratuita peccatorum remissione gra-
titudinem præstent, longè studiosius & sincerius
pietatem sectari, quam faciunt illi, qui operibus
suis vitam meretrici contendunt, atque ita pietatem
suam Deo quasi locant, aut vendunt. Fideles per
Christum non tantum à iugo legum Ceremoni-
alium & forensium Mosarum, sed etiam ali-
quo modo à Lege Morali sunt liberati. Lex Mo-
ralis duo postulat, Obedientiam perfectam si
velimus ad vitam ingredi, & Maledictionem
propter factam transgressionem. A Maledictio-
ne Christus nos perfectè liberavit, factus pro
nobis maledictio, ita ut planè nulla sit condem-
natio ijs, qui sunt in Christo Iesu. Ab Obe-
dientia Legis Moralis eatenus etiam nos libera-
vit, quod ad vitam ingredi nobis liceat, etiamsi
illam perfectè ipsi non præstiterimus, modo eam
à Christo perfectè pro nobis præstitam verà fide
apprehendamus, & quod, Iesui observationem
non legalibus muneribus & spiritui servitutis compellamur sed quod per spiritum *in adiutorio* idonei &
volentes reddamur, ut non *coacti* sed *liberi*
ut non *per vim* sed *per voluntatem* quam *libet* ut *sponte*
spiritu libeto & spontaneo, cum gaudio &
delectatione obedientiam præstemus. Atq; hoc
sensu & iusto & fideli Lex non est posita. Sed à
debito obedientiae tantum abest ut Christus per
beneficium redemptionis nos liberaverit, ut per
illud magis magisque nos Deo ad obedientiam ob-
strinxerit. Obedientia itaque mandatorum Dei, &

studium

studium Bonorum Operum, non est res libera aut indifferens, quæ à fidelibus tunc & liberè committi possit sed omninò necessaria, tum propter mandatum divinum, tum propter vocationis nostræ officium. quod non tantum in credendo, sed etiam in fidem Operibus Bonis declarando consistit. Quare Opera Bona, non quidem ut causæ efficientes aut meritoria, ad salutem necessaria sunt, ratione efficientiæ, sunt tamen necessaria ratione præsentia, ut viva fidei nostræ testimonia, sine quibus fides est mortua: & ad salutem requiruntur, non ut causa regnandi, sed ut via ad regnum.

*An Opera
Bona sint
necessaria
ad salutem?*

DISPUTAT. LXVIII.

De Oratione.

THESIS I.

Operibus bonis in genere consideratis, restat ut eam in specie examinemus illa opera bona, de quibus inter nos & Pontificios maximè controversatur. Quemadmodum autem opera bona secundum Legis, in qua præscribuntur, tabulas, aut Deum aut proximum spectant, ita duplicia etiam sunt opera bona maximè controversa: alia spectant Deum, ejusque cultum, alia proximum, & ejus dilectionem. Quæ Deum spectant, duo sunt præcipua, *Oratio* & *Jejunium*: quæ proximi dilectionem, *Eleemosyna*. De his jam porro singulatim erit despiciendum. Ac pri-

*Quid sit
Oratio?*

num de Oratione, quæ est religiosa Dei invocatio, per quam mala depelli, & bona necessaria animæ & corpori à Deo nobis & alijs, dari petimus. In superioribus disputationibus pleræque de Oratione controversias suis locis excussimus, quæ supersunt reliquæ nunc breviter sunt examinandæ, quæ versantur aut circa naturam Orationis, aut circa quasdam ejus circumstantias, aut denique circa ejus effecta.

II.

Circa Orationis naturam præcipue duo consideranda veniunt, Res quæ petitur, & Personæ, tum quæ invocatur, tum imprimis quæ invocatur, ejusque tum interna animi, tum externa corporis constitutio. Res quæ petitur debet esse justa, necessaria, & honesta, quæ faciat tum ad Dei honorem, tum ad salutem nostram, æternam animæ, & temporalem corporis, quæ omnes optimâ methodo, & summatim comprehensæ sunt in illâ Oratione, quæ à Domino nostro Iesu Christo in Evangelio præscripta est, & ab autore Dominica appellatur. Hæc absolutum omnium precum compendium & exemplar est, & constat tribus partibus; Exordio, Propositione petitionum, & Epilogo. In exordio docemur solum Deum precibus nostris esse invocandum, & ad eum accedendum cum animo de paterno & benevolo ejus erga nos affectu persuaso, & Majestatem atque omnipotentiam Dei rectè agnoscente, atque ita firmiter credente Deum & velle & posse nos exaudire. Petitiones, quæ proponuntur sex sunt, quarum tres priores Dei gloriam, tres posteriores salutem seu necessita-

*Quæ rei
sint peten-
da?*

*Quot sint
partes O-
rationis
Dominica?*

*An Oratio
Dominica
rectè divi-*

tem nostram spectant. Quæ Dei gloriam spectant aut ipsum summum finem directè petunt, quod fit in prima aut media quæ faciunt, ad eum consequendum, in secunda & tertia. Necessitas nostra duplex est, corporalis & spiritalis. Quæ ad corporis hujus sustentationem requiruntur, illa petuntur in quarta, in qua per panem *a vñ* *panis*, non panis Sacramentalis, nec panis spiritalis, sed præcipuè corporalis intelligitur, & synecdochicè quæcunq; ad sustentationē & protectionē hujus vitæ animalis sunt necessaria. Hæc quoq; quia ijs indigemus, & à Deo proveniunt, & pijs etiam promissa sunt, non est nec illicitum nec indignum Christianis à Deo petere. Quæ ad animæ salutem & spiritalem necessitatem pertinent reliquis duabus petitionibus continentur. In quinta petimus peccatorum nostrorum omnium tam originalis, quam actualium, tam omissionis, quam commissionis plenariam remissionem, cujus non causa meritoria, sed testimonium est sincera remissio nostra, quæ ex animo offensas proximo condonamus. In sexta petimus, ut ne ad malum proclives feramur, nevé à malo vincamur, sed ut virtute Dei adversus omnes Satanæ insultus, tentationes, & insidias invicti perstemus. Epilogus additur, non tam ut eo Deus ad beneficentiam, quam ut precantes ad fiduciam commoveantur, & consistit partim in illa clausula: *Quia tuum est regnum, &c.* quæ nec superflua, nec irrepticia est, sed apud Mathæum disertè extat in codicibus Græcis, atque etiam in versione Syriacâ, & ex Psalmis à Christo desumptam esse manifestè patet: partim in precum signaculo, voce *Amen*, qua precantis &

deside-

*datur in
sex petiti-
onibus.*

*a quotidi-
anum.
Aper pa-
nem quo-
tidianum
intelliga-
tur panis
spiritualis?*

*An peti-
mus omni-
modam
peccatorū
remissio-
nem.*

*An clausu-
la Quia
tuum est
regnum,
pertineat
ad Orat.
Domini?*

desiderium & fiducia exauditionis exprimuntur. Hæc formula est perfectissima ritè precandi regula, in qua summa continetur omnium eorum, quæ nobis sunt necessaria, Deo accepta, & quæ Deus à se peti, & nobis vult concedere. Vltèrius ergo progredi votis nostris non debemus. Non tamen ita verbis hujus formulæ astringimur, ut nec verbum aut syllabam mutare liceat. Multæ enim passim in Scripturis leguntur Orationes, etiam Apostolorum, & multæ fidelibus assidue suggeruntur, verbis ab ista longè diversæ, quæ tamen ab eodem Spiritu proficiuntur. Id duntaxat docemus nihil esse querendum aut postulandum, quod sensu ad hæc formula variet, & in eadem summam non sit comprehensum. Nec verbis hujus Orationis sive Græcè, sive Latine, sive alia quacunque in lingua pronunciatis, peculiaris quædam inest efficacia spiritualis, propter quam sæpius ea repeti debeant. Quare superstitio planè magica est, cum Pontificij hæc formulam Latinis verbis, quæ plerique non intelligunt, ad certum sphaerularum numerum demurmurant, atque hæc *b. Caroleus* sua Deo beneficia quasi extorquere conantur, Deumque sibi tanquam debitorem constituere confidunt.

III.

Has res in formula hæc præscriptas non tantum pro nobis, sed etiam pro alijs hominibus viventibus petere non tantum possumus, sed etiam ex mandato Dei, & charitatis præscripto debemus. Mortuorum autem statim quia aut accessione boni, aut ablatione mali, in melius aut pejus mutari nequit. frustraneum & superstitiosum est,

*An Oratio
Dominica
ad certum
sphaerula-
rum nume-
rum de-
murmura-
ri debeat?
b. loqua-
citate.*

*An et qua-
tenus pro
alijs sit
orandum?*

pro istis orare, aut quicquam petere. Precibus vero aliorum pro nobis non debemus ita contenti esse, ut ipsi interim securi, aut segnes ad precandum, officium hoc nostrum alijs mercede conductis committamus. Nostras enim necessitates, quæ nos præcipuè tangunt, qui ipsi optimè novimus, ipsi nos imprimis Deo offerre debemus. Quare improbandæ sunt & plenæ superstitione mercenariæ illæ Pontificiorum preces, ad quas Monachi, aliquæ data mercede, & redditibus amplius conducuntur. Non enim merces, sed charitas nos excitare debet ad preces pro nobis invicem suscipiendas. Persona, ad quam in omnibus necessitatibus confugere precibus nostris debemus, non tantum propensam juvandi voluntatem debet habere, sed etiam omnes omnium hominum necessitates, tam animi quam corporis, & omnia omnium desideria & suspiria exactè novisse, & simul prædita esse illa potentia, per quam à quibuscunque tam animi quam corporis malis liberare, & bona omnia ad utriusque conservationem & salutem necessaria conferre possit. Hæc omnia quia soli Deo competunt, non autem creaturis ullis, sive sint Angeli, sive Sancti defuncti, sequitur non ad illas, sed ad solum Deum invocationem esse dirigendam. Ad Deum autem accessus non patet, nisi per unicum illum intercessorem nostrum Iesum Christum, in cuius nomine quicquid Patrem petierimus dabitur nobis: uti superioribus disputationibus fusiùs fuit demonstratum.

Qui debet invocari?

IV.

Imprimis autem in Oratione considerandum

Qua dispositio requiratur in persona orante?

Qua secundum corpus?

An liceat Deum invocare lingua ignota?

dum est, si secundum Dei voluntatem orare, & Deo gratas preces offerre velimus, quomodo precantes ipsi debeant esse constituti, tum secundum corpus, tum præcipue secundum animam. Quavis Deus, qui Spiritus est, in spiritu & veritate velit invocari, tamen cum & nostro non tantum spiritu, sed etiam corpore. quæ utraque Dei sunt, glorificari velit, idcirco aliquos inter precandum corporis gestus adhibere nec inutile nec incommodum est, tum ad reverentiam nostram erga divinam Majestatem declarandam, tum etiam ad nos ipsos ad devotionem animi magis excitandos. Varij à fidelibus in Vet. & in N. Testam. gestus in Orationibus adhibiti leguntur, alij in genua & faciem procumbebant, alij erecti stabant, alij manus expandebant, alij pectus percutiebant, alij alijs utebantur gestibus: sed nullâ certâ lege hi aut illi in Scriptura sunt præscripti. Quare usus illorum adiaphorus est, & pro locutionum & personarum consuetudine ac ratione variari potest. Oratio duplex est, interna, seu mentalis, & externa, seu vocalis. Oratio mentalis etsi Deo optimè cognita sit, & nihil obstat quominus ab eo exaudiri possit, tamen nobis etiam utile est, ad ardorem precandi excitandum. ut eam verbis & sermone etiam coram Deo exprimamus. Sermo hic præterquam quod gratias & patheticus esse debeat, qui Majestatem divinam deceat, imprimis debet esse oranti non ignotus, nec peregrinus. Deum enim lingua ignota compellere, quod faciunt Pontificij, est Deum manifestò ludibrio afficere, cum aliud plerumque mente cogitetur, aliud lingua proferatur, est superstitio planè magica, quâ verborum syllabis

sanctitas

sanctitas aliqua & vis occulta attribuitur, & pugnat directe contra naturam Orationis, & expressum Apostoli Pauli interdictum: estque potius temulenti cerebri inditium, quam veræ pietatis exercitium. Sermo hic, præsertim in gratiarum actionibus, non incommodè aliquando temperatur musicis modulis, quem etiam in Orationibus adhiberi & posse & aliquando debere docent, tum fidelium in Veteri Testamento, Christi ipsius, Apostolorum, & primitivæ Ecclesiæ exempla, tum etiam Prophetarum & Apostolorum præcepta & exhortationes. Cantus hic non debet esse levis, aut tantum ad inanem aurium oblectationem compositus, sed ad decentem gravitatem, & excitandam animorum devotionem temperatus. Boetus autem ille, qui in templis Pontificijs auditur, cum soli Monachi linguâ populo incognitâ, cantum suum Gregorianum reboant, auribus certè parum gratus, sed Deo longè ingratior est, cum nulli Ecclesiæ ædificationi servire possit, & plena sit superstitione magicâ. Instrumentorum verò musicorum, ac præsertim operosi illius machinamenti, quod vulgò Organum appellatur, in Ecclesia non est magnus usus, quare Ecclesiæ facile sine pietatis dispendio illis carere potest. Permitti tamen vix ille potest tanquam adiphorus, modò abusus sedulò caveatur. In animo precantis duæ imprimis virtutes requiruntur, quibus tanquam duabus alis preces subvehuntur in cælum; Pœnitentia, & Fides. Pœnitenti animo ad Deum debemus accedere, quia impœnitentes peccatores Deus non exaudit. Manus ad Deum elevare debemus non plenas sanguine, sed puras.

Necesse

*An liceat
cantu De-
um invo-
care?*

*An Orga-
na in tem-
plis sint
habenda?
Quomodo
precantes
constituti
esse debe-
ant, secun-
dum an-
tim?*

Neceſſe itaque eſt ut inopiam, indignitatem & miſeriam noſtram tūc animi tūc corporis rectè agnoſcamus, & ex vero ejus ſenſu ſerio coram divina Majeſtate nos humiliemus, ex animo liberationem deſideremus, ac cum attenta animi devotione opem divinam imploremus, addito ſincero gratitudinis voto. Deinde præter pœnitentiam, & devotam animi humiliationem, requiritur in Oratione imprimis fides ſeu fiducia certa, qua perſuaſi ſumus, Deum preces noſtras propter Chriſtum exaudirum, eumque non tantum nos poſſe juvare, & modum juvandi ſcire, ſed etiam nos velle juvare. Hujus fiduciæ fundamentum ſunt ſola Domini noſtri Jeſu Chriſti merita, quibus innixi preces noſtras ejus in nomine Deo offerimus, cum certa exauditionis ſecundum promiſſionem ejus fiducia: non autem ſunt opera noſtra, quæ tamen pijs aliquando in precibus ſuis commemorant, non tamen ea ut merita ſua, propter quæ exaudiri debeant, ſed ut fructus adoptionis ſux, & ut juſtitix cauſæ ſux teſtimonia adducunt.

V.

*An et qua-
tenus utile
ac licitum
ſit, ut cer-
tis quibus-
dam horis
Canonicis
habean-
tur?*

Cum nos undique atque omni tempore inſtrita circumdant mala & pericula, adeo ut ſingulis momentis divina ope & protectione indigeamus, ſemper & indefinenter orandum eſſe & neceſſitates noſtræ ſuadent, & Chriſtus ac Apoſtoli nos frequenter monent. Verum ea cum ſit hæc in re imbecillitas & ſegnities noſtra, ut calcaribus excitari opus habeat, non improbandum, ſed utile eſt & conveniens, ut quiſque exercitationis cauſa peculiareſ ſibi horas conſtituat, que

totq;

totos animi affectus in Oratione penitus occupatos habeant, ita tamen ne oblatis occasionibus cæteris horis planè abstineat, aut se omninò defunctum officio suo arbitretur. Requirit etiam ædificatio & ordo Ecclesiæ, ut ad preces publicas certis non tantum diebus, sed & horis fideles conveniant, in quibus etiam nec illicitum nec invile est, certam precum ordinariam formulam usurpare, modo fiat absque superstitione. Sed cum opinione præcisæ necessitatis, aut cultus, aut meriti, preces alligare certis quibusdam horis, personis, aut formulis, omninò est superstitiosum, & libertati Christianæ, præxi Apostolicæ & primitivæ Ecclesiæ, & verbo Dei contrarium: Ejusmodi autem cum sit totum illud Pontificiorum Officium, quod perperam vocant Divinum, quod certis quibusdam horis, quas Canonicas vocant, peragitur demurmurationibus & cantillationibus quorundam hymnorum, quos dividunt in Hymnos Nocturnos, Laudes, Primam, Tertiam, Sextam, Nonam, Vesperas, & Completorium, meritò improbandum, & propter multiplices, quibus scater, superstitiones abrogandum est. Huc accedit quod inter hymnos illos Pontificios multi reperiantur, qui manifestè sunt Idololatrici, qualis est imprimis illa Antiphona, ut vocant, non tam in honorem, quam in opprobrium Virginis Mariæ, decantata, quæ incipit *Salve Regina*. Nam præter manifestam idololatriam, quæ committitur in nudæ creaturæ religiosæ adoratione, continet etiam apertam adversus Dei unicū Regem & Mediatorem nostrum blasphemiam, cum illa in hymno isto *Mater Misericordia, Spes, &c. Dulcedo nostra* appellatur, alijsque titulis

*As Anti-
phona, Sal-
ve Regina,
&c. sit
Idolola-
trica?*

solī Iesu Christo proprijs insignitur. De loco precum tūm publicarum, tūm privatarum supra in Disputatione de Templis prolixē egimus.

VI.

*An Preces
habeant
vim meri-
toriam &
satisfacto-
riam pro
peccatis?*

c. Iac. 1. 17.

*d. redemp-
tionis, pre-
tium.*

Preces à fidelibus in nomine Christi legitime conceptæ admodum sunt Deo gratæ, & magnam habent efficaciam tūm nobis tūm alijs, multa & insignia Dei beneficia impetrandi: suntque ordinaria media, quibus omnia à Deo beneficia spiritualia & corporalia obtinemus. Ac propterea quamvis inexhausta Dei liberalitas sæpe ingratissimis hominibus beneficia aliqua largiatur, qui eadem precibus suis non postulaverant, officium tamen nostrum est, si quicquam nobis desit, ut à Deo Patre luminum, à quo solo omnis bona donatio, & omne integrum donum supernè venit, precibus nostris petamus, qui omnibus benignè dat nec exprobat. Preces itaque nobis tūm propter necessitatem nostram, tūm propter Dei mandatum & honorem debent nobis esse quam commendatissimæ: sed cavendum est imprimis ne cum gratuita benignitatis divinæ & meritorum Christi contumelia, cum Pontificijs ascribamus precibus nostris illam efficaciam, quod ex dignitate operis gratiam spirituales, & beneficia Dei mereantur: aut quod precibus nostris ad certum numerum conceptis & demurratis pro commissis peccatis satisfacere possimus. Beneficia enim Dei tūm corporalia tūm maxime spiritualia benignitatis divinæ gratuita sunt dona, non precum nostrarum aut operum merita: & solus Redemptor noster Iesus Christus suo sanguine perfectissimum pro peccatis ~~ad id~~ persolvit, propter quam satisfa-

ctionem

tionem nos peccatorum nostrorum remissionem precibus nostris à Deo gratis obtinemus.

DISPUTAT. LXIX.

De Ieiunio.

THESIS I.

ORationes nostræ ut Deo sint gratæ requirunt imprimis ut vera cum animi humilitate, attentione, ac devotione fiant, quæ quia à carnis nostræ lascivia sæpè impeditur, atque huic lasciviæ causam suppeditant, eamque fovent, lauciores epulsæ & alimenta delicatiora, quæ non tantum corpus, sed animum quoque ipsum prægravant & humi affigunt, ut ad Deum non possit erigi, & seriò ardentique affectu in precationem ferri, quamvis tota piorum vita singulari frugalitate & sobrietate temperata esse debeat, tamen utile ac nonnunquam etiam necessarium est, ut ad tempus aliquod certum in victu nobis continentiam indicamus consuetâ vivendi ratione arctiorem ac severiorem, ut lasciviendi fomitem carni subtrahamus, atque hac ratione ad preces ac sanctas meditationes reddamur alacriores, magis expediti, & melius comparati. Hæc continentia communiter *Ieiunium* appellatur, de quo paucis etiam excutiendæ sunt præcipuæ, quæ inter nos & Pontificios intercedunt, controversiæ.

*Quid sit,
Ieiunium?*

*Quotuplex
sit Ieiunium?*

II.

Ieiunium Religiosum (de hoc enim tantum agimus) quæ voluntaria est abstinencia à cibo & potu pietatis causa, duplex est, vel Privatum vel Publicum. Privatum est quod quisque aut sibi soli, aut familiæ suæ, ob causas privatas indicit, quod ipsum in extraordinarijs cum familiæ suæ, tum etiam amicorum & proximi calamitatibus pii sæpè usurpant: hodieq; & utiliter usurpari potest, & nonnunquam etiam religiosè debet. Hoc Ieiunium sponte sui pii sibi imperant, cum sibi necessarium animadvertunt, ac propterea vniuscujusque fidelis arbitrio & prudentiæ est permittendum. Ieiunium publicum est, quod vel olim à Deo ipso in Vet. Testamento fuit institutum, vel hodie aut ab Ecclesia, aut à Magistratu Christiano in publicis Ecclesiæ necessitatibus aut calamitatibus indicitur, quoties de re aliqua magna Deo est supplicandum, ut animi fidelium ad supplicationes publicas tanto melius præparentur, & ardentius excitentur.

III.

*An Papa
Romanus
potestatem
habeat leges de Ieiunijs
Ecclesiæ præscribendi?*

Ecclesiæ præpositi, & Magistratus Christianus, possunt quidem in extraordinarijs difficultatibus aut occasionibus, certum aliquem publicis supplicationibus & Ieiunijs diem designare, quem ordinis causa fideles eum in finem etiam observare tenentur: sed cum nec Christus ipse, nec Apostoli de Ieiuniorum, sive privatorum sive publicorum, circumstantiis, quo tempore, quo modo, vel quamdiu celebrari debeant, nihil præscripserint, sed eorundum usum pro occasionum, locorum, temporum, & personarum varietate

Ecclesiæ

Ecclesiæ liberum reliquerint, non licet ulli mortalium, ne ipsi quidem Ecclesiæ Representativæ, nedum Papæ Romano, de tempore, modo, & similibus Jejuniorum circumstantiis perpetuas leges ut patrem cultus divini, sub damnationis pœna, hominibus præscribere. Cultum enim divinum nemo præter solum Deum, instituere potest. Jejunium autem propriè divini cultus non est pars, sed tantùm administraculum. Quare Leges illæ Pontificiæ de certis Jejuniorum temporibus & modis, quæ Ecclesiis cum opinione necessitatis, cultus divini, & meriti observandæ, sub damnationis pœna, præscribuntur, planè sunt tyrannicæ & Antichristianæ, quibus libertas Christiana sædè opprimitur, pro cultu Dei hominum mandata frustra obtruduntur, & merita Christi planè evacuantur. In primitiva Ecclesia non fuisse Leges perpetuas de statis Jejuniis, docet magna illa varietas temporum & modorum, quæ in observatione Jejuniorum ab historicis Ecclesiasticis disertè annotatur. Vinculis itaq; & laqueis illis Christianorum conscientiarum nec illigari debent, nec constringi se patiuntur.

IV.

Jejunia igitur illa ordinaria Pontificiorum vel anniversaria, quæ vocant *Quadragesima*, vel *mensuræ*, quæ *Quatuor temporum*; vel hebdomadaria, *quarta & sexta feria & Sabbathi*, vel etiam Jejunia *vigiliarum* seu *stationum*, & quæcunque alia hodie in Ecclesia Pontificia observantur, à quocunq; tandè illa sint instituta non est necesse disputare, cum certum sit nullum eorum esse à Christo aut Apostolis nec mandato, nec ex-

An Jejunia Quadragesima, quatuor temporum, &c. ab Apostolis sint instituta?

emplo præscriptum. Hodie autem cum Ieiunia illa (nam quem in finem illorum quædam olim fuerint instituta aut observata, nihil etiam attinet hinc inquirere) plena sunt multiplice superstitione, & usus eorum cum libertati Christianæ, cum genuino Dei cultui, cum imprimis etiam meritis & beneficijs Christi sit contrarius, justè meritoque in Ecclesijs nostris sunt abrogata. Atque hæc abrogatio à nobis non est facta eam ob causam, ut tanto magis genio liceat indulgere, sed quia mandatis hominum atque idæo-
dypanimus, inter quas Apostolus etiam disertè supersticiosam illam à corporis *apostasiam* recenset, Deum frustra coli, & solus Christi meritis perfectissimis vitam æternam obtineri, ex verbo Dei edocti, constanter credimus.

V.

Verum Ieiunium requirit, ut Ieiunans abstineat prorsus ad omni cibo & potu durante Ieiunij tempore per unum pluresve dies. Erant itaque graviter Pontificij cum se egregiè jejunasse persuaderent, modo abstinerint à carnibus, ovibus, & lacticijs, cum interim delicatis piscibus, libis, placentis, condimentis, & varijs atque exquisitissimis lautijs ventrem impleant. Nusquam enim nec in Veteri, nec in Novo Testamento Sancti tempore Ieiunij delectum ciborum observasse leguntur. in V. Testam. Deus ordinatum ciborum delectum præscripserat non Ieiunii tantum, sed omni tempore, ut populus ipsius à reliquis gentibus hæc ceremonia distingueretur: sed ille delectus simul cum intergerino illo pariete sublati, & cum reliquis typis in Nov. Testamento abrogatus fuit. Apostoli

quidem

a Celoff.
2.23.

An Ieiunium consistat in delectu ciborum?

quidem prudenter monuerunt ut fideles in Ecclesia Christiana primordijs, cum Iudæi de ceremoniarum abrogatione nondum plenè edocti essent, in gratiam infirmorum aliquibus cibis abstinere, nec intempestivo rei tunc temporis adiaphoræ usu scandalum infirmioribus præberent, sed interim etiam docent extra casum scandalii liberè quibulvis cibis bona cum conscientia uti licere: & apertissimè testantur se novisse & persuasum habere nihil esse impurum per se: regnum Dei non esse escam & potum: edendum esse quicquid in macello venditur, nihil discriminandum propter conscientiam: non esse quemquam damnandum ob cibum vel potum: eos qui jubent abstinere à cibis, quos Deus condidit ad participandum cum gratiarum actione, spiritus esse impostores, qui tradant doctrinam dæmoniorum. Quinetiam ipse Christus diserte docet, illud quod in os ingreditur, non polluerè hominem. Quocirca Pontificij ciborum certorum usum certis diebus prohibentes, & delictum ciborum, cum opinione necessitatis, cultus, & meriti, præscribentes, manifestè ostendunt, se esse illos, de quibus Apostolus prædixit, qui doctrinæ dæmoniorum adhærent: atque à veteribus Tatianis, Encratitis, & Manichæis hacin causa haud multum differre.

VI.

Imprimis autem damnanda sunt Pontificiorum Ieiunia propter fines, ob quos & præcipiuntur & observantur. Fines ob quos jejunandum est fidelibus, præcipui sunt, ut subtrahendo naturæ nostræ aliquid ex ordinaria & consueta victus ratione, carnis lasciviam retunda-

An delictus ciborum in Novo Test. observari debeat?

b 1. Cor. 10.

c 1. Tim. 4.

An Ieiunium sit opus meritorium & satisfactorium?

mus & subigamus, atque ita vigorem spiritus ad preces ardentiores excitemus, & animi nostri coram Deo humiliationē ac demissionem testemur, aliisque exemplo respicientiæ præluceamus. Per se itaq; Ieiunium non est cultus divinus, sed per se est res adiaphora, quæ non propter se sed alterius causa usurpatur, nimirum ut sit externum adminiculum, quoad cultus divini exercitium paratiores & expeditiores reddamur. Quam ob causam Ieiunia etiam à Christianis in pretio haberi, non negligi, sed frequenter usurpati debent. Sunt etiam Deo admodum grata, cum debite & ad legitimos fines adhibentur. Sed Pontificii cum jejunant cum opinione cultus divini, cum in finem, ut Ieiuniis & corporis macerationibus pro peccatis tūm suis, tūm aliorum, satisfaciant, aut ut vitam æternam & præmium cœleste iis promereantur, non tantū frustra se fatigant, cum hæc non Ieiuniis nostris, sed solius Christi meritis obtineri queant, sed etiam Deum graviter suis illis Ieiuniis offendunt, quando magna cum Domini nostri Iesu Christi contumelia, sanguinis ipsius pretiosi effecta propria suis *e idiosyncrasia* & impietate & blasphemē ascribunt.

*e superfluo
et otioso.*

DISPUT. LXX.

De Eleemosyna.

THESIS I.

Opera bona, quæ proximum spectant, in secunda Legis divinæ tabula præscribuntur.

buntur, & multa ac multiplicia sunt, inter quæ maximè excellunt *Opera*, quæ peculiariter *Charitatis* seu *Misericordiae* appellantur. *Opera* misericordiae sunt, quæ erga homines miseros, seu in peculiari aliqua miseria constitutos, exercentur. Miseriae, quibus homines in hac vita affliguntur duplices sunt: aliae spectant animam, aliae corpus. Miseriae animæ sunt ignorantia, tristitia, infidelitas, impenitentia, errores, dubitationes, anxietates, metus, tentationes, & similes internæ animi, aut malæ dispositiones, aut afflictiones, quibus succurritur fidei institutione, consolatione, correptione, admonitione, oratione, & similibus charitatis operibus. Miseriae, quibus secundum corpus homines affliguntur sunt fames, sitis, nuditas, morbus, exilium, captivitas, & similes sexcentæ, quibus pro ratione singularum diversis operibus Charitatis succurri debet. Quare operum Charitatis seu Misericordiae non sunt tantum quatuordecim species, sed totidem, quot sunt genera miserationum, quibus proximus in hac vita affligi potest, tam secundum animam, quam secundum corpus.

II.

Inter omnes autem corporales afflictiones, quibus homines in hac vita exercentur, communissima est Paupertas, cui succurritur opere charitatis, quod peculiariter vocatur *Elemosyna*. Vox hæc secundum etymologiam omnibus misericordiae operibus quidem posset attribui sed ex usu tum Scripturæ, tum communi, tantum significat peculiare illud opus, quo pauperum inopie succurritur. Est autem Eleemosyna opus bonum & pium ex amore & commiseratione proximi

propter

*Quotupli-
cia sint
opera Mi-
sericordiae?*

*An sint
tantum
quatuor-
decim spe-
cies?*

*Quid sit
Elemosy-
na?*

propter Deum præstitum, ad proximi inopiam, famem, sitim, nuditatem, & similes afflictiones ex paupertate provenientes sublevandum, vel gratuito & liberaliter donando, vel mutuo dando absque usura.

III.

*An sit necessario
pauperibus
eroganda?*

Pauperibus Eleemosynam erogare non est res adiaphora, quæ arbitrio nostro sit permissa, aut in libertate nostra posita, ut eam, cum proximi necessitas postulat, sine peccato omittere possimus, sed nobis à Deo, & Domino nostro Iesu Christo, per Prophetas & Apostolos strictè mandata & severè imperata. Fideles igitur, quia semper pauperes secum haberi sunt, obligantur necessario. tum mandato divino, tum etiam charitatis officio, ad dandas Eleemosynas: quas proinde in proximi necessitatibus omittere non possunt, si facultas ijs suppetat, quin Deum graviter offendant, & charitatem ac communionem Sanctorum violent. Nos itaque, quamvis doceamus non ideo præstandas esse Eleemosynas, ut per eas pro peccatis satisfaciamus, aut vitam æternam mereamur, non tamen propterea homines à dandis Eleemosynis dehortamur, sed longè veriores & efficaciores rationes quotidie hominibus suggerimus, quibus ad hoc charitatis opus voluntariè & liberaliter præstandum excitantur: & quotidie inculcamus fidem veram per hæc & similia opera charitatis efficacem esse debere, & fructibus ac testimonijs illis ex Dei mandato declarandum. Præcipitur autem Eleemosyna in Lege Dei non tam primo, quam secundo & quarto secundæ tabulæ præcepto.

IV

Eleemosynas legitimas si quis erogabit, eas largiri debet ex bonis, quorum dominus & proprietatem iuste possidet. Quare Eleemosynæ datæ ex bonis, quæ furto, iniquo scenore, aut turpilucto partæ sunt, Deo gratæ esse non possunt. Nec propriè possunt dici dare Eleemosynam, qui ex iniuste partis pauperibus aliquid erogant, quia non dant de suo, sed de alieno. Iniuste autem parta, si fieri illo modo possit, debent restitui iustis possessoribus, aut eorum hæredibus: Quod si fieri non possit, præstat pauperibus illa erogari, quam iniuste retineri. Eleemosynæ autem hæc omnibus verè pauperibus, pro ratione necessitatum erogari debent, sine discrimine nationis, cognationis, religionis, aut aliarum conditionum: ita tamen, ut *αγαπᾷτε τοὺς ὁμοίους τοῦ εἴρους*.

V.

Modus Eleemosynas largiendi in Sacra Scriptura non est præcisè determinatus, sed pro necessitatibus pauperum, & facultatibus divitum ex charitatis & prudentiæ regula temperari debet. Necessitates enim pauperum aliquando tam exiguæ sunt, ut divites non opus habeant nec obligentur elargiri omnia vel naturæ vel statui ipsorum superflua: aliquando etiam tam magnæ esse possunt, ut tantum superflua erogare non sufficiat, sed debeant etiam esse *ὡς ἡ σὺν ἡμῶν ἀδελφότης*. Optima autem Eleemosynas largiendi moderatrix est pia charitas conjuncta cum vera prudentia.

VI.

Eleemosynas Dei nomine pauperibus ex charitate erogatas promittit Deus tum temporalibus, tum æternis benedictionibus amplissimè remun-

*Vnde Eleemosyna
sint dan-
da?*

*An ex iniuste par-
tis?*

*Quibus E-
leemosyna
sint danda?*

*a Gal. 6.
10.*

*Quo modo,
scu mensu-
ra, Elee-
mosyna
sint dan-
da?*

*b 2 Cor.
8.3.*

*Quatenus
Eleemosy-
na danda*

*Sub spe-
riminationis?*

*An Elec-
mosyna
sint meri-
toria, &
satisfacto-
ria?*

*c Heb. 13.
16.*

*d 1. Pet.
1. 18.*

neraturum, qua remunerationis spe ad liberali-
tatem erga pauperes excitari quidem possumus &
debemus, ad eam tamen non ex solo remunera-
tionis istius intuitu, (hoc enim est mercenatio-
rum) sed præcipuè ex amore Dei qui mandavit,
& proximi, qui indiget, excitari debemus. Estq;
Eleemosyna opus insigniter quidem laudabile,
& Deo admodum gratum, qui *est inquit dicitur*
inagiturus, sed quod supra de omnibus Operi-
bus bonis ingenere probatum fuit, id etiam de
hoc opere misericordiae quantumvis præstanti
verum est, illud nequaquam habere vim illam, quam
Pontifici blasphemè illi ascribunt, scilicet homi-
nem ad gratiam justificationis disponendi, pecca-
ta delendi, pro iis satisfaciendi, aut vitam æter-
nam promerendi. Hæc autem non Eleemosyna-
rum nostrarum meritum, sed Dei liberalissimum
& gratuitum est donum. Datur quidem vita æ-
terna secundum opera Misericordiae, tanquam
fidei testimonia, sed non propter illa. Redempti
sumus & non caducis rebus argento vel auro, sed
pretioso sanguine Agni immaculati Christi, sine
cujus contumelia horribili meritum vitæ æternæ,
aut satisfactio pro peccatis, operibus nostris as-
cribi nequit. Eleemosynæ itaq; cum in finem
præstentur pauperibus quidem profunt, sed non e-
rogantibus: nec Deo gratæ, sed quia gratæ &
gloriæ ejus inimicæ, abominabiles sunt. Debe-
mus autem tum Eleemosynas, tum omnia ope-
ra nostra præstare ex Dei amore, & ad Dei ho-
norem, qui ut omnium actionum nostrarum,
ita & harum sit Disputationum

FINIS.



LEGES
COLLEGII
hujus
Anti-Bellarminiani.

LEX I.

Gloria Dei, & profectus in veritate ac studio Sacrarum
Literarum suprema Lex esto.

II.

Nemo in hoc Collegium adscisor, nisi de cujus pietate, mo-
destiâ, diligentia, & profectu in SS. Theologia studio, Praeside
& toti Collegio probe constiterit, & quæ ad harum Legum
observationem subiectâ manu se obstrinxerit. Numerus ad-
mittendorum in Praesidis & Collegij arbitrio esto.

III.

Exercitia hæc Disputationum bis in Septimanâ habentor,
diebus Mercurij & Saturni, quibus Professores à Lectionibus
vacant, horâ pro ratione temporis à Praeside designandâ.

IV.

Ad horâ designatâ punctum omnes Collegæ adsunt. Si quis
actione jam inchoatâ serius advenierit, tarditatem asse-
luto.

LEGES COLLEGII.

V.

Si quis Disputationi non interfuerit & absentia causam Collegii probare non possit, singulis vicibus duos asses pendito.

VI.

Respondendi provinciâ unus fungitor, in eamque singuli ex ordine Catalogi succedunt.

VII.

Ad opponendum itidem ex ordine Catalogi termini benè parati accedunt.

VIII.

Si quis responsurus post horam accesserit tres asses luto, si verò, non substituto maturè in locum suum alio, penitus emanferit, sex assidue damnus esto. Oppositorum, si serius advenit, duos, si alio non substituto, abfuerit, quatuor asses pendito.

IX.

Argumenta modeste, distinctè, Syllogisticè, atque etiam, quantum fieri potest, Categoricè proponuntur.

X.

Ex sola Sacra & Canonica Scriptura, in qua omnia ad salutem necessaria dogmata perfectissimè continentur, & à Rationibus eidem Scriptura consentaneis, argumenta petuntur, eaque sola admittuntur, ab autoritate autem humanâ argumentum sumere nemini fas esto.

XI.

Bellarmini argumenta ex Scriptura petita primum venturi, & Loca S. Scriptura, quibus doctrinam Pontificiam asserere conatur, prius examinantur. His expeditis, si tempus patitur, alia etiam argumenta producere licitum esto.

XII.

Ex collegiarum numero unus eligitor qui Collegij curam gerat, vices unicuique suas, cum respondendi, tum opponendi maturè inducet, multas exorat, ac bona fide asseret: ac dentque omnia procuret, quæ ad Collegij utilitatem, atque orationem spectabunt. Hic Collegij quasi Prætor quisdam esto.

XIII.

LEGES COLLEGII.

XIII.

Administratio hujus Præturæ tantum trimestris esto. Prætor munere suo functus, ejus rationem curam toto Collegio redditor: si culpam aut negligentiam admisisse compertus fuerit, ex quo & bono lusturus.

XIV.

Si quis solutionem multa debita à Prætoribus minime in certam disputationem distulerit, dupla obstrictus esto: Sindicus, ad Collegium defector, a quo contumacia ejus parvi arbitraria corrigitor.

XV.

Controversia si qua fore super multis, alijs ne rebus ad Collegij ordinem spectantibus, suboriantur, Collegiarum suffragijs a Prætoribus rogandas decedantur.

Hisce Legibus subscripserunt, & in hoc Collegio Anti-Bellarminiano se exercuerunt sequentes SS. Theologiæ Studiosi,

Sixtus Hommius, Frisius.

Nicolaus Jacobi Ossanus.

Ægidius Becius I. F.

Ioannes Becius I. F.

Ioannes Lammerfcagijs.

Benjaminus Risovicus.

Ioannes Bogardus I. F.

Ioannes Vrsinius.

Iacobus Crailingius.

Petrus

Daniel Gisijs, Leydësis.

Ioannes Cloppenburgius.

Antonius Plancius.

Esaias Victorinus.

Adrianus Radaus.

Iacobus Verbecius.

Iacobus Penius.


Arnoldus Sinderenus.

Paulus Hoenius ab Hoe-

nenberga.

etrum Fligerius.
Guilhelmus Lupardus.
Samuel Platevoetius.
Petrus Carpenterius.
Franco Petri Burgerodius.
Paulus Colonius.
Ioannes Pollio.

nünberga.
Ioannes Verhouvelius.
Petrus Stermondus.
Theodorus Alsen.
Ioannes Spiliardus.
Adamus Leonardus.
Henricus Vollenhorius.







LXX.

DISPUTATIO-
NES THEOLOGICÆ;

adversus

PONTIFICIOS:

Quibus omnes inter Evangelicos &
Pontificios Controversiæ continentur, &
excutiuntur: In gratiam SS. Theologiæ Stu-
dioforum in Academia LEYDENSI pri-
vatis instituta, in

Collegio Anti-Bellarminiano,

PRÆSIDE

FESTO HOMMIO,

Eccl. Lugdun. Pastore.

*Editio secunda; adjectionibus in
margine locupletior.*



OXONIÆ,

Impensis GUILIELMI TURNER
Celeberrima Academia Typographi.

Anno clō. lcc. xxx.

illi particulares non tantum constant ex verè fidelibus, sed semper hypocritas permixtos habent, ut parabolæ de agro, de ærea, de reti, de convivio nuptiali, de decem virginibus, & similes evidentissimè docent. Tales hypocritæ, etsi Ecclesiæ Catholicæ absolutè consideratæ viva membra non sint, tamen quamdiu occulti manent, nec impietatem produnt, ex lege charitatis pro verè fidelibus & Ecclesiæ Catholicæ membris à nobis haberi debent. Qui vero vitâ aut confessione se palam ostendunt à Christo planè alienos, neque ad communionem Ecclesiæ particularis admitti debent, neque in eadem tolerari.

An manifestè impij & magis peccatores?

DISPUT. XX.

An Ecclesia semper sit Visibilis?

ET

An possit penitus deficere?

THESIS I.

An Ecclesia Catholica sit visibilis?

a universali.

Cum quaeritur an Ecclesia semper sit visibilis, illud intelligi potest aut de Ecclesia Catholica, aut de Particulari. De Ecclesia Catholica cum intelligitur, respondemus, ea tamen constet ex hominibus qui in se, quod ad formam externam, visibiles sunt, nobis tamen est invisibilis, non tantum respectu a se ipsis, quod in sensu non incurrit, aut quia maxima

pars in cœlis triumphans à nobis videri nequit, sed potissimum respectu internæ ejus formæ, per quam quis Ecclesiæ hujus membrum est, & quæ corpori, ejusque cuilibet membro, dat essentiam. Hæc enim cum sit res spiritualis, utpote viva & sinceram in Christum fides, externis sensibus non percipitur. Soli Deo *b napaznd's* hæc cognita & visibilis est, qui solus novit qui sint sui. Homines de aliorum fidei sinceritate non nisi probabiliter & fallibiliter judicare possunt. In die autem illo extremo, cum Christus oves suas ab hædis discernet, Ecclesia Catholica ex omnibus populis, locis, atque omnibus temporibus collecta, demum omnium oculis exponetur, & tota visibilis comparebit.

*b cordium
cognitor e.*

II.

Cum de Ecclesia particulari intelligitur, non controversatur, An particularis aliquis externus cœtus hominum DAM colentium in se sit visibilis? Quis enim rem tam manifestam unquam negaverit, aut in dubium vocaverit? Sed hæc est præcipua quæstio, quæ inter nos & Pontificios hîc in controversiam venit, An unquam fieri possit, ut omnes particulares Ecclesiæ ita penitus deficient, ut omnes simul fiant invisibiles, hoc est, ut nullus amplius extet visibilis cœtus Religionem veram profitentium, qui conspici & digito demonstrari possit? Respondemus, hoc nunquam esse futurum ex hypothese divinæ promissionis, ac defensionis, sed semper fore in hisce terris alicubi cœtus visibiles vel plures vel pauciores, vel majores vel minores, vel splendidiore vel obscuriores, qui veram Religionem

*An parti-
cularis Ec-
clesia sit
visibilis?*

profitebuntur. Fieri tamen posse ut omnes illi cœtus sint invisibiles, respectu vel eorum qui infirmitate humana præpediti eos inter impios latitantes non animadvertunt, vel eorum, qui odio & malitia excæcati videre nolunt, vel eorum quibus animus est ad persequendum Ecclesiam veram, quorum injuria latitare coguntur, ne se illis visibiles præbeant.

III.

An Ecclesia Catholica possit deficere?

De Ecclesiæ defectione idem planè est judicium. Si enim quæritur, An Ecclesia Catholica possit deficere? Respondemus de Triumphante Ecclesiâ quæstionem hanc moveri non posse, cum illa jam possideat vitam æternam, cujus nullus unquam erit finis. Militantem Ecclesiam etsi Diabolus horribili atque insatiabili furore perpetuò oppugnet, & partim crudelissimis excitationis persecutionibus penitus ex orbe terrarum extirpare conetur, partim efficacibus seductionibus atque erroribus ad defectionem sollicitet, ita ut sæpius in his terris ad exiguam paucitatem redigatur, nunquam tamen portæ inferorum adversus eam tantum prævalebunt, ut penitus in his terris deficiat, aut extirpetur. Deus enim semper sibi semen & reliquias reservabit. Et Christus Caput & Rex Ecclesiæ suæ, qui æternum obtinet regnum, membra & subditos semper habebit, non tantum in cœlis, sed etiam hic in terris, usque ad mundi consummationem, quibus se perpetuò assuturum promisit.

IV.

Cum quæritur, An Ecclesia particularis possit deficere

deficere? illud intelligi potest aut de vnâ aliquâ, aut de omnibus simul. De vnâ aliquâ particulari Ecclesia, respondemus, fieri posse. vt cœtus aliquis particularis ita penitus exterminetur, vt persecutionis, vel etiam progressu temporis propriâ malitiâ ab Orthodoxâ doctrinâ, quæ prius in cœtu illo tradita fuit, ita penitus deficiat, vt * civitas fidelis fiat meretrix, vt ex eo loco † candelabrum moveatur, atq; vbi prius vera Ecclesia fuit, ibidem nulla amplius appareat. Quod ipsum Ecclesiæ Corinthiæ, Ephesinæ, & innumeris alijs Ecclesijs particularibus evenisse, ipsa testatur experientia. Neq; vlla est particularis Ecclesia in toto terrarum orbe, quæ per speciale aliquod privilegium loci, sedis, aut successionis, ab hoc defectu periculo sit immunis. Ecclesia enim Novi Testamenti nulli in terris loco peculiari est alligata.

V.

De omnibus Ecclesijs particularibus quaeritur, an omnes simul ita possint deficere, vt nusquam in toto terrarum orbe vllus reperiatur cœtus hominum veram Religionem profitentium? Respondemus fieri posse vt omnes externæ, & visibiles Ecclesiæ particulares quasi vniuersali à vero Dei cultu defectu catadysmo ita obtruantur, vt tota visibilis in terris Ecclesia defecisse penitus videatur. Quod vt in Veteri Testamento sæpius accidisse sacra historia testatur, & Prophetæ conqueruntur, ita etiam Christus & Apostoli clarè prædixerunt, in extremis hisce Novi Testamenti temporibus, multos à fide defecturos, evidentem ac quasi generalem fore * Apostasiam, & tam efficacem seductionem, vt

An vna aliqua Ecclesia particularis possit deficere?

* Isa. 1. 21

† Apoc. 1.

5.

An vlla sit immunis à periculo defectu?

An omnes particulares Ecclesiæ simul possint deficere?

* 2. Thess.

2. 3.

e. *Mat.* 24.

24.

d. *Luc.* 18.

8.

e. *1. Reg.*

19. 14.

*Vbi fuerit
vera Ec-
clesia sub
Papatu su-
perioribus
seculis?*

e si fieri possit, ipsi electi etiam seducerentur, utq; Filius hominis cum venturus erit *d* vix fidem in terris sit inventurus; omnes etiam terræ incolæ, quorum nomina nōn sunt scripta in libro vitæ Agni, Bestiam adoraturos. Fieri etiam posse ut violentia persecutionum omnes veræ Ecclesiæ ad eam paucitatem atque obscuritatem, in easque angustias & latebras redigantur, ut nulla earum facies externa vspiciam appareat, & membra ipsa vix se invicem noscant, quod tempore *e* Eliæ accidisse sacra historia clarè testatur. Nunquam tamen futurum esse, ut omnes in univèrsum cœtus particulares vel extinguantur, vel penitus à vero DEI cultu deficiant, sed semper in hisce terris superstites fore veros DEI cultores, plures vel pauciores, quorum cœtus veram Ecclesiam constituunt.

VI.

Quæritur denique, ubinam gentium aut locorum fuerit vera Ecclesia superioribus seculis in Papatu, si Pontificia Ecclesia non sit vera Ecclesia? Respondemus, quemadmodum in Ecclesiæ Israeliticæ generali ad Idololatriam defectione præcipuè temporibus Acabi, ingens numerus superfuit eorum qui genua coram Baal non flexerant, ita dubium non esse, quin omnibus seculis extiterint, non tantum iunumeri pii, qui veritatem constanter agnoverunt, & Pontificiorum Idololatriam, hæreses, ac superstitiones damnarunt, atque execrati sunt ut docent Martyrologia: sed etiam plurimos integros cœtus, etiam in ipsa Europa, vbi Papa dominium potissimum exercet, semper extitisse, qui DEVM secun-

dum

dum verbum suum ritè coluerint: cui rei vel sola Waldensium, seu Albienſium, historia fidem facere potest. Deinde istis temporibus vera Ecclesia fugiens Draconis perſequentis tyrannidem, vt per Apostolum prædictum erat in deserto, in loco suo, latuit extra serpentis & hominum conspectum.

DISPUTATIO XXI.

An Ecclesia possit errare?

THESIS I.

Fidei Romanæ seu Pontificiæ præcipuum atque vnicum ferè fundamentum est hæc Pontificia hypothesiſ: *Ecclesiam non posse errare.* Quemadmodum enim Iudæi aduersus Prophetarum increpationes solent ingeminare, Templi Iehovæ ista sunt, eodem planè modo Pontificij, cum ipsorum Idololatria, hæreses, superstitiones, & errores ex S. Scriptura redarguuntur, semper in promptu habent hanc responsionem, Ecclesiæ ista sunt decreta: Illa autem errare non potest. Quare neque nos Ecclesiæ definitionem sequentes. Atque ita sola hæc hypothesi potissimum in efficacibus & perniciosissimis erroribus obfirmantur. Hanc itaque hypothesin paulo penitus examinemus, vt constet quam inſermo fundamento miseri homines in Papatu nitantur.

Quid sit præcipuum fundamentum fidei Pontificiorum?

II.

*Quotuplex
sit vocis Ec-
clesiæ ac-
ceptio?*

*Quotupli-
ces sint er-
rores?*

Ad quæstionem autem hanc: *An Ecclesiâ possit errare?* vt commodè respondeatur, accuratè consideranda est diuersa vocis Ecclesiæ acceptio, & distinguendi errorum gradus. Ecclesiâ enim significat aut Ecclesiâ Catholicam invisibilem, aut particulares visibiles Ecclesiâs, & Synecdochicè etiam eos, qui has repræsentant. Atque vt in corpore humano alij morbi sunt curabiles, alij lethales, ita errores alij sunt grauiore, capitales, & exitales, alij leuiore & sanabiles. Alij fundamentum salutis planè euertunt & Ecclesiæ essentiam tollunt, alij non item.

III.

*An Eccle-
sia Catho-
lica possit
errare?*

2 2. Cor.
13.12.

De Ecclesiâ Catholicâ & invisibili si quæra-
tur, An possit errare? Respondemus, Trium-
phantem in cœlis Ecclesiâ nullo amplius erro-
ri, ne vel minimo quidem, immò nec ignorantie
vlli earum rerum, quæ ad perfectionem istius
beatitudinis cœlestis scitu necessariæ sunt ob-
noxiam esse. Pars autem eiusdem Ecclesiæ Ca-
tholicæ in terris adhuc Militans, quæ nunc
a se ipsâ in uisum cernit, atque in ipso
tantum cognoscit, potest quidem incidere
in errores leuiore fundamentum non evertentes,
non potest tamen errare in fundamentalibus fi-
dei articulis, qui simpliciter ad salutem sunt ne-
cessarij. Impossibile enim est electos ab ijs posse
seduci: & quicumque in istis articulis errat, ille
Catholicæ Ecclesiæ membrum esse non potest.

IV.

De Ecclesijs particularibus cum quæritur,
respon-

respondemus eas quidem non errare quamdiu regulam à DEO in verbo suo præscriptam sequuntur, & à Spiritu Sancto per verbum se doceri patiuntur, posse tamen errare, non tantum vnam Ecclesiam particularem, sed etiam omnes ubique locorum fuerint externi & visibiles cœtus omnesque erroribus esse obnoxios, tam in fide quam in moribus: quinetiam interdum multi perniciosi erroribus ita obruuntur, ut planè à veritate Evangelica deficient, & desinant esse veræ Ecclesiæ: vti ipsa experientia satis comprobatur. Defectio hæc à veritate sæpe tam evidens & magna est, ut quasi universalis esse videatur, atque omnes penitus Ecclesias aspectabiles occupasse: tamen DEVS sibi semper aliquos cœtus in hisce terris sive exiguos, sive majores, sive plures, sive pauciores, sive occultos sive manifestos sit reservaturus, qui ab erroribus fundamentalibus sint immunes, & nomen veræ Ecclesiæ retineant.

V.

Ecclesia aliqua particularis tamen errores aliquos habeat & foveat, in rebus levioribus ad salutem non necessarijs, non statim desinit esse vera Ecclesia. Sed quamdiu fundamentum salutis in ea retinetur, tamen ex infirmitate humana fœnum & stipulam super hoc superedificet, nihilominus tamen nomen vere Ecclesiæ, sed erratis in levioribus, retinet. Debent tamen omnes Ecclesiæ particulares, quæ in errore aliquo versantur, operam dare, ut agnitis tandem atque abjectis erroribus etiam levioribus, ab iisdem, quantum fieri potest accuratè perpurgentur, & ad normam divini verbi quàm exactissimè reformatentur.

An Ecclesia particularis possit errare?

An omnes simul?

An propter errorem levio-rem cœtus aliquis nomen vera Ecclesiæ amittat.

VI.

*An Ecclesia
Representativa
possit errare?*

b *Iac. 3. 2.*

c *infallibilis.*

d *non examinando.*

De Ecclesiâ Synecdochicè dicta, quæ vulgo vocatur Ecclesia Representativa, præcipua videtur esse quaestio, videlicet, An Doctores & Antistites Ecclesiarum particularium in Synodo legitimâ, sive particulari sive vniuersali, congregati in definitionibus suis errare possint? Respondemus cum illa Ecclesia constet ex hominibus, quorum singuli erroribus sunt obnoxij, qui tantum ex parte cognoscunt, & qui sepe ignorantia, odio, invidia, aliisque pravis affectibus iudicium rectum impredientibus, laborant, qui non semper vocem Christi summi Pastoris audiunt, neque ductum Spiritus Sancti in Scripturis loquentis, sed præiudicium suum in definiendo sæpe sequuntur, non est dubium quin talis Ecclesia seu congregatio errare possit. *b* *quia* *quæ* *non* *est* *perfecta* *et* *infallibilis*. Quinetiam ipsa experientia testatur Ecclesiam istam sæpius graviter errasse, non tantum in iis quæ ad mores, sed etiam quæ ad fidei dogmata spectant. Quare iudicium ejus, tametsi non temere est rejiciendum, non tamen pro *c* *infallibilitate* aut *d* *infallibilitate* fidei principio est agnoscendum, sed semper ad amissum Verbi Divini, quod vnicum fidei Christianæ principium est, sollicitè explorandum.

DISPUTATIO XXII.

De Notis Veræ Ecclesiæ.

THESIS I.

Ecclēsia *a quibusdam* accepta aut est Vera, aut est Falsa. Vera est quæ DEVM secundum verbi sui præscriptum rectè agnoscit & colit. Falsa est, in quâ DEVS aut non agnoscitur & colitur, aut in quâ cognitio veri DEI & genuinus ejus cultus planè sunt adulterata. Hæc vocatur Ecclesia malignantium, & *benignarum in Iamæ*. Omnes quicunque DEVM in hoc mundo ritè colere volunt, debent se Veræ Ecclesiæ, cum in finem, adjungere. Sed cum semper, ac præsertim hodie, multi cœtus sint, qui se pro veris Ecclesiis venditant, in quibus tamen DEVS non rectè agnoscitur, neque colitur, & qui proinde verarum Ecclesiarum nomen non possunt obtinere, ne quis in delectu rei tanti momenti facile aberraret, imprimis tenendum est, quibus Notis Vera Ecclesia à Falsa discernatur, & caulæ ovium à luporum lustris internoscantur.

II.

Notæ hæ, quæ Veram nobis Ecclesiam ostendere debent, non debent esse *cuncta* tantum, quæ probabiliter, sed *distincta*, quæ certissimè rem cognoscendam exhibeant: ac propterea non debent esse accidentariæ, quæ adesse vel

a *equivoc.*

Quam necessaria sit doctrina de Notis Ecclesiæ?

b *apoc. 2.9*

c *verisimilis.*

Quales esse debeant genuina Ecclesiæ nota? d *signa indubitata*

*De quibus
notis practi-
cis quaestio
fit?*

*e cordium
cognitor.*

*An pura
Verbi Di-
vini prae-
dicatio sit
primaria
nota vera
Ecclesiae?*

vel abesse possint, sed essentielles, hoc est, ab interna Ecclesiae forma manantes. Tres itaque hae conditiones in genuinis verae Ecclesiae notis requiruntur. 1. Ut sint propriae verae Ecclesiae & non communes alijs sectis. 2. Ut sint inseparabiles à verâ Ecclesiâ omnibusque Ecclesijs veris omnium temporum convenient. 3. Ut, notiores sint ipsa vera Ecclesia, quam demonstrant. Non autem quaeritur hac de Notis, quibus aliquis certò explorare possit, vel de se vel de alio, an sit verum & vivum Catholicae atque invisibilis Ecclesiae membrum: De alio etsi ex confessione & vita externa probabiliter secundum iudicium charitatis bene aestimare possumus, non tamen hæc certa atque infallibilis nota est, cum etiam hypocritis sit communis. Solus DEVS *ἐκ καρδιῶν* novit qui sint sui. De nobis ipsis certi esse possumus ex notâ externâ fructuum fidei, ac præcipuè internâ Spiritus Sancti testificatione atque oblatione. Sed quaestio præcipua est de externis visibilibus cœtibus & Ecclesijs particularibus, unde, vel ex quibus notis, certò dignosci possit, hunc particularem Christianorum cœtum esse veram atque orthodoxam Ecclesiam?

III.

Respondemus primariam atque essentialem verae Ecclesiae notam esse puram Verbi Divini prædicationem, seu, ut Bellarminus ipse statuit & loquitur, conspiracyonem in Doctrina cum Ecclesia Apostolica, & Sanctitatem Doctrinae, quæ in cœtu aliquo docetur, quæ tum demum sancta censeri debet, cum formæ sanorum verborum & amissi verbi divini est consentanea.

Qui

Qui enim in sermone Christi manent, illi sunt verè discipuli ejus. Oves Christi s. vocem ejus, & qui ex Deo sunt, verba Dei audiunt. Qui in doctrina Christi manet, hic & Patrem & Filiū habet. Vera Ecclesia * superstructa est super fundamentum Prophetarum & Apostolorum, & perdurat in doctrina Apostolorum. Ex hac nota infallibiliter vera Ecclesia cognoscitur. Non enim est alijs sectis communis *hanc doctrinam*, etsi plerunque *namque*, sed soli veræ Ecclesiæ propria. Est etiam Ecclesia notior, quia causam ejus declarat, atque ut ex hac Beroenses agnoverunt Apostolicam Ecclesiam esse veram, ita ex eadem etiam facilè est hodie veram Ecclesiam agnoscere, modo verbum Dei sine præjudicio, cum zelo, & precibus, cum in finem diligenter scrutari velimus. Est etiam à verâ Ecclesiâ planè inseparabilis, respectu istorum fidei articulorum, qui ad salutem sunt necessarij. Desinit enim cœtus esse vera Ecclesia, in quo isti articuli secundum Dei verbum non rectè docentur. Hæc nota ipsam Ecclesiam constituit, atque infallibiliter Ecclesia vera ex hac cognoscitur. Cœtus enim in quo verbum Dei purè prædicatur, est vera Ecclesia, quemadmodum è converso vera Ecclesia nihil aliud est, quam cœtus hominum in quo verbum Dei purè prædicatur.

IV.

Cum autem Christus in Ecclesiâ suâ præter audibilem verbi sui prædicationem etiam instituerit visibiles quosdam ritus, promissionum Evangelicarum *legemque*, qui secundum ipsius institutionem religiose à vera Ecclesia administrari atque

f. Joh. 10.

37.

g. 2. Joh. 9.

* Ephes. 2.

20.

h. juxta
veritatem,
i. secundum
apparentiam.

Ad legiti-
ma Sacra-
mentorum
admini-
stratio sit
nota vera
Ecclesia?
I. sigilla.

An Disciplina Ecclesiastica recta administratio sit nota Ecclesiae?

in 1. Cor. 14. 40. in ordinis.

An haec nota in omnibus Ecclesiis verae & purae sunt?

An cœtus aliquis ob leviores impuritates nomen Ecclesiae amittat?

vsurpari debent, ad fidei confirmationem, statui-
mus secundam veræ Ecclesiæ notam, esse legiti-
mam horum rituum, qui vulgo Sacramenta
appellatur, juxta institutionem Christi, admi-
nistrationem, atque vsurpationem. Denique cum
Ecclesia sit Domus DEI viventis, in quâ omnia
in iuxtaque, non solum *in iuxtaque* geri, neq; manifesta
scelera aut scandala tolerari debent, coheret cum
superioribus notis *in iuxtaque* atque Disciplina
Ecclesiasticæ, secundum Christi & Apostolorum
Canones, religiosa procuratio, tanquam tertia
nota Ecclesiæ benè constitutæ.

V.

In quocunque cœtu hæ tres notæ simul depre-
henduntur, ille procul omni dubio, atque optimo
jure, Vera & benè constituta Ecclesia appellari
potest, & censeri debet, cui quilibet Christianus
se adjungere & tutò potest, & meritò debet. Sed
habent hæ notæ certos quosdam sinceritatis gra-
dus, tam in Pastoribus, quam in ovibus, secun-
dum quos Ecclesiæ, in quibus apparent, in *Puriores*
& *Impuriores* distinguuntur. Quanto enim
puriores hæ notæ in aliquâ Ecclesiâ servantur,
tanto etiam purior hæc Ecclesia censeri debet: Et
quanto magis à puritate declinant, tanto magis
etiam cœtus ille ab integritate & perfectione
Ecclesiæ DEI discedit. Non tamen ob quamli-
bet impuritatem vel in doctrina, vel in Sacramen-
torum administratione, cœtus aliquis nomen veræ
Ecclesiæ amittit, quamdiu capiti adhæret & fun-
damentum retinet. Cæterum tenentur omnes
Christiani ei se adjungere Ecclesiæ, seu cœtui, in

quo

quo minima impuritas apparet. Vbi vero notæ hæc vel omnino non sunt, vel prorsus adulteratæ habentur, ibi vel nulla, vel certè corruptissima est Ecclesia.

VI.

Notæ illæ quindecim quas Bellarminus recenset, (exceptis Sexta & Octava) Ecclesiam veram non demonstrant, cum sint aut communes aliis sectis, aut ipsa Ecclesia ignotiores seu obscuriores, aut à vera Ecclesia separabiles. Nam tamen si Romanæ Ecclesiæ Pontificij nomen Ecclesia Catholica attribuant, inde non sequitur eam esse verè Catholicam, quia sic dicitur. Aliud enim est verè esse, aliud dici tantum. Nam & Angelus Ecclesiæ, o quæ in Sardibus erat, dicebatur vivere, sed mortuus erat: & multi olim se Iudæos appellabant, cum non essent, sed mentirentur. Nisi fortè velimus Catholicam, id est, vniuersalem appellare ob hanc causam, quia vniuersa terra admirans secuta est Bestiam. Si vox Catholica intelligitur respectu populorum, & locorum, nota hæc à vera Ecclesia separabilis est cum hoc modo non fuerit Ecclesia Vniuersalis in sui primordio, neque in Veteri Testamento, neque tempore Christi in terris versantis. Si respectu dogmatû orthodoxorum, eadem erit nota cum primâ nostrâ. sed Ecclesiæ Pontificiæ non potest applicari. Antiquitas, seu Vetusitas, veram Ecclesiam non semper demonstrat, quia & Synagoga Satanæ antiqui illius serpentis inde ab initio exiit, & vetustas erroris veritati præjudicare non potest. Fuit etiam vera Ecclesia cum nondum esset antiqua, sed primum nasceretur. Non sola antiquitas doctrinæ, sed

An nota
Ecclesia vera
sit nomen
Catholicum?

o Apoc. 3.
1.

An Anti-
quitas?

An Dura-
tio?

An Am-
plitudo?

p Mat. 7.
14.

An Succes-
sio?

q Mat. 23.
2.

r Mat. 15.
14.

s Mat. 16.
6.

An conspi-
ratio cum
doctrina
Apostolica?

antiqua veritas, germana Ecclesiæ nota est. Ne-
que ex *Duratione* diuturnâ, & nunquam inter-
ruptâ, vera Ecclesia certò cognosci potest, cum &
regnum Diaboli à primo ortu ad finem vsque
mundi sine interruptione sit duraturum, & vera
fuerit olim Ecclesia antequam diu durasset. *Am-
plitudo* seu multitudo non semper in Ecclesiâ verâ
conspicitur, cum sit grex pusillus, qui ad paucos se-
pe redigatur, & pauci p in angusta via ambulent.
Contra videmus blasphemam Mahumeti sectam
amplissimè per orbem terrarum dispersam, &
multos esse qui latam viam, quæ ad exitium du-
cit insistant. Multitudo autem errantium non
parit errori patrocinium. Neque vera Ecclesia ag-
noscipotest ex personali *Successione* Episcoporum
in sede Romana Ecclesia enim verâ nulli loco in
his terris alligata est; neque locus iste privilegi-
um hoc habet Episcopus omnes in illa sede suc-
cedentes non posse in fide errare. Quinimo suc-
cessio illa multoties fuit interrupta. Successio
non in sede aliqua, sed in doctrina Apostolica, ve-
ros doctores & veram Ecclesiam arguit. Scribæ
enim & Pharisei q sedebant in Cathedra Moysi,
& tamen erant r cæci cæcorum duces, falsi Pro-
phetæ & lupi rapaces, à quorum fermento s erat
cavendum. *Consensio in doctrina cum Ecclesiâ
Apostolicâ*, & verè primitiva, Ecclesiam veram
certò indicat, sed in Romana Ecclesia non reper-
itur. Estq; hæc nota eadem cum nostra primâ. Pa-
trum autem doctrina, præsertim eorum, qui ab A-
postolorum temporibus longius absuerunt, quia
sæpe neq; cum seipsa, neq; cum aliorum doctrina
consentit, & sæper ad Apostolicam est expenden-
da non potest esse regula fidei, aut conspiratio

cum

cum eâdem veræ Ecclesiæ nota. Fuit etiam vera Ecclesia ante omnes Patres. Et quotusquisque est qui Patres legere potest, aut tota vita consensum illum rectè cognoscere, qui tamen scire debet, quæ nam sit vera Ecclesia? *Unitatem* in rectâ fide seu verâ doctrinâ, sub vno capite Iesu Christo, inter notas veræ Ecclesiæ agnoscimus, & sub prima nostra nota comprehendimus, sed quælibet in doctrinæ capitibus ad salutem non necessarijs dissensio, falsæ Ecclesiæ nota non est, cum etiam in Ecclesijs Apostolicis nonnunquam visa fuerit. Neque contrâ, quælibet in doctrinâ unitas seu consensus veram Ecclesiam arguit, cum illa etiam inter impios & idololâtras esse possit, atque etiam sæpe fuerit, ut exempla Sacerdotum Baaliticorum, Iudæorum adversus Christum & Apostolos conjuratorum, & Mahumetanorum clarè docent. Sub Pontifice autem Romano, ut Ecclesiæ capite, neque Israeliticæ, neq; Apostolicæ, neque primitivæ, neque aliæ multæ veræ & orthodoxæ Ecclesiæ unquam unitæ fuerunt. Atque hæc unio non veram, sed Antichristianam Ecclesiam demonstrat. *Sanctitas doctrina* certa & genuina est Ecclesiæ veræ nota, & sub primâ nostrâ notâ continetur. Nulla enim sancta est doctrina, nisi quam Dominus in verbo suo per Spiritum Sanctum revelavit, quod cum purè prædicatur, fieri non potest, quin sancta doctrina proponatur. *Efficacia doctrina* prædicatæ non est veræ Ecclesiæ propria. Nam & Antichristus venturus est, cum efficacia deceptionis, & Bestia totum terrarum orbem est seductura. Ingemuit totus orbis, & se Arrianum esse mirans est. Sæpe contra eve-

An Unitas?

An Sanctitas Doctrina?

An efficacia doctrina?
1 2. Thess.
2. 10.

An Sanctitas vi-
ta?

An gloria
Miraculo-
rum?

u Mat. 24.
24.
x 2. Theff.
2. 9.

An lumen
Propheti-
cum?

y 2. Pet. 1.
19.

nit, ut pauci admodum credant auditui Prophe-
tarum, *Sanctitas* vita alia est interna, quæ soli
Deo nota est, ac proinde inter notas Ecclesiæ
visibilis numerari non potest: Alia est externa,
quam etiam hypocritæ exprimere possunt, ac
proinde veram Ecclesiam certò non potest de-
monstrare. Ecclesia enim non ex moribus & vi-
ta, sed ex doctrina est æstimanda. *Miracula*
itaque alia sunt vera & divina, alia falsa & fal-
lacia, inter quæ haud facilis est discretio, nisi
attendas ad doctrinam, ob quam confirmandam
adhibentur. Vera itaque doctrina & consequen-
ter vera Ecclesia prius cognoscenda est, quam de
miraculis certi aliquid statuatur. Prædictum
enim est Pseudoprophetas & falsos doctores edi-
turos esse signa & ac prodigia magna, adeo ut si
fieri posset, etiam electi seducantur. Item Anti-
christum esse venturum cum omni potentia, &
signis, ac prodigijs mendacibus, & facturum esse
signa magna. Quin etiam Ethnici sua olim mi-
racula jactarunt. Quare non qualibet miracu-
la Ecclesiam veram demonstrant, quæ etiam ve-
ris miraculis non semper opus habet, sed plerun-
que illis carere solet cum doctrina satis superque
confirmata est, ita ut deficientibus miraculis, non
deficiat tamen vera Ecclesia. *Lumen Propheti-
cum*, seu donum futura prædicendi non semper
in sola vera Ecclesia conspicitur, sed aliquando
Deus etiam in cæcibus Idololatrarum voluit
prædici futura, quorum eventus verus fuit. Do-
num prophetiæ fuit temporarium, neque eo Ec-
clesia semper opus habet, sed sufficiunt veteres
Prophetiæ verorum Prophetarum, ad quorum
sermonem, tanquam ad lucernam y in obscuro

splenden-

splendentem, jubemur attendere, non autem ad novas revelationes, aut divinationes; atque à Pseudoprophetis, quorum multi in mundum prodierunt, nobis cavere, cumque in finem ad verbi DEI amussim spiritus probare, an ex DEO sint. *Adversariorum confessionis* accessione nihil additur, & decessione nihil detrahitur veræ Ecclesiæ. Et cum sit res incerta, quæ in dubium vocari possit, cumq; sibi ipsi contraria sit, planè fortuita ac contingens, non potest esse certa atque essentialis Ecclesiæ nota. *Infelix exitus* hostium alicujus Religionis non semper ostendit illam Religionem, cujus adversarij fuerunt, esse veram, aut suam esse falsã. Nam & pij homines in verã Ecclesiã versantes miserabili sæpe exitu à DEO castigantur, & contrã, immaniissimij tyranni, ac perditissimi hæretici placidum sæpe habuerunt exitum, *Felicitas temporalis* Epicuræorum potius quam Christianorum Ecclesiæ nota est. Hanc enim DEVS vult hîc sub cruce gemere, per multas tribulationes in regnum cælorum ingredi, atque omnes & qui in Christo piè vivere volunt persecutionem pati. Contrã, impij plerumque in hoc mundo florere solent.

An Confessio adversariorum?

An infelicitas hostium?

An Felicitas temporalis?

2 2. Tim.
3. 12.

DISPUT. XXIII.

*De Ecclesia Romana seu
Pontificia,*

ET

De Ecclesia Reformata.

THESIS I.

*Quotupli-
ces sint ec-
clesiæ Christi-
anorum?*

Cæterus omnes visibiles nomen Christianum, potissimum in Europa, hodie profitendum, commodè dividi possunt in eos, qui Pontificem Romanum pro capite agnoscunt, & eos qui à Pontifice decesserunt, Collectio cæterum illorum, qui recentioribus hisce aliquot seculis Pontificem Romanum pro summo, universali, atque infallibili Ecclesiæ Pastore, & capite agnoscunt, quique eam, quam Pontifex, Cardinales, Episcopi & Monachi hodie tradunt & propugnant, Religionem profitentur, vocatur vulgò ab hoc Pontifice seu Papa Romano, & loco in quo sedet, Ecclesia Pontificia, Papistica, & Romana: de qua merito quaeritur, an sit vera Ecclesia? De veteri autem illâ Romanâ Ecclesiâ, quæ temporibus Apostolorum Romæ collecta fuit, & cui divinam illam Epistolam Apostolus Paulus inscripsit, nulla quaestio est, ut neque de Romanâ illâ,

illâ, quæ ibidem post Apostolorum tempora prioribus aliquot seculis collecta fuit, & notas veræ Ecclesiæ retinuit, tametsi paulo impuriore. Nam post Apostolorum tempora Ecclesia non diu mansit pura atque immaculata virgo.

II.

De Papisticâ autem hac Ecclesiâ, duplex est quæstio. Prima: An cœtus illi Papistici inter veras particulares Ecclesias censerî possint? Altera: An aliquis, qui membrum istorum cœtuum est & manet, possit esse membrum Ecclesiæ Catholicæ invisibilis, & servari queat? Respondemus ad primam: Ecclesiam Pontificiam considerari posse dupliciter, vel ut *Representativam*, vel ut *Popularem*; *Representativa* constat ex Pontifice, Cardinalibus, & aliis Clericis, præsertim in Synodis generalibus congregatis, qui quasi corpus Pontificiæ Ecclesiæ repræsentant. Quia vero Pontifex, qui caput est istius hierarchiæ, ne quidem pro vero Episcopo, nedum pro Ecclesiæ capite, sed pro ipsissimo illo Antichristo magno haberi debet; & reliqui Clerici Pontificij nec vocationem secundum veros Apostolorum canones legitimam habent, neque munere suo ritè funguntur, omnesque illi Idololatriam, hæreses, & gravissimos errores non tantum admittunt, sed etiam acerrimè omnibus viribus defendunt, sequitur hunc Hierarchicum cœtum, quem Curiam Romanam rectè appellaveris, Ecclesiæ veræ nomen nequaquam posse obtinere, sed potius esse strumam, tuber, vlcus pestilentielle, & gangrænâ in Ecclesiæ corpore. *Popularem* Ecclesiam Romanam vocamus to-

An Ecclesia Romana sit vera Ecclesia?

An representativa?

An popularis?

tam illam promiscuam multitudinem, quæ doctrinam in Papatu vulgo receptam implicite credit, & profitetur, seu cætus illos particulares, in quibus doctrina Papistica publice docetur, & cultus Papisticus publice exercetur. In his cætibz cum verbum DEI purè non doceatur etiam in fundamentalibus, neque Sacramenta secundum Christi institutionem legitime administrentur, aut usurpentur, Disciplina Ecclesiastica in carnificinam conscientiarum, & manifestam tyrannidem sit commutata, atque insuper etiam, præter intolerandas superstitiones, manifesta Idololatria in adoratione panis Missatici, Sanctorum mortuorum, reliquiarum, & imaginum, committatur; sequitur eos cætus potius Anichristianæ & Idololatricæ, quam veræ Ecclesiæ uotas gerere, cujus communio proinde pijs omnibus planè sit deferenda, ut veræ Ecclesiæ cives esse possint.

III.

An possit ostendi à quibus, & quando corruptio doctrinæ & cultus in Ecclesiam sit introducta?

Quibus autoribus & promotoribus, quo tempore, quo loco, quibus contranitentibus, nova in Ecclesiam Romanam dogmata inventa atque introducta, novi ritus Ecclesiastici excogitati, superstitionis cultus instituti sint, corruptio hæc, quam hodie videmus, Ecclesiam illam paulatim magis magisque invaserit, ac zizania hæc licet sæpe occultè dormientibus pastoribus, sparsa paulatim succreverint, & bonum semen suffocaverint, non tantum ex historijs Ecclesiasticis, ac veterum scriptis, sed etiam ex ipsis Pontificijs scriptoribus evidentissimè demonstrari potest.

IV.

Adsecundam quæstionem respondemus, certum esse neminem per doctrinam illam, quæ hodie, secundum Concilii Tridentini Canones, in cœtibus Papisticis docetur, ad salutem pervenire posse, cum doctrina illa salutis fundamentum plane evertat. Non dubitamus tamen, quin in illis cœtibus semper extiterint, & hodie etiam sint non pauci, qui licet ex infirmitate cum iis communionem habeant, tamen gravioribus illis ac fundamentalibus erroribus, qui in iis docentur, aut nunquam assensum præbuerint, aut eos ignorarint, aut ante obitum abjecerint, atque ita in verâ Christi fide, licet multis infirmitatibus commaculatâ, mortui sint & servati. Ut enim olim in corruptissimâ Hierosolymorum civitate multi adhuc erant, qui suspirabant, & exclamabant, propter dñnes abominationes istas, quæ fiebant in medio illius; ita non dubium est, quin in ipso Papatu hodie tales etiam reperiantur, qui tamen cum in loco valde lubrico & periculoso versentur, omnibus modis ex hoc cœno sunt extrahendi, ut desertâ communionem externâ talium cœtum, ad communionem veræ Ecclesiæ perducantur.

V.

Ecclesiæ, quæ superiori seculo à Pontifice Romano, & cœtibus Pontificijs secesserunt, duplices hodie reperiuntur. Aliæ enim Pontificiorum Idololatriam, superstitiones, & errores nonnullos reliquerunt, sed in alios iterum errores graves & perniciosos prolapsæ sunt, quales

An membra Ecclesiæ Papisticæ servari possint?

Quotuplices sint Ecclesiæ, quæ à Papa Romano secessionem fecerunt?

*Quid sit
sentiendū
de Ecclesijs
Samosatemi-
cis, &
Anabapti-
stis?*

*Quid de
Ecclesijs
Lutherani-
s?*

*An Eccle-
sia Refor-
mata sint
Hæretica?*

quales sunt Ecclesiæ seu cœtus novorum Samosatensianorum, Anabaptistarum, & similium, in quibus veræ Ecclesiæ notæ etiam non apparent. Aliæ non tantum à Papalibus, sed etiam quibusvis alijs gravioribus erroribus sūt perpurgatæ, & vocantur hodie Ecclesiæ Reformatæ & Evāgelicæ in quibus cum veræ Ecclesiæ notæ manifeste conspiciantur, non dubitamus intrepidè asserere illas esse verè Christianas, atque orthodoxas Ecclesias, quibus omnes, qui DEVM ritè colere volunt, & salutem animarum quærunt, sese adjugere debent. Etsi vero hodie inter Ecclesias Evangelicas in nonnullis, quæ vulgò *Lutherana* vocantur, notæ veræ Ecclesiæ non tam puræ, ut in cæteris, reperiantur; non tamen istis propterea nomen verarum Ecclesiarum adimendum est, quādiu fundamentum fidei & salutis integrum in eis servatur, quamvis errores aliqui supersint, à quibus optandum esset, ut aliquando perpurgatæ cum cæteris Ecclesijs Reformatis consensum Orthodoxum in omnibus colerent.

VI.

Ecclesiæ Reformatæ, quamvis à Papa & cæteris Papisticis secesserint, cum ijs communionem non habeant, & salvā conscientiam habere se non posse profiteantur, non tamen propterea sunt aut hæreticæ, aut scismaticæ, aut Apostaticæ. Non *Hæreticæ*: quia notas veræ atque orthodoxæ Ecclesiæ retinent, ex solo verbo DEI sapiunt, & fidem ac vitam ad illius normam exigunt atque instituunt: neque quisquam hactenus extitit, qui ex verbo DEI eas erroris alicujus funda-

mentalis

mentalis convicere, in quo nihilominus pertinaciter perfliterint. Neque *Scismatica*: quia secesserunt non à veræ Ecclesiæ vnione, sed tantum à rebus in quibus non tantum manifesta hypocrisis, Superstitio, Tyrannis, impuritas, luxus, avaritia, fraudes, & mendacia regnant, sed etiam commentitij & idololatriæ cultus publicè exercentur, & perniciosæ hæreses cum fidei fundamento pugnantibus docentur & creduntur: idque fecerunt non ex temeritate, ambitione, odio aut carnali zelo, sed compulsi divino mandato, atque amore divinæ gloriæ, & salutis suæ æternæ; *Dixit enim expressè a* mādāt à talibus declinare, ne communicemus operibus eorum malis, & speciatim ex hac *b* Babylone Romanā fugere, ne participes fiamus peccatorum ejus, & de plagis ejus ne accipiamus. Multo minus sunt *Apostolica*. Non enim defecerunt à Christianismo ad Gentilismum, aut Iudaismum, aut Mahumetismum, neque à verā fide ad traditiones humanas, aut ad fabulas, sed ab hæresi ad veritatem, ab Idololatriā ab verum *Dñi* cultum, ab impietate multiplici ad veram pietatem & ab Antichristo ad Dominum nostrum Iesum CHRISTVM.

An Schismatica?

a Numb.
16. 24.

b Apoc. 18.

4.
An Apostolica?

DE
MEMBRIS ECCLE
SIAE MILITANTIS.

DISPVT. XXIV.

*De Clericis, seu Mini-
stris Ecclesiae,
ET*

De eorum Vocatione.

THESIS I.

*In quot or-
dines Mē-
bra Ecclesiae
visibiles di-
stinguun-
tur.*

MEMBRA visibilis Ecclesiae sunt qui-
unque fidem Christianam confes-
sione & vita profitentur. Hi in du-
tantam genera, seu ordines, distin-
guuntur. Alii enim sunt Pastores,
Doctores, Gubernatores, & Praepositi Ecclesiae,
alii sunt qui in Ecclesia pascuntur, docentur, go-
bernantur, & Praepositis suis, qui pro ipsorum a-
nimabus excubant, obedire debent. Tertius
ordo qui in Ecclesia Pontificia hodie conspici-
tur, nimirum Regularium sive Monachorum, &
Anachoretatum, nec à DEO in Ecclesia sua in-

litus est, neque in Ecclesia utilis aut necessarius, & in S. Scriptura ac verè primitiva Ecclesia planè ignoratus.

II.

Ad priorem ordinem qui pertinent varijs in S. Scriptura nominibus insigniuntur, sed nusquam peculiariter vocantur *Clerici*. Vox enim Κληρικός, quæ significat sortem, peculium, & hæreditatem, & à quâ hæc denominatio erat petenda, passim in S. Scriptura utrique ordini & toti fidelium cœtui communiter attribuitur. Singuli enim sunt Domini sores, & singulis etiam Dominus sors est. Omnes fideles vocati sunt αἱ τὴν κληρονομίαν τοῦ ἀγίου, utque ὁ κληρὸς accipiant inter sanctificatos. Immo S. Scriptura κληρὸς alicubi vocat eos tantum qui ad secundum ordinem pertinent, & disertè Presbyteris & Pastoribus; hoc est, iis qui prioris sunt ordinis, opponit. Cæterum cum veteres Ecclesiæ Doctores istam vocem nonnunquam usurparint ad designandum eos, qui ad primum ordinem pertinent, nolumus de voce multum contendere, modo ita explicetur, ne de communi Christianorum dignitate quidquam detrahatur, quasi isti soli sint sors & hæreditas Domini, sed potius ita appellati censeantur, quia peculiariter acceperunt τὴν κληρονομίαν τοῦ ἀγίου. I præcipuè tamen veteres solent *Clericos* appellare adolescentes, qui ex parentum consensu & autoritate, militiæ spirituali nomen dabant, & studio Theologico consecrati exercitiis quibusdam Ecclesiasticis ad ministerium præparabantur, quo tandem ad illud aptiores accederent, & gradatim ascenderent.

*Clerici an
Pastores
& Mini-
stri Eccle-
siarum ve-
rè vocen-
tur?*

a Coloss. 1.
12.
b Act. 26.
18.
c 1. Pet. 5.
3.

d Act. 1. 25
*Qui à ve-
teribus
Clerici vo-
cati fue-
runt?*

III.

*Laici qui
vocentur,
& quoti-
plices sint?*

*An Clerici
& Laici
sint pares
dignitate?*

a 1. Pet. 2.

9.

b 1. Pet. 3.

3.

*Vocatio ad
Ministeri-
um an sit
necessaria?*

*Quotuplex
sit?*

*Vocationis
ordinariae
quae sint
partes?*

Qui posterioris sunt ordinis à Pontifice, voce non admodum commodâ, & hodie satis contempnibili, vocantur *Laici*, & adhuc contemeliore nomine *Seculares*, cum hoc vocabulo propriè notentur, qui huic seculo sunt addicti. Horum alij sunt Principes & Magistratus, alij vero subditi & privati homines. Clerici non sunt Laicis digniores, nisi tantum ratione officij & sancti Ministerij, cum eodem fideliter funguntur. In reliquis Laici Clericis pares sunt praesertim quae spectant vocationem communem. Sunt enim & Laici a vñctionis Spiritus Sancti participes, sacerdotum regale, gens sancta, populus peculiaris, & juxta Scripturae phrasin; b Clerus Domini.

IV.

Ad Ecclesiam pascendam, docendam, & regendam nemo debet accedere nisi legitimè vocatus. Nec enim hodie, ut olim in Veteri Testamento, priori ordini per carnalem generationem, aut aliud privilegium aliquod externum quis insentur, sed ex posteriori ordine omnes in priorem per legitimam vocationem debent cooptari. Vocatio legitima duplex est, aut Extraordinaria & immediata, aut Ordinaria & mediata. Extraordinaria vocatio fit à solo Deo, sive Dei Filio, immediatè, sine hominum opera & ministerio. Talis fuit vocatio Prophetarum, & Apostolorum. Ordinaria & mediata vocatio fit mediante hominum ministerio secundum ordinem à Deo in verbo suo praescriptum. Legitimae vocationis ordinariae tres sunt partes, *Electio*, *Examen*

vitz ac doctrinz, & *Confirmatio* sive *Ordinatio*. *Electio* legitima Ministrorum Ecclesie Novi Testamenti, non debet fieri ab vno quopiam homine proprio arbitratu, sive sit Episcopus, sive Magistratus, sed ab Ecclesia, cui inservient, & cuius autoritate ministerium suscipiunt. Ad vitandam autem confusionem, præsertim in Ecclesijs amplioribus, in quibus singulorum suffragia rogari non possunt, & facile per levitatem, vel mala studia, vel per tumultum à multitudine peccari possit, ordinarunt Apostoli, vt à Presbyterio, quod Ecclesiam repræsentat, electio institueretur, quam deinceps populus vel tacito consensu, vel per *xenodochium* approbet. Ordo hic æquitati atque ædificationi convenientissimus est. Quid enim æquius, quam vt qui toti Ecclesie inserviet, ex consensu totius Ecclesie ab omnibus, suo loco & gradu, eligatur? Quid iniquius, quam vt ignoti, suspecti, aut exosi invitis Ecclesijs obtrudantur? Quæ ædificatio à talibus expectanda? Quam periculosum est rem tanti momenti committere vni homini, qui falli, corrumpi, & potestate sua abuti potest? Quare nè ipsi quidem Apostoli, qui tam singulari potestate instructi erant, vt nemo illis in Ecclesia dignitate par sit, soli absque consensu totius Ecclesie & populi suffragiis, Ministros elegerunt. Hanc Apostolicam *synodus* & *concilium* secutæ fuerunt Ecclesie primitivæ, donec tandem, crescente ambitione, Episcopi, quos hodie vocant, Ecclesie & populo hoc jus suum per tyrannidem eripuerint & sibi solis arrogarint. Quod si vero Ecclesia subsit Magistratui fideli & Christiano, quia is Ecclesie nutritor est, & spectatissimum ejus membrum, non tantum ejus con-

Electio ad quos pertineat?

An ad solos Episcopos?

e suffragiorum latronem.

An et quatenus ad totam Ecclesiam, & populum?

Et ordinem & usum.

An & quatenus ad Magistratum

*Examen
ad quos
pertineat?*

*Confirma-
tio ad quos
pertineat?*

*g manus in
impositionis
An imposi-
tio manu-
um sit ritus
adiapho-
rus?*

*An Mini-
stri Ecclesi-
arum Re-
formatarū
habeant le-
gitimā vo-
cationem?*

*An primi
Reforma-
tores, &
qualem?*

lensus in Vocatione requiritur, sed præcipue etiam partes illi in eā sunt tribuendæ: ita tamen Presbyterij suffragia, & populi consensus excludantur. *Examen* doctrinæ, quia ad illud faciendum populus non est idoneus ac sæpè etiam Magistratus, fieri debet ab idoneis Theologis & vicinis Pastoribus in præsentia Presbyterij, & Magistratus Christiani, si adesse velit. *Confirmatio* seu *Ordinatio* fieri debet coram Ecclesia, postquam de eius consensu atque approbatione sufficienter constiterit, idque solemnibus precibus & serijs cum ad ordinandum tum ad Ecclesiam institutis admonitionibus, cum impositione manuum. Pertinet hoc jus Confirmationis non ad solum Episcopum, sed ad totum presbyterium, in quod ut Ecclesia suas partes transtulit, ita illud, ordinis causa, suas iterum partes, quod ad ritum ordinationis attinet, in vnum aliquem Pastorem solet transferre, manente tamen actu confirmationis toti Presbyterio communi. De ritu *g xxiij dicitur* quia non extat certum præceptum, cum pro adiaphoro habemus Nihilominus tamen utile judicamus ejusmodi symbolo Ministerij dignitatem populo commendari, & cum, qui ordinatur, admoneri, ipsum jam non esse sui juris, sed DEO & Ecclesiæ in servitutem addictum V.

De Ministris Ecclesiarum Reformatarum queritur an habeant legitimam in Ecclesia vocationem? Respondemus, Ministros harum Ecclesiarum aut esse primos Reformatores, aut eorum successores. Primi Ecclesiarum Reformatarum Pastores plerique in Ecclesia Romanā sunt ordinati, secundum ordinem atque usum publicè in

illa Ecclesiâ receptâ, atq; hoc respectu possunt dici habuisse *ordinariam vocationem* Ordo autem hic quamvis multis modis ab ordine divinitus instituo recedat, ita ut vix aliud quam mera *h. a. m. g. i. n.* sit, tamen hoc boni inter tot mala ad- huc retinent, ut vocentur atq; ordinentur, inter alios fines, ad verbum DEI populo prædicandum, atque hujus respectu etiam *legitimam* ad verbum DEI prædicandum, vocationem habuisse dici possunt, quatenus hic finis vocationis ordini Apostolico consentaneus est. Quod verò DEVS illorum animos illustraverit, atque excitaverit, ut errores & abusus Ecclesiæ Pontificiæ agnoverint, abjecerint, reprehenderint, & omissis Traditionibus humanis solum verbum DEI purè populo prædicaverint, reliqua omnia quæ in vocatione ipsorum illegitima & ordini Apostolico contraria erant, omiserint, atque Ecclesias ab erroribus & superstitionibus repurgaverint, fuit *extraordinaria gratia*, quam DEVS fecit non tantum illis, ut Vocatione suâ rectè & legitimè fungerentur, sed maximè per illorum Ministerium Ecclesiæ suæ, secundum prædictionem, quâ promiserat se * testes hosce excitaturum, qui adversus Bestiam, & Ecclesiæ corruptores prophetarent. Hanc gratiam extraordinariam ut DEVS per eos Miraculis confirmaret, non fuit necesse, cum nullam aliam doctrinam adferrent, quam Christi & Apostolorum, quæ olim miraculis sufficienter atque abundè confirmata fuit, & per Scripturas explorari ac probari poterat. Quinetiam ne omnes quidem Prophetæ extraordinariè excitati vocationem suam miraculis confirmârunt, ut exempla Ioannis Baptistæ imprimis, deinde eti-

h. confusio.

* Apoc.

11.

An debuerint vocationem suam miraculis confirmare?

An et qua-
les eorum
successo-
res?

am Osee, Sophoniae, Abdia, Nahumi, & alio-
rum clarè testantur. Huc accedit, quod deinde li-
cet non omnes, multi tamen etiam integri cœtus
antea Pontificijs erroribus impliciti, doctrinam
ab illis prædicatam receperint, errores priores ab-
jecerint, vocationem illorum ratam habuerint,
eosque pro legitimis & munere suo rectè fun-
gentibus Pastoribus agnoverint. Pastores Ecclesia-
rum Reformatarum, qui primis Reformatoribus
successerunt vocationem habent *ordinariam*, &
legitimam. *Ordinaria* est, non secundum vitio-
sum & corruptum illum ordinem in Papatu hodie
vſitatum, sed secundum ordinem primævum ab
Apostolis præscriptum, & in primitiva Ecclesia v-
surpatum. *Legitima* est, quia ab iis eliguntur, qui
ius eligendorum Pastorum habent, puta ab iis
cœtibus, quos manifestis argumentis & signis
constat esse veras Ecclesias, examinantur debite
in vita & doctrina, & confirmantur ab iis, quos
constat veros esse Pastores, ac reliqua omnia quæ
in legitima Ministri vocatione secundum Cano-
nes verè Apostolicos requiruntur, sollicitè & sin-
cerè in eorum vocatione observantur.

VI.

An vocatio
Ministro-
rum seu
Sacerdotũ
in Pontifi-
cia Ecclesia
sit legiti-
ma?

Ministorum vero Ecclesiæ Pontificiæ vocati-
ones si ad institutionem divinam, & veteres Ca-
nones inimo ad ipsa Pontificiorum Decreta exa-
minentur, meritò pro illegitimis habendæ sunt.
Vocantur enim hodie non tam ad pascendum
DEI gregem purâ verbi ejus prædicatione, quàm
principalis vocationis legitimæ finis est, quàm
ad Sacrificium DEO pro vivis & mortuis offe-
rendum, quale munus seu ministerium DEVS

in Novo Testamento non instituit, cum nullum aliud in Novo Testamento sacrificium *i* *idest* haberi possit, quam illud, quod ipse IESVS CHRISTVS, solus & summus Novi Testamenti Sacerdos propriè dictus, semel in arà Crucis obtulit. Eliguntur sine Presbyterii & Magistratus Christiani suffragiis, & sine populi consensu aut approbatione, vel à solo Pontifice, vel a solo aliquo Episcopo, qui jus Electionis Ecclesiæ sacrilegè eripuerunt. Plerique vel per Principum favorem, vel per turpissimam Simoniam electiones venantur, & obtinent. In vitâ & doctrinâ legitimè non examinantur, sed loco examinis ludicra & histrionica gesticulatio adhibetur, quâ inquiritur tantum an noverint nomen aliquod, quod in lectione occurreret, declinare, aut verbum aliquod conjugare, aut vocis alicujus significationem reddere. In ordinatione ceremoniæ planè Iudicæ, vanæ, ac ridiculæ adhibentur. Presbyterio suæ partes non tribuuntur, neque finis legitimus spectatur.

i *propria*
ordinum.

DISPUT. XXV.

De Ministrorum Ecclesiæ
Ordinibus.

THESIS I.

Ministri Ecclesiæ Novi Testamenti sunt duplices: Alii functiones habuerunt ex-

Quotpli-
ces sint Mi-
nistri No-
vi Testa-
menti?

*Quot sint
ordines
Ministro-
rum N. T.*

*a qua ad
vita hujus
usum per-
tinent.
b ordine.*

traordinarias, quæ cum ipsis defierunt, quales fuerunt Apostoli & Evangelistæ: alij habent functiones ordinarias, & perpetuas, seu ad finem usque mundi in Ecclesiâ duraturas. Sicut autem homo duplici naturâ constat Spirituali & corporeâ, ita functiones hæ perpetuæ pro necessitate tum animalis, tum spiritualis vitæ, versantur aut circa res spirituales, quæ ad animæ salutem spectant, aut circa res corporeas, quæ pertinent ad corporis sustentationem, seu *a m. sustinere*. Res spirituales sunt Doctrina cum Sacramentis, & Disciplina atque *b. i. m. g. l. a* Ecclesiastica. Res corporeæ, quæ ad pauperum sustentationem pertinent. Doctrinæ prædicationi & Sacramentorum administrationi præsumt Pastores: Disciplinæ & ordinis procurationi cum Pastoribus Presbyteri; & sustentationi pauperum Diaconi. Hos tres Ministerij ordines Christus tantum in Ecclesia instituit, Scriptura tantum agnoscit, & ad Ecclesiæ regimen ac necessitatem abundè sufficiunt.

II.

*Qui sint
primi ordi-
nis, & quomodo in S.
Scriptura
appellatur?
An etiam
Sacerdotes
appellari
possint?
c Heb. 10.*

Primus itaque ordo Ministrorum Ecclesiæ N. T. ordinariorum est ordo *Pastorum*, qui etiam Episcopi, Presbyteri in verbo laborantes, Ministri Prædicantes, Servi, Dispensatores, Præsides, & Duces in Sacra Scriptura appellantur. Horum officium non consistit in oblatione aliquâ Sacrificij alicujus propitiatorij pro vivis & mortuis, unde Sacerdotes propriè vocari possint. Hoc enim officium IESU CHRISTO unico & summo N. T. sacerdoti propriè dicto soli competit, qui unicâ sui ipsius c oblatione semel in arâ Crucis factâ consummavit in perpetuum

eos qui sanctificantur. Et quia Sacerdotium habet perpetuum, quoniam in æternum manet, non opus habet successoribus alijs Sacerdotibus, qui ipsum quotidie de novo immolent atque asferant. Quare Ministri Novi Testamenti nusquam in Sacra Scriptura Sacerdotes propriè dicti appellantur: neque illis vsquam de immolando hostijs, sed tantum de prædicando Evangelio, & pascendo grege, mandatum in Scriptura datur: ac proinde Pontificij Pastores, cum nomen & munus Sacerdotis sibi arrogent, non tantum palam Iudaizant, sed etiam blasphemè ac sacrilegè in sacratissimum & proprium munus Domini nostri IESU CHRISTI involant. Officij Pastorum administratio aut est publica, aut privata. Publicè debent Verbum DEI prædicare, Sacramenta administrare, & publicas preces concipere. Privatim debent ægros invisere, erudire, consolari, & in fide confirmare, errantes in rectam viam reducere, afflictos consolatione erigere, fœdientes coercere, collegas etiam officij admonere, atque vnà cum Presbyteris Ecclesiæ disciplinam & regimen procurare. Sub hoc ordine etiam comprehendimus *Doctores* peculiariter ita dictos, quorum munus est tantum incumbere doctrinæ, eamque explicatione partim analyticâ, partim Syntheticâ, concinnè proponere, atque adversus quoslibet *Antitheses* tueri. His etiam adjungimus *Catechistas*, qui prima Religionis Christianæ elementa pueros & rudiores docent.

III.

Inter Episcopum & Pastorem, seu Presbyterum

*Quod sit
officium
Pastorum?*

*Quid sit of-
ficium Do-
ctorum, &
Catechista-
rum?*

*d. contradi-
centes.*

*An sit delictum in-
ter Episco-
pum &
Presbyte-
rum in
verbo laboran-
tem?*

*Quid sit
sentendū
de Episco-
pi primi-
tiva Eccle-
sia?*

*e. secun-
dum ordi-
nem.*

*f. propo-
sita.*

rum in verbo laborantem. respectu muneris seu ministerii, nullum in Sacra Scriptura verum & essentiale discrimen reperitur. Hæc enim vocibus hisce promiscuè utitur, atque vnum eundemque Ministrorum N. Testam. ordinem designat. Quin in vna Ecclesiâ & civitate plures tempore Apostolorum Episcopos fuisse disertè Sacra Scriptura testatur. Quare Episcopi jure divino Pastoribus neque gradu, neque dignitate, neque ordinis potestate, neque jurisdictione majores sunt. Vocantur enim *in iuxta* non tam respectu collegarum ac *superiorum*, quam respectu *regis*. Quod verò post Apostolorum tempora in Ecclesiâ primitivâ, & deinceps, ex Pastoribus vnus reliquus præpositus est, & Episcopi nomine singulariter insignitus, non ex instituto divino, sed humano consilio factum est, in scismatis remedium, cum instinctu Diaboli dissidia in Religione fierent, vt hac ratione dissensionum semina melius evellerentur: & ne primatu ordinis ad singulos Pastores per vi- cēs perveniente, vt initio fiebat, fieret vt interdum indigni præessent. Hoc institutum cum sit vetustissimum, & rationes non contemnendas habuerit, simpliciter non damnamus. Cum enim in Ecclesia omnia *e. x. m. r. g. i.* geri debeant, atque inter Pastores manifesta sit donorum, ac proinde etiam in moderanda Ecclesiâ *i. m. g. i. p.* atque in dirigendis Presbyterii actionibus promptitudinis imparitas, existimamus ordinem atque politiam Ecclesiæ omnino requirere, vt vni alicui inter Pastores, qui propter ætatem, prudentiam, doctrinam, aliaque dona cæteros antecellis, *f. m. g. i. p.* quædam ordinis, non autem domini ac potestatis, tribui debeat: vt hac ratio-

ne omnis *perniciosa* atque etiam *heretice*, perniciosæ Ecclesiarum pestes, ab Ecclesia arceantur. Cæterum imprimis cavendum est, ne per hanc *hereticas* multo perniciores in Ecclesiam pestes introducantur, dominium scilicet in collegas, & tyrannis, quæ admodum sollicitè, & strictè à Christo Ecclesiarum Ministris fuerunt interdicta: præsertim cum experientia ipsa ante multa secula evidentissimè docuerit, quàm periculosum fuerit Ecclesiæ hoc humanum consilium, cum Superioritas illa primò degeneraverit in *hereticas*, ac deinde paulatim in *monarchiam* & manifestam tyrannidem, & tandem in Ecclesiam invexerit pestilentissimum hunc Papatum, & totam illam Hierarchiam Papisticam, quæ Ecclesiam penitus pessundedit. Ex his enim Episcopis postea nati sunt Archiepiscopi, ex istis Patriarchæ, ex quibus denique Pontifex ille summus, qui hodie in templo DEI tanquam DEVS sedet, ostentans seipsum esse DEVM.

IV.

Secundus ordo est *Presbyterorum*, seu seniorum in verbo non laborantium, qui non tam ab ætate, quam à munere, quod senilem prudentiam & gravitatem requirit, ita appellantur. Horum officium non est publicè verbum DEI prædicare, nam in verbo non laborant, sed vñ cum Pastoribus Ecclesiæ disciplinam & totam politiam moderari, vnde etiam *episcopales*, id est, *episcopales* appellantur, Pastorum & *superintendentum* doctrinam ac vitam observare, membrorum Ecclesiæ profectus & defectus notare, egros invisere & cõ-

confusio.
h ex defe-
ctu regi-
minis so-
luta licen-
tia,
i praposi-
turam.

i paucorū
dominatu.
m vñ in
imperium.

Qui sint
secundus or-
do, &
quod co-
rum offi-
um.
n gubern-
antes, id
est, guber-
natores,
o collega-
rum.

*Qui sunt
tertiy ordi-
nis, &
quod eorū
officiū?*

solari, infirmos confirmare, inordinatē viuentes officij admonere, pacem inter dissidentes conciliare, atque omnia offendicula ē medio tollere. Tertius ordo est *Diaconorum*, qui hoc nomine, alioquin omnibus Ministris communi, ita peculiariter in sacra Scriptura vocantur. Horum munus non est verbum publicē prædicare, aut Sacramenta administrare, aut Episcopo tantum ministrare, vt olim Levitę Sacerdotibus, aut sacerdoti ad altare assistere, aut alijs frivolis ceremonijs vacare, sed præesse xario Ecclesiastico, quotidianas oblationes, & annuos proventus sanctē colligere, & in veros vsus, inter quos pauperum sustentatio præcipuus est, iustē, prudenter, atque optima fide distribuere. His annueramus *Diaconissas*. Inter has functiones, imparitatem & gradum dignitatis agnoscimus quidem, sed non inter collegas ejusdem functionis. Prestat autem vt functionibus hisce perpetuò, non autem ad tempus fungantur, quicunque ad eas ab Ecclesia semel legitimē vocati sunt, si Ecclesia ijs omnibus sustentandis sumptus suppeditare possit.

V.

*Quid sit
sententiū
de reliquis
Pontificic-
orum ordi-
nibus?*

Quid de

Pontificum summorum, Patriarcharum, Archiepiscoporum, Metropolitanorum, Archipresbyterorum, Archidiaconorum, Suffraganeorum, Abbatum, Priorum, Monachorum, Canonico-
rum, Decanorum, Præbendariorum, Sacellano-
rum, Vicariorum, Sacrificorum, Sacerdotum, &
similium, & nomina & functiones, prout hodie
in Papatu exercentur, ignoravit Apostolica &
verē primitivā Ecclesia. Osiu-
riorum vero, Aco-

lutorum

lithorum, Lectorum, Cantorum, & Hypodiaconorum ordines, in primitivâ Ecclesiâ, magis fuerunt rudimenta quædam tyronum, quibus olim in celebrioribus Ecclesijs adolescentes ad ministerium præparabantur, quam ordinariæ functiones, quæ veris Ecclesiæ ministerijs accenserentur. *Officiarij* enim aperiendi claudendique templi cura mandabatur, quæ hodie ædituis seu Custodibus templi incumbit. *Acoluthi* erant adultiores Sacræ Theologiæ studiosi, & sacri ministerij candidati, qui Episcopo in obsequijs domesticis aderant, ut sub ipsius ductu & auspicio peritiam rerum Ecclesiasticarum sibi compararent. *Lectores* S. Scripturam populo prælegebant, ut omnium conspectum ferre discerent, & populo innotescerent. *Cantores* præcinebant, populi-que cantum, tanquam phonsci moderabantur. *Hypodiaconi* adjuncti erant diaconis tanquam ministri, qui tamen in minis frequentibus Ecclesijs vix reperiabantur.

VI.

Exorcista, qui Apostolorum tempore fuerunt, vocabantur non ab ordinariâ aliqua in Ecclesiâ functione, sed ab extraordinario dono, quo nonnulli præditi, invocato Christi nomine, & manuum impositione, ab *iniquis* dæmonia ejiciebant. Cum autem hæc dona cum reliquis miraculorum & sanationum donis desierint, stultum est re sublatâ signum velle retinere, & ministerium fingere in Ecclesiâ, cujus nullus hodie effectus est, & ad quod obeundum nullus mortalium donis necessarijs hodie instructus invenitur. Quare Pontificij Exorcistæ non sunt publici Ecclesiæ Ministri, sed potius scenici Judi-

*Officiarij
Acoluthi,
lectores,
cantores,
& hypodiaconi?*

*Quid de
Exorcistis?*

o possessis.

*Quid de
Cardinali-
bus?*

*Quid de
Chorepif-
copis?*

ones, qui nullum professionis suæ verum speci-
men edere possunt, & quorum imperiis tantum
abest ut dæmones cedant, ut potius in ipsos, vi-
pote magiæ plerumque deditos, dæmones ipsi
imperium habeant. *Cardinalium* barbarum no-
men non tantum Scriptura, sed & primitiva Ec-
clesia per multa secula ignoravit, ejusque etymon
ne ipsi quidem Pontificii certò assignare possunt.
Officium autem, quo hodie Romani Cardinales
cum fastu planè regio funguntur, neque à Chri-
sto aut Apostolis institutum, neque à veteribus
Romanæ Ecclesiæ Presbyteris usurpatum fuit.
Per *Chorepiscopos*, si intelligantur Pastores, qui
in certis & peculiaribus *choris*, hoc est, oppidis,
aut pagis, ministerio funguntur, pascentes gre-
gem qui penes ipsos est, si officium Episcoporum
debite faciunt, pro legitimis Ecclesiæ ministris
agnoscimus, & sub primo ordine comprehendi-
mus. Sin vero per eos intelliguntur, quos hodie
in Papatu vocant Suffraganeos, vel Episcopos
Titulares, quorum operâ vicariâ Episcopi utun-
tur, eorum in Ecclesia ministerium neque lici-
tum, neque necessarium est, cum singulis Epi-
scopis mandatum sit, ut ipsi per se, atque operâ
suâ, non per alios vicarios, aut substitutos, Ec-
clesiam pascant.

DISPUT. XXVI.

De Cœlibatu Ministrorum
Ecclesiæ.

THESIS I.

QUicumque Divini Verbi Ministerio sunt consecrati, abstinere debent ab omnibus iis, quibus sanctissimæ hujus vocationis aut dignitas inquinatur, aut functio impeditur; inter quæ legitimum conjugium æquaquam reputari, ac proinde neque Cœlibatus ut præcisè necessarius, ordinibus sacris annecti debet.

II.

Conjugium enim legitimum non est inquinamentum, aut opus carnis, sed sanctum DEI institutum, & honestum adversus omnem animi & carnis immunditiam remedium, quod a iis vitiis est, & in quo non minus castè atque *inagratè* quam extra conjugium vivere licet. Quare uti olim in V. T. Sacerdotibus omni quidem pollutionum genere severè interdicebatur, sed legitimo conjugio nunquam fuit interdictum, ita neque Ministris Ecclesiarum Novi Testamenti conjugium usquam in Scripturâ prohibetur, tametsi passim in eisdem *conjugiis, a iis inagratè, & similes virtutes* sciri requirantur.

An Cœlibatus sit sacris ordinibus annexus?

An conjugium sit inquinamentum carnis, & Ministris prohibitum?

*a Heb. 13. 4
b continenter,
c temperantia, sanctitas, continentia,*

III.

An conjugij difficultates impediant Ministerij functionem?

a 1. Tim.
3.5.

Ac tametsi conjugium suas secum ferat sollicitudines, difficilibus præsertim temporibus, ex tamen non sunt tales, ut functionem Ecclesiasticam impediant, cum Episcopus & a Ecclesiæ & domui suæ benè præesse simul possit: neque tantæ, quin longè majores molestias & difficultates coactus cœlibatus secum ferat. Habet & conjugium suas vicissim commoditates, quibus Ministri in laboriosissimo, ac molestissimo Ecclesiæ Ministerio sublevantur & refocillantur.

IV.

An Apostoli uxores suas demiſerint?

b vers. 3.
c vers. 4.

Quare Apostoli uxores, quas ante vocationem ad Apostolatum habuerunt, nusquam leguntur dimisisse, neque conjugium Ministrorum Ecclesiæ improbatæ, aut prohibuisse. Sed contrà, suo exemplo palam ostenderunt, id ipsum etiam in Novo Testamento Ministris Ecclesiæ liberum & licitum esse; conjugatos ad Ministerium admiserunt, & disertè docuerunt admitti posse viros b unius uxoris, & qui c liberos habeant. Jure itaque divino atque instituto Apostolico ad Ministerium ordinari possunt Conjugati, & qui cœlibes ordinati fuerunt, liberè & sine peccato possunt, si velint, conjugium contrahere.

V.

An in primitivâ Ecclesiâ conjugati Ministri fuerint?

Eadem fuit primitivæ Ecclesiæ praxis, quæ conjugium Ministris Ecclesiæ per aliquot secula liberum reliquit, & multos habuit præstantissimos Ecclesiarum Ministros atque Episcopos, qui mariti fuerunt, & in legitimo conjugio liberos

pro-

procreant, uti historix, Canones multorum Conciliorum, & exempla Chæremonis, Spiridionis, Polycratis, Gregorij Nazianzeni, atque aliorum clarissimè testantur. Tandem cœlibatus, cum tanquam status matrimonio longè perfectior & sanctior, in admiratione & veneratione esse inciperet, ita ut cœlibes à multis tanquam cœlites suspicerentur, progressu temporis varijs artibus & prætexitibus in ordinem Ministrorum irrepit, ita ut cum prius liberæ esset observationis, tandem vim legis acciperet. Cæterum leges illæ, quibus Ministris Ecclesiæ conjugium interdicitur, & perpetuus cœlibatus imperatur, non tantum tyrannicæ sunt, contra omnem æquitatem, sed etiam impiæ, contra expressum Dei verbum introductæ, & meritò appellari possunt *d. de Sacerdotio Sacerdotum*, quæ horrendam scelerum colluviem, & fructus execrables in Christianum orbem invexerunt.

VI.

Adulteri, Scottatores, concubinarij, & qui repudiata temerè vxore, & eâ adhuc superstite alteram duxerint, quod Apostolorum temporibus ex legis Mosaicæ licentia apud Iudæos sepe fiebat, neq; ad Ministerium ordinari, neq; ordinati in Ministerio tolerari debēt. * Maritus omnis vivēti vxori divinctus est per legem, ac proinde vivente vxore mœchus vocabitur, si fiat alterius vxoris: sin autem mortua fuerit vxor, liber est à lege illa, ut non sit mœchus si ad alias nuptias transeat, sed liberum & licitum ei sit iterum aliam vxorem ducere, quam velit: tantum in Domino. Idem licet etiam Ministris Ecclesiarum qui non tantum

semel

*d. doctrina
demonstrum.*

1. Tim. 4.

*An Digni
mi ad Mi-
nisterium
sint ad-
mittendi,
vel in eo
tolerandi?*

** Rom. 7.*

2. 3.

*Can. Hac
ratione
Causa 31.
Quaest. 1.*

semel matrimonium contrahere, sed demortuâ priore conjunge ad secundas nuptias transire possunt: ita ut Digami, qui successivè duas vel plures duxerunt vxores, ad Ministerium ordinari possint, & qui ordinati sunt, ijs in hac successivâ digamiâ vivere liceat. Quare detestanda est extrema illa & blasphema Pontificiorum impudentia, quâ Canonem hunc approbant, aut saltem tolerant, quò dicitur: Secundam accipere secundum Apostoli præceptum licitum esse, secundum autem veritatis rationem verè esse fornicationem.

DISPUT. XXVII.

De Stipendijs, et Immunitatibus
Ministrorum Ecclesiæ.

THESIS I.

*An Eccle-
sia Mini-
stru debeat
stipendia
persolvere?
a victum
ejus.
b spiritualia.
c carnalia.
1. Cor. 9. 11
d 1. Cor. 9.
7.*

FVNctio Ministerij Evangelij tanti laboris & momenti est, ut integrum planè hominem nullis alijs occupationibus distractum requirat, qui cum huic functioni soli vacat atque incumbit, æquum est ut huic operario *a* in re ipsa, quâ dignus est, suppeditetur, utque is qui *b* iniquitatem seminat, *c* in bono operari ab Ecclesia metat. Quare ut nemo stipendijs suis militat, *d* ut qui vineam plantat de fructu ejus edit: qui gregem pascit, de lacte ejus edit: qui arat, *e* sub spe arat: qui sacris operatur ex sacrificio vivit, sic eti-

e 1. Cor. 9. 13. 14.

am

am DEVS ordinavit, ut qui Evangelium prædicant, ex Evangelio vivant, utque *ἵνα ἀπὸ τοῦ εὐαγγελίου ζήσιν* communicet *ἵνα ἀπὸ τοῦ εὐαγγελίου ἡ τροφή αὐτῶν γένηται*. Iure itaque Divino Ecclesia tenetur Ministris communicare ex bonis suis, quantum ijs ad frugalem honestamque vitæ & familiæ sustentationem erit necessarium.

II.

Modus hujus communicationis in Novo Testamento nullâ certâ lege est circumscriptus, sed cum charitas, pietas, & commoditas pro Ecclesiarum & temporum ratione optimè definiunt. Quare licet in Veteri Testamento DEVS cum lege definiverit, & Levitis decimam proventuum partem persolvi mandaverit, ea lex tamen hodie in Novo Testamento non est præcisè imperata, neque etiam necessaria, quamvis neque injusta est, sicuti Magistratus Christiani autoritate sancita fuerit, qui semper tenetur commodissimam fovendi Ministerii rationem inire, sive ex decimis, sive ex collectis, sive ex aliis proventibus, prout maximè ædificationi Ecclesiæ, & Ministerij dignitati servitutum pro Ecclesiæ, temporis, aut loci constitutione arbitratus fuerit. Ecclesia itaque Christiana hodie nec jure naturæ, nec jure Divino tenetur præcisè Decimas, seu decimam bonorum partem, Ministris persolvere.

III.

Ministri Ecclesiarum, quia etiam cives sunt & pars Reipublicæ pari jure & jugo cum cæteris civibus onera Reipublicæ sustinere tenentur: neq; ab vllis civium oneribus jure divino eximun-

ἔ Gal. 6.6.

*An Ecclesia Christi-
ana præci-
sè teneatur
ad Deci-
mas Mini-
stris per-
solvendas?*

*An Mini-
stri ab one-
ribus Rei-
pub. ex-
ce-*

*Vestigalibus
jure divino
eximantur?*

tur. Quare ut Christus pro se & Petro vestigalia persolvit, ita subditis & civibus quibusvis mandavit, ut Cæsari dent, quæ sunt Cæsaris. Laudanda tamen est pietas Principum & Magistratum Christianorum, qui Ministros verbi, ut tanto expeditius muneri suo vacare possint, à quibusdam oneribus personalibus puta militiâ, vigiliis, telis, & similibus, quibus à Ministerio avocarentur, aut ab oneribus sordidioribus, ne Ministerium vilescat, speciali privilegio, & benignâ indulgentiâ eximunt. Neque improbanda est Principum liberalitas, cum Ministros etiam à persolvendis tributis immunes esse volunt, ut subsidium ab Ecclesia collatum sustentandis eorum familijs tanto melius sufficiat. Præstat tamen et potius stipendium illis tanto liberalius erogare, quo possint in voluntariâ vestigalium persolutione reliquis civibus tanquam exemplaria præstare, & concives tanto efficacius ad vestigalium solutionem exhortari.

IV.

An principes Christiani teneantur Ministros necessarii eximere ab oneribus Reip.?

An exemptionis semel facta possit renovari?

Ad hanc exemptionem præstendam principes Christiani jure divino præcisè non obligantur. Quare eam ab invitis Magistratibus tanquam jure divino nitentem extorquere Ministri etiam non debent, quod ipsum in Papatu quidem egregium pro asserenda Ecclesiæ libertate facinus laudatur, revera tamen nihil aliud est quam manifesta, atque intoleranda rebellio. Possunt etiam Principes Christiani hanc exemptionem semel factam justas ob causas, iterum revocare, quotiescunque id ipsum ad Ecclesiæ aut Reipublicæ utilitatem necessarium arbitrati fuerint, aut Mi-

nistri privilegiis hæc abutuntur. Cumque hodie Ministri Pontificii immunitatibus, quæ priorum Principum Privilegiis olim Ecclesiasticis personis concessæ fuerunt, tam forè ad ignaviam, luxum, & flagitia cum maximo Ecclesiæ & Reipublicæ detrimento abutuntur, ipso jure hæc privilegiis exciderunt, & privari jamdudum sunt commercii. Seriò itaque Principes Christiani cogitare tandem debent, an æquum sit in tanta bonorum Ecclesiasticorum affluentia istis immunitatibus tot otiosorum ventrium luxum atque ignaviam foveri, atque interim reliquos subditos tanto gravioribus vectigalibus onerari.

V.

Nec tantum communia cum reliquis civibus onera Ministri ferre tenentur, sed etiam communibus legibus obtemperare; & secundum easdem communibus judiciis subjecti esse debent, obligatione non tantum directivâ, sed etiam coactivâ: non tantum quoad obedientiam, sed etiam quoad pœnam: neque tantum in civilibus, sed etiam in criminalibus causis. Personæ itaque Ecclesiasticæ nullo jure nec divino, nec naturali, neque civili, à potestate & jurisdictione legitimi Magistratus politici eximuntur, aut eximi debent, sed ut *omnis* anima potestatibus supereminentibus subjici, omnesque Christiani cuius humanæ ordinationi, sive Regi, sive præsidibus, propter Dominum subditi esse debent, ita imprimis decet Ministros Christi atque Apostolorum exempla hac in parte imitari, & voluntaria subjectione atque obedientia reliquis civibus præluce: neque vlla ratio est, quare ab

*An persona
Ministro-
rum Eccle-
siæ sint jure
divino ex-
empta à ju-
risdictione
Magistra-
tus politi-
ci?*

3. 1. Car.

13.

hâc subjectione eximi vnquam debeant.

VI.

*An Mini-
stri Magi-
stratibus
subsint in
causis Ec-
clesiasticis?*

Causæ, in quibus personæ Ecclesiasticæ legiti-
mis Magistratibus subsunt, aut sunt Ecclesio-
sticæ, aut Politicæ. In causis Ecclesiasticis Mini-
stri Ecclesiarum iudiciis aut mandatis Magistra-
tum Christianorum non sunt penitus exempti.
Quamvis enim causæ, quæ merè sunt Ecclesiasti-
cæ, quales sunt quæ ad Doctrinam, aut Discipuli-
nam Ecclesiæ spectant, & tantum ad rationem
conscientiæ pertinent, secundum jus divinum, &
autoritatem Ecclesiæ DEI demandatam, non in
Prætorio, aut coram politico tribunali, secundum
leges civiles, sed in conventibus Ecclesiasticis, se-
cundum verbum DEI, & Canones Ecclesiasticos
ordinariè iudicari debeant; tamen vt laudata pi-
rum in V. T. Regum exempla docent, etiam Chri-
stiano Magistratui supremo competit huic ordi-
nari præesse, eumque tueri, ac moderari, ne quid in
conventibus Ecclesiasticis præter aut contra ver-
bum DEI agatur, aut definiatur, & sententiam
ibidem latam, si eam in conscientia sua approba-
re queat, iudicio suo supremo confirmare, vt vim le-
gis in Ecclesia publicè obtinere possit. In extra-
ordinarijs Ecclesiarum reformationibus supre-
mus Magistratus Christianus etiam causas merè
Ecclesiasticas, ad doctrinam & disciplinam spe-
ctantes, tractare & iudicare, atque Ecclesiis suis,
quibus vt nutritor præest, docenda & agenda secun-
dum DEI verbum præscribere potest. In causis poli-
ticis, siue eę sint civiles, siue criminales, siue perso-
nas, siue bona Ecclesiasticorum spectent, omni mo-
do, & pari jure, atque obligatione, cum

*An subsint
in causis
politicis?*

cæteris civibus politici Magistratus judicijs & tribunalibus, Ministri Ecclesiarum quicunque tandem illi sint, jure Divino sunt subjecti: neque ullis Principum aut Imperatorum privilegijs, quæ juri Divino derogare nihil possunt, ab hac subjectione eximi aut debent, aut legitimè possunt.

DISPUT. XXVIII.

De Monachis, & Eremitis.

THESIS I.

Ministrorum Ecclesiæ Novi Testam. ordinibus non debet accenseri ordo Monachorum & Eremitarum, qui hodie in Papatu reperiuntur, quorum nomina cum Veteris tum Novi Testamenti Scriptura planè ignorat. Institutum vero itidem tum in Judaicâ, tum etiam in Apostolicâ Ecclesiâ penitus fuit incognitum, & demum post aliquot ab Apostolorum temporibus secula incepit. Occasionem vitæ Eremiticæ dederunt graves illæ in Ecclesiâ primitivâ Persecutiones, quibus pii viri in solitudines aufugere ibidemque commorari coacti, tandem necessitatem in voluntatem verterunt. Monasteria primitus fuerunt instituta, ita ut in pijs procul ab hominum turbâ commodius sacri Ministerij candidati in sacris instituerentur, æque ad Ministerium Ecclesiasticum præpararentur.

Vade institutum Monachorum & Eremitarum originem habeat?

II.

An Eremitarum & Monachorum status sit perfectior? a cultibus voluntarijs.

An hodierni Monachi aliquid commune habeant cum proficijs?

b exercitia.

Hodie extra periculum persecutionis quicunque in solitudinem aufugiunt, ut ibidem austeriori quadam vivendi ratione sponte susceptâ vitam æternam promereantur, illi DEVM hinc a idolo digne colunt frustra colunt, Christi merita superstizioso hoc cultu abnegant, proximi dilectionem multis modis violant ac negligunt, officia pietatis & charitatis à DEO præscripta deserunt, & seipsos sine vilo DEI mandato multis periculis & tentationibus exponunt, & stulto atque inani labore frustra fatigant. Monachus etiam, qui hodie in Papatu conspicitur, tantum abest ut sit status, qui homini conferat maiorem sanctitatem aut perfectionem, nunc ita superstitionibus, idololatriâ, & variis impuritatibus inquinatus est, ut homini Christiano salvâ conscientia in eo permanere non liceat. Quin & hodierni Monachi cum antiquis illis Monachis, qui prioribus seculis vixerunt, vix aliquid, vel quod ad doctrinam, vel quod ad vitam, commune habent. Prisci enim Monachi in austeriore illo & solitario vivendi modo nullum meritum, aut satisfactionem pro peccatis ponebant, neque de operibus supererogationis erroneam hanc opinionem habebant: neque etiam ex tribus illis essentialibus Monachorum votis vllum, nedum omnia simul, nuncupasse leguntur. Monasteriorum ordinis Ecclesiastici erant quasi seminaria quædam, & pietatis b domus, in quibus plerique omnes manibus suis laborabant. Hodierna vero Monasteria pleraque quid aliud sunt quam lustra ganeonum, palestræ contentio-

num, factionum, & rixarum, & harum in quibus Epicuri de grege porci amplis redditibus saginantur? Quare rectè faciunt Principes Christiani, qui hæc lustra evertunt, & redditus in alios pios vltius convertunt.

III.

Sicut ipse totus Monachatus, ita etiam diversi Monachorum Ordines inventum sunt, idque recentius, hominum supersticiosorum, non tantum inutile Ecclesie, sed etiam gloriæ Christi, & vnitati Christianorum notum. Cum enim fideles omnes Christi sint, & ab eo Christiani appellentur, & nemo in hominibus gloriari debeat, quemadmodum olim Apostolus Corinthios acriter reprehendit, quod dicerent, Ego sum Pauli, alii Ego sum Apollos; ita merito, ac multo magis, hodierni Monachi reprehendendi sunt, cum dicunt Ego sum Augustini, Ego sum Francisci, Ego sum Benedicti, Ego sum Domini, &c. Diversæ Monachorum sectæ tempore Augustini nullæ adhuc fuerunt, sed longè post ejus tempora, seculo demum vndecimo, & circiter, Monachatus in sectas dividi cæpit, quæ sequentibus seculis à superstiosis hominibus ita sunt multiplicatæ, ut Imperatores, atque ipsi tandem etiam Papæ Romani, coacti fuerint legibus latis multiplicationem eam severè inhibere. Nonnulli Ordines, qui hodie in Papatu in maximo sunt pretio, hominum memoria sunt inventi, quales sunt ordines Lajolitarum, qui sanctissimo IESU nomine ad sectam suam mangonizandam blasphemè abutuntur, Capucinorum, & similium. Sunt autem omnes illæ

*Andree/a
Monacho-
rum sectæ
sunt licitæ,
& Ecclesia
vtilis?*

*c 1. Cor.
3. 4.*

*An remissa
culpa pro
pœna ad-
huc sit sa-
tisfacien-
dum?*

*An tempo-
rales affli-
ctiones sint
pœna satis-
factoria?*

*à redem-
tor.*

*e Isai. 53.
5. 6.*

catorum à Deo impetratur. Deus enim nobis peccata condonat gratis. Gratuita autem Condonatio nobis facta non potest cum nostra Satisfactione villo modo consistere. Remittit etiam plenarie non tantum culpam, sed & pœnam, inter quæ duo ex ordine iustitiæ tam arcta est unio, ut sublata culpâ omnem quoque pœnam propriè dictam, non tantum æternam, sed etiam temporalem, auferri sit necesse. Temporales verò afflictiones non immittuntur à Deo verè pœnitentibus, ut pœnæ propriè dictæ, id est, pro peccatis satisfactoriæ, sed ut paternæ castigationes, quibus ad salutem erudiuntur. Deinde solus Christus, vnicus *d' au péché* nollet non tantum pro culpâ nostrâ, sed etiam pro omni pœnâ plenissimè satisfacit: castigatio pacis nostræ ei imposita fuit, & tunice ejus nos curati sumus. Deus fecit, ut in eum incurreret pœna omnium nostrum. Et quis denique obedientiâ suâ poterit satisfacere pro peccatis præteritis, qui ad præsentem obedientiam singulis momentis obligatus est? Quare multis modis impium est Pontificiorum commentum de Satisfactionibus humanis, quo manifestè Deus iniustitiæ insimulatur, proprius Iesu Christi honor sacrilegè ad homines, eorumque supersticiosas ineptias, transfertur, conscientiarum hominum aut ad desperationem adiguntur, dum perpetuò dubij herent, an satis perfectè peccata compensare possint, aut ad securitatem carnalem & hypocritin prolabuntur, dum leuibus satisfactoriis peccata expiari posse sibi persuadent, in istisq; securi acquiescunt.

VI.

Fatemur quidem verè pœnitentem, si vel publice

licè gravi scandalo Ecclesiam offenderit, vel privatim proximi famam vel bona læserit, debere publicè peccati coram Ecclesiâ Confessione, & Pœnitentiæ per fructus declaratione, pro dato scandalo Ecclesiæ, & agnitione culpæ, reparatione famæ, & restitutione ejus quod injustè ablatum erat, proximo satisfacere. Quem in finem etiam in primitivâ Ecclesiâ ejusmodi Satisfactionum modi & tempora Pœnitentibus præscribentur, ut ipsi tanto melius peccata sua agnoscerent, & Ecclesiæ de feriâ eorum resipiscentiâ tanto evidentius constaret. Atque hæc Pœnitentiæ testificatio vocari solet Pœnitentia Ecclesiastica. Sed istis Satisfactionibus hominibus tantum pro scandalo aut injuriâ, non autem Deo pro peccatis satisfiebat. Nostræ Ecclesiæ easdem hodieque in usu habent, licet eam non adhibeant severitatem, quæ olim in veteribus Ecclesijs fuit usurpata, in qua nonnunquam eas modum excessisse negari non potest.

Quales satisfactiones à Pœnitentibus in primitivâ Ecclesiâ exigi soleant?

DISPUTAT. LII.

De Indulgentijs,

ET

De Jubileo.

THESIS I.

Pœnitentia Ecclesiastica olim in primiti-

Indulgentia in primitiva Ecclesia quales olim fuerint?

a probatione.

h' aliquid largiri vel condonari.
2. Cor. 2. 7.

Indulgentia in Ecclesia Romana quales sint?

va Ecclesiam quemadmodum pro delicti vel offendi-
culi ratione certis temporum spatijs, & præscriptis
per canones Ecclesiasticos exercitamentiis quibusdam
quasi pœnalibus definiebatur, ita licebat Ecclesiarum
Ministris animadverso lapsi & ligati peccatoris studio in
approbandam Ecclesiam resipiscentiâ suâ, mitius cum eo
agere, & tum pœnarum canonicarum asperitatem nonnihil emol-
lire, tum etiam tempus a *diuini* contrahere, quæ
mitigatio, seu relaxatio, vulgò *Indulgentia* dicta
fuit. Hujusmodi Indulgentiarum vsui in Ecclesia
semper locum esse debere, non tantum ex Ecclesie
primitivæ praxi, sed etiam ex Apostolico mandato
agnoscimus. Debet enim Ecclesia tali pœnitenti
b' *consolari*, eum consolari, ne quo modo hujusmodi
viciâ abundantia tristitia absorbeatur.

II.

Hodie verò Pontificij Indulgentias vocant remissiones
seu relaxationes pœnarum temporalium, peccatis com-
meritarum, & tum in hac vita, tum præcipuè in
Purgatorio luendarum, ad quas post remissionem
culpe homines nihilominus obstringantur: docentque
Pontificem Romanum, & Episcopos ac Metropolitanos,
habere eam potestatem, ut vel per se, vel per legatos
suos, ille omnibus hominibus, hi verò suis tantum
subjectis, non tantum viventibus, sed etiam mortuis,
& in Purgatorio existentibus, ex quodam Thesaurò
Ecclesiastico dispensare possint remissiones pœnarum
temporalium vel in aliquot dierum & annorum
centurias, vel omnino & in perpetuum, quibus
remissionibus liberentur homines à pœnis

peccato-

peccatorum non tantum commissorum sed etiam committendorum, nec tantum in Ecclesiæ, sed etiam in ipsius Dei iudicio.

III.

Huiusmodi Indulgentias non tantum Apostolica & primitiva Ecclesia ignoravit sed etiam Sacra Scriptura aperte damnat. Docet enim culpam peccatorum à Deo resipiscentibus ita condonari, ut simul etiam omnes pœnæ non tantum æternæ, sed & temporales remittantur: Idque fieri tantum in hac vita, post quam nulla fidelibus pœna maneat fictitij Purgatorij ignibus expianda, neque infidelibus vlla pœna remittatur: temporales piorum in hac vita afflictiones non esse pœnas propriè dictas, sed tantum paternas castigationes & salutare probationes: Deum non tantum partem aliquam pœnarum committere, sed omnem omnino & culpam & pœnam resipiscenti peccatori plenissime remittere: Solius Dei esse, ut supremi Iudicis, peccata remittere aut retinere: homines verò remissionem peccatorum ministerialiter tantum annuntiare: Iudicia Ecclesiastica tantum exa vivos exercenda, & ab ijs mortuos omnino exemptos esse: Statum mortuorum aut esse beatum, in quo nullis indulgentijs opus habent, aut damnatum, in quo nullis indulgentijs iuari possunt, & tantum rigidis iustisque pœnis locus est: Quare Indulgentiæ Pontificiæ verbo Dei directè sunt contrariæ, plenæ sunt superstitionibus & erroribus gravissimis, cum Dei iustitiâ, cum gratitiâ ac plenariâ peccatorum remissione pugnant, Christi plenissimam pro peccatis nostris satisfactionem

evacuante,

*Quid sit
sentiendū
de Indul-
gentijs Pō-
tificijs?*

evacuunt, hominibus peccandi licentiam, & securitatem carnalem pariunt: ac propterea nec piz, nec viles, nec necessariæ sunt, sed multis modis sunt impiz, & gloriæ Christi ac veræ pietati noxiæ, & nihil aliud quam sacrilega & abominanda hominum inventa, & Papalis avaritiæ ac rapinæ instrumenta, quibus homines stultè creduli multipliciter emunguntur, & turpiter deluduntur.

IV.

*An et qualis sit The-
saurus Ec-
clesiasti-
cus?*

Nec minus impium, blasphemem, & sacrilegum figmentum est Thesaurus ille Ecclesiasticus, cui tanquam fundamento Indulgentiæ Pontificiæ innituntur. Duceat enim non tantum Dominum nostrum Iesum Christum multas habuisse superfluas perpeffiones, sed etiam beatam Mariam Virginem, Joannem Baptistam, Prophetas, Apostolos, aliosque Sanctos multa habuisse superflua merita, quæ simul in vnum Thesaurum Ecclesiasticum sint congesta, cuius dispensatio sit Pontifici Romano concredita, qui hæc merita, ut sint satisfactiones pro peccatis, applicare possit pro libitu suo quibuscunque ipsi vilum fuerit, sive viventibus sive mortuis. Quid verò magis blasphemum esse potest, quam pretiosissimum Domini nostri Christi Agni illius immaculati sanguinem cum hominum peccatorum sanguine commiscere? Quid magis sacrilegum quam perfectissimæ Christi Satisfactioni, & perpeffionibus ejus infiniti valoris adjungere opera hominum peccatorum tanquam satisfactoria non tantum pro se, sed etiam pro alijs? Quid hoc aliud est, quam apertissime sufficientiam meriti Christi ab-

negare?

negare? Perfectissima Christi Satisfactio The-
saurus est Ecclesiae inexhaustus, qui vnus ad con-
sequendam à Deo peccatorum omnium indulgen-
tiam seu remissionem abundantissime sufficit, cu-
jus dispensationem solus habet is, qui claves ha-
bet inferorum & mortis. Passiones Christi infi-
niti quidem valoris agnoscimus, sed aliquas fuisse
superfluas nec Scriptura docet, nec iustitia Dei pa-
tetur. Reliqui autem sancti homines, quicunque
tandem illi fuerint, ne ipsa quidem sanctissima
Matre Domini excepta, cum omnes in peccatis
sint concepti & nati, & proculdubio peccatis
etiam actualibus commaculati, nihil vnquam
passi fuerunt, quod secundum Dei iustitiam non
erant commeriti, tametsi per gratiam Dei passio-
necorum non ex iustitia puniente, tanquam
poenae pro peccatis satisfactoriae, sed ex miseri-
cordia, vt paternae castigationes & probationes
fuerint immixtae: & quicquid vnquam fecerunt,
illud omne ex debito eorum, ad quod multis ra-
tionibus obligati erant, profectum fuit. Quare
nulli Sancti operibus vel perpeffionibus suis Deo
pro peccatis suis satisfacere, vel coram Deo mereri
possunt, tantum abest, vt aliqui superflua habue-
rint merita, quibus etiam pro aliorum peccatis
possit satisfieri. Hac enim ratione ex Sanctis Re-
demptores suos, saltem ex parte, faciunt: qui ta-
men ipsi nullum vnquam in operibus aut perpeff-
sionibus suis meritum, aut vim satisfactoriam, vel
pro se, vel pro alijs, collocarunt, sed omnes sese
indignos peccatores damnationi in se obnoxios
agnoverunt, & ad consequendam salutem non ad
sua, sed ad vnius Christi merita confugerunt.
Qui igitur meritis suis ne suas quidem ipsorum

*An Chri-
stus habue-
rit super-
flua meri-
ta?*

*An Sancti
habuerint
superflua
merita?*

animas potuerunt, illi multò minus aliorum animas redimere potuerunt. Qui sibi damnationem erant meriti, alijs absolutionem à peccatis mereri non possunt.

V.

An Papa Romanus summam potestatem habeat Indulgentias dispensandi?

Pastoribus Ecclesiarum omnibus, pari jure, non tantum datum est ut possint, sed etiam mandatum est ut debeant, lapsò & ligato peccatori, cum pœnitentiam suam Ecclesiæ seriò probaverit, veniam indulgere, & in Ecclesiæ communionem recipere: item omnibus verè pœnitentibus & in Christum credentibus absolutam omnium peccatorum remissionem in nomine Christi annuntiare, atque ita peccatores solvere: sed nusquam in Scriptura legimus Episcopo Romano datam esse in terris summam auctoritatem, hominibus tum vivis tum mortuis, pœnas temporales peccatis commeritas relaxandi seu remittendi, & merita tum Christi tum Sanctorum per Indulgentias applicandi. Nusquam etiam docet S. Scriptura Sanctos habere aliqua merita, quæ vel sibi vel alijs in remissionem peccatorum applicari possint: remissâ culpâ pœnam à Deo retineri: mortuis post hanc vitam pœnas irrogari temporales, quibus pro peccatis eorum satisfiat, & à quibus tandem liberari possint: mortuos suffragijs aut operibus pœnalibus viventium juvari posse: esse in neminem aliquem Purgatorium, in quo tanquam in carcere quodam, post hanc vitam peccata pœnis temporalibus expiuntur: Papam Romanum hujus carceris habere claves, & ex eo posse emittere animas, quaslibet libuerit. Mortuos ad jurisdictionem Papæ pertinere: Papam Romanum

posse

posse Deo iudici præscribere dies & annos, quibus peccator puniri debeat. Mera itaque sunt hominum commenta, quæcunque Pontificij de Indulgentijs suis, Thesauro Ecclesiastico, & Papæ Romani potestate dispensativâ nugantur, conficta ad turpem quæstum, vt huiusmodi imposturis thesauros mundi sibi acquirant, quibus meritum & satisfactio Christi, & Dei gratuita peccatorum remissio planè evertuntur.

VI.

Nec minus fœda, blasphema, & sacrilega est nundinatio illa harum Indulgentiarum, quæ in Papatu eundem in finem ordinariè omnibus annis exercetur, & quatum certis quibusdam annis, puta singuliscentenis, quinquagesimis, aut vigesimis quintis, quos Iudaizantes vocant annos Iubilæos, solemnibus quasi mercatus instituitur. Annus enim Iubilæus, qui potius à *Iobel*, id est, buccinâ, quâ proclamari solet, quàm à *Iehol*, id est, germinatione, dictus videtur, à Deo in V. Testam. fuit institutus, vt esset Christi ejusque beneficiorum typus, qui propterea cum denuò in Ecclesiam hodie introducitur apertè Iudaismus reducit, & ad *sedm cui vixit* *evangelia* retrosum reditur. Neque olim in V. Testam. eum in finem à Deo annus ille fuit institutus, vt in eo turpis huiusmodi Indulgentiarum nundinatio institueretur. Neque fideles vquam in V. Testam. eum aut similem in finem hunc annum celebrarunt. Apostoli nos docent metuendum esse ne illis, qui *d* annos & tempora observant, Christus frustra sit prædicatus: & post adventum Christi, qui corpus est, vmbra

*Quid sit
sentiendum
de anno
Iubilæo?*

c Gal. 4.9.

*d Gal. 4.
10.*

illas omnes debere cessare. Iudaica itaque superstitio est inter Christianos nequaquam ferenda, anni Iubilæi observatio in N. Testamento: estque recentius Paparum Romanorum institutum Apostolicæ & primitivæ Ecclesiæ per multa secula incognitum. Modus etiam, quo cum Pontificij celebrant, non tantum superstitiosus est & ridiculus, sed & planè idololatricus & blasphemus, cum remissionem peccatorum plenariam, quæ per solum Christi sanguinem quovis in loco obtinetur, promittunt omnibus, qui personaliter, ut vocant, hoc tempore Romæ basilicas Apostolorum Petri & Pauli visitant, imagines Christi & Sanctorum ibidem religiosè venerantur, aut ceremonijs illis ridiculis assistunt, easve eminèns aspectant. Hæc igitur omnia, præterquam quod in Sacra Scriptura nullum omnino fundamentum habeant, tam crassa, turpia, & abominanda sunt hominum figmenta ad turpem quæstum inventa, ut non minus mirandum quàm dolendum sit, stuporem tam pecuniarum hominum mentes ita occupare potuisse, ut credant talibus nugis peccatorum remissionem coram Deo obtineri posse: & ipsos Pontifices Romanos non pudere tandem in tanta Evangelij luce mundum Christianum tam crassis & ridiculis ineptijs ludificari.

DISPVAT. LIII.

De Vnctione extrema,

E T

De Ordine.

T H E S I S I.

Quamdiu sanationum miraculorum dona in Ecclesiâ Apostolicâ, & primitivè exordiis viguerunt, Apostoli, eorumque Discipuli his ~~et~~ ^{sanationum} donis præditi, in sanandis corporalibus morbis præter alia signa externa, sæpè etiam adhibere solent *Vnctionem olei*, cujus frequens in illis regionibus usus erat, ut hoc externo & visibili signo testarentur ex arcanâ Dei virtute provenire sanitatem, cujus illi tantum ministri erant. Vsitatum enim erat sub Lege, Spiritus Sancti gratiam oleo significari. Sed hoc Signum non fuit Sacramentum propriè dictum, seu à Deo institutum & perpetuò Ecclesiæ mandatum, ad promissionem gratiæ Evangelicæ de remissione peccatorum significandam atq; obsequandam: sed fuit tantum usurpatum extraordinariè ad morbos corporis miraculosè profligandos. Postquam autem dona miraculosa, quale & hoc sanationum fuit in Ecclesiâ cessarunt, signum etiam hoc cessare debuit: nec retineri, aut usurpari nunc potest, nisi ex stultâ & inani ~~c~~ ^c ~~magis~~ ^{magis}, & magnâ cum superstitione.

Qualis vnctio tempore Apostolorum fuerit visitata, et quem in finem? a sanationum.

An fuerit N.T. Sacramentum?

c amulatione.

II.

*Quali vn-
ctione ho-
die Ponti-
ficij vnan-
tur?*

Vnctio autem olei extrema, quam hodie Pontificij usurpant. est actio Episcopi aut Sacerdotis Pontificij, quâ post recitatas quasdam Letanias oleo olivæ, certâ verborum formulâ ab Episcopo solemniter exorcizato, & consecrato, ægrotorum in vitæ exitu constitutorum septem corporis partes, scilicet oculi, aures, nares, os, & manus, ut quinq; sensuum organa, & simul renes & pedes inunguntur; cum pronuntiatione horum verborum: *Per istam sanctam vnctionem, & suam piissimam misericordiam indulgeat tibi Deus quicquid deliquisti per visum, etc.* Hunc potissimum in finem ut hæc vnctio animæ ægrotantis conferat invisibiliter gratiam Spiritus Sancti, & per eandem delicta peccatorum, si quæ adhuc sint expianda, & reliquæ peccatorum abstergantur, & anima ægrotantis adversus tentationes Diaboli confirmetur.

III.

*An vnctio
hæc Ponti-
ficia ali-
quid com-
mune ha-
beat cum
vnctione
Apostolicâ?*

Hic vnctionis ritus, nec à Christo, nec ab Apostolis institutus aut usurpatus fuit: nihilque habet commune cum vnctione ab Apostolis usitata. Apostoli enim & qui Apostolorum tempore hæc vnctione vti fuerunt, præditi erant omnes dono sanationum miraculoso, quod Sacrificuli Pontificij non habent. Illi vixerunt ægrotos eum in finem, ut sanitati miraculosè restituerentur, hi vngunt tantum eos ægrotos, qui jam animam agunt, & quorum sanitas planè desperata est, neque vllum hominem per hanc vnctionem sanitati restituunt. Illi utebantur oleo simplici

fine

sine aliquâ solenni verborum formulâ: Hi non vntur, nisi oleo multis ritibus, & conjurationibus solenniter & operosè ab Episcopo consecrato, & certâ ac blasphemâ verborum formulâ. Illi non adhibebant aliquas peculiâres ceremonias præter hanc vnctionem, hi tùm in olei consecratione, tùm in ejusdem inunctione adhibent multas, variasque ridiculas ceremonias à superstitionis hominibus excogitatas, de quibus in verbo Dei nullum planè apparet mandati vestigium. Illi vnctionem hanc adhibebant, vt per miraculosam sanitatis adhibito hoc symbolo restitutionem, Doctrinæ Evangelicæ veritatem confirmarent, hi vt animam ægroti à peccatorum reliquijs purgent, & contra Diaboli tentationes muniant. Vnde manifestissimè apparet cum illo temporario ritu Apostolico, hunc Pontificium vnctionis ritum nullam planè habere communionem, nec Apostolicam vnctionem hujus figuram fuisse: ac proinde exemplo Apostolico extremam illam ægrotum vnctionem hodie ab illis vseratam non posse stabiliri.

IV.

Hæc itaque extrema vnctio cum à Christo non sit instituta, neque adjunctam habeat gratiæ justificantis promissionem, sed stultum, inutile, & inane sit hominum inventum, multiplici superstitione & blasphemâ plenum, nullo jure Sacramentum N. Testamenti appellari potest. Et cum huc ludicræ actioni efficaciam ascribunt non tantùm corpori sanitatem restituendi, sed etiam animam à peccati reliquijs purgandi, & contra Diaboli tentationes in agone roborandi, non

*An vnctio
Pontificia
sit Sacra-
mentum
Novi Te-
stamenti?*

*An vnctio
hæc possit
corpus sa-*

*nare, &
animam a
peccatis
purgare?*

tantum stultè effectum comminiscuntur, cuius nullum unquam specimen apparuit, sed etiam blasphemè externis & tetrenis elementis attribuant vinum illam, quæ Christi sanguini & Spiritui propria est. Quare unctio ista merito ex Christiana Ecclesia est exterminanda, ne homines fiduciam in rebus illis ludicris collocantes Deum graviter offendant, & ineptis talibus potè ludificentur. Nec propterea tamen ægroti sine præsidio contra Diaboli tentationes relinquuntur, cum alia sint remedia & efficaciora & à Deo ordinata, externa scilicet Ministrorum Ecclesiæ, & interna Spiritus Sancti consolatio, & præ tunc ægrotantis, tum fidelium pro ægrotante preces.

V.

*An Ministri aliquam
ceremoniam
ordinari
debeant?*

Ministros legitimè ad Ecclesiæ Ministerium vocatos convenit, exemplo Apostolorum & primitivæ Ecclesiæ; non tantum precibus, sed solemni actione, ac ritibus quibusdam, ordinis & decori causa, publicè inaugurare, ac Deo atque Ecclesiæ quasi consecrare, ut hac ratione Ministerij Ecclesiastici dignitas populo commendetur, & ordinari admoncantur se jam Christo ejusque Ecclesiæ in servitutem addictos. Hæc consecratio, seu ordinatio, non competit solis Episcopis, qui ita in Papatu vocantur, sed quibuslibet Ecclesiæ Ministris, quibus Presbyterium has partes demandaverit. Ritus, qui tempore Apostolorum in hac Ministrorum ordinatione adhibebatur, erat *impositio manuum*, qui et si satis commodus & decens est, non tamen præcisè est à Christo aut Apostolis imperatus, ac proinde est ritus adiaphorus, ordinis tantum & decori causa

*A quibus
illa sit ad-
ministran-
da?*

*An Imposi-
tio manuum
sit ritus
adiapho-
rus?*

vsur-

visurandus. Ceremoniæ autem, quibus hodie v-
tuntur Pontificij in ordinatione Ministrorum,
quales sunt vnctio, rasura in vertice, portectio
libri. patinæ, baculi pastoralis, præcisa verborum
formula, lintear vestes, cerei, cruces, & similes
non sunt ab Apostolis neque institutæ, neque v-
surpatæ, sed plenæ sunt Iudaica & ægyptiaca, &
superstitione.

VI.

Ritus autem, quibus Ministri inaugurantur,
quicunque tandem illi sint, multò iniurius ritus illi
Pontificij ab hominibus supersticiosus excogitati,
non possunt esse Sacramentum Novi Testamenti,
cum non sint omnibus fidelibus communes, nec
à Christo instituti, ut sint gratiæ Iustificantis
signa & sigilla. Nam etsi in V. Testam. ordina-
tio Ministrorum multis etiam ceremonijs perage-
retur, nunquam tamen illa ordinatio pro Sacra-
mento propriè dicto habita fuit. Adjunctam qui-
dem habent symbola ista assistentiæ divinæ in
Ministerio significationem & promissionem, sed
non Evangelicæ de remissione peccatorum gratiæ
obsignationem. Admonent etiam tunc populum,
tunc Ministrum ordinatum, officij sui, & dig-
nitatis Ministerij, sed non habent efficaciam
vllam, ut Ministros ad munus suum obcundum
reddant magis idoneos & habiles, multò minus
ut illis conferant gratiam iustificantem, aut im-
primant characterem aliquem indelibilem, qui
nec per apostasiam nec per hæresin deleri pos-
sit. Ordines Ministrorum Ecclesiæ Novi Te-
stamenti non esse septem, sed tres tantum, supe-
rioribus disputationibus fuit demonstratum:

inter

*An cere-
monia Pō-
tificiorum
in Ordina-
tione sint
ab Apostolis
instituta?
& amula-
tione.*

*An ritus
illi sint Sa-
cramenta
N. Testa-
menti?*

*Quæ sit ef-
ficacia bo-
rum ri-
tuum?*

*Quot sint
ordines Mi-
nistrorum
N. Test.?*

*An sint
Sacerdotes
in N. Te-
stam.*

inter quos non habent locum Sacerdotes propriè dicti. Potestas enim offerendi Sacrificium propitiatorium in Novo Testamento non potest conferri vlli homini mortali, sine magno sacrilegio, & manifestissimâ ac blasphemâ Domini nostri Iesu Christi vnici Sacerdotis nostri, qui in æternum manet, & perpetuum habet Sacerdotium, contumeliâ.

DISPVAT. LIV.

De Matrimonio.

THESIS I.

*Quid sit
Matrimo-
nium?*

*An status
virginalis
conjugalis
sit sancti-
ori?*

*An Matri-
monium
sit Sacra-*

Matrimonium est sancta Dei institutio, secundum quam duo homines, vnus mas & vna fœmina, ex mutuo & legitimo consensu, in individuam vitæ societatem, & corporum ac bonorum communionem coniunguntur ad Dei gloriam, & ipsorum bonum. In tali Matrimonio omnes fideles ei idonei, cuiuscunque tandem sint ordinis, non minùs sanctè & castè possunt vivere, quàm in cœlibatu, aut statu virginali: adeò vt status cœlebs seu virginalis, quauis suas habeat commoditates, & plerumq; minus curarum ac molestiarum secum ferat, non sit tamen statu conjugali in se perfectior, aut sanctior, aut Deo gravior. Coniunctio hæc vnius maris & vnius fœminæ in carnem vnâ, spiritalis illius conjunctionis, quæ inter Christum

Sponsum

Sponsam & Ecclesiam Sponsam ejus intercedit, est quidem illustris quædam imago, quamobrem etiam *a puris in pñ* in Scripturâ vocatur, sed pro Sacramento Novi Testamenti propriè dicto censeri nequit. Deus enim Matrimonium non instituit, ut esset gratiæ Evangelicæ de peccatorum remissione per Christum Mediatorem obtinendæ sigillum: nam etiam ante peccatum in ipso innocentie statu fuit institutum. Estque infidelibus commune, quibus tamen Sacramenta non sunt instituta, Si omnia Mysteria, aut Spiritualis Christi cum Ecclesia conjunctionis signa, qualia etiam sunt conjunctio membrorum cum capite, palmitum cum vite, & similia alia, pro Sacramentis propriè dictis essent habenda, infinitus Sacramentorum numerus procuderetur. Si Matrimonium est Sacramentum à Deo fidelibus institutum, ut Pontificij volunt, quo jure Ministros Ecclesiarum suarum ab eo arcent? Sin propterea; quod sit status impurus, in quo non liceat sanctè vivere, & quod sit carnis inquinamentum, quomodo poterit esse gratiæ Iustificationis Sacramentum? Cum Ordinem etiam inter Sacramenta numerent, cujus prophanatio sit Matrimonium, an Sacramenta lingendæ erunt, quæ se mutuo polluant & destruant? Matrimonium itaque rectè quidem sacræ cujusdam rei signum, & mysterium appellari, sed pro Sacramento propriè dicto haberi nullo jure potest, neque aut à fidelibus in V. Testamento, qui etiam in Matrimonio vixerunt, aut in Novo Testamento ab Apostolis pro Sacramento unquam fuit habitum.

*mentum
propriè dictum?*

*a magnum
mysterium
Eph. 5. 32*

II.

*Quomodo
Matrimo-
nium legi-
time con-
trahatur?*

b 1. Cor.

7.2.

*An Poly-
gamia vn-
quam fue-
rit licita?*

*An Diga-
mia sibi li-
ta & ho-
nesta?*

In doctrinâ de Matrimonio duo præcipuè re-
nunt consideranda. Primum est; Quomodo legi-
time contrahatur. Secundum; Quomodo contra-
ctum dissolvatur. In Matrimonio contrahendo
considerari debent Personæ contrahentes, & For-
ma contractus. In Personis contrahentibus, ea-
rum Numerus, & Qualitates. Numerus persona-
rum contrahentium tantum binarius esse debet,
vnius maris & vnius femine. Deus enim fecit
ab initio masculum & feminam, & ordinavit ut
illi Duo essent in carnem vnâ. Vnusquis-
que b vir vxorem habebit propriam, & femina
legitima viri sui coniux. Polygamia itaq; vera, cum
quis simul plures vxores habet, semper fuit insti-
tutionis diuinæ transgressio, aut saltem ab eadem
digressio, & in Patriarchis etsi respectu necessita-
tis quasi tolerata, nunquam tamen fuit licita: in
Gentibus autem nec licita vnquam fuit, nec tole-
rabilis. Polygamia verò seu Digamia successiva,
cum quis mortuâ priore conjuge ad secundas aut
alias deinceps nuptias transit, nec Lege Dei est
prohibita, nec inhonesta. Quare Ministris Eccle-
siarum licet etiam secundis nuptiis in Ecclesiâ pub-
licè benedicere, quia secundum hoc Matrimonium
non minus est verum & sanctum, quam primum.
Nec reddit hæc digamia aliquem inidoneum,
quo minus ad sacrum Ecclesiæ Ministerium pro-
moveri possit.

III.

*Quales
persona*

In Personarum contrahentium qualitate im-
primis considerandum est, ut sint idoneæ, tum

ad Matrimonium in genere, tùm ad tale Matrimonium in specie, seu cum tali personâ, contrahendum. In genere Matrimonium contrahere prohibentur alij propter ætatem impuberem, alij propter naturæ & adynamias. In specie non possunt simul Matrimonium contrahere personæ, quæ prohibito Lege Dei Consanguinitatis aut Affinitatis gradu sibi invicem sunt conjunctæ. Gradus Consanguinitatis & Affinitatis prohibiti omnes in verbo Dei, atq; imprimis Levit. XVIII. vel expressè, vel per analogiam & necessariam consequentiam continentur. Neque habet Ecclesia potestatem alios Consanguinitatis aut Affinitatis gradus prohibitos constituendi, præter eos, qui ita Lege Dei prohibiti sunt. Quare Pontificij impiè fecerunt, cum hinc sibi auctoritatem divinam arrogarunt, & olim vsque ad septimum, nunc verò vsque ad quartum Consanguinitatis & Affinitatis gradum conjugia prohibuerunt: hunc proculdubio in finem, ut hac ratione tanto plures dispensationum occasiones, & per consequens etiam lucri, sese offerrent. Nulli enim mortali licet conscientias hominum legibus suis ligare, ubi eas Deus non ligat: nec ijs libertatem eripere, quam Deus concessit. Sunt autem Leges illæ divinæ, quibus gradus prohibiti præscribuntur Levit. XVIII. & alibi, tam in V. quam in N. Testam. non solum constitutiones Legis judicialis, sed etiam pertinent ad Legem Moralem, atque adeò ad ipsam Naturæ legem. Quare nulli mortalium licet illas leges aut abrogare, aut mutare, aut contra eas dispensare. Ac proinde Papa Romanus cum sibi arrogat potestatem dispensandi in omnibus gradibus à

possint contrahere?

c impotentiam.

Quis Gradus Consanguinitatis & Affinitatis sint prohibiti?

An Ecclesia possit prohibere gradum in verbo Dei non prohibitos?

An Leges Levit. 18. sint perpetuæ?

An Papa Romanus possit dis-

Deo

*pensare in
gradibus a
Deo prohi-
bitus?*

d 2. Theff.

2.4.

*An Cogna-
tio Spiritu-
alis impe-
diat Ma-
trimonium?*

*Qua ratio
supputandi
gradus sit
exaltior,
iuris Civi-
lis, an Ca-
nonici?*

*Quomodo
Matrimo-
nium con-
trahatur?*

Deo prohibitis, excepto primo, manifestissimè ostendit, se esse verum illum Antichristum, qui se effert supra Deum. Cognatio verò omnis, quæ Matrimonium impedit, carnalis est, nulla autem spiritualis. Hæc enim si conjugium impediret, nulla possent inter Christianos conjugia contrahi, cum ad omnes Christianos se extendat, qui fratres & sorores Spirituales inter se omnes sunt in Christo. Quod ergo Pontificij nugantur inter Baptizatos, commentitioque Confirmationis Sacramento initiatos, & eorum *anathemæ* seu Susceptores intercedere peculiarem aliquam cognitionem Spiritualem, quæ impediatur, ut ipsi aut eorum liberi Matrimonio inter se conjungi non possint, figmentum est, Scripturæ & priscæ Ecclesiæ incognitum, atque ab omni ratione alienum. Ratio supputandi gradus Consanguinitatis & Affinitatis, quæ vltata est in jure civili, in quo quot sunt generationes tot supputantur gradus, multò exactior, & naturæ ac Scripturæ convenientior est supputatione illâ, quæ sit in jure Canonico.

IV.

Forma contractus Matrimonialis consistit in mutuâ stipulatione partium contrahentium, ex utriusque libero consensu citra errorem factâ, & verbis fidei conjugalitatis promissionem disertè continentibus vtrinque expressâ. Consensus hic mutuus partium contrahentium est præcipua Matrimonij causa, atque ita ad legitimum Matrimonium necessaria, ut sine eo nullum Matrimonium sit ratum, ac proinde sponsalia nomine impuberum à parentibus contracta, non sunt

ta, antequam accedat mutuis hic partium consensus, cum jam ad annos pubertatis pervenerint. Consensus hic etiam liber & voluntarius esse debet, non vi, aut metu, aut minis, aut auctoritate, ne parentum quidem, extortus. Ut autem parentes liberos sine ipsorum consensu ad Matrimonium non possunt cogere: ita etiam liberi sine parentum consensu non tantum non debent, sed nec possunt conjugia contrahere. Liberi enim parentibus sunt subjecti, neque potestatem habent seipsos in Matrimonium collocandi, sed parentum est liberos suos elocare. Quare parentum consensus in liberorum nuptiis non tantum de honestate, sed etiam de necessitate requiritur. Matrimonium legitime contractum ut solemniter in *agazla* & inaugurali benedictione coram Ecclesia publice confirmetur, decorum, utile, & pietati Christianæ conveniens existimamus, sed hanc benedictionem proprie ad Matrimonij substantiam pertinere non arbitramur. Ritus autem in hac benedictione usurpanda sunt, qui à superstitione quam maxime alieni sunt, atque ad ædificationem quam maxime idonei: quales sunt institutiones atque admonitiones de sine & usu conjugii, deque conjugum officiis mutuis: & preces ad Deum pro felici conjugii successu, quæ omnes ut linguâ conjugatis atque Ecclesiæ cognitæ fiant, omnino requirit ædificatio. Quare Benedictio, quæ in Papatu fit linguâ incognitâ merito ut ridicula & superstitiosa est improbanda, præsertim cum adiunctos habeat multos ritus superstitiosos, & non levem Ccenæ Dominicæ profanationem.

An parentum consensus in liberorum nuptiis necessarius requiratur?

et sacerdotis administratione. Benedictio Matrimonij an pertineat ad substantiam Matrimonij?

An debeat fieri linguâ cognita?

V.

*An alia sit
Divortij
causa præ-
ter Adulter-
rium?*

*Est indissolu-
bile.*

g. Mat. 5.

32.

h. Mat. 5.

32.

*An Dispa-
ritas in Re-
ligione, In-
fidelitas,
aut Hære-
sis?*

i. 1. Cor. 7.

15.

*An votum
Monacha-
tum?*

*FaHo di-
vortio an*

Conjugij legitimè contracti & consummati
vinculum tam arctum est, atque *ἁγίασμα*, ut,
quamdiu uterque conjux in vivis est, ne quidem
per mutuum consensum, dissolvi nunquam possit,
ἡ ἁγίας λόγος πρὸς τὴν ἁγίαν. Unica enim & sola Di-
vortij causa legitima est Adulterium, quod dire-
ctè pugnat cum naturâ Matrimonii, vtpote quo
non tantum mutua fides violetur, sed & indivi-
dua conjugum societas solvatur. Si quis *h* vxor-
em suam dimiserit extra rationem lectionis,
facit ut ea mœchetur, atque ipse etiam si aliam
duxerit, mœchatur. Huic affinis est malitiosa
desertio, quæ etiam pro adulterio censetur. Ob
Religionis autem disparitatem, vel ob alterius
conjugis infidelitatem, aut hæresin, conjugium
dirimi non potest, ne quidem quoad thorum:
etiam ne tunc quidem, si fortè coniunx hæreti-
cus conjugem ad hæresin suam sollicitet, quam-
diu conjux infidelis aut hæreticus assentitur ut
cohabitaret. Quod si verò infidelis cohabitare
nolit, in hujusmodi casu frater aut soror *τὸ ἁγίον*.
ἀποσταί. Nec potest conjugium semel legitimè
contractum, & ratum, etiam nondum consumma-
tum, solvi per votum continentiae, seu Monacha-
tus, vel ab alterâ, vel ab utrâque parte præstitum,
ne quidem ex mutuo utriusque partis consensu.
Quod enim Deus semel legitimè conjunxit,
nulli homines, ne ipsi quidem contrahentes, se-
parare possunt.

VI.

Quando conjugium propter Adulterium legi-
timè dissolvitur, non tantum fit separatio mentis

&

& thori, sed ipsum etiam conjugij vinculum plane est dissolutum. Quare parti innocenti, si cum eâ reconciliatio non potest institui, ad quam nemo cogi potest, ad alias nuptias licet transire. Non debet enim pars innocens puniri propter alterius delictum, sed si continere non potest, habet præceptum Apostolicum, ut Matrimonium contrahat. Nam cum *l* melius est Matrimonium contrahere, quàm vri: & ad vitandam fornicationem, suam quisque uxorem, & suum quæque virum habebit. Ceterum hæc quæstio locum non haberet, si Magistratus officio suo rectè fungeretur, & partem nocentem pœnâ in verbo Dei præscriptâ, quæ capitalis est, afficeret. Contraversiæ & causæ Matrimoniales, quæ super Matrimonij contractum, impedimentis, divortijs, alijsq; ejusmodi rebus incidunt, præsertim quæ facti sunt, à Magistratu politico rectè judicantur, modò Leges civiles, secundum quas judicium illud instituitur. Legibus divinis sint conformes. Quid autem in talibus causis juris sit divini, Ministrorum Ecclesiæ est ex verbo Dei Magistratum docere, si forte in legibus Matrimonialibus à Magistratu sanctis, secundum quas judicat, quid desideretur verbo divino minus consentaneum. Causæ autem Conscientiæ pertinent ad forum Ecclesiasticum, in quo indecens est litigiosos processus institui, & illicitum potestatem coactivam exercere. Matrimonia denique contrahi, & celebrari, & benedici possunt quovis anni tempore, nisi fortè cum in calamitatibus publicis, aut luctu privato supplicationes & jejunia instituantur. Nec enim putandum est dies illos esse in se tam sanctos, qui Matrimonij celebratione polluantur.

*dissolvatur
vinculum?*

*An parti
innocenti
liceat transire
ad alias
nuptias?*

*l 1. Cor. 7.
9.*

*An Causæ
Matrimoniales ju-
dicari de-
beant à
Magistra-
tu?*

*An Matri-
monia om-
ni anni
tempore
celebrari
possint?*

*m. aequalis
honor, vel
respectus,*

cum Matrimonium non sit res impura, sed honorabilis, & sancta, quæ hominem etiam in statu innocentiae non contaminabat: & dierum ætatorum in Novo Testamento per se sit *m. iustitia*. Quare quod Pontificij vetant Matrimonia certis anni temporibus celebrari & benedici, superstitio est neutiquam probanda, & jugum Antichristianum.

DE HOMINE, ET EIVS TRIPLICI STATU INNOCENTIAE, MISERIAE, ET GRATIAE.

DISPVT. LV.

*De Statu Hominis ante Lapsum,
ET
De Paradiso.*

THESIS I.

*a opus.
Quid sit
iustitia originalis?
b Gē. 1. 27.*

PREstantissimum Dei *a opus* est Homo, quem DEVS in principio *b* condidit ad imaginem seu similitudinem suam, in verâ

Dei

Dei agnitione, sapientiâ, iustitiâ, & sanctitate: quæ dona vocantur *Iustitia originalis*, quia in ipsa sui origine eam per creationem accepit. Hæc Iustitia originalis ad imaginem Dei se habet, ut pars ad totum. Imago enim Dei præter veram in mente sapientiam, in voluntate conformitatem cum voluntate Dei & iustitiâ, in corde affectionum & appetitionum omnium cum recta ratione harmoniam & sanctitatem, quæ tantum nomine iustitiæ originalis exprimentur, complectitur etiam spirituales, intelligentem, volentem, & immortalem hominis naturam, secundum animam, & imperium ejus in omnes creaturas. Dona hæc iustitiæ originalis possunt quidem supernaturalia appellari, si respicias naturam nunc corruptam, ex qua non apta sunt fluere. Homines enim corrupti à naturâ hæc dona nunc non habent. Aut si physicè consideres essentialia humanæ naturæ principia, animam scilicet, potentias, & corpus. Ex illis enim hæc dona etiam physicè non fluunt, & potuisset Deus, si ita visum ei fuisset, hominis naturam etsi integram, condidisse, tamen dotibus illis tam excellentibus non ornata. Sed quia Theologi naturam hominis considerant non physicè tantum, sed vestitam aut nativis integritatis donis ex creatione ante peccatum, ut integram, vel cum nativis defectibus corruptionis ex lapsu post peccatum, ut corruptam, malè hæc dona Supernaturalia vocantur respectu principiorum & donorum naturæ integræ, quia non fuerunt supra aut præter principia & doctes naturæ integræ, sed ex iis immediate fluxerunt. Et quemadmodum rectè dicitur aliquid homini corrupto naturale, quod fuit ex

An sit donum naturale, an supernaturale?

principiis & defectibus naturæ corruptæ vel quod homini inest ab ipsa nativitate, ita etiam rectè dona hæc possunt appellari Naturalia homini integro, quia ex nativis dotibus hominis integri fluxerunt, & quia homini integro ab ipsa creatione, quæ illi nativitas fuit, adfuerunt. & naturæ constitutæ ex creatione per se adiacebant.

II.

An in naturâ integrâ fuerit propensio ad malum?

Atque hinc consequitur quæ Adamo Naturalia fuerunt in statu integro, ea nobis non esse naturalia in statu corrupto. Ac proinde rebellionem carnis adversus spiritum, seu propensionem ad malum, & pronitatem ad voluptates carnales, quæ in naturâ corruptâ conspicitur, non fuisse in naturâ integrâ ante lapsum, in quâ homo ordinatè absque vlla rebellionem ad bonum ferebatur. Si enim hæc rebellio ante lapsum à naturâ, ut à Deo creata est, in homine fuit, ita ut opus habuerit fræno aliquo doni supernaturalis, quo illa coerceretur, manifestè patet Deum naturæ autorem hujus vitiositatis quoque autorem constitui.

III.

An homo integer sine specialis Dei gratiâ in bono potuerit perseverare?

Homo ad imaginem Dei in justitia originali conditus sufficientem quidem gratiam in creatione acceperat, quâ bonum operari, & peccata vitare poterat, ita ut in hoc statu præditus fuerit arbitrio libero, quo tam bonum quam malum eligere, ac proinde in bono perseverare, si vellet, poterat. Sed, ut experientia maximo cum malo nostro docuit, quemadmodum non habuit ut peccare nunquam vellet, ita constanter bonum velle

sine speciali Dei gratiâ, præsertim in gravioribus tentationibus, etiam non potuit. Erat quidem in ipso facultatum omnium, sine rebellionem, insignis harmonia, sed quia illa à voluntate turbari poterat, opus habebat speciali Dei gratiâ hanc harmoniam & bonam voluntatem conservante, dirigente, & confirmante, quam si semper habuisset, nunquam fuisset lapsus. Cum itaque sana ratio dicet aliquem coindigere sine quo, si non habet, bonum assequi non potest, sequitur rectè dici hominem in statu integritatis opus habuisse speciali Dei auxilio & gratiâ, ut in bono perseveraret, ac proinde etiam sine eâ in bono non potuisse omninò perseverare.

IV.

Nec Deus tantum animam hominis in primâ creatione iustitiâ hac originali atque immortalitate exornaverat, sed homini etiam tale corpus adoptavit, quod licet in se compositum sit ex diversis elementis & humoribus, ac proinde corruptioni obnoxium esse possit, præditum tamen erat optima humorum & spirituum harmonia, in qua vi animæ originaliter perfectæ & immortalis, ab omni morborum intemperie, atque ab ipsa morte corporali perpetuò erat immune conservandum, nisi intervenisset peccatum, cuius est stipendium mors est, quæ non per naturam, sed per peccatum introiit in mundum. Corpus itaque hominis ante lapsum, etsi non habuit absolutam moriendi impotentiam, qualis est animarum, & erit glorificatorum corporum: sic enim mori, etiam post peccatum, nunquam potuisset, habuit tamen potentiam non moriendi, quæ, conditione

An et quatenus corpus hominis ante lapsum fuerit mortale?

*c Rom. 6.
23.*

*An potentia
mō moriendi
fuerit homini
naturalis,
an super-
naturalis?*

Peccati non existente, à corpore separari non poterat. Nulla enim erat causa, ne interna, vt morbus aut senium, neque externa, vt vis aut fames, quæ ante peccatum homini mortem inferre potuisset: ita vt non nisi per peccatum in hanc moriendi necessitatem inciderit. Atque hæc potentia non moriendi cum etiam sit pars imaginis Dei, rectè dicitur ei fuisse naturalis in natura integra, quia non tantum naturæ ejus integræ erat consentanea, eamque perficiebat, atque ornabat, sed etiam quia ex principijs naturæ integræ fluit, cui mortalitas planè est contraria, cum anima purissima vitam perennem in corpus sibi vnitum transpiret. Quate Pontificij cum docent mortalitatem homini in natura integra fuisse naturalem, immortalitatem autem vt donum supernaturale & accidentarium accessisse, statuunt mortem non peccati effectum, pœnam, aut stipendium, sed naturæ integræ sequelam, neque ex peccato, sed ex natura provenire: atque ita ad Pelagiorum errorem manifestè prolabuntur.

V.

*An sciri
possit ubi-
nam olim
fuerit Pa-
radisus?*

Locus in quo Homo primitus conditus & collocatus fuit, vocatur Hortus Hedenis, seu Paradisus, qui non fuit locus aliquis allegoricus, sed verus, corporalis, & terrenus, in orbe habitabilis. Locus hic ubinam fuerit situs, quia Moses accuratè describit, ex illa descriptione sciri haud difficulter potest, nisi velimus Mosen vel imperitiæ vel affectatæ obscuritatis accusare. Nam cum Moses disertè scribat hortum hunc fuisse in regione Heden, quæ Palestinæ & Arabiæ fuit orientalis: & fluvium procedere ex Hedene

ad irrigandum hunc hortum: & inde sese dividere, ferrique in quatuor capita, quorum primi nomen est Pifchon, secundi Gichon, tertij Chiddekel, qui labitur ad Orientem, Affyriam versus, & quarti Perath; & cum extra omnem controversiam habeatur fluvium Chiddekel esse Tigrim, & Perath Euphratem, non potest esse dubium, quin Paradifus hic olim extiterit in Mefopotamiâ circa Babyloniam, ubi fluvij isti reperiuntur: præsertim cum testibus historicis & experientia, etiam hodiè post peccatum & diluvium, partes istæ præ cunctis orbis regionibus reperiuntur amœnissimæ. Hortus hic in terris hodiè amplius non extat, & nequaquam ambigendum est, quin fuerit olim aquis diluvij, quæ totum terrarum orbem sub cœlo, etiam altissimos montes quindecim cubitis sursum versus, regebant, simul coopertus, vastatus, & destructus. Quare inanes sunt fabulæ, quas Pontificij comminiscuntur de translatione Enochi & Eliæ cum corporibus in terrestrem hunc Paradisum, adhuc alicubi existentem: unde sint redituri ad certamen cum Antichristo, ab eodem trucidandi. Translati quidem sunt illi viventes in corporibus, non verò in terrestrenis, sed cœlestem Paradisum, sedem maximè illis congruentem: neque ad tale certamen unquam erunt redituri. Christus enim disertè testatur prædictionem de adventu Eliæ illo tempore in Ioanne Baptista fuisse adimpletam.

VI.

In hoc horto duæ fuerunt memorabiles præcæteris Arbores, à Deo ut essent rerum spiritu-

An paradifus adhuc sit superflus?

d Gen. 2.
Vnde Ar-
bor scien-
tia boni &
mali fue-
rit appella-
ta?

An Arbor
Vita habu-
erit virtu-
tem in se
hominem
à morte
conservan-
di?

e potestas.
f Apoc. 2.
7.

alium symbola, constitutæ, quarum una vocabatur d Arbor Scientiæ boni & mali, altera Arbor Vitæ: Prima arbor fuit *Scientia boni & mali* appellata, non à formâ, quod ipsa rationalis sciret bonum & malum, nec ab effectu per se, quod in hominibus scientiam boni & mali posset efficere, sed ab eventu, quem Deus hoc arboris erymo præsignificavit, futurum scilicet, ut homo contra interdictum ex eâ comedens suo malo disceret & experiretur, quantum bonum amisisset, & quantum malum sibi conciliasset. Secunda arbor vocata fuit *Vita*, non quod semel gustata vim in se habuerit homini perfectam immortalitatem conferendi, aut temperamentum humidi radicalis & calidi nativi æquabile conservando senium arcendi, & vitam hominis in infinitum tempus prorogandi: non potest enim potentia finitæ infinita ascribi efficacia: sed ita fuit appellata à Sacramentali & mysticâ significatione, quod Adamo & Evæ esset Sacramentum, arthabo, & synabolum, acceptæ & continuandæ immortalitatis, ut eam sibi securè promitterent, quamdiu obedientiam legi præstantes ederent ex illius fructu. Qui enim Dei præcepta præstant, illis *est vita* est in lignum vitæ, f vt edant ex arbore illâ vitæ, quæ est in medio Paradisi Dei.

D E

DE STATV PEC-
CATI ET MISERIE.

DISPVAT. LVI.

De Peccato.

E T

Ejus Causâ.

T H E S I S I.

EX beatissimo hoc integritatis statu homo in extremam incidit miseriam per Peccatum, de cujus naturâ, & causâ per quam producit, prius in genere dispiciendum venit. Peccatum ut brevissimè, ita optimè atque exactissimè definitur ab Apostolo Iohanne, cum dicit: *et iniquitas est iniquitas. Iniquitas* hic significat non quodlibet naturæ aut artis erratum, sed morale tantum, quod non incommodè etiam Vitium Latine appellari posset, cum ex usu linguæ Latinæ Vitium tam actus quam habitus vitiosos significet; sed rectius & vsitatus à Theologis Peccatum dicitur. *Ampla* non benè transferretur Transgressio Legis, quæ soli peccato actuali competit, sed rectius Iniquitas, aut Defectio à Lege, vel quicquid pugnat cum Lege Dei, sive

*Quid sit
Peccatum?*

a 1. Joh.

3.4.

sit.

fit vitiosus habitus, sive actio vitiosa facta, dicta, aut concupita adversus Legem. Definitio autem Augustini, quam Pontificij magis probant & sequuntur, cum definit *peccatum esse factum, vel dictum, vel concupitum aliquid contra legem eternam*: non est proba, quia non est plena, sed Definito suo angustior: cum peccata omissionis & ignorantie, & defectus vitiosos non includat, quæ tamen inter peccata censeri debent.

II.

*An vitiosi
habitus et-
iam sint
peccata?*

*An omne
peccatū sit
necessariò
volunta-
rium?*

Formale peccati est defectus ejus integritatis quæ in Lege Dei præscribitur: qui cum non tantum in actionibus hominum, sed etiam in habitibus reperiantur, sequitur non tantum actiones à Lege Dei discrepantes, sed etiam vitiosos habitus peccata esse. Alioquin enim peccatum originis, concupiscentia, omissiones boni, inclinationes inordinatæ, ignorantia & dubitatio de Deo in mente, dilectionis Dei & proximi, & ardentis studij Deo secundum omnia ejus præcepta obtemperandi in corde privatio, non essent peccata, quæ tamen omnia Lege Dei damnantur, in quâ bona his defectibus opposita in nobis expressè requiruntur. Unde peccatum aliud habituale, aliud actuale rectè appellatur. Neque ad formam peccati necessariò requiritur ut sit voluntarium, cum ut nec justitiæ, ita nec peccati regula sit voluntas hominis, sed tantum Lex Dei, à qua quicquid aberrat peccatum est, sive sit voluntarium, sive involuntarium: etsi fateamur voluntario peccati gravitatem augeri. Nam alioquin peccatum originis, & peccata ignorantie & infirmitatis non essent peccata, quia

non

non sunt voluntaria. Nec in ratione peccati omne necessarium semper pugnat cum voluntario, sed tantum illud quod est absolute necessarium, & coactum ac violentum. Impij enim seu irrogeniti, ex hypothesi corruptionis humanæ, necessario peccant, quia nihil aliud possunt facere quam peccare, & tamen sponte & volentes peccant.

III.

Peccata pro subjectorum, quæ peccant, vel in quibus peccatum inest, pro objectorum, in quæ peccatur, pro Legis præceptorum, pro originis & graduum varietate, multipliciter possunt dividi in peccata originalia & actualia, animæ & corporis: contra Deum immediate, aut contra proximum: omissionis & commissionis: graviora & leviora: sed nullo modo probanda est aut admittenda in sensu Pontificio distinctio peccatorum in *Venialia* & *Mortalia*: cum per *Venialia* intelligunt peccata, quæ à Deo per se & sua natura non avertunt, sed ita levia sunt ut non mortem sed veniam apud Deum mereantur, neque opus habeant, ut per sanguinem Christi mudentur, sed quæ aut per poenitentiam, aut per ignem Purgatorium facile expientur. Scriptura enim expresse testatur peccati cujuscunque stipendium esse *b* mortem: maledictioni obnoxium esse *c* qui non permanserit in omnibus quæ scripta sunt in libro Legis: animam *d* quæ peccaverit, morituram: qui in vno offenderit, reum esse omnium: qui solverit solum de minimis istis mandatis, minimum vocandum in regno cælorum: homines etiam de quocunque otioso verbo, quod locuti fuerint, redituros rationem

*Quotupli-
cia sint
peccata?*

*An peccata
recte pos-
sint dividi
in Venialia
& Mor-
talia?*

b Rom. 6.

23.

c Gal. 3.

10.

d Ezek.

18.4.

e Luc. 2.10

f Mat. 5.

19.

g Mat. 12.

26.